

SSN 0132-5981

საქართველოს
საბჭოთავო სისტემა

საბჭოთავო საბუნებისმეტყველო



178 / 3
1987 / 3

1987

6

მთავარი რედაქტორი
ლერი თალაკვაძე

სარედაქციო კოლეგია:

ლევან ალექსიძე
ანზო არსენაშვილი
(მეცნიერ-რედაქტორი)

გელა ბერძენიშვილი
(პასუხისმგებელი მდივანი)

ანზორ გაბიანი
უმთა ვორგოძე
აკაკი კარანაძე
დურმიუხან ლორია
ვახტანგ რაჟაძე
გრიგოლ როინიშვილი
თეგაზ შავვალიძე
ვიქტორ შარაშენიძე
ირაკლი ჩიქოვანი
სერგო ჯორჯენაძე

Главный редактор
Талаквдзе Л. Г.

Редакционная коллегия:

Алексидзе Л. А.
Арсенашвили А. Г.
(научный редактор)

Бердзенишвили Г. Д.
(ответственный секретарь)

Габиани А. А.
Горгодзе Ш. В.
Джорбенадзе С. М.
Карანадзе А. Г.
Лория Д. А.
Размадзе В. А.
Роинишвили Г. В.
Чиковани И. П.
Шавгулидзе Т. Г.
Шарашенидзе В. А.



საგჟოთა სამართალი

№ 6

ნომერი
დეკემბერი
1987 წელი

შურნალი გამოდის 1926 წლის 1 მარტიდან

საქართველოს სსრ იუსტიციის სამინისტროს, საქართველოს სსრ შინაგან საქმეთა სამინისტროს, პროკურატურისა და უმაღლესი სასამართლოს მეცნიერულ-პრაქტიკული შურნალი

შ ი ნ ა ა რ ს ი

95881

| | |
|---|----|
| მარად ცოცხალი ოქტომბერი | 3 |
| სპაპ XXVII შრილობის გადაწყვეტილებანი — ცნობვებაში! | |
| ა. ლუკიანოვი — გარდაქმნა, დემოკრატია და კანონიერება განუყოფელია | 5 |
| საგჟოთა მილიცია 70 წლისა! | |
| ვ. შადური — ყოველთვის მზადყოფნაში | 14 |
| საქართველოს სსრ უმაღლესი საბჭოს პრეზიდიუმში | 20 |
| საქართველოს სსრ პროკურატურის კოლეგიაზე | 21 |
| პირველი ნაბიჯები მეცნიერებაში | |
| რ. ლიბრაძე — სამართლიანობისა და სამართლის ურთიერთმიმართების მარქსისტული გადაწყვეტისათვის | 22 |
| სასამართლო პრაქტიკის განვითარება | |
| გ. დედარიანი — საცხოვრებელ სახლზე საკუთრების უფლების ზოგიერთი საკითხი | 26 |
| კანონის კომენტარი | |
| ა. ფალიაშვილი — სამედიცინო ხასიათის იძულებითი ღონისძიების გამოყენება სისხლის სამართლის პროცესში | 32 |
| რ. რთველიაშვილი — მიწის კანონმდებლობის დაცვა სახელმწიფოებრივი მნიშვნელობის საქმეა | 38 |
| ღისპუსია | |
| ნ. ნებიერიძე — ფიქრები იურიდიულ სამსახურზე | 44 |
| ჩვენი პროფესიის მოწინავენი | |
| გ. ბერძენიშვილი — ანგარიშს აბარებს გამოძიებელი | 48 |
| შ. ვანიშვილი — დაბალი ინსტანციის სასამართლოს რეორგანიზაცია საქართველოში XIX-XX სს. მიჯნაზე. | 52 |
| ა. არსენაშვილი — დავვიანებული სამართალი | 57 |
| კრიტიკა და ბიბლიოგრაფია | |
| ს. ალექსევი — დიდი მეცნიერის ნაშრომი | 59 |
| ა. მიხაილოვი, ა. ლევი — სასარგებლო წიგნი | 61 |
| ზ. მესენგისერი — სიმართლე ამერიკის იმპერიალიზმზე | 62 |
| ე. ყოფიანი, თ. შავგულიძე — „ქმნა მართლისა სამართლისა...“ | 63 |
| ინფორმაცია | 70 |
| პრინციპალისტების ისტორიიდან | |
| ცნობილი სისხლის სამართლის საქმეები | 75 |
| ნეკროლოგი | 80 |

საქართველოს
სსრ იუსტიციის
სამინისტროს
ბიბლიოთეკა

СОДЕРЖАНИЕ

| | |
|--|----|
| Вечно живой Октябрь | 3 |
| <u>Решения XXVII съезда — в жизнь</u> | |
| А. Лукьянов — Перестройка, демократия и законность нераздельны Советской милиции — 70 лет | 5 |
| В. Шадури — Всегда начеку | 14 |
| В Президиуме Верховного Совета Грузинской ССР | 20 |
| На коллегии Прокуратуры Грузинской ССР | 21 |
| <u>Первые шаги в науке</u> | |
| Р. Гибрадзе — Марксистское решение вопроса о соотношении справедливости и права | 22 |
| <u>Обобщение судебной практики</u> | |
| Г. Девдариани — Некоторые вопросы собственности на жилой дом | 26 |
| <u>Комментарий закона</u> | |
| А. Палиашвили — Применение мер принуждения медицинского характера в уголовном процессе | 32 |
| Р. Ртвелишвили — Соблюдение земельного законодательства — дело государственной важности | 38 |
| <u>Дискуссия</u> | |
| Н. Небиеридзе — Мысли о юридической службе | 44 |
| <u>Передовики нашей профессии</u> | |
| Г. Бердзенишвили — Отчитывается следователь | 48 |
| Ш. Ванишвили — Реорганизация судов низшей инстанции в Грузии на стыке XIX—XX вв. | 52 |
| А. Арсенашвили — Запоздалое правосудие | 57 |
| <u>Критика и библиография</u> | |
| С. Алексеев — Труд большого ученого | 59 |
| А. Михайлов, А. Лев — Полезная книга | 61 |
| З. Месенгисери — Правда об американском империализме | 62 |
| Э. Кипиани, Т. Шавгулидзе — Право для всех | 63 |
| Информация | 70 |
| <u>Из истории криминалистики</u> | |
| Известные уголовные дела | 75 |
| Некролог | 80 |



© „საბჭოთა სამართალი“, 1987 წ.

ადრეაქციის მისამართი. 380110, თბილისი, პლენენოვის პრ. 108, ტ. 95-88-49, 95-58-87.

გადაეცა წარმოებას 17.11.87 წ., ხელმოწერილია დასაბეჭდად 14.12.87 წ.,
ფორმატი 70×1081/16, ფიზიკური ნაბეჭდი ფურცელი 5, პირობითი ნაბეჭდი
ფურცელი 7. საადრეცხვო-საგამომცემლო თაბახი 6,5.

შეკვ. 2688

ტირაჟი 35 400

შე 04900

მარად მონხლო ოქტომბერი

ღიდი ოქტომბრის სოციალისტური რევოლუცია, რომელმაც საფუძველი ჩაუყარა კაცობრიობის ქემზარითად ახლო ისტორიას, სამოცდაათი წლისაა. მართალია, ეს დრო მცირეა მსოფლიო ცივილიზაციისათვის, მაგრამ ამ პერიოდშიც ნათლად გამოჩნდა გამარჯვებათა ის დიდი მასშტაბები, რაც დაუვიწყარმა 1917 წელმა მოგვითანა.

ოქტომბრის რევოლუცია ხალხის რევოლუცია იყო. იგი უპირველესად მშრომელი ადამიანების ინტერესებს იცავდა, რადგან მთელი თავისი არსით მხოლოდ ხალხს ეკუთვნოდა და მსოფლიოს ჩაგრულთა ბედზე ზრუნვის ყველაზე თვალსაჩინო მაგალითს წარმოადგენდა. დიან, სწორედ არჩეულმა გზამ, სამართლიანმა ბრძოლამ, წარმოუდგენელმა თავგანწირვამ, ერთუზიანმა და რევოლუციური იდეალებისადმი ერთგულებამ ააშენა მანამდე არნახული, მსოფლიოში პირველი სოციალისტური სახელმწიფო, რომელიც აგერ უკვე შვიდი ათეული წელია არსებობს, ძლიერდება, მხრებს შლის და იმარჯვებს.

ოქტომბრის ძლევა მოხილმა რევოლუციამ იმიტომ გაიმარჯვა, რომ ვ. ი. ლენინმა მძლავრ ძალად გაერთიანა მილიონობით ადამიანის საუკუნეობრივი ინტერესი და იმედები, მუშების, გლეხების, ჯარისკაცებისა და მატროსების უზრეტი სწრაფვა თავისუფლებისადმი. რევოლუციის პერიოდში ძალუმად გამოვლინდა პროლეტარიატის დიდი ბელადის პოლიტიკური ხელოვნება, მისი რევოლუციური აზროვნება და ზუსტი მოქმედების, საკითხების სწრაფი გადაწყვეტის, შექმნილი სიტუაციის მართებული ორიენტირების, ხალხის დარაზმვისა და სამკვდრო-სახიცოცხლო ბრძოლაში მათი გაყოლების უნარი.

ოქტომბრის რევოლუციამ გაიმარჯვა, მაგრამ საჭირო იყო ამ მონაპოვარის დაცვა-შენარჩუნება და ისტორიამაც მკაცრი გამოცდა მოუწყო ახალგაზრდა საბჭოთა ხელისუფლებას. როდესაც პრაქტიკულად დადგა სოციალიზმის ყოფნა-არყოფნის საკითხი, კვლავ იმარჯვა ვ. ი. ლენინის აზროვნებამ და გენიამ. ბელადმა მტკიცედ შეაკავშირა პარტიის რიგები და ხალხი ერთსულღვნად დარაზმა სოციალისტური სამშობლოს დასაცავად, იმის დასაცავად, რაც ბარცადებზე დაღვრილი სისხლის ფასად იყო მოპოვებულ.

საბჭოთა ადამიანების, ლენინური პოლიტიკის კიდევ ერთი გამოცდა იყო დიდი სამამულო ომი. ფაშიზმთან გამართულ სამკვდრო-სახიცოცხლო შეტაკებაში ჩვენმა ქვეყანამ მანამდე არნახული გმირობის მაგალითები გვიჩვენა და საბოლოოდ გაფანტა მითი იმის შესახებ, რომ ოქტომბრის რევოლუციით შობილი წყობილება ვერ გაუძლებდა გერმანელთა შემოტევას. მტერი საკუთარ ბუნაგში გავანადგურეთ და ამით არა მარტო სამხედრო გამარჯვებას მივაღწიეთ, არამედ დავამტკიცეთ, რომ სოციალიზმი და ოქტომბერი განუყოფელია, მსოფლიოში არ მოიძებნება ძალა, რომელიც ამ ერთიანობას დაარღვევს.

ღიდი სამამულო ომი საბჭოთა კავშირის გამარჯვებით დამთავრდა, მაგრამ სოციალიზმის მტრები ისტობარს მაინც არ იტებდნენ. ისინი ჭიუტად ამტკიცებდნენ, რომ დანგრეული, ეკონომიკურად განადგურებული ქვეყანა ვერ აღდგებოდა, ხალხი ვერ მოითმენდა ამდენ გაჭირვებას და დაემხოზოდა სოციალისტური წყობილება. მაგრამ ამაო იყო მათი იმედი. ლენინური პარტიის ერთგული საბჭოთა ადამიანები კიდევ უფრო მჭიდროდ შეაკავშირდნენ და მათი თავდადებული შრომის შედეგად ნაცარტუტად ქცეულ სოფლებსა და ქალაქებში სულ მოკლე დროში აშენდა ახალი შეიქმნა ახალი ფაბრიკა-ქარხნები, საცხოვრებელი სახლები, კოლმეურნეობები, საბჭოთა მეურნეობები. ეს გამარჯვებები განაპირობა სოციალისტური წყობილების უპირატესობამ. პარტიისა და ხალხის ერთიანობამ, ოქტომბრის მონაპოვრის ერთგულებამ.

ომის შემდგომმა პერიოდმა კიდევ უფრო თვალსაჩინო გახალა ლენინის მიერ შექმნილი სახელმწიფოს უძლეველობა, კომუნისტური პარტიის სიმტკიცე, სოციალისტური წყობილების უპირატესობა. ჩვენს ქვეყნის ღღევანდელი მიღწევები მეცნიერებაში, პოლიტიკაში, საერთაშორისო ურთიერთობასა თუ საშინაო ცხოვრებაში იმის უტყუარი დასტურია, რომ პარტია ნაცადი და მართალი გზით მიდის, უამრავ სიძნელეთა მიუხედავად წარმატებით აშენებს ახალ ცხოვრებას, თანმიმდევრულად იღვწის სახალხო მეურნეობის განვითარებისა და საბჭოთა ადამიანების ცხოვრების დონის ამაღლებისათვის.

ყველაფერი ეს კი 1917 წლის ოქტომბრის რევოლუციამ მოგვითანა, რომელმაც ვ. ი.

ლენინის უკვდავი იდეებით შეიარაღა მსოფლიოს პირველი სოციალისტური სახელმწიფო. სამოცდაათი წელი გავიდა მას შემდეგ, უამრავ გამარჯვებათა სამოცდაათი წელი. ლენინური პარტიის ცხოველმყოფელობამ ამ ხნის მანძილზე თითქმის მთელი მსოფლიო მოიცვა, რევოლუციურმა აზროვნებამ სხვა კონტინენტებსა და სახელმწიფოებსაც მიაღწია. დიას, რუსეთის რევოლუცია მსოფლიო რევოლუციად იქცა და იგი დღესაც გრძელდება, შიშის ზარს სცემს იმპერიალიზმსა და კაპიტალიზმს.

დიდი ოქტომბრის საყოველთაო მნიშვნელობაზე კარგად მეთქველდები ის, რომ მისი იუბილე, დაბადების სამოცდაათი წელი, საბჭოთა ხალხთან ერთად ზეიმით აღნიშნეს მსოფლიოს პროგრესულად მოაზროვნე ადამიანებმა. მოსკოვში, კრემლის ყრილობათა სასახლეში გამართულ საზეიმო სხდომაზე, სადაც მოწვეული იყვნენ სტუმრები დედამიწის თითქმის ყველა კუთხიდან, ვრცელი და საინტერესო მოხსენებით გამოვიდა სკკპ ცენტრალური კომიტეტის გენერალური მდივანი მ. ს. გორბაჩოვი.

თავის მოხსენებაში მ. ს. გორბაჩოვმა იუბილეს საიამყის, ხსოვნის, განსჯის მომენტი უწოდა და აქვე დასძინა — იუბილე მომავლის ჭვრეტაც არისო. ჭეშმარიტად ბრძნული სიტყვებია. ჩვენი ქვეყნის ისტორიის სამოცდაათი წლის გადმოსახედიდან, მართლაც, ბევრი რამის დანახვა შეიძლება. აქ არის გრანდიოზული წარმატებები, უმაგალითო მიღწევები და გამარჯვებები, მგრამ გვქონდა იმედის გაცრუებაც, ზოგჯერ შეცდომებიც და გულგატეხილობაც. თუმცა, ჩვენი ცხოვრების ძირითადი მაგისტრალი მაინც ყოველთვის სწორი იყო, რადგან იგი უკვდავ მოძღვრებას, ლენინურ მოძღვრებას ეყრდნობოდა მხოლოდ. ამ მიმართულებიდან საბჭოთა კავშირის კომუნისტურ პარტიას არასოდეს გადაუხვევია და არც არასოდეს გადაუხვევს.

როცა მომავალს ვჭვრეტთ, გრანდიოზულ ამოცანებსაც ვისახავთ. ამის შესახებ ვრცელად იყო სუბარი მოხსენებაში, სადაც ანალიზი გაუკეთდა თანამედროვეობას, იმ რთულ ამოცანებს, რომლებიც საბჭოთა ადამიანების წინაშე დგას დიდი გარდატეხის ეპოქაში. გარდაქმნის სულისკვეთება, რომელიც სკკპ ცენტრალური კომიტეტის 1985 წლის აპრილის პლენუმიდან და სკკპ 27-ე ყრილობის გადაწყვეტილებებიდან გამომდინარეობს, გულისხმობს ქვეყნის სოციალურ-ეკონომიკური განვითარების დაჩქარებას, მან ძირფესვიანად უნდა შეცვალოს საბჭოთა ადამიანის ცხოვრება, მისი პოლიტიკური და ეკონომიკური შეხედულებები, განავითაროს ნამდვილი დემოკრატია. აქ გადაწყვეტი სიტყვა უნდა თქვან აღმინისტრაციულმა ორგანოებმა, რომლებმაც თავიანთი აქტიური მოქმედებით ხელი უნდა შეუწყონ კანონიერებისა და მართლწესრიგის განმტკიცებას.

„ახალი პროცესები, — თქვა მ. ს. გორბაჩოვმა, — რომლებიც ქვეყანაში ვითარდება, ახლებურად აყენებს ზოგადი პოლიტიკური და სამართლებრივი კულტურის საკითხებს, მე ვიტყვოდი, სოციალისტური დემოკრატიაში კულტურის საკითხებს. სწორედ ამ კულტურის ნაკლებობასთან არის დიდად დაკავშირებული ისეთი მანკიერებანი, როგორიც ბიუროკრატიაში და ძალაუფლების ბოროტად გამოყენება, ჩინმოთნეობა, უყარაობა და უპასუხისმგებლობა. სოციალისტური დემოკრატიაში ნამდვილი კულტურა ვერ ჰგუობს ვერც მბრძანებლობით, „ძალდატანებით“ სტილს, ვერც ორგანიზაციულ ბუნდოვანებას, დაყბობით საქმის შეცვლას. ერთიც და მეორეც უცხოა სოციალიზმისათვის. ეგვგარეშეა სხვა რამეც — რაც უფრო ფართო და ღრმა დემოკრატია, მით უფრო მეტ ყურადღებას საჭიროებს სოციალისტური კანონიერება და მართლწესრიგი, მით უფრო მეტად გვჭირდება ორგანიზებულობა და შეგნებული დისციპლინა“¹.

კარგადაა ნათქვამი. ამ ნათქვამს კი ახლა ცხოვრებაში ვატარება უნდა. მართალ სიტყვას თუ სული არ შთაგებრეთ, საქმედ არ ვაქციეთ, იგი თავის ძალასა და ცხოველმყოფელობას სულ მალევე დაჰკარგავს.

დიდი ოქტომბრის სახელოვანი იუბილე საბჭოთა ადამიანებს ახლებური შრომისა და აზროვნებისაკენ მოუწოდებს. ეს სიახლეა მეტი დემოკრატია, კანონიერება, პატიოსნება და ერთგულება ლენინური იდეებისადმი, კომუნისტური მოძღვრებისადმი.

მაშ ვიყოთ ამ იდეებისა და მოძღვრების ცხოვრებაში გამტარებელნი.

¹ გაზ. „კომუნისტი“, 1987 წლის 3 ნოემბერი.



გარდაქმნა, დემოკრატია და კანონიერება ბანუყოფალია

ა. ლუკიანოზი,

სკკპ ცენტრალური კომიტეტის მდივანი

სკკპ ცენტრალური კომიტეტის 1985 წლის აპრილის პლენუმის შემდეგ განვლილი პერიოდი, პლენუმისა, რომელმაც წამოაყენა გარდაქმნისა და ქვეყნის სოციალურ-ეკონომიკური განვითარების დაჩქარების იდეა, პარტიის, სახელმწიფო ორგანოების ერთ-ერთი ყველაზე შინაარსიანი პერიოდი იყო.

ეს პერიოდი იმით არის ღირსშესანიშნავი, რომ მისი მიმდინარეობის დროს შეიქმნა გარდაქმნის ზოგადი კონცეფცია, შემუშავდა ჩვენი წინსვლის ხანგრძლივი სტრატეგიული კურსი.

სკკპ ცენტრალური კომიტეტის ივნისის პლენუმი იწყებს გარდაქმნის ამოცანათა განხორციელების დიდი მასშტაბის სამუშაოთა ახალ ეტაპს.

დღეს გარდაქმნა გადატანილია კონკრეტულ პრაქტიკულ სამუშაოთა სიბრტყეზე. მისი ღერძია ცვლილებანი ეკონომიკაში — ადამიანის საქმიანობის გადამწყვეტ სფეროში. მაგრამ ამავე დროს გარდაქმნა ეხება საზოგადოების ცხოვრების ყველა სხვა სფეროს, პარტიული კომიტეტების, საზოგადოებრივი ორგანიზაციების, ყველა თანამდებობის პირის საქმიანობას.

ამასთან დაკავშირებით პარტიამ შეიმუშავა მწყობრი პროგრამა, რომლის მიზანია სამართალდაცვითი ორგანოების მუშაობის ეფექტიანობის გადიდება, მათი საქმიანობის ყველა მხარის გაუმჯობესება. ეს პროგრამა ჩამოყალიბებულია სკკპ ცენტრალური კომიტეტის 1986 წლის 20 ნოემბრის დადგენილებაში „სოციალისტური კანონიერებისა და მართლწესრიგის შემდგომი განმტკიცების, მოქალაქეთა უფლებებისა და კანონიერი ინტერესების დაცვის გაძლიერების შესახებ“. ეს დადგენილება საფუძვლად დაედო ფართო წრის ღონისძიებებს, რომლებიც შეეხო ყველა სამართალდაცვითი ორგანოს მუშაობას, კერძოდ, სსრ კავშირის პროკურატურის საქმიანობასაც. ამ გეზის ლოგიკური გაგრძელება იყო სკკპ ცენტრალური კომიტეტის 1987 წლის 4 ივნისის დადგენილება „სოციალისტური კანონიერებისა და მართლწესრიგის განმტკიცებაში საპროკურორო ზედამხედველობის როლის გადიდების ღონისძიებათა შესახებ“.

ამ დადგენილებაში ცენტრალურმა კომიტეტმა ხაზგასმით აღნიშნა, რომ საჭიროა არა უბრალოდ სრულყოფილ, არამედ ძირეულად გარდაქმნათ სსრ კავშირის პროკურატურისა და მისი კოლეგიის, პროკურატურის ადგილობრივი ორგანოების მუშაობა, ამასთან გადაჭრით გავაუმჯობესოთ მათი საქმიანობის სტილი, ფორმები და მეთოდები.

რატომ დასვა სწორედ ასე საკითხი სკკპ ცენტრალური კომიტეტის პოლიტიბურომ?

უწინარეს ყოვლისა იმიტომ, რომ საზოგადოების ეკონომიკური და სოციალურ-პოლიტიკური ცხოვრების თვისებრივი განახლების პროცესში კანონიერება და მართლწესრიგი უაღრესად დიდ მნიშვნელობას იძენენ. სამეურ-

გამოსვლა სსრ კავშირის პროკურატურის კოლეგიის გაფართოებულ სხდომაზე 1987 წლის 29 ივლისს.

ნეო მუშაკისა და მეცნიერის შემოქმედებითი ძიება, სოციალური სფეროს მუშაკის აქტიურობა, მილიონობით ადამიანის ინიციატივის აღმავლობა, ზუსტად მოქმედ სამართლებრივ მექანიზმს მოითხოვს.

მეორე. გარდაქმნის მთავარი ბერკეტი და გარანტიაა საბჭოთა დემოკრატიის, საჯაროობის, კრიტიკისა და თვითკრიტიკის გაღრმავება, ხალხის თაოსნობის ყოველი ღონისძიებით განვითარება. მაგრამ ასეთი დემოკრატია სულაც არ არის ანარქია და განუკითხაობა. პიროვნების, თითოეული შრომითი კოლექტივის, მშრომელთა გაერთიანების აქტიური მხარდაჭერით ეს კიდევ არის უდავო პრიორიტეტიც საერთო-სახალხო ინტერესებისა, საერთო-სახალხო ნებისა, რომელიც გამოხატულია კანონით, სახელმწიფო გეგმით, მთავრობის გადაწყვეტილებით.

მესამე. გარდაქმნა — ეს არის სოციალური სამართლიანობის პრინციპების, ადამიანზე, მის კეთილდღეობასა და შემოქმედებით ზრდაზე, და მაშასადამე, მოქალაქეთა თანასწორუფლებიანობაზე, კანონის წინაშე მათს თანასწორობაზე, სოციალურ დაცულობაზე ზრუნვის ყველგან დამკვიდრება. კანონიერება სოციალური სამართლიანობის მტკიცე კარკასია. მის დაუცველად შეუძლებელია საზოგადოებაში მორალურ-ფსიქოლოგიური და ზნეობრივი კლიმატის გაჯანსაღება.

ამ ფუძემდებელი პოზიციების გაგება მწიფდებოდა თანდათანობით, გარდაქმნის ზოგადი კონცეფციის შემუშავების კვალობაზე, ცენტრალური კომიტეტის პლენუმიდან პლენუმამდე. მაგრამ დასკვნა ერთმნიშვნელოვანი იყო: გარდაქმნა, დემოკრატია, კანონიერება განუყოფელია ერთმანეთისაგან.

„ამასთან დაკავშირებით, — როგორც ამხანაგმა მ. ს. გორბაჩოვმა სკკპ ცენტრალური კომიტეტის 1987 წლის ივნისის პლენუმზე აღნიშნა, — განუზომლად იზრდება ყველა ორგანიზაციისა და თანამდებობის პირთა მიერ კანონების დაცვისადმი საპროკურორო ზედამხედველობის ამოცანები“.

მაშასადამე, პარტია კვლავ და კვლავ მიმართავს ლენინის მოთხოვნას, რომ პროკურორს უფლება აქვს და ვალდებულია აკეთოს მხოლოდ ერთი რამ: თვალი ადევნოს იმას, რომ ნამდვილად ერთგვაროვნად ესმოდეთ კანონიერება მთელ რესპუბლიკაში ყოველგვარი ადგილობრივი განსხვავების მიუხედავად და ყოველგვარი ადგილობრივი გავლენის საწინააღმდეგოდ.

სწორედ აქედან გამომდინარეობს პროკურატურის მუშაობის გარდაქმნის მთავარი იდეა, რომელიც ჩამოყალიბებულია სკკპ ცენტრალური კომიტეტის 1987 წლის 4 ივნისის დადგენილებაში. მისი არსი ის არის, რომ გადაჭრით გადაეიტანოთ სიმძიმის ცენტრი მართვის ორგანოების, საწარმოების, დაწესებულებებისა და ორგანიზაციების, ყველა თანამდებობის პირის მიერ კანონთა შესრულებისადმი ზედამხედველობაზე, საზოგადოების ეკონომიკური და სოციალური ცხოვრების ყველა სფეროში კანონიერების ყოველნაირ განმტკიცებაზე.

ეს ადვილი საქმე როდია. პირდაპირ ვიტყვით, ზოგიერთ პროკურორში ასეთი გარდაქმნა გაუგებრობას, ზოგან კი თავისებურ ალერგიასაც იწვევს. და ეს შეიძლება გარკვეულწილად აიხსნას.

ბოლო წლებში ხომ პროკურატურის მუშაოები გადაერთვნენ უწინარეს ყოვლისა გამოძიებაზე კონკრეტულ საქმეთა გამო, გამოძიებისა და მოკვლევისადმი ზედამხედველობაზე. ამისათვის მოჰკითხავდნენ მათ პირველ რიგში, ამისათვის აკრიტიკებდნენ. ჰოდა, ისინიც აფართოებდნენ კიდევ ბრძოლას

უკვე ჩადენილ სამართალდარღვევათა წინააღმდეგ, აძლიერებდნენ ზედამხედველობას დანაშაულობათა გამოძიებისადმი.

ეს გადახრა, სხვა მიზეზებთან ერთად, კიდევ იმიტომ მოხდა, რომ საერთო ზედამხედველობის განხორციელების დროს ერთობ რთულია, ხშირად უბრალოდ ძნელია გაერკვე სამართალდარღვევათა წარმომშობ მოვლენებში, განსაკუთრებით თუ ისინი დაკავშირებულია სამეურნეო, თანამდებობრივ ბოროტმოქმედებასთან. აქ საჭიროა არა მარტო სწვდებოდე ეკონომიკას, წარმოების ორგანიზაციას (რისთვისაც უნდა გქონდეს სპეციალური ცოდნა), არამედ მტკიცედ იცავდე კიდევ შენს პოზიციებს სამინისტროების, უწყებების, ადგილობრივი პარტიული და საბჭოთა ორგანოების ხელმძღვანელთა, დიდი საწარმოების დირექტორების, სამეურნეო მუშაკთა წინაშე. ალბათ, კონკრეტული დანაშაულის გამოძიება ზოგჯერ უფრო ადვილია.

თანაც საერთო-საზედამხედველო მუშაობა საგამოძიებო მუშაობისაგან განსხვავებით, თუ შეიძლება ასე ითქვას, ნაკლებ შესამჩნევია. თავის გამოჩენა ამ მუშაობაში რთულია, უსიამოვნება კი შეიძლება შეგახვედრონ სხვადასხვა თანამდებობის პირებმა. შეიძლება, რა თქმა უნდა, მოიშველიო პროტესტების, წარდგინებების, მიწერილობების „კარგი სტატისტიკა“. მაგრამ, თუ საქმე არ იცვლება, მათი რიცხვით ცოტა რამეს თუ დაამტკიცებ.

ამიტომ ამოცანა ის არის, რომ მივალწიოთ პროკურორთა მუშაობაში საერთო ზედამხედველობაზე სიმძიმის ცენტრის ნამდვილ და არა მოჩვენებითს გადატანას, არ დაუშვათ აქტიურობის იმიტაცია თვით აქტიურობის ნაცვლად. იგი დღეს, შესაძლოა, წარმოადგენს გარდაქმნის ცოცხალი საქმის ერთ-ერთ ყველაზე გავრცელებულ მუხრუჭს, როცა, როგორც იტყვიან, ერთნი გადაჭრით აკეთებენ საქმეს, მეორენი კი ისე იქცევიან, თითქოს აკეთებდნენ საქმეს.

ცხადია, გარდაქმნისადმი ასეთი მიდგომა ჩვენთვის მიუღებელი და დაუშვებელია.

რა არის ახლა განსაკუთრებით საჭირო საერთო-საზედამხედველო მუშაობაში?

მთავარია ის, რომ სამართლებრივი საშუალებებით უზრუნველყოთ პარტიის სტრატეგიული ამოცანის შესრულება — ქვეყნის ეკონომიკური და სოციალური განვითარების დაჩქარება. საერთო ზედამხედველობის დონის ამაღლების საკითხი პოლიტიკური საკითხია. პროკურატურის ორგანოები მათთვის ჩვეული სამართლებრივი საშუალებებითა და მეთოდებით ვალდებული არიან ყოველნაირად შეუწყონ ხელი სოციალისტური გერგილიანობის განვითარებას, ვიწროუწყებრივი ბიუროკრატიული დაბრკოლებების აღმოფხვრას, წარმატებული სამეურნეო საქმიანობისათვის საჭირო პირობების უზრუნველყოფას და, პირიქით, მტკიცედ გადაუღობონ გზა იმას, რაც ეწინააღმდეგება სოციალისტური მეურნეობრიობის პრინციპებს, რაც აფერხებს სამეურნეო ინიციატივას.

საიმედოდ უნდა უზრუნველყოთ საწარმოთა სამეურნეოანგარიშებრივი უფლებების ყოველგვარი კუთხური და ვიწროუწყებრივი გავლენისაგან დაცვა, დროულად გამოვავლინოთ და გავაუქმებინოთ უწყებრივი აქტები, რომლებიც ეწინააღმდეგებიან კანონს და აბრკოლებენ საწარმოთა გადასვლას სრულ სამეურნეო ანგარიშსა და თვითდაფინანსებაზე.

როგორ მივალწიოთ ამას? ცენტრალური კომიტეტის დადგენილებაში

აღნიშნულია, რომ პროკურატურის ორგანოებმა ძირითადი ყურადღება უნდა მიაპყრონ იმისადმი ქმედითი ზედამხედველობის განხორციელებას, თუ როგორ ასრულებენ სამინისტროთა და უწყებათა, საწარმოთა და ორგანიზაციათა ხელმძღვანელები, სხვა თანამდებობის პირები მუშაობის მინდობილ უბანზე კანონთა დაცვის მოვალეობებს, საჭირო დახმარება გაუწიონ მათ ამ საქმეში, დროულად გამოავლინონ და აღკვეთონ კანონიერების დარღვევები. სწორედ ეს არის ძირითადი არსი უმაღლესი ზედამხედველობისა, რომელსაც პროკურატურა უნდა ახორციელებდეს.

ამასთან დაკავშირებით პარტიის ცენტრალურმა კომიტეტმა საჭიროდ ცნო მიანიჭოს პროკურატურის ორგანოებს ღვაწალებითი უფლებამოსილებანი, რომლებიც უნდა გამოიყენონ გონივრულად, საქმის ინტერესებისათვის.

საერთო-საზედამხედველო მუშაობის ძირითადი მეთოდია შემოწმებათა ჩატარება, გამოვლენილ დარღვევათა ანალიზი და აღმოფხვრა. ასეთი შემოწმებანი საკმაოზე მეტი ეწყობა. მაგრამ კანონიერების მდგომარეობას ჯერ კიდევ სუსტად აანალიზებენ, სამართალდარღვევათა მიზეზებს სრულად არ ავლენენ და ყოველთვის არ აღმოფხვრიან.

გარდაქმნა მოითხოვს, რომ პროკურორების მუშაობას ვაფასებდეთ არა ციფრობრივი მაჩვენებლების, არამედ რაიონში, ქალაქში, ოლქში, რესპუბლიკაში კანონიერების, საწარმოთა პროდუქციის ხარისხის მიხედვით, იმის მიხედვით, არის თუ არა ამ საწარმოებში დატაცებანი და წამატებანი, როგორია დამნაშავეობისა და ალკოჰოლიზმის წინააღმდეგ ბრძოლის დონე, მოქალაქეებისაგან შემოსული საჩივრების შინაარსი. საჭიროა კონკრეტული კრიტერიუმები, რომლებიც ახასიათებენ რეალურ საქმის ვითარებას, პროკურორების მუშაობის შედეგიანობას.

ამრიგად, ძირეულად უნდა შეიცვალოს პროკურორების დამოკიდებულება საერთო-საზედამხედველო საქმიანობისადმი. ეს მიმართულება ნამდვილად უნდა გახდეს მთავარი. საჭიროა საერთო ზედამხედველობაზე სიმძიმის ცენტრის გადატანისათვის მუშაობის მკაფიო გეგმა, კერძოდ, თუ საჭიროა, პროკურორთა კადრების უკეთ განაწილების გეგმაც. იმიტომ, რომ, თუმცა საერთო ზედამხედველობას საერთო ეწოდება, მაგრამ იგი არსებითად სრულიად კონკრეტული უნდა იყოს.

ერთ დროს რომან ანდრიას ძე რუდენკომ — შესანიშნავმა საბჭოთა იურისტმა, რომელიც მრავალი წლის განმავლობაში მეთაურობდა სსრ კავშირის პროკურატურას, თქვა: „პროკურორების მოვალეობა ის არის, რომ გააძლიერონ ზედამხედველობა სამეურნეო საქმიანობის კანონიერებისადმი და იმ შემთხვევებში, რომლებიც მოითხოვენ საპროკურორო ძალაუფლების ჩარევას, ინიციატივიანად და გადაჭრით აღკვეთონ კანონთა ყოველგვარი დარღვევა სამეურნეო მექანიზმში“. ეს სიტყვები დღეს განსაკუთრებით აქტუალურია.

ამავე დროს, საერთო ზედამხედველობაზე პროკურორთა ყურადღების კონცენტრაცია არამც და არამც არ ნიშნავს გამოძიებისა და მოკვლევისადმი ზედამხედველობის შესუსტებას. პირდაპირ ვიტყვით, ამ ზედამხედველობის ორგანიზაცია ცენტრში, და, რაც მთავარია, ადგილებზე ვერ უზრუნველყოფს ჯერჯერობით სათანადო გამოძიებას სისხლის სამართლის საქმეთა მნიშვნელოვან ნაწილში. უფრო მეტიც, სწორი იქნება ვთქვათ, რომ გამოძიების ხარისხი ბოლო დროს გაუარესდა. გაიზარდა დამატებითი გამოძიებისათვის

დაბრუნებულ საქმეთა რიცხვი. მრავალი საქმის გამოძიება ჭიანჭურდება, მრავალგზის ხანგრძლივდება ვადები, არადამაკმაყოფილებლად სრულდება პარტიის მოთხოვნები თვით სამართალდაცვითი ორგანოების მუშაობაში კანონიერების დარღვევათა სრული აღმოფხვრის შესახებ. უფრო მეტიც, ასეთ დარღვევათა რიცხვი იზრდება. მათ ხშირად თან სდევს მძიმე შედეგები. უკრაინაში, ბელორუსიაში, ლატვიაში, ყირგიზეთში, რუსეთის ფედერაციის მთელ რიგ ოლქებში გამოვლინდა სისხლის სამართლის პასუხისგებაში მოქალაქეთა დაუსაბუთებელი მიცემის არაერთი ფაქტი. გავრცელებულია უკანონო დაკავება და დაპატიმრება.

იმას, თუ როგორია აქ პროკურორთა ზედამხედველობის დონე, მოწმობს ის, რომ პროკურორები ყოველწლიურად ათჯერ ნაკლებ საქმეებს აბრუნებენ დამატებითი გამოძიებისათვის, ვიდრე მოსამართლენი. ეს ნიშნავს, რომ პროკურორი ხშირად კარგავს კანონიერების გუშავის თვისებებს და თავგამოდებით იცავს სამეურვეო გამოძიებლებს, თავის გადაწყვეტილებებს დაპატიმრების სანქციითა მიცემის ან საბრალდებო დასკვნის დამტკიცების შესახებ. ყველასათვის ნათელია, რომ ეს პროკურორისათვის შეუწყნარებელი პოზიციაა.

პროკურორს უნდა ჰქონდეს ამ მაღალი წოდების ტარების არა მარტო ფორმალური, არამედ მორალური უფლებაც, შეურიგებლად უნდა იბრძოდეს დამნაშავეობის წინააღმდეგ, კანონიერებისათვის, უდანაშაულობის პრეზუმპციის უმკაცრესი დაცვისათვის წინასწარი გამოძიების პროცესში. ამისათვის გემართებს საფუძვლიანად გავერკვეთ საგამოძიებო მუშაობის ორგანიზაციაში, ავამაღლოთ გამოძიებლის როლი და ავტორიტეტი, ნამდვილად უზრუნველვყოთ მისი პროცესუალური დამოკიდებულება და დავიცვათ იგი ადგილობრივი გავლენისაგან, ნიადაგ გავაძლიეროთ ამ სფეროში საპროკურორო ზედამხედველობა.

სკკპ ცენტრალურმა კომიტეტმა, როგორც ცნობილია, დაგვავალა შევისწავლოთ და ამა წლის დეკემბრისათვის წარვუდგინოთ წინადადებანი შინაგან საქმეთა და პროკურატურის ორგანოების საგამოძიებო აპარატების ორგანიზაციული გარდაქმნის შესახებ. ღრმად უნდა ჩავწვდეთ ამ საკითხებს, სრული პასუხისმგებლობით მოვეკიდოთ წინადადებათა მომზადებას, ამასთან, გვახსოვდეს, რომ ღრთა თავი დავალწიოთ ჩვეულ, გატკეპნილ კალაპოტს, ვეცადოთ ჩვენს მუშაობას ვხედავდეთ ახლებურად, გარდაქმნისა და დემოკრატიის პოზიციებიდან. აქ წინა პლანზე უნდა იყოს საქმის ინტერესები და არა მუნდირის ღირსება.

სკკპ ცენტრალური კომიტეტის 1987 წლის 4 ივნისის დადგენილების ყურადღების ცენტრშია პროკურატურის მიერ საბჭოთა ადამიანების უფლებებისა (და კანონიერი ინტერესების უზრუნველყოფა. დემოკრატიის თანამიმდევრული გაღრმავება და მოქალაქის უფლებათა გარანტიების გაძლიერება დადებით კვალს დაამჩნევს პროკურატურის მუშაობას.

და აქ მოგვიწივს ასე თუ ისე თავიდან მოვიცილოთ საზოგადოებრიობის, დეპუტატების, მასობრივი ინფორმაციის საშუალებების, მოქალაქეების მხრივ მუდმივი კონტროლის გარეშე ცხოვრების ჩვევები.

მთლიანად ქვეყანაში საპროკურორო ორგანოებს ყოველწლიურად მოსდით სამ მილიონამდე წერილი და საჩივარი. მათს განხილვაში უნდა მონაწილეობდნენ პროკურატურის ყველა რანგის მუშაკები. წერილები და განცხადე-

ბანი ხომ, იმ შემთხვევაშიც კი, თუ ყოველი მათგანი დადებით გადაწყვეტას ვერ პოულობს, საშუალებას გვაძლევს ვგრძნობდეთ ჩვენი საზოგადოებრივი ცხოვრების მაჯისცემას, გავააქტიუროთ მოქალაქის უფლებათა დაცვისათვის გამიზნული მთელი მუშაობა.

დღეს პროკურატურას, ისევე როგორც სხვა სამართალდაცვით ორგანოებს, ერთობ ხშირად აკრიტიკებენ პრესა, რადიო, ტელევიზია. და ეს სწორად უნდა აღვიქვათ, რადგან ამით ჩვენ გვიწევენ დახმარებას ნაკლოვანებათა და დარღვევათა გამოვლენაში, სააშკარაოზე მათი მატარებლების გამოყვანაში.

რა თქმა უნდა, ჩვენ იმის მომხრე ვართ, რომ ყურადღებით ვეკიდებოდეთ ყოველ გამოქვეყნებულ მასალას. მაგრამ ვერ დავუშვებთ, რომ პუბლიკაციებში ერთი ნახევარსიმართლე იცვლებოდეს მეორეთი, რომ პრესის მეშვეობით ვიღაც ცდილობდეს ანგარიში გაუსწოროს ვინმეს, დაამახინჯოს ფაქტები; სავსეო გახადოს კანონიერი მოქმედება. ცენტრალური კომიტეტი მტკიცედ იცავს ობიექტურ კრიტიკას. 1987 წლის 4 ივნისის დადგენილებაში ხაზგასმულია იმის აუცილებლობა, რომ მკაცრად ვიცავდეთ პუბლიკაციათა უტყუარობას, თავს ვიკავებდეთ იმ საგამოძიებო და სასამართლო საქმეთა შეფასებისაგან, რომელთა გამო მიღებული არ არის კანონით გათვალისწინებული გადაწყვეტილებანი. ამიტომ მთელ რიგ შემთხვევებში იძულებული ვხდებით გავუსწოროთ ზოგიერთი გაზეთის რედაქტორებს, მოვთხოვოთ სინამდვილის უფრო ობიექტური ასახვა.

გულახდილად უნდა ვთქვათ, რომ ადამიანთა მოქალაქეობრივი აქტიურობის ზრდას, ჩვენს დემოკრატიულ ინსტიტუტებს პროკურატურა, არსებითად სხვა სამართალდაცვითი ორგანოებიც, ჯერ კიდევ ვერ იყენებენ უნარიანად თავისივე საკუთარი ინტერესებისათვის, კანონიერების განმტკიცებისათვის, მართლწესრიგის დაცვის საქმეში მშრომელთა ჩაბმისათვის.

კანონიერების გაძლიერების მიზნებს, მოქალაქის უფლებათა უკეთ დაცვას ხელს შეუწყობს ის, რომ ადვოკატს მიეცეს უფლება გამოძიების უფრო ადრეულ სტადიაში იღებდეს მონაწილეობას საქმეში, გააქტიურდეს მისი როლი სასამართლო პროცესში.

მართლმსაჯულების, ჭეშმარიტების დადგენის ინტერესებისათვის საჭიროა აგრეთვე გავძლიეროთ სასამართლო პროცესის შეჯიბრებითი ხასიათი, მივალწიოთ, რომ მხარეთა კამათი სასამართლოში არ იყოს ფორმალთა, როგორც ეს ხშირად არის ხოლმე.

პროკურატურის ორგანოების წინაშე დგას ამოცანა დაძლიონ საკუთარი უცოდველობის კომპლექსი, ჩამოაყალიბონ თავიანთი მუშაობის ობიექტური, კრიტიკული შეფასების ჩვევები, უნარიანად იმოქმედონ ახალ პირობებში კანონიერების უმკაცრესი დაცვის ინტერესებისათვის, სამართლიანობის გამარჯვებისათვის. მით უმეტეს, რომ თვითდამშვიდების საბაბი ჯერჯერობით არა გვაქვს და არ შეიძლება გვქონდეს. რა თქმა უნდა, ახლა რამდენადმე შემცირდა დამნაშავეობის სტატისტიკის მაჩვენებლები. მაგრამ ეს ტენდენცია უნდა მივიჩნიოთ, უწინარეს ყოვლისა, იმ ღონისძიებათა შედეგად, რომლებიც პარტიამ განახორციელა სკკპ ცენტრალური კომიტეტის 1985 წლის აპრილის პლენუმის შემდეგ წესრიგისა და კანონიერების განმტკიცებისათვის, ლოთობის წინააღმდეგ ბრძოლის გაძლიერებისათვის, ადმინისტრაციულ სამართალდარღვევათა თანრიგში ცალკეულ დანაშაულობათა გადაყვანისათვის.

რაც შეეხება სამართალდაცვითი ორგანოების, მათ შორის პროკურატუ-

რის მუშაობის შედეგიანობას, იგი კვლავ მცირეა. მნიშვნელოვანი რაოდენობის დანაშაულობანი გაუხსნელი რჩება, გაიზარდა რეციდივი, მექრთამეობა და არასრულწლოვანთა დამნაშავეობა, არ კლებულობს არცის შინგამოხდა და ნარკომანია, ნელა მცირდება თვით სამართალდაცვის ორგანოებში ბოროტმოქმედებისა და კანონიერების დარღვევათა რიცხვი.

პარტია მოითხოვს, რომ ის, ვინც მართლწესრიგის საქმეს ემსახურება, თავად უნდა იყოს კრისტალურად წმინდა კანონის წინაშე, სახელმწიფოს წინაშე, ხალხის წინაშე, ყოველთვის უნდა გვახსოვდეს, რომ კანონიერების დარღვევებს, სამართალდაცვითი ორგანოების საქმიანობაში დაშვებულ შეცდომებს განსაკუთრებით მწვავედ აღიქვამენ მშრომელები. ეს დარღვევები და შეცდომები უდიდეს პოლიტიკურ ზიანს გვაყენებს, რადგან გამოძინარებენ იმათგან, ვინც თავად უნდა იცავდეს სახელმწიფოს ინტერესებს, მოქმედებდეს საბჭოთა ხელისუფლების სახელით.

ამიტომ წარმატება ბრძოლისა კანონიერებისათვის, დამნაშავეობის აღმოფხვრისათვის, ურომლისოდაც წარმოუდგენელია გარდაქმნა, გადაწყვეტილად არის დამოკიდებული სამართალდაცვითი ორგანოების კადრებზე. კადრების შერჩევა, მომზადება, გადამზადება, ატესტაცია, მათს რეზერვთან მუშაობა — ყოველივე ეს უნდა ექვემდებარებოდეს ერთ რამეს — პროკურატურის მუშაკის მაღალი პოლიტიკური, პროფესიული, მორალურ-ეთიკური თვისებების ჩამოყალიბებას.

ბოლო ხუთი წლის მანძილზე ჩვენში შეიცვალა პროკურორების დაახლოებით 70 პროცენტი. მათ ნაცვლად მოვიდნენ ახალგაზრდა ადამიანები, რომლებიც ყოველთვის საკმაოდ გამოცდილები როდი არიან. მათ უნდა ვასწავლიდეთ, ვზრდიდეთ, მზარს ვუჭერდეთ. ეს ადვილი ამოცანა როდია.

მეთრენობრიობის უპირატესად ადმინისტრაციული მეთოდებიდან უპირატესად ეკონომიკურ მეთოდებზე გადასვლის პერიოდში, სამეურნეო ურთიერთობაში სამართლის როლის გაძლიერების პირობებში დღის წესრიგში კიდევ უფრო მწვავედ დგება პროკურორთა ეკონომიკური სწავლების გააქტიურების საკითხები. პროკურატურის ორგანოებში ეკონომიკურ საკითხთა სპეციალისტ-კონსულტანტების თანამდებობათა შემოღება სულაც არ ნიშნავს, რომ ახლა პროკურორები თავისუფალი არიან იმ საჭიროებისაგან, რომ ისწავლონ ეკონომიკა, პროკურორი კარგად უნდა ფლობდეს კონკრეტული ეკონომიკის საფუძვლებს, მტკიცედ იცოდეს სამეურნეო კანონმდებლობა, შრომის, მიწის, ბუნების დაცვის, სამოქალაქო სამართალი. იგი ვალდებულია ზუსტად განსაზღვრავდეს, სად არის კანონით დაწესებული აკრძალვა და სად კანონით დაშვებული, სავსებით გამართლებული ინიციატივა და ფხიანობა.

პარტია დღენიდაგ ზრუნავს პროკურორთა კადრებისათვის. სკკპ ცენტრალური კომიტეტის დადგენილებაში საჭიროდ არის მიჩნეული, რომ გაძლიერდეს პარტიული კომიტეტების პასუხისმგებლობა პროკურატურის კადრების შერჩევისათვის, განაწილებისა და აღზრდისათვის, აღიკვეთოს ყოველი ცდა ზეგავლენას ახდენდნენ პროკურორებზე მათ მიერ გადაწყვეტილებათა მიღების დროს, ერეოდნენ სისხლის სამართლის საქმეთა გამოძიებაში. მაგრამ პროკურორიც მუდამ უნდა მოქმედებდეს როგორც პრინციპული და თავისი საქმის მცოდნე წარმომადგენელი ცენტრისა. მას უნარი უნდა შესწევდეს დაიცვას სახელმწიფოს ინტერესები, მოქალაქის უფლებები, რაიმე ადგილობრივი გავლენის მიუხედავად, ესე იგი, ჰქონდეს კანონზე, მრწამსზე, სინდისზე და-

ფუძნებული მკაფიო პოზიცია. ამ თვისებათა ჩანერგვა-ფორმირებას უნდა ისახავდეს მიზნად პროკურატურების პარტორგანიზაციათა მუშაობა.

სკკპ ცენტრალური კომიტეტის 1987 წლის ივნისის პლენუმმა ერთხელ კიდევ გაუსვა ხაზი პარტიის, თითოეული კომუნისტის ავანგარდულ როლს ჩვენს საზოგადოებაში მიმდინარე პროცესებში. შემთხვევითი არ არის, რომ სწორედ კომუნისტური პარტია, მისი ცენტრალური კომიტეტი მოგვევლინენ ყველა დღევანდელი ცვლილებების წამომწყებად. რაც შეეხება კანონიერების საკითხებს, ალბათ, ბოლო ორწელიწად-ნახევარში სკკპ ცენტრალურმა კომიტეტმა, მისმა პოლიტიბიურომ ისინი იმდენი განიხილეს, რამდენიც განხილული იყო მთელ ომისშემდგომ პერიოდში.

პარტია ისწრაფვის მაქსიმალურად გააძლიეროს თავისი ორგანიზაციების აქტიურობა, განავითაროს კომუნისტების ინიციატივა, ამასთან არ დაუშვას არავითარი ბიუროკრატიული დამახინჯება, კრიტიკის ჩახშობა, ადმინისტრირება. მას კარგად ესმის, რომ გარდაქმნის გული, მთავარი მოტორი პარტიული ორგანიზაციებია და რაც უფრო განვითარდება გარდაქმნა, გაღრმავდება დემოკრატია, მით უფრო დიდი მოთხოვნები წაეყენება მათი მუშაობის დონეს. პროკურატურის პარტიული ორგანიზაციები, კომუნისტები, უნდა იყვნენ თავიანთ კოლექტივებში გარდაქმნის მოთავენი და ორგანიზატორები, რადგან, უწინარეს ყოვლისა, ისინი ხედავენ აქ ყველა ხარვეზსა და ნაკლს, იციან ადამიანთა გუნება-განწყობილება, საქმისადმი მათი დამოკიდებულება, შეუძლიათ დროზე დაეხმარონ იმათ, ვინც ჯერ არ განმსჭვალულა ახალ ამოცანათა გაგებით, გაუსწორონ მუშაკებს, გზიდან ჩამოიშორონ ისინი, ვინც საბოტაჟს უწყევს გარდაქმნას.

ყოველ კოლექტივში უნდა შეიქმნას ჯანსაღი, საქმიანი ატმოსფერო, რომელსაც საფუძვლად დაედება პატივისცემა და მხარდაჭერა, მაგრამ ამავე დროს — პრინციპულობა, ურთიერთმომთხოვნელობა და ამხანაგური კრიტიკა. ეს არის თითოეული პარტიული ორგანიზაციის მუშაობის აუცილებელი, შესაძლოა, ყველაზე მთავარი ნაწილი, რომელიც განუყოფელია კომპეტენტური, საქმის ერთგული, პრინციპული და ინიციატივიანი პროკურორის — ისეთი მუშაკის აღზრდისაგან, რომელსაც უნარი შესწევს იკისროს პასუხისმგებლობა დასახულ ამოცანათა გადაწყვეტისათვის.

საგანგებოდ მინდა ვთქვა, რომ პროკურატურის მოქმედება შეიძლება იყოს შედეგიანი მაშინ, როცა ეს არის არა მარტო მოქმედება, არამედ ურთიერთმოქმედებაც ყველა სხვა სამართალდაცვით ორგანოსთან. ესენია: სასამართლო, შინაგან საქმეთა, სახელმწიფო უშიშროების, არბიტრაჟის, იუსტიციის ორგანოები, სახალხო კონტროლი და სარევიზიო აპარატი, საზოგადოებრივი ორგანიზაციები. მაგრამ ჯერჯერობით სამართალდაცვითი ორგანოების უწყებრივი დაქსაქსულობა კვლავ ძლიერ იგრძნობა. ზოგჯერ იგი მიდის უაზრო ჯანჯლობამდე და მეტოქეობამდე, რომლებიც დიდ ზიანს აყენებენ ჩვენს საერთო საქმეს. ამიტომ გვჭირდება სრულიად სხვა ხასიათის ურთიერთობა სამართალდაცვით ორგანოებს შორის, გვჭირდება დამნაშავეობის წინააღმდეგ ბრძოლის ნამდვილად ერთიანი ფრონტი, ერთიანი მიდგომა კანონიერებისა და მართლწესრიგის განმტკიცებისადმი. როგორც ცნობილია, სახელმწიფომ მთელი ამ მუშაობის კოორდინაცია დააკისრა სწორედ სსრ კავშირის პროკურატურას, რაც, ცხადია, არანაირად არ არღვევს მოსამართლეთა დამოუკიდებლობის პრინციპს, აგრეთვე თითოეული სამართალდაცვითი ორგანოს იმ მო-

ვალეობას, რომ სრულად განახორციელოს დაკისრებული ფუნქციები.

საჭიროა, რომ კანონიერების დაცვის ფრონტის მუშაკს ნათლად ჰქონდეს წარმოდგენილი: გარდაქმნა საპარადო სვლა კი არა, ძნელი, რთული და ხანგრძლივი პროცესი, ძველთან ახლის შეუბოვარი ბრძოლაა. ამ გზაზე ყველას, მათ შორის სამართალდაცვით ორგანოებსაც, დიდი და არცთუ იოლი მუშაობა ელით.

საპროკურორო ზედამხედველობის როლის ამდღების შესახებ დადგენილება ხომ მხოლოდ ერთი რგოლია მუშაობისა, პარტიის ცენტრალურმა კომიტეტმა რომ დასახა და ახორციელებს ჩვენ ქვეყანაში კანონიერებისა და მართლწესრიგის შემდგომი განმტკიცებისათვის.

ბოლო დროს მიღებულია მთელი რიგი დიდმნიშვნელოვანი გადაწყვეტილებანი, რომელთა მიზანია ბრძოლა ალკოჰოლიზმისა და ნარკომანიის, არყის შინ გამობდისა და სპეკულაციის, უშრომელი შემოსავლის, მუქთანხრობის წინააღმდეგ. მზადდება კომპლექსი წინადადებებისა სისხლის სამართლის კანონმდებლობის შეცვლის შესახებ. დასახულია თანდათან გაფართოვდეს დამნაშავეობის დინამიკისა და მსჯავრდებულთა რაოდენობის შესახებ მონაცემების პუბლიკაცია.

დიდი ამოცანები დგება სასამართლოთა მუშაობის გაუმჯობესების აუცილებლობასთან დაკავშირებით, სასამართლო სისტემის მუშაობას რომ გარდაქმნით, მხედველობაში გვაქვს ავამაღლოთ სასამართლოს, როგორც ისეთი არჩევითი ორგანოს, საზოგადოებრივი ავტორიტეტი, რომელიც ყველაზე ახლოს დგას მოსახლეობასთან, განვამტკიცოთ კანონიერება მართლმსაჯულების აღსრულებისას, განვტვირთოთ სასამართლოები მათთვის უჩვეულო ფუნქციების შესრულებისაგან.

ახალ დონეზე ადის მილიციის უბნის ინსპექტორთა მუშაობა, სამძებრო მუშაობა, შინაგან საქმეთა ორგანოების კავშირი საზოგადოებრიობასთან. შემუშავებულია ღონისძიებანი, რომელთა მიზანია შრომა-გასწორების დაწესებულებათა სისტემისა და მათი საქმიანობის ორგანიზაციის ძირეული გარდაქმნა.

მიღებულია უმნიშვნელოვანესი გადაწყვეტილება სახელმწიფო არბიტრაჟის ფუნქციათა გაფართოების შესახებ. იგი უნდა გახდეს სახელმწიფოებო დისციპლინის დაცვისა და სამეურნეო კანონმდებლობის მოთხოვნათა შესრულების უფრო ძლიერი ინსტრუმენტი. შეისწავლება საკითხები, რომლებიც დაკავშირებულია სახალხო მეურნეობაში იუსტიციის დაწესებულებების, ადვოკატურის, იურიდიული სამსახურის საქმიანობის ეფექტიანობის გადიდებასთან.


მთლიანად უახლოეს ათწლეულში მოგველის განვახორციელოთ მთელი საბჭოთა კანონმდებლობის ფართო კოდიფიკაცია და, მაშასადამე, სამართალდაცვითი ორგანოების მუშაობის მრავალი უბნის გარდაქმნა. ბუნებრივია, რომ ეს სრულად შეეხება პროკურატურასაც, რომელიც მაქსიმალურად უნდა „შეთვისოს“ გარდაქმნას, გახდეს მისი უაქტიურესი ინსტიტუტი.

ამასთან, ძალზე მკაფიოდ უნდა ვხედავდეთ და გვესმოდეს მომავალი მუშაობის თავისებურებანი. უახლოეს ორ-სამ წელიწადში გარდაქმნა გაღრმავდება, მიადწევს იმ ჰორიზონტებს, რომლებიც უშუალოდ არიან დაკავშირებული თითოეულ ადამიანთან. მილიონობით ადამიანთან ერთად, რომელთაც სურთ იმუშაონ სრული უკუგებით, კიდევ უფრო გამოვლინდებიან ინერციის, ანგარების, უქნარობის მატარებლები. აქტიურად შეეცდება მოერგოს გარდაქ-

მნას ჩვენი სოციალური მოწინააღმდეგეც — ბიუროკრატი, დამტაცებელი, მექრთამე, მუქთახორა. ამ მოვლენებს ამა თუ იმ ზომით უკვე ახლა ვაწყდებით.

დგება ყველაზე ძნელი დრო — გადაწყვეტი მოქმედების, ყოველივე იმის განხორციელების დრო, რაც დავსახეთ. ამ დროს რომ აფასებდა, მიხეილ სერგის ძე გორბაჩოვმა შეგვახსენა მარქსის სიტყვები, რომ ასეთ სიტუაციებში პრაქტიკული წინსვლის ყოველი ნაბიჯი დუჟინა პროგრამაზე უფრო ძვირფასია. სალაცხო კი არა, საქმე, სურვილები კი არა, პრაქტიკული შედეგები — აი მომენტის მთავარი ღოზუნგი.

მხოლოდ ასეთი მიდგომა მოგვცემს საშუალებას მივადწიოთ საგრძნობ ძვრებს მართლწესრიგის განმტკიცებისათვის, ყოველი სოციალურად საშიში გამოვლინების აღმოფხვრისათვის, საზოგადოების მთელი ცხოვრების გაჯანსაღებისათვის ბრძოლაში. შეიძლება დარწმუნებით ვთქვათ: პროკურატურის ორგანოებს აქვთ ყველა საიმისო შესაძლებლობა, რომ იყვნენ იმ დიდი ამოცანების დონეზე, რომლებსაც მათ აკისრებენ ჩვენი კონსტიტუცია, ჩვენი პარტია, ჩვენი ხალხი.



საბჭოთა მილიცია 70 წლისაა!

ყოველთვის მკაცროვნაში

გარლამ შადური,

საქართველოს სსრ შინაგან საქმეთა მინისტრის პირველი მოადგილე

დიდი ოქტომბრის სოციალისტური რევოლუციის 70 წლისთავს საბჭოთა ხალხი ზეიმობს საზოგადოებრივ-პოლიტიკური, ეკონომიკური და სოციალური ცხოვრების გრანდიოზული რევოლუციური გარდაქმნის ვითარებაში, მთელი საზოგადოების მძლავრი განახლების პროცესში.

გარდაქმნა, დაჩქარება და დემოკრატიზაცია მოითხოვს სახელმწიფო დისციპლინისა და მართლწესრიგის ყოველმხრივ განმტკიცებას ყველგან და ყველაფერში, ანტისაზოგადოებრივი მოვლენების, დანაშაულის წინააღმდეგ ბრძოლის გაძლიერებას.

რესპუბლიკის შინაგან საქმეთა სამინისტრო შეუწელებელ ყურადღებას აქცევს მილიციის საქმიანობაში ყოველგვარი ბიუროკრატიზმის აღმოფხვრას, როცა საქმე ეხება საბჭოთა ადამიანების ინტერესებისა და კანონიერი უფლებების დაცვას. მილიციის ორგანოები მოვალენი არიან უზრუნველყონ მოქალაქეთა მშვიდობიანი, შემოქმედებითი შრომა, დაუნდობლად ებრძოლონ ისეთ მახინჯ გამოვლინებებს, როგორცაა ლოთობა და ალკოჰოლიზმი, მუქთახორობა და ნარკომანია, სახალხო დოვლათის დატაცება და სხვა ანომალიები. ერთი სიტყვით, საბჭოთა ადამიანი გარანტირებული უნდა იყოს, რომ მის სიცოცხლეს, ჯანმრთელობას, სახელსა და ღირსებას ვერ ხელყოფენ დამნაშავე ელემენტები.

შემთხვევითი როდია, რომ ოქტომბრის რევოლუციით შობილმა საბჭოთა ხელისუფლებამ მოუწოდა მშრომელებს მტკიცედ დაეცვათ რევოლუციის

მონაპოვრები, ძირშივე აღეკვეთათ ახალი სოციალისტური წყობილების წინააღმდეგ დამხობილ ექსპლუატატორთა კლასების ნებისმიერი ავანტიურის ცდები. მშრომელი ხალხის ინტერესების დაცვისათვის შეიქმნა მართლმსაჯულების, სახელმწიფო და საზოგადოებრივი უშიშროების ორგანოები. მუშურგლებური მილიცია დიდი ოქტომბრის გამარჯვების ზუსტად მესამე დღეს შეიქმნა. მან ფართო მასების მხარდაჭერითა და ლენინური პარტიის ხელმძღვანელობით მრავალი სასახლო ფურცელი ჩაწერა ქვეყნის დიად ისტორიაში. საბჭოთა მთავრობის დეკრეტებისა და დადგენილებების ცხოვრებაში გატარებისა და რევოლუციური წესრიგის დაცვისათვის ბრძოლის პარალელურად, მილიცია დაუნდობლად ებრძოდა სხვადასხვა ჯურის სისხლის სამართლის დამნაშავეებს. თავი გამოიჩინა ინტერვენციისა და სამოქალაქო ომის ფრონტებზე, აქტიურად მონაწილეობდა ქვეყნის შიგნით კონტრრევოლუციური ამბოხებების ჩახშობაში. ამიტომ იყო, რომ ჩეკისტებმა მალევე მოიპოვეს საბჭოთა ადამიანების სიყვარული და პატივისცემა.

დიდი სამამულო ომის წლებში მილიციის მუშაკებმა მთელ საბჭოთა ხალხთან ერთად უდიდესი წვლილი შეიტანეს ფაშისტი დამპყრობლების განადგურებაში. აჩვენეს სიმტკიცისა და გმირობის არაერთი მაგალითი ფრონტებზე, პარტიზანულ რაზმებსა თუ ზურგში. პარტიამ და საბჭოთა მთავრობამ მაღალი შეფასება მისცეს მილიციის მუშაკთა გმირულ საქმეებს. ათეულ ათასობით გამორჩეული დაჯილდოვდა ორდენებითა და მედლებით, ხოლო ყველაზე საუკეთესოებს საბჭოთა კავშირის გმირის წოდება მიენიჭათ. განვითარებული სოციალიზმის პირობებში ჩვენი ქვეყნის კომუნისტურმა პარტიამ დღის წესრიგში დააყენა დანაშაულისა და მისი წარმომშობი მიზეზების სრული ლიკვიდაციის საკითხი. ეს ამოცანა მეტად რთულია, მაგრამ ჰუმანური და კეთილშობილური, რომლის გადაწყვეტაც ძალუძს მარქსიზმ-ლენინიზმის იდეალების ერთგულ საბჭოთა ხალხს.

დანაშაული საზოგადოებრივი ცხოვრების სოციალური პრობლემაა. ამიტომ არის, რომ პარტია და მთავრობა მოითხოვენ მის წინააღმდეგ კომპლექსურ ბრძოლას. ამ წმიდათაწმიდა საქმეში ერთობლივად უნდა იღვაწონ პარტიულმა, საბჭოთა, ადმინისტრაციულმა ორგანოებმა და საზოგადოებრივმა ორგანიზაციებმა.

საბჭოთა ხელისუფლების წლებში ბევრი რამ შეიცვალა მილიციის საქმიანობაში, რადიკალურად შეიცვალა მისი ამოცანები და ფუნქციები, სახეიცვალა ორგანიზაციულმა სტრუქტურამ და მართვის სისტემამ, მუშაობის ფორმებმა და მეთოდებმა, ამაღლდა პროფესიული ოსტატობა, დაიხვეწა მისი საქმიანობის სამეცნიერო-ტექნიკური საფუძვლები. ამასთან, უცვლელი დარჩა მილიციის რევოლუციური სულიკვეთება, უსაზღვრო ერთგულება პარტიისა და ხალხისადმი.

როცა საბჭოთა მილიციის 70 წლისთავს ვზეიმობთ, კიდევ ერთხელ განსაკუთრებულად უნდა აღინიშნოს, რომ მისი ისტორია განუყოფელია საბჭოთა სახელმწიფოს შექმნისა და განმტკიცების ისტორიისაგან, იმ საერთო წარმატებებისაგან, რასაც ჩვენმა სამშობლომ მიაღწია ეკონომიკურ და სოციალურ სფეროში.

მილიციის საქმიანობის განუხრელად გაუმჯობესებისათვის ამ უკანასკნელ ხანს სკკპ ცენტრალურმა კომიტეტმა და სსრ კავშირის მინისტრთა საბჭომ მიიღეს მრავალი უადრესად საჭირო დადგენილებანი და გადაწყვეტილებანი.

განსაკუთრებული მნიშვნელობის ფაქტია პოლიტმუშაკთა ინსტიტუტის აღდგენა. ამან დიდი როლი შეასრულა მილიციის მუშაობის გააქტიურებისა და პირადი შემადგენლობის აღზრდის გაუმჯობესების საქმეში. პარტიამ ათასობით პარტიულ-პოლიტიკური მუშაობის გამოცდილების მქონე კომუნისტი გაგზავნა შინაგან საქმეთა ორგანოებში სამუშაოდ. ისინი აქტიურად ჩაებნენ ჩვენს ყოველდღიურ საქმიანობაში. ამან მეტი ავტორიტეტი, ძალა და ენერგია შემატა საბჭოთა მილიციას, უფრო ქმედითი გახდა მისი მუშაობა.

აქვე ხაზგასმით გვინდა აღვნიშნოთ, რომ ჩვენი სახელოვანი ახალგაზრდობა, საქართველოს კომკავშირის ცენტრალური კომიტეტი, მისი ადგილობრივი ორგანოები გვიგზავნიან საუკეთესო კადრებს, ამასთან, თვითონაც აქტიურად იბრძვიან სამართალდარღვევათა წინააღმდეგ, განსაკუთრებით კი არასრულწლოვანთა შორის დამნაშავეობის თავიდან აცილებისათვის.

სკკპ ცენტრალური კომიტეტის აპრილის (1985 წ.) პლენუმის და ჩვენი პარტიის XXVII ყრილობის გადაწყვეტილებების ცხოვრებაში განხორციელების საქმეში რესპუბლიკის შინაგან საქმეთა სამინისტრომ, მისმა ქვედანაყოფებმა ადგილებზე, პარტიული და საბჭოთა ორგანოების უშუალო ხელმძღვანელობით შეიძინეს მდიდარი გამოცდილება, დაეუფლნენ მართლწესრიგის განმტკიცებისათვის მუშაობის ახალ ფორმებსა და მეთოდებს, განახორციელეს ოპერატიულ-სამძებრო სამსახურების გარდაქმნისა და სრულყოფის ღონისძიებანი. სამინისტროს წამყვანი სამსახურების საქმიანობა შეიცვალა სპეციალიზაციის პრინციპით, შეიქმნა თვისობრივად ახალი ქვედანაყოფები, განმტკიცდა სამორიგეო სამსახურები, ღამის მილიცია, რომლებიც მოწოდებულნი არიან ერთგულად დაიცვან სახელმწიფოსა და ხალხის დოვლათი.

რესპუბლიკის შინაგან საქმეთა ორგანოებმა, ხელმძღვანელობენ რა „სოციალისტური კანონიერებისა და მართლწესრიგის შემდგომი განმტკიცების, მოქალაქეთა უფლებებისა და კანონიერი ინტერესების დაცვის გაძლიერების შესახებ“ სკკპ ცენტრალური კომიტეტის ნოემბრის (1986 წ.) პლენუმის დადგენილებს მოთხოვნებით, მკაცრად გააფრთხილეს მთელი პირადი შემადგენლობა, რომ უხეშობის, მოქალაქეთა უფლებების შელახვის, მათი განცხადებებისა და საჩივრების მიმართ გულცივი დამოკიდებულებისა და საგამოძიებო მუშაობის გაჭიანურებისათვის მკაცრად დაისჯებიან, თვით შინაგან საქმეთა ორგანოებიდან დათხოვნილთაც კი.

ჩვენ კვლავაც დიდ მნიშვნელობას ვანიჭებთ ანტიალკოჰოლური კანონმდებლობის შესრულებას, რადგან ალკოჰოლიზმის წინააღმდეგ ბრძოლა დროებითი კამპანია კი არა, საზოგადოებრიობის მორალურ-ზნეობრივი განახლებისა და გაჯანსაღების ხანგრძლივი პროცესია. ამასთან, ლოთობასთან შეურიგებლობა დანაშაულის შემცირების საიმედო საფუძველია. მაგალითად, მიმდინარე წელს ლოთობის ნიადაგზე ჩადენილ დანაშაულთა რიცხვი 20 პროცენტამდე შემცირდა, მხოლოდ მათი ხვედრითი წილი სისხლის სამართლის დანაშაულის საერთო სტრუქტურაში მხოლოდ 1,1 პროცენტია.

როტულ და აუცილებელ გადასაჭრელ პრობლემად კვლავ რჩება ნარკომანიასთან ბრძოლა. სამინისტროს აპარატში და ადგილებზე შეიქმნა სპეციალური ქვედანაყოფები, რომლებიც დაკომპლექტებულია კვალიფიციური კადრებით, აღჭურვილნი არიან საჭირო ოპერატიულ-სამძებრო საშუალებებით. ამ ღონისძიებების გატარების კვალობაზე ნარკომანიასთან ბრძოლის საქმეში უკვე მიღწეულია გარკვეული წარმატებები, ეს განსაკუთრებით ეხება პროფილაქ-

ტიკასა და ნარკოტიკებით სპეკულაციას. ოპერატიულმა ჯგუფებმა უკანასკნელ წლებში ამოიღეს ასობით კილოგრამი სხვადასხვა ნარკოტიკული ნივთიერება, აღიძრა ათობით სისხლის სამართლის საქმე.

უკვე რამდენიმე წელია რესპუბლიკის ქალაქებისა და რაიონული ცენტრების უმრავლესობაში საზოგადოებრივი წესრიგის დაცვას ერთიანი დისლოკაციით ახორციელებენ საპატრულო-საგუშაგო სამსახურები. შინაგან საქმეთა ორგანოებს გადაეცათ თანამედროვე ოპერატიული და კრიმინალისტური ტექნიკა, კავშირგაბმულობის საშუალებანი, ტრანსპორტი და გამომთვლელი ტექნიკა. ამჟამად ფართოდ გამოიყენება პროფილაქტიკური მუშაობის კომპლექსურ-მიზნობრივი დაგეგმვის ნაცადი მეთოდი. ცხადია, ეს ღონისძიება ხორციელდება პარტიული, საბჭოთა, ადმინისტრაციული ორგანოებისა და საზოგადოებრივი ორგანიზაციების თანამონაწილეობით. ასეთი მოქმედების გეგმები ითვალისწინებენ ქალაქებისა და სოფლების მიკრორაიონებში ადამიანებს შორის კონფლიქტური სიტუაციების სალიკვიდაციო ღონისძიებებს. ასეთი მეთოდით მუშაობას მეტად დიდი მნიშვნელობა აქვს, რადგან სტატისტიკა მოწმობს, რომ პიროვნების მიმართ ყველა დანაშაულის 60 პროცენტზე მეტი გამოწვეულია სწორედ ასეთი კონფლიქტების შედეგად.

258
81

უკანასკნელ წლებში ბევრი რამ გაკეთდა სოციალისტური საკუთრების დატაცებისა და სპეკულაციის წინააღმდეგ ბრძოლის სამსახურების განმტკიცებისათვის, ამაღლდა სახელმწიფო და საზოგადოებრივი საკუთრების ორგანიზებულ დატაცებასთან, მექრთამეობასთან და სპეკულაციასთან ბრძოლის ეფექტიანობა და ყოველთვის მზადყოფნის დონე. და საერთოდ, შინაგან საქმეთა სამინისტროს ყველა სამსახური აქტიურად არის ჩაბმული უშრომელი შემოსავლის ყველა წყაროს დროულად აღმოფხვრისათვის უკომპრომისო ბრძოლაში.

უკვე ოთხი წელია, რაც ჩვენს რესპუბლიკაში შენარჩუნებულია საგზაო-სატრანსპორტო შემთხვევათა შემცირების ტენდენცია, მაგრამ ამ სამსახურის მუშაობით კმაყოფილი არა ვართ, რადგან ავარიების შედეგად კვლავ მრავალი მსხვერპლი და სხეულის მძიმე დაზიანებანი. ისიც საგანგაშოა, რომ სატრანსპორტო საშუალებათა ათას ერთეულზე საგზაო-სატრანსპორტო შემთხვევათა დონე ჯერ კიდევ მაღალია საკავშირო მაჩვენებელზე.

ქმედითი ღონისძიებები ტარდება შინაგან საქმეთა ორგანოების ღირსეული კადრებით შეგსებისათვის. იზრდება მილიციის მუშაკთა პროფესიული და მორალურ-ზნეობრივი შეგნების დონე. ახლა ჩვენი მუშაკების თითქმის 95 პროცენტს საშუალო ან უმაღლესი განათლება აქვს. ამაღლდა დაკისრებული საქმისადმი პასუხისმგებლობა. მილიციის მრავალი მუშაკი მშვიდობიანობის პერიოდში გამოვლენილი გამბედაობისა და მამაცობისათვის, საზრიანობისა და უმწიკვლო სამსახურისათვის დაჯილდოებულია მთავრობის ორდენებითა და მედლებით. მართო ბოლო ორი წლის მანძილზე რესპუბლიკის მილიციის ასამდე მუშაკს გადაეცა მაღალი და საპატიო ჯილდო. მაგალითად, შარშან შრომაში გამოჩენილი თავდადებისა და მამაცობისათვის ოქტომბრის რევოლუციის ორდენით დაჯილდოვდა თბილისის შინაგან საქმეთა სამმართველოს განსაკუთრებულ საქმეთა გამომძიებელი ილია ჯავაშვილი.

საბჭოთა ადამიანების ბედნიერებისა და უშიშროებისათვის წესრიგის დამცველი ჯარისკაცები თავგანწირვით იბრძვიან სიკვდილ-სიცოცხლის მიჯნაზე. მილიციის მუშაკის ყოველდღიური საქმიანობა განუწყვეტლოვ დაკავში-

საქართველოს
საგარეო ურთიერთობების
სამსახური

რებულია ხიფათთან და რისკთან, ამიტომ არის, რომ ბოროტებასთან უკომპრომისო ბრძოლაში იშვიათად როდი განვიციდით მძიმე დანაკლისს. დღეს ჩვენს რიგებში აღარ არის ვაჟა კარიაული, რომელმაც უუყოყმანოდ გასწირა თავი რუსი ქალიშვილის გადარჩენისათვის. ობელისკები აღიმართა მილიციის ლეიტენანტების ანზორ ბურდულისა და ალიოზა რზგოევის წმინდა საფლავებზე. „საპატიო ნიშნის“ ორდენით სიკვდილის მერე დაჯილდოვდა მილიციის უფროსი ლეიტენანტი, წყალტუბოს შინაგან საქმეთა განყოფილების კომკავშირული ორგანიზაციის მდივანი ელგუჯა ჭეიშვილი, რომელიც დამნაშავეს ტყვიამ განგმირა. მისი სახელი შეტანილია საკავშირო ლენინური კომკავშირის ცენტრალური კომიტეტის საპატიო წიგნში.

მილიციის პირადი შემადგენლობა სამართლიანად ამაცობს იმათი სახელებით, ვინც არ შედრკა სიკვდილის წინაშეც კი. ესენი არიან იზოლდა ბარამიძე, გიორგი ჯაფარიძე, ვლადიმერ შაქარაშვილი, ბორის მშვილდაძე, ვასილ გელაშვილი, ფაზალი ჩამაგუა, გაიოზ და არჩილ აშქარელები, ისონ პაპკიაური, ლევან მგალობლიშვილი, გივი გიორგაძე... სამარადეამო დიდება და ხსოვნა ჩვენს მებრძოლ ამხანაგებს, რომლებმაც ახალგაზრდა სიცოცხლე არ დაიშურეს საბჭოთა ადამიანების ბედნიერებისათვის.

მილიციის სახელოვანი იუბილეს დღეებში შეუძლებელია არ გავიხსენოთ ისინიც, ვინც ბოროტებასთან ბრძოლაში თანდათან ხვეწდნენ ჩვენი ორგანოების საქმიანობის ფორმებსა და მეთოდებს, წვრთნიდნენ ახალგაზრდა კადრებს. მათ შორის განსაკუთრებული მოწიწებით ვიხსენებთ გიორგი შელის, გრიგოლ და ვლადიმერ ჭელიძეებს, გრიგოლ შალამბერიძეს, ვალერიან თალაკვაძეს, ბორის ბონდარენკოს და მრავალ სხვას.

გმირი მამების სახელოვან, მაგრამ რთულ გზას ღირსეულად აგრძელებს მილიციის ახალი თაობა. ვეტერანები დარწმუნებული არიან, რომ ახალგაზრდები კიდევ უფრო გაამდიდრებენ უფროსების მიერ დამკვიდრებულ ტრადიციებს. ამაზე მეტყველებენ ათობით და ასობით გახსნილი რთული საქმეები, მახეში გაბმული საშიში რეციდივისტები და ყაჩაღები, მექრთამეები და სოციალისტური საკუთრების დამტაცებლები...

მილიციის საუკეთესო წარმომადგენლების თავდადებული და გმირული შრომა მაგალითად იქცევა მთელი პირადი შემადგენლობისათვის. ეს გასაგებობაა, რადგან დღევანდელია კიდევ უფრო მეტ მოთხოვნებს უყენებს შინაგან საქმეთა ორგანოების მუშაობას. მართლწესრიგის დაცვის, დანაშაულთან ბრძოლის და, რაც მთავარია, სამართალდარღვევათა პროფილაქტიკის ამოცანების გადაჭრა ძალუძთ მხოლოდ მაღალი კლასის სპეციალისტებს, მაღალიდგურ, პატიოსან და მართალ პიროვნებებს, მათ, ვისაც ჭეშმარიტად უყვართ ადამიანი. სწორედ ამ თვისებების მტკიცედ ჩამოყალიბებისკენაა ახლა მიმართული მთელი პოლიტიკურ-აღმზრდელი მუშაობა. დიახ, გარდაქმნის შეუქცევადი პროცესი ჩვენი მუშაკებისაგან მოითხოვს პოლიტიკურ სიმწიფეს, მაღალ კულტურასა და პროფესიულ ოსტატობას.

ჩვენი მუშაკების სულიერი და ზნეობრივი ფორმირების საქმეში დიდ დახმარებას გვიწევენ ვ. ი. ლენინის ცენტრალური მუზეუმის თბილისის ფილიალის, ხალხთა მეგობრობისა და დიდების მუზეუმების, მასობრივი ინფორმაციის ორგანოების კოლექტივები. ჩვენ ღრმად ვაფასებთ მათ ღვაწლს მართლწესრიგის განმტკიცების საქმეში.

ტრადიციად იქცა ჩვენი შეხვედრები თბილისის თეატრებისა და კინოს-

ტულია „ქართული ფილმის“ შემოქმედებით კოლექტივებთან. რესპუბლიკის თეატრების სცენებზე, ტელე და კინოეკრანებზე სულ უფრო ხშირად ვხვდებით მწვევესიუჟეტიან, საინტერესო მხატვრულ, სამეცნიერო-პოპულარულ და დოკუმენტურ ფილმებსა და სპექტაკლებს, რომლებიც ასახავენ შინაგან საქმეთა ორგანოების ყოველდღიურ საგმირო საქმეებს.

პირადი შემადგენლობის სწორად აღზრდისა და დანაშაულთან ბრძოლაში საზოგადოებრიობის მობილიზების საქმეში ფასდაუდებელ დახმარებას გვიწევს 1966 წლიდან რესპუბლიკის შინაგან საქმეთა სამინისტროსთან არსებული საზოგადოებრივი აზრის ინსტიტუტი, რომელშიც გაერთიანებული არიან მუშათა კლასის, კოლმეურნე გლეხობისა და ინტელიგენციის საუკეთესო წარმომადგენლები.

საზოგადოებრიობის ზრუნვისა და ყურადღების საპასუხოდ ჩვენს პარტიულ მოვალეობად მიგვაჩნია მთელი გულისყური მიგვაყროთ ხალხის ხმას. კიდევ უფრო დავხვეწოთ ახალ წამოწყებას — „ღია კარის დღეს“. აქ თითოეულ მოქალაქეს საშუალება ეძლევა, რათა პირადად მიმართოს სამინისტროს ხელმძღვანელ ამხანაგებს. პრაქტიკაში ვნერგავთ სამინისტროს მუშაკების სისტემატურ ანგარიშებს შრომითი კოლექტივების წინაშე. საჯაროობის პრინციპების თანახმად შინაგან საქმეთა ორგანოების თაობაზე ინფორმაციებს განუწყვეტლივ მივაწვდით საზოგადოებას, პირუთვნელად და გულახდილად ვილაპარაკებთ იმ ნეგატიურ მოვლენებზეც, რომლებსაც, სამწუხაროდ, ჯერ კიდევ ვხვდებით თვით მილიციის ორგანოებში.

როცა ჩვენი მუშაობის ზოგიერთ პოზიტიურ მომენტს აღვნიშნავთ, ცხადია, პირდაპირ უნდა ითქვას, რომ ეს მხოლოდ მილიციის დამსახურება როდია. ჩვენს თითოეულ წარმატებაში დიდი წვლილი მიუძღვის რესპუბლიკის პარტიულ ორგანიზაციას, სხვა ადმინისტრაციულ ორგანოებს და მთელს საზოგადოებას.

საბჭოთა მილიციის საიუბილეო დღეს პარტიასა და ხალხს ვუბატაკებთ, რომ მიუხედავად ჯერ კიდევ არსებული ნაკლოვანებებისა, საქართველოს მილიციის ორგანოებმა მაღლწიეს განსაკუთრებით მძიმე სახის სისხლის სამართლის დანაშაულობათა განუწყვეტლივ შემცირებას. გასულ წელთან შედარებით, მიმდინარე წლის 10 თვეში სისხლის სამართლის სამძებროს ხაზით დანაშაული 6 პროცენტით შემცირდა, სიმთვრალეში ჩადენილი დანაშაულობანი — 7 პროცენტით, სახელმწიფო ქონების დატაცების შემთხვევები 18 პროცენტით შემცირდა, ბოროტი ხულიგნობა — 15 პროცენტით, ხოლო ყაჩაღობის ფაქტები მთელი 30 პროცენტით ნაკლებია.

საზოგადოებრივი წესრიგის დაცვის, დანაშაულთან ბრძოლისა და ოპერატიული ვითარების გაჯანსაღების საქმეში დიდი წვლილი შეაქვთ მილიციის თბილისის გარნიზონის, აფხაზეთისა და აჭარის შინაგან საქმეთა სამინისტროთა ორგანოებს, რუსთავის, გორის საქალაქო განყოფილებებს და სხვებს.

რესპუბლიკის მილიციის ორგანოებს საქართველოს კომპარტიის ცენტრალური კომიტეტი და რესპუბლიკის მთავრობა ყველა პირობას უქმნიან ნაყოფიერი მუშაობისათვის. ახლა ჯერი საქართველოს საბჭოთა მილიციაზეა, რათა უფრო აქტიურად და ორგანიზებულად იბრძოლოს ყოველგვარი ანტიპოდებისა და ანტისაზოგადოებრივი მოვლენების წინააღმდეგ, უზრუნველყოს ჩვენს ქალაქებსა და სოფლებში მტკიცე საზოგადოებრივი წესრიგი.

სკკპ ცენტრალური კომიტეტის 1987 წლის ივნისის პლენუმზე ჩვენი პარ-

ტიის გენერალურმა მდივანმა, ამხანაგმა მიხეილ სერგის ძე გორბაჩოვმა, თავის მოხსენებაში, როცა გარდაქმნის თანამედროვე ეტაპის უპირველეს ამოცანებზე მიგვიითებდა, აღნიშნა, რომ „...ზოგან არათუ არ გამოუღიფო წინსვლა, არამედ წინათ მოპოვებულ პოზიციებსაც კი თმობენ. აიღეთ დისციპლინისა და წესრიგის დამყარებისათვის მიმდინარე ბრძოლა. ხომ ფაქტია, რომ ბევრგან ჩაცხრა ენთუზიაზმი, მუშაობა უაღრესად დუნედ წარმოებს. კვლავ განშირდა ლოთობის ფაქტები, კვლავ არხეინად გრძნობენ თავს უსაქმურები, მუქთახორები, ხელმრუდეები — ადამიანები, რომლებიც სხვების ხარჯზე ცხოვრობენ. მშრომელები შეწუხებული არიან ამით. და ეს საფუძვლიანი წუხილია, ამხანაგებო!“.

ამ მაღალი პოზიციებიდან გამომდინარე მილიციის ორგანოები მშობლიური კომუნისტური პარტიის, მთელი ხალხის წინაშე პირობას დებენ, რომ მთელ ძალღონეს და თუ საჭიროა, სიცოცხლესაც არ დაიშურებენ საბჭოთა ხალხის ინტერესებისათვის.



საქართველოს სსრ უმაღლესი საბჭოს პრეზიდიუმში

ქარელის რაიონის მოსახლეობის სამართლებრივი მომსახურების მდგომარეობისა და მისი გაუმჯობესების ღონისძიებათა შესახებ

საქართველოს სსრ უმაღლესი საბჭოს პრეზიდიუმმა მოისმინა ქარელის სახალხო დეპუტატთა რაიონული საბჭოს აღმასკომის თავმჯდომარის ტ. ხანიშვილის ინფორმაცია რაიონის მოსახლეობის სამართლებრივი მომსახურებისა და მისი გაუმჯობესების ღონისძიებათა შესახებ. მიღებულ დადგენილებაში აღნიშნულია, რომ რაიონის საბჭოთა და სამართალდამცველი ორგანოები გარკვეულ მუშაობას ეწევიან სოციალისტური კანონიერებისა და მართლწესრიგის განმტკიცების, სამართლებრივი პროპაგანდის გაძლიერების, მოქალაქეთა უფლებებისა და კანონიერი ინტერესების დაცვის უზრუნველსაყოფად, საბჭოთა კანონების ზუსტი და განუხრელი შესრულების სულისკვეთებით მოსახლეობის აღზრდისათვის.

ამასთან ერთად დადგენილებაში ნათქვამია, რომ რაიონში ამ მიმართებით გაწეული მუშაობა ჯერ კიდევ ვერ უპასუხებს გარდაქმნის სადღესო მოთხოვნებს. კერძოდ, იუსტიციის ორგანოები ყოველთვის დროულად და კვალიფიციურად არ ეხმარებიან მოქალაქეებს მათი შრომითი, ქონებრივი, საბინაო, პირადი და სხვა უფლებების რეალიზაციაში, წარმოქმნილი კონფლიქტური სიტუაციისა თუ დავის ობიექტურ გადაწყვეტაში, პატივისა და ღირსების დაცვაში.

გასაუმჯობესებელია იურიდიული კონსულტაციისა და საკონსულტაციო პუნქტების მუშაობა. უკანასკნელი ორი წლის განმავლობაში სახალხო სასამართლოს მიერ განხილული 415 სამოქალაქო საქმიდან ადვოკატები მონაწილეობდნენ მხოლოდ 101 საქმის განხილვაში. მიმდინარე წლის მთვეში სახალხო სასამართლომ ადვოკატთა შუამდგომლობით მხოლოდ 2 კერძო განჩინება გამოიტანა სამართალდარღვევათა პროფილაქტიკის საკითხზე. ადვოკატების მიერ სისხლის სამართლის საქმეებზე აღძრულ შუამდგომლობათა დაახლოებით 45 პროცენტი დაუკმაყოფილებლია, რაც მოწმობს მათს არასაკმარის კვალიფიკაციას.

ნელა ინერგება მოქალაქეთათვის იურიდიული დახმარების გაწევა უშუალოდ საწარმოსა თუ საცხოვრებელ ადგილას. მაგალითად, წელს ამ ფორმით სამართლებრივი დახმარება გაეწია მხოლოდ სამ მოქალაქეს.

ჯერ კიდევ ადგილი აქვს ფორმალისმის ელემენტებს ზოგიერთ სანოტარო მოქმედების შესრულებაში. დღევანდელი მოთხოვნები არც მშაჩის ორგანოების მუშაობა უპასუხებს.

კვლავ არასაკმარისია რაიონის საკოორდინაციო-მეთოდური საბჭოს როლი სამართლებრივ პროპაგანდასა და სოფლად სამართალმწიფედლობით მუშაობაში. ამ საქმეში არსებითი ნაკ-



ლოცვნებები იმის შედეგად, რომ ქარელის სახალხო დემუტატოთა რაიონული საბჭოს აღმასკომი სათანადო მომთხოვნელობას არ იჩენს საბჭოთა მუშაკებისადმი, სამართალდამცველი და იუსტიციის ორგანოებისადმი, სრულად არ იყენებს კანონით მინიჭებულ უფლებებსა და შესაძლებლობებს მათი საქმიანობის სრულყოფისათვის.

საქართველოს სსრ იუსტიციის სამინისტრო არასაკმარის მეთოდურ, სამართლებრივ და პრაქტიკულ დახმარებას უწევს რაიონის სახელმწიფო ორგანოებსა და საზოგადოებრივ ორგანიზაციებს სამართლებრივი პრობლემების დონის ამაღლებისა და მოქმედი კანონმდებლობის განმარტებისათვის მუშაობის გაუმჯობესებაში.

ქარელის სახალხო დემუტატოთა რაიონული საბჭოს აღმასრულებელ კომიტეტს დავვალა უმოკლეს ვადაში აღმოფხვრას ამ დადგენილებაში აღნიშნული ნაკლოვანებები და უზრუნველყოს „მოსახლეობის სამართლებრივი მომსახურებისათვის იუსტიციის ორგანოების მუშაობის შესახებ“ სსრ კავშირის უმაღლესი საბჭოს პრეზიდიუმის 1987 წლის 24 ივლისის დადგენილების მოთხოვნათა განუხრედალ შესრულება.

რესპუბლიკის სახალხო დემუტატოთა რაიონულ და საქალაქო საბჭოების აღმასრულებელ კომიტეტებს დავვალა განიხილონ ეს დადგენილება და მიიღონ საჭირო ზომები ადგილობრივი საბჭოების შესახებ კანონებით მათზე დაკისრებულ მოსახლეობის სამართლებრივი მომსახურებისა და კანონმდებლობის განმარტების ორგანიზაციის მოვალეობათა შესრულების უზრუნველსაყოფად.

საქართველოს სსრ იუსტიციის სამინისტრომ მკვეთრად უნდა გაააქტიუროს სამინისტროსთან არსებული საკოორდინაციო-მეთოდური საბჭოს მუშაობა, რომელიც მოწოდებულია მეთოდური ზედმძღვანელობა და კოორდინაცია გაუწიოს სახელმწიფო და საზოგადოებრივი ორგანიზაციების საქმიანობას სამართლებრივი ცოდნის პრობლემებისა და მოსახლეობისათვის კანონმდებლობის განსამარტავად. რესპუბლიკის სამართალდამცველ ორგანოებთან, საზოგადოება „ცოდნის“ გამგეობასთან, შესაბამის სამეცნიერო დაწესებულებებსა და სასწავლებლებთან ერთად ერთი თვის ვადაში წარმოადგინოს წინადადებები სამართლებრივ საკითხებზე მოსახლეობისათვის პოპულარული საცნობარო გამოცემის მომზადების შესახებ.

ამ დადგენილების შესრულების მიმდინარეობისადმი კონტროლი დავვალა საქართველოს სსრ უმაღლესი საბჭოს პრეზიდიუმის იურიდიულ განყოფილებას.



საქართველოს სსრ პროკურატურის კოლეგიაზე

ქალაქ თბილისის პროკურატურაში სამართო ზედამხედველობის მუშაობის ორგანიზაციული სერიოზული ნაკლოვანებების შესახებ

კოლეგიაზე აღნიშნა, რომ „სოციალისტური კანონიერებისა და მართლწესრიგის განმტკიცებაში საპროკურორო ზედამხედველობის როლის გაძლიერების ღონისძიებათა შესახებ“ ეკპ ცენტრალური კომიტეტის 1987 წლის 4 ივნისის დადგენილებისა და სსრ კავშირის გენერალური პროკურორის შესაბამისი ბრძანების მოთხოვნათა შესასრულებლად ქ. თბილისის პროკურატურის (პროკურორი თ. ტულუში) საერთო ზედამხედველობის განყოფილებამ (უფროსი ე. ჩარგაზია) გარკვეული მუშაობა გასწია.

ამასთან ერთად, კოლეგიის გადაწყვეტილებაში ნათქვამია, რომ ამ განყოფილებას ჯერ კიდევ არ განუხორციელებია გადაწყვეტი ღონისძიებანი საქმიანობის ძირეული გარდაქმნისათვის. შემოწმებების დროს არ ირკვევენ კანონიერების დარღვევათა გამოძწევე მიზეზებს, არ ადგენენ კონკრეტულ დამნაშავე პირებს, იშვიათად აყენებენ დამნაშავე პირთა მატერიალური პასუხისმგებლობის საკითხებს, რის გამოც საერთო საზედამხედველო ღონისძიებანი ნაკლებეფექტიანია და ჯეროვან გავლენას ვერ ახდენენ ეკონომიკის სფეროში კანონიერების დარღვევათა ფაქტობრივ აღმოფხვრაზე.

დიდა წუნღებული პროდუქციის გამოშვებით მიღებული ზარალი. მიმდინარე წლის 9 თვეში მან 2,3 მილიონი მანეთი შეადგინა, რაც 238 ათასი მანეთით მეტია გასული წლის შესაბამის პერიოდთან. ამ არასახარბელო ტენდენციის განყოფილებამ ვერ დაუპირისპირა სერიოზული, ქმედითი ღონისძიებანი. სახელმწიფოსათვის მიყენებული ზარალის ანაზღაურების



სათვის განყოფილებას სახალხო სასამართლოებში არ შეუტანია არც ერთი სასარჩელო განცხადება. უკანასკნელ წლებში იზრდება სახელშეკრულებო დისციპლინის დარღვევის ფაქტებიც. წელს 9 თვეში 21 წარმოებამ ვერ შეასრულა მიწოდების გეგმა, რაც 41 მილიონი მანეთის პროდუქციაა. ეს ორჯერ მეტია გასული წლის შესაბამის პერიოდთან. ქალაქის პროკურატურა კი საპროკურორო ზედამხედველობის ამ სფეროს ყურადღებას არ აქცევს, არაფერი უღონია რაიპროკურატურების მუშაობის გააქტიურებისათვის.

კვლავ გავრცელებულია მიწერებისა და სახანგარიშების სხვა დარღვევების ფაქტები, იზრდება სახალხო მეურნეობაში დატაცებათა შემთხვევები.

განყოფილება საერთოდ არ იყენებს საპროკურორო რეაგირების ისეთ ქმედით ფორმას, როგორცაა მიწერილობა. პრაქტიკულად 9 თვეში არ გაუპროტესტებიათ სახალხო დეპუტატთა თბილისის საქალაქო საბჭოს აღმასკომის მიერ მიღებულ ნორმატიული ხასიათის არც ერთი სამართლებრივი აქტი.

მიუხედავად იმისა, რომ რესპუბლიკის პროკურორის 1987 წლის 5 მაისის ბრძანებით ქ. თბილისის პროკურატურის საერთო ზედამხედველობის განყოფილების უფროსს ე. ჩარგაზიას გამოეცხადა სასტიკი საყვედური; მან ვერ გააკეთა სათანადო დასკვნები და ვერ გარდაქმნა განყოფილების მუშაობა სადღეისო მოთხოვნების შესაბამისად.

საქართველოს სსრ პროკურატურის კოლეგიის გადაწყვეტილებით ქ. თბილისის პროკურატურის მუშაობა საერთო ზედამხედველობის ხაზით შეფასდა არადამაკმაყოფილებლად. მუშაობაში არსებული სერიოზული ნაკლოვანებებისა და შეცდომებისათვის, სუსტი მომთხოვნელობისა და სკკპ ცენტრალური კომიტეტის ზემოაღნიშნული დადგენილებისა და სსრ კავშირის გენერალური პროკურორის ბრძანების მოთხოვნათა არასთანადო შესრულებისათვის თბილისის პროკურატურის საერთო ზედამხედველობის განყოფილების უფროსი ე. ჩარგაზია განთავისუფლებულია დაკავებული თანამდებობიდან. ქ. თბილისის პროკურორი თ. ტუღუში მკაცრად იქნა გაფრთხილებული და დაევალა საერთო ზედამხედველობის განყოფილების მთლიანად განახლება, მისი კვალიფიციური და პრინციპული კადრებით დაკომპლექტება.

არსებული ნაკლოვანებებისა და ხარვეზების აღმოსაფხვრელად კოლეგიამ დასახა კონკრეტული ღონისძიებანი.

კოლეგიის გადაწყვეტილების შესრულებისადმი კონტროლი დაევალა საქართველოს სსრ პროკურორის პირველ მოადგილეს ნ. შოშიაშვილს.

პირველი ნაბიჯები მაცნიაკაზში

სამართლიანობისა და სამართლის ურთიერთმიმართების მარქსისტული გადაწყვეტისათვის

რაულ ლიბრაძე,

საქართველოს პოლიტექნიკური ინსტიტუტის ფილოსოფიის კათედრის უფროსი მასწავლებელი

სამართლიანობისა და სამართლის ცნებების ურთიერთმიმართებისა და რაობის საკითხის შესწავლის დროს ცხადი ხდება, რომ როგორც იურიდიულ ისე ფილოსოფიურ მეცნიერებაში ეს პრობლემა მუდამ იწვევდა ხოლმე დავას.

თუ საზოგადოების განვითარების პირველ პერიოდში, მონათმფლობელური სახელმწიფოს კლასიკური ფორმის წარმოქმნამდე, დომინირებდა სამართლიანობის მორალური გაგება, რომელს ნინამდვილეში მისი შინაარსი შეიცვალა იურიდიული გაგებით და მან გაბატონებული სახე მიიღო მე-18 საუკუნიდან. ამან თ. ჰობსის, ჰ. გროციუსის, ჯ. ლოკის, ჟ. ჟ. რუსოსა და სხვათა ნააზრევში ჰპოვა ახსნა. ამგვარად, ბურჟუაზიულ სინამდვილეში სამართლიანობა მთლიანად დაუქვემდებარდა სამართალს. სამართლიანობის ცნების მარქსისტულ გაგებამდე გაბატონებული იყო აზრი, რომლის მიხედვით სამართლიანობა ნიშნავდა სამართლის მოქმედე-



ბას. ამას მოწმობს ის ფაქტი, რომ მთელ რიგ სახელმწიფოებში მართლმსაჯულება და სამართლიანობა წარმოადგენილია, როგორც სინონიმები. მაგალითად, გერმანულ ენაში ეს ტერმინი ნიშნავს სამართლის შესახაზისად ქმედებას, ფრანგულ ენაში კი სამართლიანობასა და კანონიერებას.

მარქსისტული მსოფლმხედველობის ჩამოყალიბებამდე სამართლიანობასა და სამართალს იდეალისტური პოზიციებიდან ხსნიდნენ, რადგან მოაზროვნეთა გარკვეული ნაწილი მას ღვთიურ წარმონაქმნად მიიჩნევდა. თუმცა, იყვნენ ისეთებიც, რომლებიც ამტკიცებდნენ, რომ სამართლიანობა გამოშლინარეობს თვით საგანთა ბუნებიდან, ან იგი მხოლოდდამხოლოდ ადამიანური გონების შემოქმედების პროდუქტიაო.

მარქსიზმი გადაჭრით უარყოფს სამართლიანობისა და სამართლის ამგვარ გაგებას, მის ზებუნებრივ შინაარსს და საკითხს კლასობრივი, კონკრეტულ-ისტორიული პოზიციებიდან იხილავს. იგი იძლევა სამართლიანობის, როგორც მრავალსაბეჭტიანი ცნების, სრულფასოვანი კვლევის საფუძველს. მიუხედავად ამისა, როგორც ბურჟუაზიულ მეცნიერებაში, ისე ზოგიერთ საბჭოურ ლიტერატურაშიც, ჭეროვანად არ არის შეფასებული და განალიზებული სამართლიანობის საკითხი. სამუხარლო, საბჭოთა იურიდიულ მეცნიერებაში დღესაც გრძელდება მისი ცალმხრივად განხილვა. საბჭოთა ხელისუფლების პირველ წლებში საბჭოთა იურისტები რატომღაც თავს იკავებდნენ სამართლიანობის პრობლემის კვლევისაგან, ან ცალმხრივად განიხილავდნენ მას, როგორც მარტოოდენ იურიდიულ ცნებას. როგორც ცნობილი თანამედროვე საბჭოთა სამართალმცოდნე ა. ი. ეკიმოვი აღნიშნავს, ძველად ჩვენს იურიდიულ მეცნიერებაში ადგილი ჰქონდა სამართლიანობის პრობლემის შესწავლისადმი თავშეკავებას, ზოგჯერ კი მისდამი უარყოფით დამოკიდებულებას¹. შეიძლება ეს იმითაც იყო გამოწვეული, რომ ადრე (ამასვე აღნიშნავს საბჭოთა იურისტი ლ. მანკოვსკი) გავრცელებული იყო აზრი თითქოს სამართლიანობისა და სამართლის ურთიერთგავეშორის კვლევა აუცილებლად იდეალიზმამდე მიიყვანდა შეკლევარს, რადგან სადავოდ არ ითვლებოდა აზრი: „სამართლიანობა წარმოადგენს სამართლის წარმოქმნელს“²

ჩვენი საუკუნის 20-იან წლებში გ. ა. რეისნერმა დადასტურა, რომ სამართლიანობა სამართალზე არის დაფუძნებული³. მაგრამ ამ აზრს არ დაეთანხმა საბჭოთა იურისტების ზევრი წარმომადგენელი. სწორედ ამ პერიოდში პ. ი. სტუჩკამ შეისწავლა სამართლიანობისა და განსაკუთრებით სამართლის სადაო საკითხები და ენციკლოპედიაში „სახელმწიფო და სამართალი“, რომელიც მისი რედაქციით გამოვიდა, დაბეჭდა სტატია „სამართლიანობა სამართალი“⁴, რომლის მიხედვითაც: სამართლიანობა დაახლოებულია მკაცრ კანონმდებლობასთან, ეს კანონმდებლობა კი წარმოადგენს რევოლუციურს⁵.

სამამულო ომის შემდგომ პერიოდში საბჭოთა იურისტმა მ. ა. არჟანოვმა კვლავ გაამახვილა ყურადღება სამართლიანობისა და სამართლის ურთიერთმიმართებაზე, მაგრამ ინტენსიური კვლევა ამ მხრივ მხოლოდ ბოლო წლებში წარიმართა. ამ პრობლემაზე მუშაობენ ცნობილი საბჭოთა მეცნიერები: ე. ნ. ლუკაშევა, ნ. ი. მატუზოვი, ვ. ნ. კუდრიაცევი, ე. მ. ორაჩა, ვ. დ. პოპოვი, პ. მ. რაბინოვიჩი, ი. ს. სამოშენკო, დ. ა. ჭერიშოვი და სხვები; მოძმე სოციალისტური ქვეყნებიდან რ. გოლნიკი, ტ. შელცერი, ი. საბო, ვ. სუხეციკი, ვ. პეშკა, გ. ხანაი, რ. შუისსელიერი და ა. შ. ჩვენის აზრით ამ მრავალრიცხოვან ავტორთა და ნაშრომთა შორის უპირატესობა უნდა მიენიჭოს საბჭოთა იურისტების, მ. ნ. ალექსევის, ი. ი. სულინის და ვ. ი. ჩერკასოვის აზრს. ისინი თვლიან, რომ მარქსისტულ ლიტერატურაში ჭერ კიდევ არ არის გამოკვლეული და საბოლოოდ დადგენილი, თუ საზოგადოებრივი ცნობიერების რომელ ფორმას მიეკუთვნება სამართლიანობა. ამასთან დაკავშირებით ი. ი. სულინი წერს, რომ „საკითხი სამართლიანობის სპეციფიკისა და მოცულობის შესახებ სპეციალურად არავის დაუმუშავებია“⁶. აქვე გვინდა შევნიშნოთ, რომ ბოლო წლებში ეს ხარვეზი რამდენადმე გამოსწორებულია. ამ მხრივ აღსანიშნავია უ. ა. ბერბეშვიანს, ა. ი. ეკიმოვის, გ. ვ. მალცევისა და სხვათა შრომები, სადაც მარქსისტული პოზიციებიდან არის განხილული აღნიშნული საკითხი.

1 Экимов А. И. Справедливость и социалистическое право, Л. 1980, ст. 10.
 2 იქვე, 83- 10.
 3 Рейснер М. А., Государство, ч. I, Идеология и метод М. 1918 г. ст. 132.
 4 Стучка П. И., Энциклопедия «Государство и право», М., 1925, ст. 1154.
 5 Аржанов М. А., Сила социалистической справедливости, — «Советское государство и право», 1945, №№ 5—6.
 6 Сулин Ю. И. Актуальные проблемы марксистской этики, 1967, с. 204.

საბჭოთა იურისტები ლ. ა. ანდრეევი, მ. პ. კარაევი, ვ. ნ. კულრიაცკევი, ა. ვ. მიცკევიჩი, ი. ბ. ხაიკინი, მ. ს. სტროგოვიჩი და სხვები სამართლიანობის ცნებას ცალმხრივად განიხილავენ და მას მხოლოდ იურიდიულ კატეგორიას მიაკუთვნებენ. თითქმის ასევე ეთიკურ ლიტერატურაშიც. საბჭოთა ეთიკოსები გ. დ. ბანქელაძე, ი. ნ. კრუტოვა, ვ. ს. პოზენკო და სხვები სამართლიანობის ცნებას თვლიან ვიწრო, მხოლოდ მორალურ კატეგორიად, მაგრამ მათ არ ეთანხმებიან ლ. მ. არხანგელსკი, ზ. ა. ბერბეშვილი და მათი მიმდევრები. ისინი სამართლიანობას იხილავენ ფართოდ, როგორც ისეთ სოციალურ-ფილოსოფიურ ცნებას, რომელიც თავის გამოხატულებას პოულობს არა მარტო სამართალში და მორალში, არამედ ეკონომიკაში, პოლიტიკაში, იდეოლოგიაში და ა. შ. ამავე აზრს ვინიარებთ ჩვენც, რადგან მიგვაჩნია, რომ იგი მარქსისტული შეცნირებიდან გამომდინარეობს. მართალია, მარქსიზმის კლასიკოსები სპეციალურად არ იხილავენ სამართლიანობისა და სამართლის ურთიერთმიმართების საკითხს, მაგრამ მათი შრომები ამ საკითხის კვლევისა და გადაწყვეტისათვის საკმაო მასალას იძლევიან.

მარქსიზმის კლასიკოსების შრომებში სამართლიანობის ორგვარ გაგებას ვხვდებით. ბურჟუაზიული სამართლიანობის დროს მის მორალურ ბუნებასთან ერთად მათ მხედველობაში აქვთ აგრეთვე მისი სამართლებრივი ბუნებაც. ფ. ენგელსი „ანტი-დიურინგში“ წერს: სამართლიანობის ცნება არის „თვით სამართლის აბსტრაქტული გამოხატულება“⁷. მას მხედველობაში აქვს სამართლიანობის იურიდიული ასპექტი, თუმცა, ბურჟუაზიული გაგებით. სამართლიანობის მორალური ასპექტი ანუ პროლეტარული გაგებით სამართლიანობის საფუძველში კარლ მარქსსა და ფრიდრიხ ენგელსს მხოლოდ მორალური შინაარსი აქვთ ნაგულისხმევი. როცა ისინი ზნეობის უბრალო კანონებზე და სამართლიანობაზე მსჯელობენ, მხედველობაში აქვთ არა სამართლებრივი ურთიერთობები, არამედ სამართლიანობა მორალური ასპექტით, რადგან ბურჟუაზიულ საზოგადოებაში სამართლიანობის ცნება როგორც ზნეობრივი ცნობიერების განვითარება, მხოლოდ პროლეტარიატს შეეძლო გამოეყენებინა მორალური მნიშვნელობით. კარგად ესმოდათ რა შეუსაბამობა ბურჟუაზიულ სამართალსა და სამართლიანობას შორის, მარქსიზმის კლასიკოსები ბურჟუაზიულ სამართალს ახასიათებდნენ, როგორც უადრესად უსამართლოს, რომელიც იცავს და ამართლებს ადამიანთა ჩაგვრას და უთანასწორობას. ბურჟუაზიული წყობილების მომხრეებს თავიანთი საზოგადოება ყველაზე სამართლიან ფორმად მიაჩნიათ, მაგრამ ეს ილუზიები მხოლოდ მასების შეცდომაში შესაყვანად არის გამიწეული. მათგან დანაპირები ძმობა, ერთობა, თავისუფლება და თანასწორობა კანონის წინაშე ფაქტობრივად განუხორციელებელი რჩება, რადგან იგი შეუძლებელია ამგვარ საზოგადოებაში, შეუძლებელია იმიტომ, რომ აქ გაბატონებულია კერძო საკუთრება და ადამიანთა ჩაგვრა. ფ. ენგელსის აზრით ყველას თანასწორი უფლებების ნაცვლად შემოღებული უნდა იყოს თანასწორი უფლებები და თანასწორი მოვალეობები. თანასწორი მოვალეობები ბურჟუაზიულ-დემოკრატიული სამართლისათვის ახალი და მეტად მნიშვნელოვანი დამატებაა⁸. ფ. ენგელსი გულისხმობდა იმას, რომ სამართლიანი ურთიერთობებისათვის საჭიროა არა მარტო მინიჭებული უფლებების გამოყენება, არამედ განსაზღვრული მოვალეობების შესრულებაც. ამის სრულყოფილად განხორციელება კი შეუძლებელიცაა ბურჟუაზიულ საზოგადოებაში.

კ. მარქსი ამგვარად ახასიათებს ბურჟუაზიულ კანონმდებლობასა და სამართალს: „როგორ უგუნურს და არაპრაქტიკულს წარმოადგენს საერთოდ ილუზია, თითქოს შესაძლებელი იყოს მიუკერძოებელი მოსამართლე, რადგანაც კანონმდებელი მიუკერძოებელია! შეიძლება ჰქონდეს რაიმე მნიშვნელობა უანგარო განაჩენს, თუკი კანონმდებლობა ანგარებანია“⁹.

ბურჟუაზიული სამართალი არ შეიძლება სამართლიანი იყოს, რადგან იგი გაბატონებული კლასის ინტერესების დამცველია და მხოლოდ იმას აკანონებს რაც მდიდრებისათვისაა სასარგებლო, მშრომელი მასებისათვის იგი მიუღებელია. „მუშებმა ძალზე კარგად იცან, წერს ფ. ენგელსი, მათ ძალზე სწირად გამოუცდიათ, რომ კანონმდებლობა მათთვის ბურჟუების მიერ დაწესებული მათრახია, ამიტომაც ისინი კანონს მიმართავენ მხოლოდ იმ შემთხვევაში, როცა მათ აიძულებენ. მუშები არ აფასებენ კანონმდებლობას, მორჩილებენ მას, როცა მათ არ შეუძლიათ შეცვალონ იგი“¹⁰.

მარქსიზმი გვასწავლის, რომ სამართლისა და სამართლიანობის მჭიდრო კავშირი მხოლოდ სოციალიზმისა და კომუნისმის დროს არის შესაძლებელი და მხოლოდ აქ შეიძლება ვილაპარაკო-

⁷ К. Маркс и Ф. Энгельс, Т. 18, стр. 238.

⁸ К. Маркс и Ф. Энгельс, Т. 22, стр. 235.

⁹ К. Маркс и Ф. Энгельс, Т. 1, стр. 158.

¹⁰ К. Маркс и Ф. Энгельс, Т. 2, стр. 451.

სასამართლო პრაქტიკის განვითარება

საქართველ სახლზე საქართველოს უფროსი ორგანიზაციის საქმის

განხილვის დავის განხილვის,

საქართველოს სსრ უმაღლესი სასამართლოს თავმჯდომარის მოადგილე, იურიდიულ
მეცნიერებათა კანდიდატი

სტაბ XXVII პარაგრაფში განსაკუთრებულ, სოციალური მნიშვნელობის საქმე დასახს
საბინაო პრობლემების გადაჭრის დაჩქარება, რათა 2000 წლისათვის პრაქტიკულად ყოველ საბ-
ჭოთა ოჯახს ჰქონდეს ცალკე საცხოვრებელი სადგომი ან პირადი საკუთრების სახლი. ამ ამო-
ცანის წარმატებით განხორციელებაში თავისი წვლილი უნდა შეიტანოს კოოპერატიული და
ინდივიდუალური მშენებლობის უფრო ფართო განვითარებამაც, ამიტომ, ბუნებრივია, თუ რა
დიდი მნიშვნელობა ენიჭება საცხოვრებელ სახლზე საკუთრების უფლებასთან დაკავშირებით
წარმოშობილი დავების კანონიერად გადაწყვეტას, მითუმეტეს, რომ სასამართლოებში ასეთი
დავების ხვედრითი წილი საქმად დიდია.

მოქალაქეთა პირადი საკუთრება საცხოვრებელ სახლზე წარმოიშობა მხოლოდ კანონით გა-
თვალისწინებული საფუძვლით, მაგრამ სასამართლო პრაქტიკაში გვხვდება შემთხვევები, რო-
დესაც სასამართლო ცნობს საცხოვრებელ სახლზე მოქალაქის საკუთრებას საამისოდ კანონიერ
საფუძვლის არსებობის გარეშე, მაგალითად, ახალქალაქის სახალხო დეპუტატების საბჭოს აღ-
მასკომმა აღძრა სარჩელი და განმარტა, რომ მოპასუხე პ. ა.-მ ახალქალაქში, ჭავჭავაძის
ქ. №30-ში სხვის სახლზე რიცხულ მიწის ნაკვეთზე თვითნებურად, ნებართვისა და პროექტის
გარეშე დაიწყო სახლის მშენებლობა, რის გამოც აღმასკომი ითხოვდა მშენებარე სახლის ჩამორ-
თმევას. ახალქალაქის რაიონის სახალხო სასამართლომ 1987 წლის 12 ივნისის გადაწყვეტილებით
მშენებარე სახლი ცნო მოპასუხის საკუთრებად და ნება დართო მას დაამთავროს სახლის მშე-
ნებლობა, საქართველოს სსრ უმაღლესი სასამართლოს სამოქალაქო საქმეთა სასამართლო კო-
ლეგიამ 1987 წლის 20 ოქტომბერს გააუქმა სახალხო სასამართლოს გადაწყვეტილება, საქმე
დაუბრუნა ზელახლო განხილვისათვის და მიუთითა, რომ სახლის მშენებლობა დაიწყო თვითნე-
ბურად, ნებართვისა და პროექტის გარეშე, რის გამოც საქართველოს სსრ სამოქალაქო საამარ-
თლის კოდექსის 107-ე მუხლის შესაბამისად ასეთი სახლი უნდა დაინგრეს, ანდა უსასყიდ-
ლოდ ჩაირიცხოს სახალხო დეპუტატთა ადგილობრივი საბჭოს ფონდში.

ასევე აშკარად კანონსაწინააღმდეგოა გადაწყვეტილება იმ ნაწილშიც, რომლითაც მოპასუ-
ხეს ნება დაერთო გააგრძელოს მშენებლობა მაშინ, როცა სახლის მშენებლობის ნებართვის იძ-
ლევა მხოლოდ სახალხო დეპუტატების რაიონული, საქალაქო საბჭოს აღმასრულებელი კომი-
ტეტი, სასამართლოს კი ასეთი უფლებები არ გააჩნია.

1983 წლამდე ჩვენს რესპუბლიკაში ზღვრული ოდენობა საცხოვრებელი სახლისა (ან მისი
ნაწილისა) იყო 60 კვ. მეტრი საცხოვრებელი და 40 კვ. მეტრი დამხმარე ფართობი. ეს ნორ-
მები თანაბრად ვრცელდებოდა ქალაქად და სოფლად, მათ შორის საკოლმეურნეო კომლექტებშიც.
საცხოვრებელი და დამხმარე ფართობის რეალური საკუთრება ხშირ შემთხვევაში გაცილებით
მეტი იყო კანონით დაწესებულ ნორმაზე. განსაკუთრებით ეს ეხებოდა სოფლად მცხოვრებ
ოჯახებს და საკოლმეურნეო კომლექსებს. ეს გარემოება კი ხშირად მიზეზი ხდებდა მოქალაქეთა
მიერ პროექტისაგან არსებითი გადახვევით საცხოვრებელი სახლების აშენებისა.

საქართველოს სსრ უმაღლესი საბჭოს პრეზიდიუმის 1983 წლის 18 ივლისის ბრძანებულე-
ბით საცხოვრებელი სახლის ფართობის ზღვრული ოდენობა გაიზარდა 36 კვადრატული მეტრით,
ხოლო დამხმარე ფართობი იგივე დარჩა.

თუ მოქალაქეს დიდი ოჯახი ჰყავს ან უფლება აქვს დამატებით საცხოვრებელ ფართობზე,
სახალხო დეპუტატების რაიონულ, საქალაქო საბჭოს აღმასრულებელ კომიტეტს შეუძლია დაუ-
ტოვოს მას საკუთრებად, ან ნება დართოს ააშენოს ან შეიძინოს სახლი (ან სახლის ნაწილი),
რომლის საცხოვრებელი ფართობი აღემატება კანონით დადგენილ ზღვრულ ოდენობას.

როგორც წესი, სახლის მესაკუთრედ ითვლება ის პირი, ვის სახელზედაც გამოიყო მიწის
ნაკვეთი და გაიცა ნებართვა სახლის ასაშენებლად, ამავე დროს, კანონი არ გამოიციხავს საც-

ხოვრებელ სახლზე რამდენიმე მოქალაქის საერთო საკუთრებას, კერძოდ, კანონი, როგორც გამონაკლისს, უშვებს ისეთ შემთხვევებს, როდესაც სახლის მესაკუთრედ აღრიცხულია ერთი პირი, ფაქტობრივად კი ამ სახლის თანამესაკუთრედ ითვლება ან შეიძლება ჩაითვალოს სხვა პირებიც, რომლებიც იურიდიულად ამ სახლის თანამესაკუთრებად არ არიან აღრიცხულნი. პრაქტიკაში გვხვდება ამ გამონაკლისის ორი შემთხვევა:

1. როდესაც სახლზე საკუთრება წარმოიშვა კანონის ძალით და
2. როდესაც დაინტერესებული პირი სასამართლოს წესით ამტკიცებს, რომ იგი მესაკუთრესთან შეთანხმებით საცხოვრებელი სახლის აშენებაში მონაწილეობდა შრომით და სახსრებით სახლზე საერთო საკუთრების შექმნის მიზნით.

განვიხილოთ ეს შემთხვევები ცალ-ცალკე:

საკომუნურნო კომლში შესული პირი მხოლოდ კომლის წევრად გახდომის ფაქტის გამო ხდება კომლის ქონების თანამესაკუთრე (საქართველოს სსრ სამოქალაქო სამართლის კოდექსის 122-ე მუხლი).

საქართველოს სსრ საქორწინო და საოჯახო კოდექსის 21-ე მუხლის შესაბამისად მეუღლეთა მიერ ქორწინების განმავლობაში შექმნილი ქონება მათი საერთო საკუთრებაა, მიუხედავად იმისა, თუ რომელი მეუღლის სახელზე აღირიცხა იგი.

ამავე კოდექსის 23-ე მუხლის მიხედვით ეს წესი არ გავრცელდება ისეთ ქონებაზე, რომელიც ერთ-ერთმა მეუღლემ მიიღო ჩუქების ან მემკვიდრეობის გზით, მაგრამ თითოეული მეუღლის ქონება შეიძლება ცნობილ იქნეს მეუღლეთა საერთო საკუთრებად, თუ დადგენილი იქნება, რომ ქორწინების განმავლობაში დახარჯული თანხებით ქონება გადაკეთდა, ჩუქნარდა კაპიტალური რემონტი, რის შედეგადაც ქონების ღირებულება მნიშვნელოვნად გადიოდა. კანონის ეს მოთხოვნა ვრცელდება მხოლოდ რეგისტრირებულ ქორწინებაში მყოფ მეუღლეებზე.

სასამართლო პრაქტიკაში ხშირად ისმება საკითხი თუ რა პრინციპით გადაწყდეს დავა იმ ქონების თაობაზე, რომელიც მოქალაქეებმა შეიძინეს ფაქტობრივი ქორწინების განმავლობაში ან იმ ქორწინების პერიოდში, რომელიც შემდგომში ბათილად იქნა ცნობილი; იმის გამო, რომ მეუღლეთა შორის მხოლოდ რეგისტრირებული ქორწინება წარმოშობს სამართლებრივ ურთიერთობას, კანონის ძალით, ფაქტობრივი მეუღლეები ფაქტობრივ ქორწინებაში შექმნილი ქონების თანამესაკუთრენი ვერ გახდებიან, თუ მათ ეს ქონება არ შეიძინეს ურთიერთშეთანხმებით, საერთო საკუთრების წარმოშობის მიზნით. თუ ასეთი შეთანხმება არ ყოფილა, ქონების მესაკუთრედ ითვლება ის პირი, ვის სახელზედაც ქონება აღრიცხება, ხოლო დაინტერესებულ მხარეს უფლება აქვს იდავოს სასამართლო წესით ამ ქონების შექმნაში ან გაუმჯობესებაში დახარჯული თანხების ანაზღაურებაზე.

ქორწინება ბათილად ითვლება განქორწინების გაფორმების დღიდან და, როგორც წესი, ასეთი ქორწინება საოჯახო სამართლებრივი ურთიერთობიდან გამომდინარე შედეგს არ წარმოშობს. კანონი და სასამართლო პრაქტიკა ბათილი ქორწინების შემთხვევაში უკომპრომისოდ ატარებდა ამ პრინციპს და არავითარ მნიშვნელობას არ ანიჭებდა საქორწინო ურთიერთობაში შესვლის დროს მხარის კეთილსინდისიერების საკითხს.

ამჟამად მოქმედი კანონმდებლობით ქორწინების ბათილად ცნობის შესახებ გადაწყვეტილებების გამოტანისას სასამართლოს უფლება აქვს, იმ მეუღლეს, რომელმაც არ იცოდა და არც შეიძლება სცოდნოდა ქორწინების დამაბრკოლებელი გარემოებების არსებობის შესახებ, მიაკუთვნოს ქორწინების ბათილად ცნობამდე შექმნილი ქონება იმ წესების გამოყენებით, რაც დადგენილია რეგისტრირებულ ქორწინებაში მყოფ მეუღლეთა შორის ქონების გაყოფისათვის (საქართველოს სსრ საქორწინო და საოჯახო კოდექსის 48-ე მუხლი).

სასამართლო პრაქტიკაში არაერთგვაროვნად წყდება დავები, რომლებიც აღიძვრება მშენებლობაში მონაწილეობის საფუძვლად სახლზე თანამესაკუთრედ ცნობის თაობაზე. ზოგჯერ სასამართლოები არ ცნობენ მშენებლობაში მონაწილეობას სახლზე თანასაკუთრების წარმოშობის საფუძვლად.

ამ საკითხში სათანადო სიცხადე შეიტანა „საცხოვრებელ სახლზე პირადი საკუთრების უფლებასთან დაკავშირებული დავების გადაწყვეტის სასამართლო პრაქტიკის შესახებ“ სსრ კავშირის უმაღლესი სასამართლოს პლენუმის 1981 წლის 31 ივლისის დადგენილებაში, რომლის მიხედვით, თავისთავად, მენაშენისათვის ხელშეწყობა სახლის მშენებლობაში მისი ოჯახის წევრების ან გარეშე პირების მიერ არ წარმოადგენს საფუძველს სახლის ნაწილზე საკუთრების

1 „სსრ კავშირის უმაღლესი სასამართლოს ბიულეტენი“, №5, 1981, გვ. 13.

უფლების ცნობისათვის. ასეთი სარჩელი სასამართლომ შეიძლება დააკმაყოფილოს მხოლოდ იმ შემთხვევაში, როდესაც ამ პირებსა და მენაშენებს შორის არსებობდა შეთანხმება საცხოვრებელ სახლზე საერთო საკუთრების შექმნის შესახებ და სწორედ ამ მიზნით ახანდლებდნენ ისინი თავიანთ შრომას და სახსრებს საცხოვრებელი სახლის მშენებლობაზე. სასამართლომ ასეთი დავების განხილვის დროს საქმეში მონაწილეობისათვის მესამე პირებად უნდა ჩააბას სახალხო დეპუტატების ადგილობრივი საბჭოს აღმასკომი, კოლმეურნეობა, საბჭოთა მეურნეობა; სხვა სასოფლო-სამეურნეო საწარმო, დაწესებულება, ორგანიზაცია, რომლებმაც გამოყვეს მიწის ნაკვეთი სახლის მშენებლობისათვის. სასამართლო ამ ორგანოთა აზრს გაითვალისწინებს საქმის სხვა ფაქტობრივ გარემოებებთან ერთად, თუ სასამართლო მათ აზრს არ იზიარებს, ვალდებულია დაასაბუთოს ეს გადაწყვეტილებაში.

ამავე დროს, სასამართლომ მხედველობაში უნდა იქონიოს, რომ არ შეიძლება სახლის აშენების უფლების გამოყენება პირადი მოგების, უშრომელი შემოსავლის მიღებისა და სხვა ანგარებითი მიზნით, აგრეთვე საზოგადოების ინტერესების საზიანოდ. პრაქტიკაში იშვიათი როლია, როცა სახლი შენდება მხოლოდ გარეშე პირის სახსრებით და შრომით, ხოლო მენაშენებ მარტოდენ სახლის მშენებლობის უფლებით ხდება საცხოვრებელი სახლის თანამესაკუთრე. სასამართლო, ასეთი დავების განხილვის დროს, ყოველმხრივ უნდა არკვევდეს მენაშენსა და გარეშე პირის შეთანხმებას, სახლზე თანასაკუთრების წარმოშობის თაობაზე, ხომ არ არის გაორგების შენდობის ფორმა უშრომელი შემოსავლის მისაღებად, თუ გამოირკვა, რომ მოქალაქე სახლის შენების უფლებას იყენებს უშრომელი შემოსავლის მისაღებად, სასამართლომ ამის თაობაზე საქართველოს სსრ სამოქალაქო სამართლის საპროცესო კოდექსის 233-ე მუხლის შესაბამისად კერძო განჩინებით უნდა აცნობოს სახალხო დეპუტატების ადგილობრივი საბჭოს აღმასრულებელ კომიტეტს, რათა ასეთი შემთხვევების მიმართ გამოიყენოს საქართველოს სსრ სამოქალაქო სამართლის კოდექსის 108-ე მუხლი უშრომელი შემოსავლის ჩამორთმევის შესახებ.

ამ აღძრა სარჩელი ბ-ის მიმართ, რომ მან მცხეთის რაიონის სოფ. დიღომში მოპასუხე ბ-ს სახელზე გამოყოფილი მიწის ნაკვეთზე თავისი საკუთარი სახსრებით და შრომით ავაო საცხოვრებელი სახლი, რომელიც სახლის აშენების ნებართვის საფუძველზე აღორცილა მოპასუხის სახელზე, რის გამოც ა-მ ითხოვდა სახლი ეცნოთ მის საკუთრებად. მცხეთის რაიონის სახალხო სასამართლომ 1986 წლის 18 დეკემბრის გადაწყვეტილებით სარჩელი არ დააკმაყოფილა და სადავო სახლი უცნო მოპასუხის საკუთრებად. საქართველოს სსრ უმაღლესი სასამართლოს სამოქალაქო საქმეთა სასამართლო კოლეგიამ 1987 წლის 3 თებერვალს გააუქმა სასამართლოს გადაწყვეტილება, საქმე დააბრუნა ხელახლა განხილვისათვის და მიუთითა, რომ საცხოვრებელი სახლის აშენებისათვის მიწის ნაკვეთი გამოყოფა და ნებართვა ეძლევა მოქალაქეს მისი და მისი ოჯახის წევრების საპირობებისათვის. ამ უფლების სხვა პირზე გადაცემა, აშკარა თუ ფარული გზით, აკრძალულია და ფაქტობრივად უკავშირდება მიწის ნაცონალიზაციის პრინციპის დარღვევას. ამავე დროს მარტოდენ იმ მოტივით, რომ მიწის ნაკვეთი და სახლის მშენებლობის ნებართვა აცემულია მოპასუხეზე, არ შეიძლება სხვისი სახსრებით და შრომით აგებულ სახლზე ამ უკანასკნელის საკუთრების კანონიერ საფუძველს წარმოშობდეს და სასამართლომ მოცემული დავის გადაწყვეტის დროს უნდა იმსჯელოს საქართველოს სსრ სამოქალაქო სამართლის კოდექსის 486-ე მუხლის გამოყენების შესახებ, რომელიც ითვალისწინებს სხვის ხარჯზე უსაფუძვლოდ შექმნილი ქონების სახელმწიფო შემოსავალში ჩარიცხვას.

საცხოვრებელ სახლზე საკოლმეურნეო კომლის უფლებასთან დაკავშირებით, საკოლმეურნეო კომლის შინაგანი სტრუქტურის თავისებურების გამო, პრაქტიკაში გადასაწყვეტად დგება ორი ძირითადი საკითხი:

1. აქვს თუ არა უფლება საკოლმეურნეო კომლის ცალკეულ წევრს ჰქონდეს, ან შეიძინოს სხვა საცხოვრებელი სახლი;
2. აქვს თუ არა უფლება საკოლმეურნეო კომლს გაასხვისოს საცხოვრებელი სახლი. ეს საკითხი წამოიჭრება არამარტო საკოლმეურნეო კომლების საცხოვრებელი სახლის, არამედ საერთოდ, სოფელ ადგილებში მდებარე საცხოვრებელი სახლის გასხვისების უფლებასთან დაკავშირებით.

საკითხი იმის შესახებ, აქვს თუ არა უფლება საკოლმეურნეო კომლის ცალკეულ წევრს ჰქონდეს ან შეიძინოს სხვა საცხოვრებელი სახლი, დადებითად უნდა გადაწყდეს. კანონის შესაბამისად, მოქალაქეს პირად საკუთრებად შეიძლება ჰქონდეს ერთი საცხოვრებელი სახლი (ან სახლის ნაწილი), ერთად მცხოვრებ მეუღლეებს და მათ არასრულწლოვან შვილებს კი მხო-

ლოდ ერთი საცხოვრებელი სახლი (ან ერთი სახლის ნაწილი), რომელიც შეიძლება ერთ-ერთ მათგანს ეკუთვნოდეს ან მათი საერთო საკუთრება იყოს. სხვაგვარად დგას საკითხი საკომუნურნო კომლში. საქართველოს სსრ სამოქალაქო სამართლის, კოდექსის 112-122-ე მუხლების შესაბამისად კომლის ქონება, მათ შორის საცხოვრებელი სახლი, ეკუთვნის კომლის ყველა წევრს წილთა განუსაზღვრელად თანსაკუთრების უფლებით. სსსამართლო პრაქტიკა ამ საკითხში ძირითადად სწორ პოზიციასზე დგას. მაგალითად, მ. ბ-მ აღძრა სარჩელი და მოითხოვა მასა და თ. გ-ს შორის სახლის ყიდვა-გაყიდვის ხელშეკრულების გაუქმება იმ მოტივით, რომ თ. გ-ს, როგორც საკომუნურნო კომლის მეთაურს, ცნინვალის რაიონის სოფ. ხეთში აქვს პირადი საკუთრების საცხოვრებელი სახლი და მას (თ. გ-ს), როგორც ერთი სახლის მესაკუთრეს, არ ჰქონდა უფლება გამხდარიყო მეორე სახლის მესაკუთრე. ცნინვალის რაიონის სახალხო სასამართლომ მითითებული მოტივით ნასყიდობის ხელშეკრულება ბათილად ცნო. გადაწყვეტილება უცვლელად დატოვა სამხრეთ ოსეთის ავტონომიური ოლქის სასამართლოს სამოქალაქო საქმეთა სასამართლო კოლეგიამ და ამავე სასამართლოს პრეზიდიუმმა, მაგრამ საქართველოს სსრ უმაღლესი სასამართლოს პრეზიდიუმმა გაიზიარა ამ საქმეზე საქართველოს სსრ პროკურორის პრეტესტი და გააუქმა სასამართლოს გადაწყვეტილება. პრეზიდიუმის დადგენილებაში მოყვანილია საგულისხმო დებულებანი, კერძოდ, თ. გ. როგორც კომლის წევრი, კომლის საკუთრების არაწილუელი ხასიათის გამო, არ შეიძლება მიჩნეულ იქნეს საცხოვრებელი სახლის მესაკუთრედ, ხოლო მისი უფლება, შეიძინოს პირადი საკუთრების საცხოვრებელი სახლი, დაუშვებელია შეიზღუდოს კომლის წევრობით².

სავესებით სწორი შეხედულება გამოითქვა იურიდიულ ლიტერატურაში იმის თაობაზე, რომ კომლის წევრობა არ შეიძლება ზღუდადდეს საცხოვრებელ სახლზე საკუთრების უფლების შექმნას, ისე როგორც საცხოვრებელ სახლზე პირადი საკუთრების უფლებით არ შეიძლება შეიზღუდოს უფლება კომლის წევრობაზე³.

საქართველოს სსრ სამოქალაქო სამართლის კოდექსის 123-ე მუხლის შინაარსის მიხედვით საკომუნურნო კომლის ქონების მფლობელობა, სარგებლობა და ვანკარგულება ხდება კომლის ყველა წევრის თანხმობით.

კანონი დასაშვებად თვლის საკომუნურნო კომლის კუთვნილი საცხოვრებელი სახლის გასხვისებას კომლის ყველა სრულწლოვანი წევრის წერილობითი თანხმობით, ხოლო თუ კომლის შემადგენლობაში არიან კომლის არასრულწლოვანი და სხვა არაქმედუნარიანი წევრები. საცხოვრებელი სახლის გასხვისებისათვის მეურვეობის ორგანოების წერილობითი თანხმობაა საჭირო.⁴

კომლის საცხოვრებელი სახლის გასხვისება დასაშვებია მხოლოდ კომუნურნობის წევრთა საერთო კრების დადგენილებით იმის თაობაზე, რომ შენობის შემქმნის სარგებლობაში გადაეცემა მიწის ნაკვეთი.

საქართველოს სსრ სამოქალაქო სამართლის კოდექსის 239-ე მუხლის შესაბამისად ქალაქში ან დაბაში საცხოვრებელი სახლის (სახლის ნაწილის) ყიდვა-გაყიდვის ხელშეკრულება დამოუკმებულ უნდა იყოს სანოტარო წესით და რეგისტრირებული სახალხო დეპუტატების ადგილობრივი საბჭოს აღმასრულებელ კომიტეტში სამი თვის მანძილზე სანოტარო წესით დამოუკმების დღიდან. ამავე მუხლის მე-2 ნაწილის მიხედვით, სოფელში მდებარე საცხოვრებელი სახლის (სახლის ნაწილის) ყიდვა-გაყიდვის ხელშეკრულება წერილობით ფორმდება და რეგისტრირებული უნდა იყოს სახალხო დეპუტატების სასოფლო საბჭოში არა უგვიანეს სამი თვისა ხელშეკრულების დადების დღიდან.

ამგვარად, ქალაქში ან დაბაში მდებარე საცხოვრებელი სახლებისაგან განსხვავებით, კომლის საცხოვრებელი სახლის გასხვისების ხელშეკრულება სანოტარო მტკიცებას არ მოითხოვს. ასეთი ხელშეკრულება სანოტარო წესით შეიძლება დამტკიცდეს მხარეთა სურვილით, ვინაიდან ყველა შემთხვევაში (როგორც ქალაქად, ისე სოფლად) საცხოვრებელი სახლის ყიდვა-გაყიდვის ხელშეკრულება სახალხო დეპუტატების ადგილობრივი (ან სასოფლო) საბჭოს აღმასკომში რეგისტრაციას მოითხოვს, მყიდველს სახლზე საკუთრების უფლება ხელშეკრულების რეგის-

² საქართველოს სსრ უმაღლესი სასამართლოს პრეზიდიუმის 1980 წლის №95 დადგენილება.

³ ა. ხოქოლავა, მოქალაქეთა პირადი და ქონებრივი უფლებების დაცვა სასამართლოში, თბ., 1957, გვ. 51.

⁴ „დებულება საქართველოს სსრ სახელმწიფო ნოტარიატის შესახებ“, 41-ე მუხლი.

ტრაციის მომენტიდან ენიჭება (საქართველოს სსრ სამოქალაქო სამართლის კოდექსის 131-ე მუხლი).

კომლის საცხოვრებელი სახლის გასხვისების ხელშეკრულების რეგისტრაციისათვის საქარისა სასოფლო საბჭოში წარდგენილი იყო სახლის გასხვისების მარტივი წერილობითი ხელშეკრულება და კოლმეურნეობის წევრთა საერთო კრების დადგენილება, რომ მიყიდველს გადაეცეს სარგებლობისათვის მიწის ნაკვეთი, რომელზედაც სახლი იმყოფება.

შეუხედავად იმისა, რომ კანონი პრინციპულად არ კრძალავდა სოფლად მდებარე საცხოვრებელი სახლის გასხვისების უფლებას, წლების მანძილზე თეორიულად და პრაქტიკულად იქმნებოდა ბარიერი, რის გამოც სოფლად მდებარე საცხოვრებელი სახლის გასხვისება პრაქტიკულად თითქმის შეუძლებელი ხდებოდა. ეს ნაწილობრივ გამართლებული იყო იმითაც, რომ სოფლად ადგილებში გამოყოფილ საქარმიდამო მიწის ნაკვეთის ზომამში ითვლება საცხოვრებელი სახლით, სამეურნეო ნაგებობათა და დამხმარე სათავსოებით. დაკავებული ფართობიც (საქართველოს სსრ მიწის კოდექსის 70-77 მუხლები), რის გამოც მიწის ნაკვეთის უვადოდ სარგებლობის უფლება არ განიყოფება ამ ნაკვეთზე მდებარე შენობის საკუთრების უფლებისაგან და ისპობა შენობაზე საკუთრების უფლების მოსპობასთან ერთად. ამიტომ ბუნებრივია, სახლის გასხვისება დაკავშირებულია მიწათმოსარგებლის შეცვლასთან, რაც დასაშვებია მხოლოდ მიწის იმ პირველადი მოსარგებლის თანხმობით (კოლმეურნეობა, საბჭოთა მეურნეობა და სხვა), ვინც საქარმიდამო მიწის ნაკვეთი გამოყო მეორადი სარგებლობისათვის. „საქართველოს სსრ სახელმწიფო ნოტარიატის შესახებ“ დებულების 41-ე მუხლში მითითებულია, რომ „კოლმეურნეობას ან საბჭოთა მეურნეობაზე მიმაგრებულ მიწაზე არსებული შენობის გასხვისების ხელშეკრულების დამოწმების დროს წარდგენილ უნდა იქნეს კოლმეურნეობის წევრთა საერთო კრების დადგენილება ან საბჭოთა მეურნეობის ხელმძღვანელის თანხმობა იმის შესახებ, რომ შენობის შემქმნის სარგებლობაში გადაეცეს მიწის ნაკვეთი“. კომლის საცხოვრებელი სახლის გასხვისების შეზღუდვასთან დაკავშირებით საბჭოთა იურიდიულ ლიტერატურაში გამოთქმულია სხვადასხვა მოსაზრებანი, ავტორთა ერთი ნაწილი, იმ შემთხვევაში, როდესაც სახლის შესყიდვის მსურველზე საქარმიდამო ნაკვეთის გადაცემა შეუძლებელია კოლმეურნეობის ან საბჭოთა მეურნეობის წინააღმდეგობის გამო, დასაშვებად თვლის სახლის გასხვისებას ადგილიდან გადატანით.⁵ სახლის ადგილიდან გადატანის უსწორობა განსაკუთრებით ცხადია ისეთი სახლების მიმართ, რომლებიც დაშლის შემთხვევაში თითქმის სავსებით კარგავენ თავიანთ ღირებულებას (ქვეითების, ავტრის და ა. შ. ნაგებობანი). ნ. პ. ვოლოშინი ასეთ შეზღუდვას განიხილავს როგორც კანონთან შეუსაბამოს და კონსტიტუციით გარანტირებულ მოქალაქეთა პირადი საკუთრების უფლების შელახვას. ჩვენი აზრით, იგი სავსებით სამართლიანად შენიშნავს, რომ საკოლმეურნეო კომლის საკუთრების უფლება საცხოვრებელ სახლზე (ისე როგორც სოფლად მდებარე სხვა სახლებზე გ. დ.) ყოველთვის არ იზიარებს საქარმიდამო მიწის ნაკვეთით სარგებლობის უფლების ბედს. შესაძლოა, საკოლმეურნეო კომლმა დაკარგოს საქარმიდამო მიწით სარგებლობის უფლება, მაგრამ კანონი არ ითვალისწინებს, რომ ყოფილი კომლის წევრები აიძულონ აიღონ საცხოვრებელი სახლი იმ ნაკვეთიდან, რომელიც კოლმეურნეობას ეკუთვნის.

არსებული მდგომარეობიდან როგორც გამოსავალს ნ. პ. ვოლოშინი მიზანშეწონილად თვლიდა სამოქალაქო კანონმდებლობით დადგენილი წლის შესყიდვას უპირატესი უფლების ანალოგიით, კოლმეურნეობისათვის დაწესებულიყო საცხოვრებელი სახლის უპირატესი შესყიდვის უფლება (იგულისხმებოდა ის, რომ კოლმეურნეობას ავტრია სხვა ნებისმიერი კოლმეურნე, რომელიც სურვილს გამოთქვამდა შეესყიდა საცხოვრებელი სახლი), თუ კოლმეურნეობა უარს განაცხადებდა უპირატესი შესყიდვის უფლების გამოყენებაზე, ასეთ შემთხვევაში მესაკუთრეს უფლება მისცემოდა საცხოვრებელი სახლი გაესხვისებინა თავისი შეხედულები-სამებრ.⁶

სსრ კავშირის სასკომსაბჭოს და საკ. კპ (ბ) ცენტრალური კომიტეტის 1939 წლის 28 ივლისის დადგენილებით („სასოფლო ადგილებში მცხოვრებ მუშებისა და მოსამსახურეების, სოფლის მასწავლებლების, აგრონიომებისა და კოლმეურნეობების სხვა არა წევრების საქარმიდამო

⁵ П. А. Рудик. Наследование личной собственности колхозного двора. Ученые записки Харьковского юридического института. Вып. II, 1940, стр. 64; И. Л. Брауде. Право на строение и сделка по строениям, М., 1954, стр. 109.

⁶ Н. П. Волошин. Право личной собственности колхозного двора. 1961, стр. 97—99.

ნაკვეთის შესახებ“) რჩევა ექლეოდათ კოლმეურნეობებს გამოეყიდათ კოლმეურნეობებისა და კოლმეურნეთა საჭიროებისათვის საცხოვრებელი და საეზოვე შენობები იმ პირობებზე, რომლებმაც ფაქტობრივად გაწყვიტეს კავშირი სოფლის მეურნეობასთან, უკვე მუდმივად აღარ ცხოვრობენ სოფელ ადგილას და სარგებლობენ ამ შენობებით მხოლოდ ორი-სამი თვით წელიწადში, ანდა აძლევენ მათ იჯარით გამორჩენის მიზნით.⁷

ამ დადგენილებამ უარყოფითი გავლენა მოახდინა სახალხო დეპუტატების საბჭოს აღმასკომების, კოლმეურნეობების, საბჭოთა მეურნეობებისა და სასამართლოების პრაქტიკაზე სოფელად საცხოვრებელი სახლის გასხვისების საკითხში; რაც გამოიხატებოდა, ერთი მხრივ, სახლის გასხვისების უფლების განურჩევლად უარყოფაში (რასაც კანონი არ გულისხმობდა) და მეორე მხრივ, იმ უკანონო შეზღუდვებების დამკვიდრებაში, რომ ქალაქად მცხოვრებ მოქალაქეს უფლება არ აქვს შეიძინოს საცხოვრებელი სახლი სოფელად. ეს შეზღუდვებები ღღესაც უარყოფით გავლენას ახდენს სასამართლო პრაქტიკაზე. მაგალითად ვ. ფ-მ აღძრა სარჩელი უარყოფით გავლენას ახდენს საგარეჯოს რაიონის სოფ. კაკაბეთში მდებარე საცხოვრებელი სახლის და მოთხოვა ეცნოთ იგი საგარეჯოს რაიონის სოფ. კაკაბეთში მდებარე საცხოვრებელი სახლის ნაწილის მესაკუთრედ იმ მოტივით, რომ მან აღნიშნული სახლის ნაწილი შეისყიდა გ.ფ-გან 1969 წელს. საგარეჯოს რაიონის სახალხო სასამართლომ 1986 წლის 4 მარტს სარჩელი უარყო. გადაწყვეტილებაში მითითებულია, რომ „ვ. ფ. 1952 წლიდან წავიდა სოფ. კაკაბეთიდან, ცხოვრობს ქ. თბილისში და მას როგორც თბილისში მუდმივ მცხოვრებს და სოფელ კაკაბეთიდან ამოწერილს არ ჰქონდა უფლება სოფელად საცხოვრებელი სახლის ნაწილის შესყიდვისა.“⁸

კანონის არასწორმა ვაგებამ და მცდარი დებულების მკაცრად შეფარდებამ მნიშვნელოვნად განაპირობა და დააჩქარა სოფელად მცხოვრებთა მიგრაციის არასასურველი პროცესი და საგრძობლად შეაფერხა სოფლის მეურნეობის პროდუქციით მოსახლეობის სრულად უზრუნველყოფის საქმე. სწორედ ამ საკითხებზეა გამაზვილებული ყურადღება სკკპ ცენტრალური კომიტეტისა და სსრ კავშირის მინისტრთა საბჭოს 1987 წლის 25 ივლისის №854 დადგენილებაში „სოფლად არსებული დაცარიელებული საცხოვრებელი სახლებისა და საკარმიდამო ნაკვეთების გამოყენების შესახებ“.⁹

დადგენილებაში აღნიშნულია, რომ ქვეყნის მთელ რიგ რაიონებში არის მნიშვნელოვანი რაოდენობის დაცარიელებული საცხოვრებელი სახლები საკარმიდამო ნაკვეთებითურთ, რომელთა მიწები არ მუშავდება. ცალკეული ადგილობრივი პარტიული, საბჭოთა და სამეურნეო ორგანოები შეურიგდნენ ამას და არ ახორციელებენ გადამწყვეტ ღონისძიებებს დაცარიელებული სახლებისა და მიმდებარე მიწების ნაკვეთების ბრუნვაში მოქცევისათვის. სოფლად საკარმიდამო მიწების და საცხოვრებელი ფონდის რაციონალურად გამოყენების მიზნით, რაც უზრუნველყოფს მოსახლეობის სოციალურ-საყოფაცხოვრებო პირობების გაუმჯობესებას, აგრეთვე მებაღეობისა და მებოსტნეობის შემდგომ განვითარებას, სოფლის მეურნეობის პროდუქციაზე მოსახლეობის მოთხოვნილებათა უფრო სრულ დაკმაყოფილებას, ამ დადგენილებით ნებადართულია სახალხო დეპუტატთა სასოფლო საბჭოების, კოლმეურნეობების, საბჭოთა მეურნეობებისა და სხვა საწარმოების მიწებზე სასოფლო დასახლებულ პუნქტებში მდებარე დაცარიელებული საცხოვრებელი სახლები (მათ სამეურნეო ნაგებობებთან ერთად) მიჰყიდონ მოქალაქეებს, რომლებიც მუდმივად ცხოვრობენ ქალაქებისა და ქალაქის ტიპის დაბებში, სეზონური ან დროებითი ცხოვრებისათვის იმ პირობით, თუ იკისრებენ ვალდებულებას, რომ მოიყვანონ სოფლის მეურნეობის პროდუქციას საკარმიდამო ნაკვეთზე და გაყიდონ მოწვეული მოსავლის ნაშენი.

სკკპ ცენტრალური კომიტეტისა და სსრ კავშირის მინისტრთა საბჭოს დადგენილებაში მითითებული უმნიშვნელოვანესი დებულებები ღდის წესრიგში აყენებს საკითხს, რათა გადაისინჯოს არსებული კანონმდებლობა სოფლად მდებარე საცხოვრებელი სახლის სამართლებრივი რეჟიმის ახლებურად განსაზღვრის თვალსაზრისით.



7 „საბჭოთა მიწათსარგებლობისა და საკოლმეურნეო უფლებბრივი ურთიერთობის მომწესრიგებელი აქტების კრებული“, თბ. 1961 წ., გვ. 104.

⁸ საგარეჯოს რაიონის სახალხო სასამართლოს 1986 წ. საქმე №2/135.

⁹ ვაზ. „კომუნისტი“, 1987 წლის 2 აგვისტო.

სამედიცინო ხასიათის იძულებითი ლონისძიების გამოყენება სისხლის სამართლის პროცესში

აკოლონ ფალიაშვილი,

თბილისის სახელმწიფო უნივერსიტეტის მართლმსაჯულებისა და საპროკურორო
წესდამხედველობის კათედრის გამგე, იურიდიულ მეცნიერებათა დოქტორი, პროფესორი

1. სამედიცინო ხასიათის იძულებითი ღონისძიების ცნება და სახეები. სისხლის სამართლის პასუხისმგებლობაში მიეცემა მხოლოდ ის პირი, ვინც ჩაიდინა კანონით გათვალისწინებული საზოგადოებრივად საშიში ქმედობა, შერაცხად მდგომარეობაში.

სისხლის სამართლის პასუხისმგებლობისაგან თავისუფლდება პირი, რომელმაც შეურაცხად მდგომარეობაში ჩაიდინა კანონით გათვალისწინებული საზოგადოებრივად საშიში ქმედობა, ე. ი. დანაშაულის ჩადენის მომენტში პირს არ შეეძლო ანგარიში გაეწია თავისი მოქმედებისათვის ან ეხელმძღვანელა თავისი მოქმედებისათვის.

სისხლის სამართლის სასჯელიდან თავისუფლდება პირი, რომელმაც, თუმცა კანონით გათვალისწინებული საზოგადოებრივად საშიში ქმედობა ჩაიდინა შერაცხად მდგომარეობაში, მაგრამ გამოძიების დროს ან სასამართლოს განაჩენის გამოტანამდე დაავადდა სულიერად.

სამედიცინო ხასიათის იძულებითი ღონისძიების გამოყენების უფლება აქვს მხოლოდ სასამართლოს თავისი დასაბუთებული განჩინების საფუძველზე. აღნიშნული ღონისძიება არ წარმოადგენს სასჯელის სახეს, იგი მიზნად ისახავს შეურაცხადი ან ფსიქიკურად დაავადებული პირის განკურნებას და მის მიერ ახალი საზოგადოებრივად საშიში ქმედობის ჩადენის თავიდან აცილებას. სამედიცინო ხასიათის იძულებითი ღონისძიება წარმოადგენს პროცესუალური იძულების ერთ-ერთ სახეს და გამოიყენება იმის მიუხედავად, სურთ თუ არა იგი ავადმყოფს ან მის ახლო ნათესავებს.

საქართველოს სსრ სისხლის სამართლის კოდექსის 58-ე მუხლის შესაბამისად სამედიცინო ხასიათის იძულებითი ღონისძიებებს მიეკუთვნება პირის მოთავსება: ა) სპეციალურ ფსიქიატრიულ საავადმყოფოში, ბ) საერთო ფსიქიატრიულ საავადმყოფოში, გ) მშობელ-ნათესავთა მეურვეობაში ან მზრუნველობაში გადაცემა, სავალდებულო საექიმო მეთვალყურეობით.

საქართველოს სსრ სისხლის სამართლის საპროცესო კოდექსის 374-ე მუხლის შესაბამისად სულიერი ქრონიკული დაავადების გამო მსჯავრდებული შეიძლება გათავისუფლდეს სასჯელის შემდგომი მოხდისაგან. ასეთ დროს სასამართლოს უფლება აქვს მას განჩინებით შეუფარდოს სამედიცინო ხასიათის იძულებითი ღონისძიება ან გადასცეს იგი ჯანმრთელობის დაცვის ორგანოს მზრუნველობაში.

სამედიცინო ხასიათის იძულებითი ღონისძიების ერთ-ერთი რომელიმე სახის გამოყენებისათვის უნდა არსებობდეს გარკვეული საფუძველი; კერძოდ, სახეზე უნდა იყოს: საზოგადოებრივად საშიში ქმედობის ჩადენა, სისხლის სამართლის კოდექსით პირდაპირ გათვალისწინებული დანაშაული; ეს დანაშაული ჩადენილი უნდა იყოს შეურაცხადი პირის მიერ ან იმ პირის მიერ, რომელიც შემდგომში (განაჩენის გამოტანამდე) დაავადდა სულიერი ავადმყოფობით; თვითონ პიროვნება მისი სულიერი ავადმყოფობის და ჩადენილი ქმედობის ხასიათის მიხედვით უნდა იყოს საზოგადოებისათვის საშიში.

სამედიცინო ხასიათის იძულებითი ღონისძიებას არ წარმოადგენს შემთხვევა, როდესაც პირს არ ჩაუდენია საზოგადოებრივად საშიში ქმედობა, მაგრამ როგორც სულიერი ავადმყოფი, საშიშია საზოგადოებისათვის და ამ მოტივით მას იძულებითი წესით მოათავსებენ სამკურნალო-ფსიქიატრიულ დაწესებულებაში. ასევე არ გამოიყენება სამედიცინო ხასიათის იძულებითი ღონისძიება იმ პირის მიმართ, რომელმაც დანაშაული ჩაიდინა შერაცხად მდგომარეობაში, მაგრამ შემდგომში, საქმის გამოძიების ან სასამართლოში განხილვის დროს დაავადდა დროებითი ხასიათის სულიერი ავადმყოფობით. ამ შემთხვევაში, საქართველოს სსრ სისხლის სამართლის საპროცესო კოდექსის 196-ე მუხლის მე-2 პუნქტის ან 258-ე მუხლის შე-

საბამისად სისხლის სამართლის საქმე უნდა შეჩერდეს წარმოებით ავადმყოფის გამოჯანსაღებამდე.

სამედლიცინო ხასიათის იძულებითი ღონისძიებების გამოყენების დროს დაცული უნდა იყოს სამართალწარმოების საერთო წესები და ის თავისებურებანი, რომელსაც აწესებს საქართველოს სსრ სისხლის სამართლის საპროცესო კოდექსის 28-ე თავი. (მუხლები 326-336). ამ ღონისძიებათა გამოყენების დროს საგამოძიებო და სასამართლო ორგანოებმა უნდა იხელმძღვანელონ აგრეთვე სსრ კავშირის უმაღლესი სასამართლოს პლენუმის 1984 წლის 26 აპრილის № 4 დადგენილებით „სამედლიცინო ხასიათის იძულებითი ღონისძიების გამოყენების, შეცვლის ან გაუქმების თაობაზე სასამართლო პრაქტიკის შესახებ“¹.

2. წინასწარი გამოძიების წარმოების თავისებურება. ისეთ დროს, როცა პირმა საზოგადოებრივად საშიში ქმედობა ჩაიდინა შეურაცხად მდგომარეობაში ან ჩაიდინა შეურაცხად მდგომარეობაში, მაგრამ შემდგომ, გამოძიების პროცესში ან სასამართლოში საქმის განხილვის დროს დაავადდა სულიერი ავადმყოფობით, წარმოებს მხოლოდ წინასწარი გამოძიება.

იმ შემთხვევაში თუ საქმის გამოძიება დაიწყო მოკვლევით, მაგრამ შემდგომ დადგინდა, რომ პირმა საზოგადოებრივად საშიში ქმედობა ჩაიდინა შეურაცხად მდგომარეობაში ან პირი მოკვლევის დროს დაავადდა სულიერი ავადმყოფობით, საქმე დაუყოვნებლივ უნდა გადაეცეს ქვემდებარეობისამებრ წინასწარი გამოძიების ორგანოს.

წინასწარი გამოძიების ჩასატარებლად უნდა დააბრუნოს საქმე სასამართლომ იმ შემთხვევაში, თუ კერძო ბრალდების საქმეზე საქმის წარმოება უშუალოდ (გამოძიების გარეშე) დაიწყო სასამართლომ, მაგრამ დადგინდა, რომ პირი არის ფსიქიკურად დაავადებული. ასევე უნდა მოიქცეს სასამართლო, როდესაც საქმეზე ჩატარებული იყო მოკვლევა, მაგრამ საქმის სასამართლოში განხილვის დროს დადგინდა, რომ პირი არის შეურაცხადი ან დაავადდა სულიერად. საკითხის ამგვარი გადაწყვეტა იმით არის გამოწვეული, რომ აღნიშნული კატეგორიის საქმეებზე ტარდება წინასწარი გამოძიება და არა მოკვლევა.

შეურაცხადის და სულიერი ავადმყოფის მიმართ, საზოგადოებრივად საშიში ქმედობის ჩადენის დროს, ყოველთვის უნდა აღიძრას სისხლის სამართლის საქმე. საქმეზე უნდა ჩატარდეს ყოველმხრივი, სრულყოფილი და ობიექტური წინასწარი გამოძიება. თავისებურება მხოლოდ იმაში მდგომარეობს, რომ აღნიშნულ შემთხვევაში არ ხდება პირის ბრალდებულის სახით პასუხისმგებლობაში მიცემა და ბრალდების წაყენება. ასეთ პირს წინასწარი გამოძიების დროს არ უკავია ბრალდებულის პროცესუალური მდგომარეობა.

შეურაცხადი ან სულიერად დაავადებული პირი არ დაიკითხება ექვმიტანილის, ბრალდებულის ან განსასჯელის სახით, მას ჩამოერთმევა ახსნა-განმარტება იმ შემთხვევაში, თუ მისი განმრთელობა ამის საშუალებას იძლევა.

საგამოძიებო-სასამართლო პრაქტიკაში არის შემთხვევები, როდესაც შეურაცხადის ან სულიერად დაავადებული პირის ახსნა-განმარტებას ენიჭება მტკიცებულების წყაროს მნიშვნელობა. ასეთი პრაქტიკა ეწინააღმდეგება კანონის მოთხოვნას (საქართველოს სსრ სსსკ პუბლი 61 და სსრ კავშირის უმაღლესი სასამართლოს პლენუმის 1984 წლის 26 აპრილის № 4 დადგენილება, სადაც მითითებულია, რომ შეურაცხადი და სულიერად დაავადებული პირის ჩვენება არ შეიძლება განხილულ იყოს, როგორც მტკიცებულების წყარო)².

თუ განმრთელობის გაუარესების გამო შეურაცხადი პირის ან სულიერი ავადმყოფის მონაწილეობა არ შეიძლება საგამოძიებო მოქმედებათა წარმოების დროს, ამის თაობაზე გამოძიებელი ადგენს შესაბამის ოქმს (მუხლი 327). ეს ფაქტი უნდა დადგინდეს ან სასამართლო-ფსიქიატრიული ექსპერტიზით ან სამკურნალო დაწესებულების სათანადო დოკუმენტით.

აღნიშნული კატეგორიის საქმეებზე წინასწარი გამოძიების დროს უნდა დადგინდეს გარემოებანი (მტკიცების საგანი), რომელიც გათვალისწინებულია სისხლის სამართლის საპროცესო კოდექსის 59-ე და 327-ე მუხლებით.

პირის შეურაცხადობა ან სულიერად დაავადების ფაქტი უნდა დადგინდეს, მხოლოდ სასამართლო-ფსიქიატრიული ექსპერტის დასკვნით. სასამართლო-ფსიქიატრიული ექსპერტიზის დაწინაურება შეიძლება ადგილი ჰქონდეს მხოლოდ სისხლის სამართლის საქმის აღძვრის შემდეგ და იმ შემთხვევაში, როდესაც არსებობს რეალური მონაცემები იმისა, რომ პირი არის შეურაცხადი ან გამოძიების პროცესში დაავადდა სულიერად.

¹ «Бюллетень Верховного Суда СССР», 1984 г., № 3, с. 33—36.

² «Бюллетень Верховного Суда СССР», 1984 г., № 3, с. 35. (п. 11).

ამ კატეგორიის საქმეებზე დამცველის მონაწილეობა სავალდებულოა წინასწარი გამოძიების დროს. დამცველი დაიშვება იმ მომენტიდან, როდესაც დადგინდება პირის შეურაცხადობის ან სულიერი დაავადების ფაქტი. ამ მომენტიდან დამცველი უფლებამოსილია, გამოძიებლის ნებართვით, გაეცნოს საქმის მასალებს, უკვე ჩატარებულ საგამოძიებო მოქმედებათა ოქმებს, შეხვდეს პირს, ვისაც იგი იცავს, რათა სრულად განახორციელოს დაცვა.

შეურაცხადი ან სულიერად დაავადებული პირის მიერ დამცველზე უარის თქმა არ წარმოადგენს საფუძველს დამცველის განთავისუფლებისათვის. თუ სასამართლოში საქმის განხილვის დროს დადგინდება, რომ აღნიშნული კატეგორიის საქმეზე წინასწარი გამოძიების დროს დამცველი არ ღებულობდა მონაწილეობას ან იგი განთავისუფლებული იყო, საქმე უნდა დაბრუნდეს დამატებითი გამოძიების ჩასატარებლად. ასეთ მითითებას შეიცავს სსრ კავშირის უმაღლესი სასამართლოს პლენუმის 1984 წლის 26 აპრილის № 4 დადგენილება.

თუ წინასწარი გამოძიება წარმოებს რამოდენიმე პირის მიმართ, რომელთა შორის ერთი არის შეურაცხადი ან დაავადდა სულიერად, მის მიმართ საქმე შეიძლება გამოიყოს ცალკე წარმოებად თუ იგი გავლენას არ მოახდენს საქმის სრულყოფილ, ყოველმხრივ და ობიექტურ გამოძიებაზე. (მუხლი 23).

წინასწარი გამოძიების დამთავრების შემდეგ დაზარალებული, სამოქალაქო მოსარჩელე, სამოქალაქო მოპასუხე ან მათი წარმომადგენლები ეცნობიან საქმის მასალებს. დამცველი ყველა შემთხვევაში ეცნობა საქმის მთელ წარმოებას. საქმის წარმოებას გაეცნობა აგრეთვე შეურაცხადი ან სულიერად დაავადებული პირი, თუ მისი ჯანმრთელობა იძლევა ამის შესაძლებლობას.

აღნიშნული კატეგორიის საქმეებზე წინასწარი გამოძიება მთავრდება დადგენილების გამოტანით საქმის სასამართლოში გაგზავნის შესახებ სამედიცინო ხასიათის იძულებითი ღონისძიების გამოყენების მიზნით, რომელიც საქმესთან ერთად გადაეცემა ზედამხედველ პროკურორს.

თუ პროკურორი საქმის მასალების გაცნობის შემდეგ იმ დასკვნამდე მივა, რომ წინასწარი გამოძიება ჩატარებულია კანონის დაცვით, სრულად და ობიექტურად, იგი დადგენილებას და საქმეს აგზავნის ქვემდებარეობისამებრ სასამართლოში სამედიცინო ხასიათის იძულებითი ღონისძიების გამოსაყენებლად. წინააღმდეგ შემთხვევაში პროკურორი აბრუნებს საქმეს დამატებითი გამოძიების ჩასატარებლად თავისი კონკრეტული წერილობითი მითითებებით.

კანონის შესაბამისად პროკურორს შეუძლია აგრეთვე შეწყვიტოს საქმე წარმოებით იმ საფუძველზე, რაც გათვალისწინებულია სისხლის სამართლის საპროცესო კოდექსის მე-2 მუხლით, მე-200 მუხლის მე-2 პუნქტით, აგრეთვე იმ შემთხვევაში, როდესაც ჩადენილი ქმედობის ხასიათისა და თავისი ფსიქიკური მდგომარეობის მიხედვით პირი, რომელმაც ეს ქმედობა ჩაიდინა, საზოგადოებისათვის საშიშროებას არ წარმოადგენს. პროკურორი წყვეტს სისხლის სამართლის საქმეს წარმოებით, აგრეთვე იმ შემთხვევაშიც, როდესაც არ არსებობს საფუძველი სამედიცინო ხასიათის იძულებითი ღონისძიების გამოსაყენებლად (მუხლი 329).

8. სასამართლოში საქმის განხილვის თავისებურება. აგზავნის რა პროკურორი საქმეს სასამართლოში სამედიცინო ხასიათის იძულებითი ღონისძიების გამოყენების მიზნით, მოსამართლე ერთპიროვნულად ან სასამართლო განმწესრიგებელ სხდომაზე წყვეტს საკითხს საქმის სასამართლოში განხილვის შესაძლებლობის შესახებ.

საკითხის დადებითად გადაწყვეტის დროს უნდა მოგვარდეს მთელი რიგი მოსამზადებელი სამუშაოები, კერძოდ: მოსამართლე ეცნობება პროკურორს საქმის განხილვის ადგილსა და დროს, იღებს ზომებს დამცველის სასამართლოში გამოცხადების შესახებ; გამოთიხანებს იმ ექსპერტს, ვინც წინასწარი გამოძიების დროს ჩაატარა სასამართლო-ფსიქიატრიული ექსპერტიზა; უზრუნველყოფს პროცესზე დაზარალებულის, კანონიერი წარმომადგენლის და მოწმეების მონაწილეობას.

მოსამართლე უფლებამოსილია სასამართლო პროცესზე მოიწვიოს ის პირი ვისი საქმეც იხილება, თუ მისი ჯანმრთელობა ამის საშუალებას იძლევა. პირის სასამართლო პროცესზე გამოძახების შესაძლებლობის შესახებ მოსამართლეს უნდა ჰქონდეს ექსპერტის დასკვნა (330-ე მუხლი). თუმცა, კანონში მითითებული არ არის, მაგრამ მოსამართლეს შეუძლია ეს საკითხი გადაწყვიტოს ფსიქიატრ-სპეციალისტის ან ფსიქიატრიული დაწესებულების სათანადო ცნობის საფუძველზე.

შეურაცხადის ან სულიერად დაავადებული პირის საქმის განხილვა სასამართლოში ხდება

საერთო წესების დაცვით, გარდა იმ თავისებურებისა, რასაც აწესებს საქართველოს სსრ სისხლის სამართლის საპროცესო კოდექსის 331-333 მუხლები. ამ თავისებურებას მიეკუთვნება შემდეგი: შეურაცხადი ან სულით ავადმყოფი არ წარმოადგენს განსაცდელს; საქმეს სასამართლო იხილავს დახურულ სხდომაზე (მუხლი 331), პროკურორის მონაწილეობა საქმის განხილვის დროს სავალდებულოა, მაგრამ იგი არ გამოდის, როგორც სახელმწიფო ბრალმდებელი; პროკურორის პროცესუალური მდგომარეობა გამოიხატება იმაში, რომ იგი მონაწილეობს, როგორც კანონის შესრულებაზე ზედამხედველი ორგანოს წარმომადგენელი, დამცველის მონაწილეობა სასამართლოში საქმის განხილვის დროს სავალდებულოა, მიუხედავად იმისა, ამის თანახმაა თუ არა პირი, ვის საქმესაც სასამართლო იხილავს; ექსპერტ-ფსიქიატრის მონაწილეობა სასამართლო სხდომაზე ასევე სავალდებულოა; შეურაცხადი ან სულიერად დაავადებული პირი სასამართლოში არ დაიკითხება, არამედ იძლევა ახსნა-განმარტებას; პროკურორი არ წარმოთქვამს საბრალდებო სიტყვას, დამცველი — დაცვით სიტყვას; პროცესის ეს მონაწილეები გამოთქვამენ თავიანთ მოსაზრებას საქმის ირგვლივ და მისი ბედის შესახებ; სასამართლოს განაჩენი არ გამოაქვს, სასამართლოს გამოაქვს განჩინება სამედიცინო ხასიათის იძულებითი ღონისძიების გამოყენების შესახებ.

თუ საქმის განხილვაში არ მონაწილეობენ პროკურორი და ექსპერტი-ფსიქიატრი, ასეთი ფაქტი ჩაითვლება საპროცესო კანონის არსებით დარღვევად და სასამართლოს მიერ გამოტანილი განჩინება უნდა გაუქმდეს³.

სასამართლო გამოძიება იწყება წინასწარი გამოძიების დამთავრებისა და საქმის სასამართლოში გაგზავნის დადგენილების გამოქვეყნებით.

სასამართლო გამოძიება ტარდება ყოველმხრივად, სრულად და ობიექტურად, რომლის დროსაც უნდა გაირკვეს და გადაწყდეს შემდეგი საკითხები: ადგილი ჰქონდა თუ არა საზოგადოებრივად საშიში ქმედობის ჩადენას, რომლის გამოც აღძრულია სისხლის სამართლის საქმე; ჩაიდინა თუ არა ეს ქმედობა პირმა, ვის საქმესაც სასამართლო იხილავს; ჩადენილია თუ არა საზოგადოებრივად საშიში ქმედობა შეურაცხადი პირის მიერ ან შერაცხადი პირის მიერ, რომელიც შემდგომში (გამოძიებისა და სასამართლოში საქმის განხილვის დროს) დაავადდა სულიერად; გამოყენებული უნდა იყოს თუ არა სამედიცინო ხასიათის იძულებითი ღონისძიება და კონკრეტულად ამ ღონისძიების რომელი სახე; რომელი კონკრეტული მტკიცებულებებით (მოწმის და დაზარალებულის ჩვენებები, ექსპერტის დასკვნა, კანონიერი წარმომადგენლის ჩვენება, ნივთმტკიცება და სხვ.) არის დადგენილი საზოგადოებრივად საშიში ქმედობის ჩადენის ფაქტური გარემოება; დასაბუთებულია თუ არა ექსპერტ-ფსიქიატრის დასკვნა; დადგენილია თუ არა გარემოებანი, რომელმაც ხელი შეუწყო ან განაპირობა საზოგადოებრივად საშიში ქმედობის ჩადენა და მიღებულია თუ არა გამოძიების პროცესში ზომები ამ გარემოებების აღმოფხვრის მიზნით (მუხლები 311-312).

თუ სასამართლოში საქმე შემოვიდა საბრალდებო დასკვნით და ფსიქიატრიული ექსპერტის ჩატარების მეშვეობით, აქვე დადგინდა, რომ პირი არის შეურაცხადი ან დაავადებული სულიერად, სასამართლოს შეუძლია საქმე არ დააბრუნოს დამატებითი გამოძიების ჩასატარებლად. ამ შემთხვევაში სასამართლო უფლებამოსილია საქმე განიხილოს არსებითად და გადაწყვიტოს იგი, მაგრამ იმ თავისებურებათა დაცვით, რასაც კანონი ადგენს სამედიცინო ხასიათის იძულებითი ღონისძიების გამოყენებისათვის. თუ საქმეზე ჩატარებული იყო მოკვლევა, საქმე უნდა დაბრუნდეს დამატებითი გამოძიების ჩასატარებლად, რადგან კანონის ძალით, ამ კატეგორიის საქმეებზე ტარდება წინასწარი გამოძიება⁴.

თუ სასამართლო იხილავს რამოდენიმე პირის საქმეს და მათ შორის არის შეურაცხადი ან სულიერად დაავადებული პირი, სასამართლო უფლებამოსილია ერთობლივად განიხილოს და გადაწყვიტოს საკითხი ჯანმრთელი პირის ბრალეულობის შესახებ, ხოლო შეურაცხადი ან სულიერად დაავადებული პირის მიმართ — სამედიცინო ხასიათის იძულებითი ღონისძიება გამოიყენოს. თუ საქმის ასეთი ერთობლივი განხილვა და გადაწყვეტა შეუძლებელია შეურაცხადი ან სულიერად დაავადებული პირის მიმართ, საქმე უნდა გამოიყოს ცალკე წარმოების მიზნით⁵.

როდესაც სასამართლო მოისმენს პროკურორისა და დამცველის მოსაზრებებს სამედი-

³ Бюллетень Верховного Суда РСФСР, 1986 г., № 12, с. 5.

⁴ Бюллетень Верховного Суда СССР, 1984 г. № 3, с. 35 (п. 9).

⁵ Бюллетень Верховного Суда СССР, 1984 г. № 3, с. 35 (п. 10).

ცინო ხასიათის იძულებითი ღონისძიების გამოყენების საკითხზე და საერთოდ საქმის შესახებ, მოსამართლეს შეუძლია საბოლოო სიტყვის უფლება მისცეს პირს, ვის საქმესაც იხილავნ. რა თქმა უნდა, თუ ამის საშუალებას იძლევა მისი განმარტლება. ამის შემდეგ სასამართლო გადაის სათათბირო ოთახში პროკურორისა და დამცველის მოსაზრებათა შესავსებად.

სათათბირო ოთახში განჩინების გამოტანის დროს სასამართლომ უნდა იხელმძღვანელოს საქართველოს სსრ სისხლის სამართლის საპროცესო კოდექსის 332-ე მუხლით.

ამას გარდა, სათათბირო ოთახში სასამართლომ უნდა განიხილოს და გადაწყვიტოს აგრეთვე სხვა საკითხებიც: მატერიალური ზიანის ოდენობა და ხასიათი (საკითხი მატერიალური ზიანის ანაზღაურების შესახებ წყდება სამოქალაქო სამართალწარმოების წესით, რის შესახებაც სასამართლომ უნდა აღნიშნოს განჩინებაში); ნივთიერ მტკიცებულებათა ბედი; სასამართლო ხარჯების ოდენობა (სასამართლო ხარჯები არ გადახდება შეურაცხადს და სულიერად დაავადებულ პირს, მას სახელმწიფო გაიღებს); ხარჯები, რომელიც გაწეული იყო დამცველის სასამართლოში მონაწილეობასთან დაკავშირებით (ეს ხარჯებიც არ გადახდება შეურაცხადს და სულიერად დაავადებულ პირს); საზოგადოებრივად საშიში ქმედობის ჩადენის ხელშემწყობი პირობები და მიზეზები.

განიხილავს რა ამ საკითხებს და საქმის სხვა კონკრეტულ გარემოებებს, სასამართლო გამოიტანს ერთ-ერთ რომელიმე განჩინებას: 1) სამედიცინო ხასიათის იძულებითი ღონისძიების გამოყენების შესახებ; 2) საქმის წარმოებით შეწყვეტის შესახებ; 3) საქმის დამატებითი გამოძიების ჩასატარებლად დაბრუნების შესახებ; 4) საქმის წარმოებით შეჩერების შესახებ (მუხლი 333).

სამედიცინო ხასიათის იძულებითი ღონისძიების შეფარდების დროს განჩინებაში განიხილვება მხოლოდ ფსიქიატრიული სამკურნალო დაწესებულების სახე (საერთო ან სპეციალური) და არა ის კონკრეტული სამკურნალო ფსიქიატრიული საავადმყოფო, სადაც უნდა გაიზავნოს პირი. განჩინებაში არ მიეთითება, აგრეთვე, ფსიქიატრიულ საავადმყოფოში მკურნალობის ვადა. მკურნალობის ხანგრძლივობას განსაზღვრავს თვით ფსიქიატრიული დაწესებულება, ავადმყოფობის სიმძიმის გათვალისწინებით. სწორედ ამიტომ ავადმყოფები ყოველ ექვს თვეში ერთხელ გადაიან საექიმო შემოწმებას.

განაჩენის ასლი, მისი კანონიერ ძალაში შესვლის შემდეგ, იგზავნება აღსასრულებლად შესაბამის განმარტლობის დაცვის ორგანოში, როდესაც გამოყენებული იყო პირის მოთავსება საერთო ტიპის ფსიქიატრიულ საავადმყოფოში, ან შინაგან საქმეთა ორგანოში, თუ გამოყენებული იყო პირის მოთავსება სპეციალურ ფსიქიატრიულ საავადმყოფოში.

4. სამედიცინო ხასიათის იძულებითი ღონისძიების გაუქმება და შეცვლა. სამედიცინო ხასიათის იძულებითი ღონისძიების გაუქმების ან შეცვლის საფუძველს წარმოადგენს პირის სრული განკურნება ან ისეთი ხასიათის გაჯანსაღება, რომელიც გამორიცხავს ამ პირის საშიშროებას საზოგადოებისათვის.

სამედიცინო ხასიათის იძულებითი ღონისძიების გაუქმება ან შეცვლა ხდება სამკურნალო ფსიქიატრიული დაწესებულების საექიმო კომისიის დასკვნით პირის განკურნების შესახებ. საექიმო კომისიის დასკვნაში უნდა აღინიშნოს ჩატარებული მკურნალობის შედეგებზე და ის თუ რა სახის მკურნალობა სჭირდება პირს სამედიცინო ხასიათის იძულებითი ღონისძიების გაუქმების ან შეცვლის შემთხვევაში, ხომ არ უნდა იყოს იგი გადაყვანილი ერთი სახის ფსიქიატრიული საავადმყოფოდან მეორეში (მაგალითად, სპეციალური ფსიქიატრიული საავადმყოფოდან — საერთოში).

სამედიცინო ხასიათის იძულებითი ღონისძიების გაუქმების ან შეცვლის საბაზი შეიძლება განდეს აგრეთვე ახლო ნათესავების და სხვა დანტერესებული პირების (მეურვე, მზრუნველი) შუამდგომლობა. ამ შემთხვევაში სასამართლომ უნდა დანიშნოს პირის სამედიცინო შემოწმება ფსიქიატრიულ საავადმყოფოში და მიიღოს საექიმო კომისიის დასკვნა, რომელიც უნდა აკმაყოფილებდეს აღნიშნულ მოთხოვნებს.

სამედიცინო ხასიათის იძულებითი ღონისძიების გაუქმება ან შეცვლა შეუძლია მხოლოდ იმ სასამართლოს, რომელმაც გამოიტანა განჩინება ამ ღონისძიების შეფარდების შესახებ ან სასამართლოს, რომლის მოქმედების ტერიტორიაზეც მოთავსებულია შეურაცხადი ან სულიერად დაავადებული პირი. საქმის განხილვა ხდება იმ თავისებურებათა გათვალისწინებით, რასაც კანონი ადგენს ამ კატეგორიის საქმეთა განხილვისათვის. (მუხლი 331).

საქმის სასამართლოში განხილვას უნდა ესწრებოდნენ პროკურორი და საექიმო კომისიის ერთ-ერთი წევრი მაინც — ფსიქიატრიული საავადმყოფოს წარმომადგენელი. პირს, რომლის

მიმართაც იხილება სამედიცინო ხასიათის იძულებითი ღონისძიების გაუქმების ან შეცვლის საკითხი, შეუძლია დაესწროს სასამართლოში საქმის განხილვას, თუ მისი ჯანმრთელობის მდგომარეობა ამის საშუალებას იძლევა.

სსრ კავშირის უმაღლესი სასამართლოს პლენუმის 1984 წლის 26 აპრილის № 4 დადგენილების საფუძველზე სასამართლო უფლებამოსილია, თუ ამის საფუძველი არსებობს, საერთოდ გააუქმოს სამედიცინო ხასიათის იძულებითი ღონისძიება პირის სპეციალურ ფსიქიატრიულ საავადმყოფოში მოთავსების შესახებ, ისე რომ იგი არ გადაიყვანოს საერთო ფსიქიატრიულ საავადმყოფოში⁶.

სამედიცინო ხასიათის იძულებითი ღონისძიების გაუქმების ან შეცვლის თაობაზე, სასამართლო თავის გადაწყვეტილებას იღებს დასაბუთებული განჩინების გამოტანით. სასამართლო უფლებამოსილია გამოიტანოს აგრეთვე განჩინება სამედიცინო ხასიათის იძულებითი ღონისძიების გაუქმების ან შეცვლის შესახებ.

სასამართლოს განჩინება სამედიცინო ხასიათის იძულებითი ღონისძიების გამოყენების, გაუქმების ან შეცვლის თაობაზე შეიძლება გასაჩივრდეს ან გაპროტესტდეს საერთო წესით. განჩინების გასაჩივრება შეუძლია პირს, ვისი საქმეც იხილება, თუ ამის საშუალებას იძლევა მისი ჯანმრთელობა.

პირი, რომელმაც დანაშაული ჩაიდინა შერაცხად მდგომარეობაში, მაგრამ შემდგომში საქმის წინასწარი გამოძიების ან სასამართლოში საქმის განხილვის დროს დაავადდა სულიერად, თავისუფლდება სასჯელისაგან და არა სისხლის სამართლის პასუხისმგებლობისაგან. სწორედ ამიტომ, თუ სამედიცინო ხასიათის იძულებითი ღონისძიების გატარების შედეგად ასეთი პირი ჯანმრთელი გახდა მან პასუხი უნდა აგოს ჩადენილი დანაშაულისათვის.

პირის ჯანმრთელად ცნობა ხდება ფსიქიატრიული საავადმყოფოს საქმიან კომისიის დასაბუთებული დასკვნით.

საქმის განხილვის შედეგად სასამართლო უფლებამოსილია პირი ჯანმრთელად ცნოს და გააუქმოს სამედიცინო ხასიათის იძულებითი ღონისძიება. ამ შემთხვევაში სასამართლოს გამოაქვს დასაბუთებული განჩინება სამედიცინო ხასიათის იძულებითი ღონისძიების გაუქმებისა და საქმეზე მოკვლევის ან წინასწარი გამოძიების ჩატარების შესახებ. საქმე ეგზავნება პროკურორს გამოძიების ჩასატარებლად და პირის ბრალდებულის სახით პასუხისმგებებაში მისაქცემალად.

სამედიცინო დაწესებულებაში ყოფნა მთლიანად ჩაითვლება პატიმრობაში ყოფნის დროთ (336-ე მუხლი).

სასამართლო უფლებამოსილია, კანონით გათვალისწინებულ შემთხვევაში, გააუქმოს სამედიცინო ხასიათის იძულებითი ღონისძიება და საქმე შეწყვიტოს წარმოებით (ხანდაზმულობის ვადის გასვლა, პატიება, ამნისტია და სხვ.)

მიზანშეწონილია, რომ სასამართლომ გამოიტანოს ერთი განჩინება სამედიცინო ხასიათის იძულებითი ღონისძიების გაუქმებისა და საქმეზე გამოძიების ჩატარების შესახებ ან განჩინება სამედიცინო ხასიათის იძულებითი ღონისძიების გაუქმებისა და საქმის წარმოებით შეწყვეტის შესახებ⁷.

⁶ Бюллетень Верховного Суда СССР, 1984 г. № 3, с. 36 (п. 19).

⁷ Протченко Б. А. Принудительные меры медицинского характера, М., 1976; Строгович М. С. Курс советского уголовного процесса, т. 2. М., 1970, с. 487-499; Настольная книга судьи. М., 1972, с. 691—709; Комментарий к уголовно-процессуальному кодексу РСФСР, М., 1985, с. 639—653; Ромазин С., Михайлова Т., Судебное рассмотрение дел по применению принудительных мер медицинского характера. — «Советская юстиция», 1985, № 1, с. 12-14; Михайлова Т. А. Расследование и судебное рассмотрение дел о невменяемых. — «Советское государство и право», 1986, № 2, с. 80-83.

მიწის კანონმდებლობის დაცვა სახელმწიფოებრივი მნიშვნელობის საქმეა

რობერტ კოველიაშვილი,
სიღნაღის რაიონის პროკურორი

მიწა ჩვენი საზოგადოების სიმდიდრეა, იგი სოფლის მეურნეობის წარმოების მთავარი საშუალებაა და ძირითადად ის განსაზღვრავს სახალხო მეურნეობის ყველა დარგის განვითარებას.

საბჭოთა კავშირისა და მოკავშირე რესპუბლიკების კონსტიტუციებით მიწაზე სახელმწიფო საკუთრების უფლებას გამონაკლისი ხასიათი აქვს. ეს იმას ნიშნავს, რომ მიწის ერთადერთი მესაკუთრე მხოლოდ სახელმწიფოა.

იმის გამო, რომ მიწაზე სახელმწიფო საკუთრება საბჭოთა კავშირში მიწის ურთიერთობის საფუძველია, ყველა სხვა უფლება მიწაზე, სახელმწიფო საკუთრების უფლებაზეა დამოკიდებული. მიწის ყიდვა-გაყიდვა, გაჩუქება, ანდერძით დატოვება, მიწის ნაკვეთების თვითნებური გაცვლა და სხვა გარიგებანი კანონითაა აკრძალული.

ამასთან, მიწა დროებით ან უვადო სარგებლობისათვის გადაეცემათ სახელმწიფო და საზოგადოებრივ ორგანიზაციებს, რომლებიც მოქმედი კანონმდებლობის თანახმად მოვალენი არიან გამოიყენონ იგი ეფექტურად და რაციონალურად, ყოველგვარი პირობები შექმნან მიწის სახელმწიფო ფონდის დაცვის, ხარისხობრივი და რაოდენობრივი გაუმჯობესებისათვის.

მიწის კანონმდებლობის დარღვევისათვის საქართველოს სსრ მიწის კოდექსი ითვალისწინებს მთელ რიგ დისციპლინარულ და მატერიალურ პასუხისმგებლობას, ხოლო განსაკუთრებულ შემთხვევებში დამნაშავენი სისხლის სამართლის წესით ისჯებიან.

სსრ კავშირის პროკურატურის შესახებ კანონის 22-ე მუხლისა და სსრ კავშირის გენერალური პროკურორის შესაბამისი ბრძანებებისა და მითითებების თანახმად, საქართველოს სსრ პროკურატურა და მისი ადგილობრივი ორგანოები სისტემატურ ზედამხედველობას უწევენ მიწის კანონმდებლობის მოთხოვნათა განუხრელ დაცვას.

საერთო ზედამხედველობის წესით ჩატარებული შემოწმებები გვიჩვენებს, რომ რესპუბლიკაში ძირითადად სწორად ხორციელდება მიწის კანონმდებლობა, მაგრამ აქვე ისიც შეიმჩნევა, რომ ზოგჯერ ჯერ კიდევ უხეშად ირღვევა მიწათსარგებლობის კანონის მოთხოვნები, არაჯეროვნად სრულდება საქართველოს კომპარტიის ცენტრალური კომიტეტის 1984 წლის 25 დეკემბრის დადგენილება რესპუბლიკაში მიწის რესურსების რაციონალურად და ეფექტურად გამოყენების შესახებ.

დაუფარავად უნდა ითქვას, რომ საქართველოს სსრ სახელმწიფო აგროსამრეწველო კომიტეტის, შემოწმებული რაიონების სახალხო დებუტატთა საბჭოების აღმასკომების, აგროსამრეწველო გაერთიანებების, ბუნების დაცვის ზონალური ინსპექციების, საბჭოთა მეურნეობების და ადგილობრივი საკონტროლო ადმინისტრაციული ორგანოების მიერ გატარებული ღონისძიებები არასაკმარისია, რადგან ისინი ვერ უზრუნველყოფენ მიწის რესურსების რაცი-

ონალურად და ეფექტიანად გამოყენების შესახებ რესპუბლიკის სადირექტივო ორგანოების დადგენილებებისა და მითითებების განუხრელად და ზუსტად შესრულებას.

სარგებლობენ რა ადგილობრივი საბჭოების აღმასკომების, სამეურნეო და საკონტროლო ორგანოების უკონტროლობით, მთელ რიგ მეურნეობებში მასობრივი ხასიათი აქვს საზოგადოებრივი მიწების დატაცების, განიავების, მიწის რესურსების არადანიშნულებით გამოყენებისა და კანონიერების დარღვევის სხვა ფაქტებს. უფრო მეტიც, ზოგიერთი მეურნეობის დირექტორი თვითონ არის საზოგადოებრივი მიწების განიავების ინიციატორი.

მარნეულის რაიონის ხრამის საბჭოთა მეურნეობის დირექტორის (კ. მამედოვი) ბრძანებით უხეშად დაირღვა საქართველოს სსრ მიწის კოდექსის მე-13 მუხლი, როდესაც 38 მოქალაქეს უკანონოდ გამოეყო 5,7 ჰა მიწის ფართობი.

გარდაბნის რაიონის მარტყოფის მეხილეობისა და ექსპერიმენტული მეურნეობა-ტექნიკუმის დირექტორებმა კი შვიდ მოქალაქეს ისე გამოუყვეს საკარმიდამო მიწის ნაკვეთები, რომ არსებული კანონის დაცვაზე არც უფიქრიათ.

ჯავის მეცხოველეობის საბჭოთა მეურნეობის დირექტორის ბრძანებით რესპუბლიკის გარედან მოსულ ჯიოევს ისე გამოეყო 0,06 ჰა მიწის ნაკვეთი, რომ ამ უკანასკნელს შრომითი ურთიერთობა არ ჰქონია მეურნეობასთან. მიუხედავად იმისა, რომ მეურნეობას არ ჰქონდა საკარმიდამო მიწის ფონდი, დირექტორის ბრძანებებით ცხინვალში მცხოვრებ ექვს მოქალაქეს 1984-1985 წლებში უკანონოდ გამოეყო მიწის ნაკვეთები. ასევე მოიქცა ამავე რაიონის მეხორცეობა-მერძევეობის საბჭოთა მეურნეობის დირექტორი, როცა ხუთ ცხინვალელს დაუსაბუთებლად მისცა მიწის ნაკვეთები.

უხეშად არის დარღვეული საქართველოს სსრ მინისტრთა საბჭოს 1978 წლის 22 მაისის № 333 დადგენილება „ჯავის მეცხოველეობის საბჭოთა მეურნეობის მუშა-მოსამსახურეების დასაკმაყოფილებლად საკარმიდამო ფონდის გამოყოფის შესახებ“. აღნიშნული ფონდიდან მეურნეობის დირექციამ მიწის ნაკვეთების 30 პროცენტზე მეტი იმ პირებზე გასცა, რომლებსაც არათუ შრომითი ურთიერთობა არა აქვთ მეურნეობასთან, არამედ მის ტერიტორიაზეც კი არ ცხოვრობენ.

მარნეულის რაიონის კასუმლოს, აღმამედლოს, ხრამის, არაფლოს, თამარისის და 26 კომისრის საბჭოთა მეურნეობებში გამოვლინდა საკარმიდამო მიწის ნაკვეთების გადიდებისა და საზოგადოებრივი მიწების მიტაცების 125 ფაქტი. მიტაცებულია 21,7 ჰა საზოგადოებრივი მიწის ფართობი.

გარდაბნის რაიონში 1985 წელს გამოვლინდა საკარმიდამო ნაკვეთების გადიდებისა და მეურნეობის მიწების მიტაცების 18 ფაქტი, უკანონოდ იყო დაკავებული 3,3 ჰა საზოგადოებრივი მიწის ფართობი.

უხეშად ირღვევა საქართველოს სსრ მინისტრთა საბჭოს 1972 წლის 13 სექტემბრის № 477 და 1973 წლის 20 ივნისის № 398 დადგენილებები ყარაღაჯის, აკტაკლის და კართაკლის მებოსტნეობის საბჭოთა მეურნეობებში. თუ 1982 წელს ამ მეურნეობების ტერიტორიაზე მცხოვრებ 96 ოჯახს ჰქონდა მიტაცებული 17,8 ჰა მიწის ფართობი, წელს ეს რიცხვი 120-ზე მეტია. რა თქმა უნდა, შესაბამისად გაიზარდა მიტაცებული მიწის ფართობიც. მათ ყო-

ველგვარი გაფორმების გარეშე დაიკავეს საზოგადოებრივი მიწები (ძირითადად საძოვარი), უპროექტოდ ააშენეს საცხოვრებელი სახლები, არ იხდიან მიწის რენტას, სხვა სასოფლო-სამეურნეო გადასახადს და ა. შ.

ბოლნისის რაიონის სოფელ ძველი ქვეშისა და აკურთას 26 მცხოვრებმა მიიტაცა რატევანის მეცხოველეობის საბჭოთა მეურნეობის (დირექტორი ჩ. ჭოხონელიძე) 6,15 ჰა მიწის ფართობი. აქედან, პროჟურატურის ორგანოების ჩარევის შემდეგ მეურნეობას დაუბრუნდა 2,05 ჰა. ჯერ კიდევ სარგებლობენ ზედმეტი მიწის ნაკვეთებით ი. მამედოვი, რომელსაც კანონით 0,08 ჰა მიწის ფართობი ერიცხება, ფაქტიურად კი ფლობს 0,27 ჰას. ბ. გასანოვი სარგებლობს 0,11 ჰა მიწით, მაგრამ სახლის ნახევარი მიტაცებულ ფართობზე ააშენა. მიტაცებული ზედმეტი მიწით სარგებლობენ აგრეთვე ბ. რამაზანოვი, დ. რამაზანოვი და სხვა.

მარნეულის ეთერზეთების ქარხანა-მეურნეობის (დირექტორი დათუნაშვილი) საზოგადოებრივი მიწის ფართობიდან მიიტაცეს ბ. ფაშა ოღლიმ 0,05 ჰა, ნ. არუთინიანმა 0,08 ჰა, ა. მასიმ ოღლიმ 0,07 ჰა მიწის ნაკვეთები.

ზედმეტი მიწის ნაკვეთებით სარგებლობენ აგრეთვე კიზილაჯალოს საბჭოთა მეურნეობის (დირექტორი რ. გუმბათოვი) მცხოვრებლები. ა. მირზაევი 0,12 ჰექტრის ნაცვლად სარგებლობს 0,24 ჰექტრით, ი. კალანდაროვი — 0,19 ჰექტრით და სხვ. კანონის ანალოგიურ დარღვევებს მასობრივი ხასიათი აქვს ხრამის მევენახეობის, არაფლოს და აღმამედლოს მებოსტნეობის საბჭოთა მეურნეობებში.

ცხინვალში მცხოვრებ 13 მოქალაქეს ჯავის რაიონში აქვს მიტაცებული 16 ჰექტარზე მეტი საზოგადოებრივი მიწის ნაკვეთი. აღსანიშნავია, რომ მარტო სოფელ წონშია ასეთი 12 ჰა. საზოგადოებრივი მიწების მიტაცების ფაქტები დადგენილია აგრეთვე კიროვის, ვანელის და როკის სასოფლო საბჭოების ტერიტორიებზე.

გარდაბნის რაიონის მარტყოფის მებოსტნეობის საბჭოთა მეურნეობაში (დირექტორი ი. მათიაშვილი) ზედმეტი მიწის ნაკვეთებით სარგებლობენ ი. მასიმოვი, გ. ოგანეზოვი, ვ. კუხაშვილი, შ. მამუკაშვილი და სხვ. ანალოგიური ფაქტები გვაქვს სართიჭალის, ულიანოვკის, აკტაკლისა და კარტაკლის მეურნეობებში.

მიწის კანონმდებლობის განსაკუთრებით უხეში დარღვევები დადგინდა გარდაბნის რაიონის სართიჭალის საბჭოთა მეურნეობაში. კერძოდ, ამ მეურნეობის ტერიტორიაზე მცხოვრებ მოქალაქეებს უკანონოდ გამოეყოთ საკარმიდამო ნაკვეთები, გაიჩეხა მრავალწლიანი ნარგავები და სხვ.

კანონიერების ამგვარი უხეში დარღვევების აღმოფხვრის მიზნით საქართველოს სსრ მინისტრთა საბჭოს პრეზიდიუმმა 1984 წლის 17 ოქტომბრის გადაწყვეტილებით დაავალა საქართველოს სსრ ყოფილ სასოფლო-სამეურნეო წარმოების სახელმწიფო კომიტეტს, საქართველოს სსრ ხილბოსტნეულის მეურნეობის სამინისტროს და გარდაბნის რაიონულ აღმასკომს, რომ შეესწავლა თუ რამდენად კანონიერადაა გამოყოფილი საკარმიდამო მიწის ნაკვეთები გარდაბნის რაიონის სართიჭალის მებოსტნეობა-მევენახეობის საბჭოთა მეურნეობის ტერიტორიაზე მცხოვრები ოჯახებისათვის, გაერკვიათ „ცუგროვანში“ საკარმიდამო მიწების მოცვლის ყველა დეტალი, მეურნეობის ტერიტორიაზე კაკლის, თუთისა და სხვა მრავალწლიანი ნარგავების უკანონოდ

მოჭრისა და ამოძირკვის მიზეზები, მიეღოთ საჭირო ზომები გამოვლინებული დარღვევების აღმოსაფხვრელად და მასალები დამნაშავე პირთა სისხლის სამართლის პასუხისგებაში მისაცემად გადაეცათ საგამოძიებო ორგანოებისათვის. სამწუხაროდ, რესპუბლიკის მინისტრთა საბჭოს ეს დიდმნიშვნელოვანი დავალება შემოწმების პერიოდისათვის შესრულებული არ იყო.

გზედებით შემთხვევებს, როდესაც კომლის გაუქმებისას სათანადო ცვლილებები არ შეაქვთ ზონარგაყრილ წიგნში, რის შედეგადაც მიწის ნაკვეთებს უნებართვოდ ფლობენ გაუქმებული კომლის ნათესავები ან ის პირები, რომლებსაც მეურნეობებთან არავითარი შრომითი ურთიერთობა არა აქვთ. მასობრივი ხასიათი მიიღო აგრეთვე დადგენილ ნორმაზე მეტი მიწის ნაკვეთებით სარგებლობის ფაქტებმა, რაც არაშრომითი შემოსავლის მიღების ერთ-ერთი საშუალებაა.

ბოლო წლებში, ჯავის რაიონში დამკვიდრდა პენსიონერების სარგებლობაში არსებული მიწის ზედმეტი ნაკვეთების უკანონო გადაფორმების მანკიერი პრაქტიკა შვილებსა და ახლობლებზე. ეს სახელმწიფო მიწების განიავების ერთ-ერთი ხელისშემწყობი პირობაა. მსხლების სასოფლო საბჭოს გადაწყვეტილებით გ. ბიტიევს თავისი მამის სარგებლობაში არსებული ზედმეტი მიწის ფართობიდან სოფ. გუფთაში გამოეყო 0,1 ჰა მიწის ნაკვეთი, ს. კოჩიევს 0,1 ჰა. ქ. თბილისში ცხოვრობს ა. ჯიოვი, მაგრამ სოფელში მცხოვრები დედის სარგებლობაში არსებული 0,25 ჰექტრიდან მიანც გამოუყვეს 0,15 ჰა მიწის ნაკვეთი, ასევე 0,04 ჰა მიწა გამოუყვეს ტ. ცხოვრებოვს, როდესაც იგი ქ. ცხინვალში ცხოვრობს და აქვს ნაკვეთიც და პირადი საკუთრების სახლიც.

როგორც ცნობილია, ჯავის რაიონში ძალიან ბევრნი ფლობენ მიწის ზედმეტ ნაკვეთებს და მას არაშრომითი შემოსავლის წყაროდ იყენებენ. გამოიკვია, რომ 24 პირზე 13 ჰა ზედმეტი მიწის ფართობი ირიცხება, აქედან 5 პირი ქ. ცხინვალში ცხოვრობს და სოფლის მეურნეობასთან არავითარი კავშირი არა აქვს. ისინი ყოველწლიურად დიდი რაოდენობით იღებენ თივას და კერძო პირებზე ჰყდიან. ეს მაშინ, როდესაც საზოგადოებრივ მეურნეობებს სისტემატურად არ ყოფნით პირუტყვის საკვები.

ანალოგიური დარღვევებია ბოლნისის, მარნეულისა და გარდაბნის რაიონებში, სადაც მოქალაქეთა სარგებლობაში არსებული მიწის ზედმეტი ნაკვეთები აღრიცხული არ არის სათანადო წესით, არ ხდება მათი ჩამოჭრა საზოგადოებრივი დანიშნულებისათვის.

ზნაურის რაიონის სოფელ ვანელის მცხოვრებლებს ნ. დემეევს, ზ. ჩაბიევს, ხ. ხაბაღოვს, გ. პლიევსა და სხვებს საერთოდ არა აქვთ დარიცხული მიწის რენტა, რადგან ზონარგაყრილ წიგნში აღრიცხული არ არის ამ მოქალაქეთა სარგებლობაში არსებული მიწის ნაკვეთები.

სასოფლო-სამეურნეო მიწების რაციონალურად გამოყენების პრობლემა სულ უფრო და უფრო მეტ თეორიულ და პრაქტიკულ მნიშვნელობას იძენს, რადგან იგი უშუალო კავშირშია სსრ კავშირის კონსტიტუციის 22-ე მუხლით გათვალისწინებული პროგრამის განხორციელებასთან. ამ პრობლემის გადაწყვეტა და სსრ კავშირის ძირითადი კანონის მოთხოვნების ცხოვრებაში გატარება ადგილებზე ევალებათ რაიონის (სასოფლო) სახალხო დებუტატთა საბჭოებს, მათ აღმასკომებს და სოფლის მეურნეობის მუდმივ კომისიებს. მიუ-

ხედავად ამისა, მთელ რიგ შემთხვევებში მიწის კანონმდებლობის დაცვის საქმეში არსებული ნაკლოვანებების ერთ-ერთი გამომწვევი მიზეზი სწორედ მათი სუსტი მუშაობაა.

ჯავის სასოფლო საბჭოს აღმასკომის თავმჯდომარემ (გ. კარკუსოვი) რაიონის არქიტექტორის გვერდის ავლით, თავისი პირადი შეხედულებისამებრ, ჯავის დასახლებაში გამოყო და განაწილა მიწის ნაკვეთები, სადაც გენერალური გეგმის უხეში დარღვევით დაიწყო დასახლების უგეგმო მშენებლობა. გარდა ამისა, ჯავის რაიონში გამოვლინდა პირადი საკუთრების სახლების უკანონო მშენებლობის 16 შემთხვევა, რითაც უხეშად არის დარღვეული საქართველოს სსრ მინისტრთა საბჭოს 1973 წლის 2 მარტის № 107 დადგენილება „სოფლად მშენებლობის მდგომარეობისა და მისი გაუმჯობესების ზომების შესახებ“.

ანალოგიური დარღვევები დადგინდა ბოლნისის რაიონის სოფ. სარალი-არში, კოშა-კელისაში, დარბაზში, გულავერში, ძველ ქვებში, გარდაბნისა და მარნეულის რაიონებში.

ჯავის რაიონის სასოფლო-სამეურნეო კომპლექსში ხშირად მიმართავენ მოქალაქეთათვის მიწის ნაკვეთების გამოყოფას ჯავის მეცხოველეობის საბჭოთა მეურნეობის მიზნობრივი საჭიროების ფონდიდან. ამ გადაწყვეტილებებს რაიონის სასოფლო-სამეურნეო კომპლექსის ხელმძღვანელებს ვითომ მიწის ფონდის ეკონომიკის, მაგრამ ეს მოქმედება ყოველნაირად უკანონოა. ამ გზით მიიღეს მიწის ნაკვეთები ფ. ხაბალოვმა, ა. გასიევმა, გ. კოჩიევმა, ი. ხუგაევმა და სხვებმა.

ხშირად რაისაბჭოს აღმასკომები და სასოფლო საბჭოები სწორად არ იყენებენ საქართველოს სსრ მინისტრთა საბჭოს 1979 წლის 19 ივნისის № 400 დადგენილებას სოფელთან კავშირგაწყვეტილი პირებისათვის ნაკვეთების გამოყოფის შესახებ. მაგალითად, ჯავის რაიონის სოფ. იტრაპისში უკანონოდ გამოყო მიწის ნაკვეთი ბეკოევს, რომელიც მუდმივად ცხოვრობს ქ. ცხინვალში, აქვს საკარმიდამო ნაკვეთი და პირადი საკუთრების სახლი. ანალოგიური დარღვევებით მიიღეს მიწის ნაკვეთები ქ. ცხინვალში მცხოვრებმა სხვა მოქალაქეებმაც.

მიწის დაცვა საერთო სახელმწიფოებრივი მნიშვნელობის ამოცანაა და ეს ყველამ კარგად იცის. მიუხედავად ამისა, ბევრი კოლმეურნეობის, საბჭოთა მეურნეობის თუ სამრეწველო საწარმოს ხელმძღვანელი, გატაცებულია რა ყოველდღიური სამეურნეო საქმიანობით (გეგმით, მოგებით და სხვ.), ხშირად ივიწყებს მას, უგულვებელყოფს მიწის კანონმდებლობის დაცვას და საბოლოოდ არასახარბიელო შედეგებიც მოსდევს. განსაკუთრებით საგანგაშოა მიწების გაფუჭებისა და გაჭუჭყიანების ფაქტები ანუ სასოფლო-სამეურნეო საჯარგულების სრული გადატაკება, მათი იმ მდგომარეობამდე მიყვანა, რომ მიწა თითქმის სრულიად უვარგისი ხდება.

1984 წელს, გეგმით გათვალისწინებული 218 ჰექტრის ნაცვლად მარნეულის რაიონში კულტტექნიკური სამუშაოები ჩატარდა მხოლოდ 54 ჰექტარს. ამ მიზნით გამოყოფილი 104 ათასი მანეთიდან ათვისებულია მხოლოდ 20 ათასი მანეთი. 1985 წელს ნაცვლად 100 ჰექტრისა კულტტექნიკური სამუშაოები ჩატარდა 50 ჰექტარზე და 30 ათასი მანეთის ნაცვლად ათვისებულია 15 ათასი მანეთი. ანალოგიური მდგომარეობაა გარდაბნისა და ბოლნისის რაიონებში.

ბოლნისის, მარნეულისა და გარდაბნის რაიონებში ჯერ კიდევ აქვს ადგილი წარმოება-ორგანიზაციებისაგან მიწების თვითნებურად დაკავებისა და ნაკვეთების სამეურნეო ნარჩენებით დანაგვიანების ფაქტებს.

ბოლნისის ადგილმრეწველობის კომბინატს (დირექტორი ნ. კუჭავა) სათანადო ნებართვის გარეშე 1985 წლიდან აქვს დაკავებული ბოლნისის რაიონის რატევის მუცხოველეობის საბჭოთა მეურნეობის (დირექტორი ჩ. ჭონელიძე) 0,30 ჰა საძოვარი მიწის ფართობი ბაზალიტის ქვის საწარმოებლად. ამ კარიერისათვის მიწის ნაკვეთის არსებული წესით გამოყოფის შესახებ მხოლოდ ახლახან დაისვა საკითხი.

საქართველოს სსრ საშენ მასალათა მრეწველობის სამინისტროს საწარმოთა გაერთიანება „საქარმადნეულის“ ლეჯბედინის საკარიერო სამმართველომ (დირექტორი ი. გაჯიევი) ხრამის მევენახეობის საბჭოთა მეურნეობის (დირექტორი ს. სილაძე) 6,0 ჰექტარი საძოვარი დაიკავა და ისე დააზიანა ამ მიწის ვარგისი ფენა, რომ იგი უვარგისია სასოფლო-სამეურნეო დანიშნულებისათვის სარეკულტივიზაციო სამუშაოების ჩატარების გარეშე. ამავე გაერთიანების იმირის სამსხვრევ-დამხარისხებელმა ქარხანამ (დირექტორი რ. ჩხეიძე) კარიერისათვის თვითნებურად დაიტაცა 7 ჰა სახნავი და 11 ჰა საძოვარი მიწის ფართობი მარნეულის ეთერზეთების ქარხანა-მეურნეობის ტერიტორიაზე და დაიწყო მისი დამუშავება. ამის შედეგად მიწის ზედაპირი ისეა დაზიანებული, რომ მისი გამოყენება შეუძლებელია სასოფლო-სამეურნეო დანიშნულებისათვის რეკულტივიზაციის სამუშაოების ჩატარების გარეშე.

გარდაბნის რაიონის გამარჯვების საბჭოთა მეურნეობის ტერიტორიაზე (დირექტორი გ. ჭაჭია), რუსთავი-გამარჯვება გზის მარჯვნივ, მეფრინველეობის ფაბრიკამ დანაგვიანა 1,0 ჰა საძოვარი მიწის ფართობი. ასეთივე მდგომარეობაშია კარატაკლიის საბჭოთა მეურნეობის ტერიტორიაზე 1 ჰა საძოვარი მიწის ფართობი, გაჩიანი-რუსთავის გზის მარჯვნივ, მდინარე მტკვრის მარცხენა ნაპირზე.

როგორც წესი, ყოველწლიურად რესპუბლიკაში აღინუსხება მიწის კანონმდებლობის დარღვევის ასობით ისეთი ფაქტი, რომელიც მნიშვნელოვან ზიანს აყენებს სოფლის მეურნეობას. მიუხედავად ამისა, ყველა დამრღვევს მაინც არ აკისრებენ კანონით გათვალისწინებულ პასუხისმგებლობას (არ ახდენენ სოფლის მეურნეობისადმი მიყენებულ ზარალს).

ასეთი მდგომარეობა იმის შედეგია, რომ რაიონული აგროსამრეწველო გაერთიანებები, მიწების დაცვისა და გამოყენების სახელმწიფო ინსპექტორები გადამჭრელ ზომებს არ იღებენ ამ სფეროში არსებული დარღვევების აღმოსაფხვრელად, მასალები მიწის კანონმდებლობის დარღვევებზე შედგენილია უხარისხოდ, ჭიანჭურდება საგამოძიებო ორგანოებისათვის მათი ვადაცემის ვადები და სხვა. აი, მაგალითებიც: როგორც შემოწმებით გამოირკვა, ბოლნისისა და მარნეულის სახელმწიფო ინსპექტორები მასალებს მიწის კანონმდებლობის დარღვევებზე იშვიათად გადასცემენ რაიონმასკომებთან არსებულ ადმინისტრაციულ კომისიებს, საბჭოთა მეურნეობებში არსებული ზონარეგულირებადი წიგნები მოძველებულია, სათანადო ინსტრუქციის შესაბამისად არ წარმოებს მათში ცვლილებების შეტანა, ჩანაწერები გადაშლილია, არ ხდება ამ წიგნების შედარება რაიონის მიწის ბალანსის მონაცემებთან და სხვა. მიწის კანონმდებლობის დარღვევათა აღსაკვეთად ჯერ კიდევ სუსტად

იბრძვიან შინაგან საქმეთა ორგანოები, მილიციის უბნის რწმუნებულები და სხვა სამსახურები თითქმის არ ავლენენ ასეთ დამნაშავე პირებს, ხოლო გამოვლენილი პირების მიმართ არ იღებენ გადამჭრელ ზომებს. ხშირია შემთხვევები, როდესაც მიწის კანონმდებლობის დარღვევებზე შინაგან საქმეთა განყოფილებაში გადაცემული მასალების გადაწყვეტა გაუმართლებლად ჭიანჭურდება. ბოლნისის რაიონის შინაგან საქმეთა განყოფილებამ 1985 წელს უსაფუძვლოდ შეაჩერა ორი სისხლის სამართლის საქმე, რამაც ამ საქმეთა განხილვის ვადების დარღვევა გამოიწვია. მარნეულის რაიონის შინაგან საქმეთა განყოფილებამ მ. რუსტამოვისგან მიწის მიტაცების ფაქტზე მასალები მიიღო 1985 წლის 20 მაისს, ხოლო სისხლის სამართლის საქმე აღიძრა 1985 წლის 30 სექტემბერს, ამით კი უხეშად დაირღვა ამ კატეგორიის საქმეთა განხილვის ვადები.

პროკურატურის ორგანოების წინაშე დიდი და გადაუღებელი ამოცანებია დასახული. ერთ-ერთი მათგანია მიწის კანონმდებლობის დარღვევებთან ბრძოლის გაძლიერება, რაც განსაკუთრებით მწვავედ დადგა უკანასკნელ წლებში. რესპუბლიკის პროკურატურამ ამ მხრივ გარკვეული მუშაობა ჩაატარა და შედეგსაც მიაღწია. დასახულია ღონისძიებები, რომლებმაც უნდა უზრუნველყონ რესპუბლიკაში მსგავსი დარღვევების მაქსიმალურად გამოვლენა, სახელმწიფოსათვის მიყენებული ზიანის ანაზღაურება და ამ სახის დანაშაულებრივი ფაქტების პროფილაქტიკა.

მიწის კანონმდებლობის დარღვევების სრული ლიკვიდაციისა და მათი თავიდან აცილების მიზნით საჭიროა ახლებურად გარდაქმნას მუშაობა საქართველოს სსრ სახელმწიფო აგროსამრეწველო კომიტეტმა. ეს უპირველესად ეხებათ მიწების დაცვის, მიწათმოწყობისა და მიწათსარგებლობის სამმართველოს, იურიდიულ სამმართველოს და მათ ადგილობრივ სამსახურებს, რომელთა უშუალო მოვალეობასაც შეადგენს მიწის კანონმდებლობის განუხრელი დაცვა და კონტროლი.

დისკუსია

უიქჩაბი იუკიდიუღ სამსახურე

ნოდარ ნეზიერიძე,

საგარეჯოს სამარკო და საქსპორტო ღვინოების ქარხნის იურიდიული განყოფილების უფროსი, რესპუბლიკის იურისკონსულტთა საბჭოს პრეზიდიუმის წევრი

„სრულეყოთ იურიდიული სამსახური“ — ამ სათაურით ვაზეთმა „კომუნისტმა“ გამოაქვეყნა საქართველოს სსრ იუსტიციის სამინისტროს სახალხო მეურნეობაში სამართლებრივი მუშაობის განყოფილების უფროსის თ. საბიაშვილის საინტერესო წერილი. ამ წერილმა პროფესიონალ პრაქტიკოს იურისკონსულტებს, რომლებმაც ათეული წლები შეაღიეს საწარმო-დაწესებულებ-

* გამოხატულება თ. საბიაშვილის წერილზე „სრულეყოთ იურიდიული სამსახური“, რომელიც დაიბეჭდა ვაზეთ „კომუნისტის“ 1987 წლის 20 მარტის ნომერში.

ბათა იურიდიულ სამსახურს, არ შეიძლება მრავალი საფეხკრალი და „საღერ-
დელი“ არ აუშალოს, განსაკუთრებით დღეს, როდესაც სოციალისტური დე-
მოკრატიის განვითარების ახალი მძლავრი სტიმულები წარმოიშვა და უფლება
მოგვეცა ჩვენი გულისტივილის საჯაროდ გამოთქმისა.

„იურისტი საწარმოსა და ორგანიზაციაში სამართლებრივი მუშაობის
ბუჯია... ჩვენი ეკონომიკის წინსვლის ერთ-ერთი ძალაა“ — წერს თ. საბია-
შვილი. შეუძლებელია არ დაეთანხმო ამ აზრს, როცა იგი ჩვენ, წარმოება-და-
წესებულების გამოცდილ იურიდიულ კადრებს წლების მანძილზე გვადევნებს.
ზუსტად ამასვე ითხოვს ზემდგომი ორგანოების შესაბამისი დადგენილებები.

ჩვენ კი, სამწუხაროდ, საოცრად მივეჩვიეთ ისეთ „ბუჯებად“ ყოფნას,
რომლებსაც ნაკლებად ეყრდნობიან და ხშირად მეტად კომიკურ სიტუაციებში
მოხვედრილებს, პროტესტის გამოთქმის ნაცვლად მხოლოდ ირონიული ღიმი-
ლით გადაგვხედავს ერთმანეთისათვის. ეს ნათქვამი ქარაგმად რომ არ ჩამეთ-
ვალოს, თავიდანვე უნდა ვაუწყო მკითხველს, რომ ჩვენს სინამდვილეში „წარ-
მოების იურისტი“ ანუ იგივე „იურისკონსულტი“ პრაქტიკულად თითქმის
უუფლებო მდგომარეობაში იმყოფებოდა, თუმცა მოვალეობა ყოველთვის
თავზე საყრელი ჰქონდა. და აი რატომ: სახალხო მეურნეობაში დასაქმებული
იურისტების სტატუსი რეგლამენტირებულია „ზოგადი დებულებებით იურის-
კონსულტის შესახებ“, რომელიც დამტკიცებულია სსრ კავშირის მინისტრთა
საბჭოს 1972 წლის 22 ივნისის დადგენილებით. აღნიშნულმა დადგენილებამ
თავის დროზე გარკვეული როლი შეასრულა წარმოების იურიდიული სამსა-
ხურის განმტკიცების საქმეში, მაგრამ მას თავიდანვე დიდი ხარვეზები ჰქონდა,
თანამედროვე ეტაპზე კი საერთოდ მოძველდა...

ამ დებულების მიხედვით, წარმოება დაწესებულებაში დასაქმებული
იურისტების მოვალეობაა (ხაზგასმა ჩემია ნ. ნ.) მთელი სამართლებრივი მუ-
შაობის წარმართვა. წარმოების იურისკონსულტი ვალდებულია შეამოწმოს თუ
რამდენად შესაბამებია მოქმედ საბჭოთა კანონმდებლობას ბრძანებების, ინსტ-
რუქციების, დებულებებისა და უფლებრივი ხასიათის სხვა დოკუმენტების
პროექტებზე, ხოლო თუ რაიმე კანონსაწინააღმდეგო აქტი უკვე გამოცემულია,
მიიღოს ზომები აღნიშნული აქტის შეცვლისათვის, ან გაუქმებისათვის. დებუ-
ლების მე-13 მუხლში წერია: „იურისკონსულტი, რომელმაც კანონის დარ-
ღვევა აღმოაჩინა საწარმოს, ორგანიზაციის, დაწესებულების საქმიანობაში
ან თანამდებობის პირთა მუშაობაში მოვალეა (ხაზგასმა ჩემია ნ. ნ.) მოახსენ-
ოს ეს შესაბამის ზემდგომ ორგანოს — დარღვევების აღმოფხვრისათვის სა-
ჭირო ზომების მისაღებად“. აქვეა დაწესებული იურისკონსულტის პასუხის-
მგებლობაც: „იურისკონსულტს, რომელმაც დებულების შესაბამისად არ მიიღო
ზომები კანონიერების დარღვევის აღმოსაფხვრელად, ეკისრება პასუხისმგებ-
ლობა დადგენილი წესით საწარმოს, ორგანიზაციის, დაწესებულების ხელმ-
ძღვანელთან ერთად“.

თუ მხედველობაში მივიღებთ იმასაც, რომ იურისკონსულტს აღნიშნული
ზოგადი დებულებით სხვა მრავალი მოვალეობაც აკისრია, ნათელი გახდება,
თუ რა მძიმე ტვირთი აწევს მას. შეიძლება უცნაურადაც კი მოგვეჩი-
ვენოს, მაგრამ მიმაჩნია, რომ იურისკონსულტის ფუნქცია წარმოება-
ში თითქმის იგივეა, რაც რაიონის პროკურორისა, მხოლოდ იმ განსხვავ-
ებით, რომ იურისკონსულტს მხოლოდ მოვალეობა აკისრია უფლების გა-

რეშე, პროკურორი კი უფლებამოსილია. უფლების გარეშე კი, ცნობილია, რომ მოვალეობის რეალიზება შეუძლებელია. ნათქვამის საილუსტრაციოდ ისევე აღნიშნულ დებულებას დავუბრუნდეთ. დებულების მე-6 მუხლში წერია: „საწარმის, ორგანიზაციის, დაწესებულების იურისკონსულტი უშუალოდ ემორჩილება ხელმძღვანელს“. მკითხველი დამეთანხმება, რომ ნორმატიული აქტის ასეთი კატაქრეზი დაუშვებელია და მას წლების მანძილზე მხოლოდ ზიანი მოჰქონდა, ხოლო წარმოების იურისტებს უუფლებო მდგომარეობაში აყენებდა.

მახსოვს, 1970 წელს „ლიტერატურნაია გაზეტამ“ რუბრიკით „დირექტორი და კანონი“ დიდი და საჭირო დისკუსია წამოიწყო: გაზეტის ფურცლებზე მრავალი საინტერესო წერილი გამოქვეყნდა იურისკონსულტის რთულ და წინააღმდეგობებით აღსავსე საქმიანობაზე. დისკუსიაში მონაწილეობდნენ იურისკონსულტები, მეცნიერები, პროკურორები, მოსამართლეები, წარმოების ხელმძღვანელები. შინაგან საქმეთა ორგანოების მუშაკები, გამოქვეყნდა იუსტიციის მინისტრის პირველი მოადგილის შემაჯამებელი წერილიც.

დისკუსიაში მონაწილე ყველა ავტორი ერთხმად აღიარებდა, რომ იურისკონსულტი წარმოების ერთ-ერთი წამყვანი ფიგურაა.

მას შემდეგ 17 წელი გავიდა და ბევრმა წყალმა ჩაიარა, მაგრამ იურისკონსულტის სტატუსი არ შეცვლილა. წარმოების „კანონმდებელი“ და „ბურჯი“ კვლავ დამორჩილებულ საქმიანობას ეწევა.

ჩვენი აზრით, სწორედ ეს არის მიზეზი იმ სავალალო მდგომარეობისა, რომ იურიდიული ფაკულტეტის კურსდამთავრებულთაგან თითქმის არავის არ სურს იურისკონსულტად მუშაობა და, თუ მაინც ვინმე გაბედავს მუშაობის დაწყებას, იგი მალევე გარბის. ისმება ბუნებრივი კითხვა: მაშ, საიდან მოდიან იურისკონსულტთა კადრები? ვინ მუშაობენ დღეს წარმოება-დაწესებულებების იურისკონსულტებად?! სხვათა შორის კარგი იქნება თუ ამით იუსტიციის სამინისტრო დაინტერესდებოდა. სამწუხაროდ, წარმოება-დაწესებულებათა იურიდიული კადრებით დაკომპლექტება თვითღინებით ხდება, რაზედაც თავის სტატიაში სამართლიანად მიგვანიშნებს თ. საბიაშვილიც. გულისტკივილით მინდა აღვნიშნო, რომ თავის საქმეზე შეყვარებული, პრინციპული და მცოდნე იურისკონსულტები თითებზე ჩამოსათველებია, მაშინ, როცა იურისკონსულტთა არმია საკმაოდ დიდია, რომელსაც, როგორც თ. საბიაშვილი აღნიშნავს, „ერთიანი ცენტრი“, წინამძღოლი და გზის გამკვლევი სჭირდება...

ამას წინათ ერთი გამომძიებლის საუბარს შევესწარი: „ბოლოსდაბოლოს თუ აქედან წავალ, იურისკონსულტად ხომ მაინც მოვეწყობიო“. სამწუხაროა, მაგრამ ფაქტია, რომ იურისკონსულტებად სწორედ საპენსიო ასაკს მიღწეულნი ან სხვაგან ხელმოცარულნი მიდიან... კარგად მახსოვს, ერთხელ, საზღვარგარეთიდან დაბრუნებულ ჩვენს პროფ. თინათინ წერეთელს ვკითხე, როგორია იურისკონსულტთა შრომის ორგანიზაცია და მისი შრომის ანაზღაურება საზღვარგარეთ-მეთქი. აწ განსვენებულმა პროფესორმა მიპასუხა: საზღვარგარეთ წარმოების იურისკონსულტი თავის საქმიანობაში დამოუკიდებელია და მისი შრომის ანაზღაურება ბევრად უფრო მაღალია, ვიდრე სასამართლო, პროკურატურის ორგანოებში და უმაღლეს სასწავლებლებში მომუშავე პროფესორ-მასწავლებლებისო...

დღეს არნახული გარდაქმნები მიმდინარეობს და ვფიქრობთ, დადგა დრო

იურიდიული სამსახურის საქმიანობაც გარდაიქმნას თვით ცხოვრებით ნაკონსახვევ პრობლემების გადასაჭრელად. ალბათ, რესპუბლიკის იუსტიციის სამინისტრომ უნდა იკისროს იურისკონსულტთა მთელი საქმიანობის ხელმძღვანელობა, მისი შრომის ორგანიზაცია და ანაზღაურების რეგულირება. საჭიროა, რომ იუსტიციის სამინისტრომ შეიმუშაოს იურისკონსულტთა შრომის ანაზღაურების პროგრესული ფორმები. თუნდაც ექსპერიმენტის სახით, უნდა მიეცეთ საშუალება მოწინავე, საქმის მცოდნე და გამოცდილ იურისკონსულტებს, გარკვეული პროცენტების სახით ხელფასს ზევით მიიღონ შრომის გასამრჯელო იმ ამოღებული თანხებიდან, რომლებიც წარმოების ანგარიშზე ჩარიცხა გაწეული საპრეტენზიო სასარჩელო მუშაობის შემდეგ. იმის დროც დადგა, რომ ახლადდამთავრებულმა იურისტებმა, როგორც წესი, 2-3 წლის სტაჟირება გაიარონ იურისკონსულტებთან და მხოლოდ ამის შემდეგ მიეცეთ მათ რეკომენდაცია სხვაგან სამუშაოდ. ბოლოსდაბოლოს, ნუ დაგვავიწყდება, რომ იურისკონსულტებად მუშაობდნენ პროფ. ლუარსაბ ანდრონიკაშვილი, პროფ. ნიკო წერეთელი და სხვები.

დასასრულს, ერთი პრობლემაც. წლების განმავლობაში იუსტიციის სამინისტროსთან არსებობს რესპუბლიკის იურისკონსულტთა საბჭო და მისი პრეზიდიუმი, რომელმაც თავის დროზე გარკვეული როლი შეასრულა იურისკონსულტთა შეკავშირებაში, მაგრამ, ვფიქრობთ, მან დღეისათვის მთლიანად დაკარგა თავისი ფუნქცია და მხოლოდ ქალაქში არსებობს. კარგი იქნება თუ მის ბაზაზე შეიქმნება უფრო აქტიური, ვთქვათ, იურისკონსულტთა რესპუბლიკური კავშირი თავისი წესდებით ან, დაეუშვათ კლუბი, რომელსაც ეყოლება თავისი პრეზიდენტი — იურიდიული პირის უფლებით. ასეთი ორგანო შეკავშირებს იურისკონსულტთა კადრებს, მჭიდრო კავშირს დაამყარებს წარმოება-დაწესებულებათა ხელმძღვანელებთან, იზრუნებს კადრების შერჩევაზე, რეკომენდაციებს გაუწევს იურისტებს სამუშაოზე მოწყობის დროს, იზრუნებს პროფესიული დაოსტატებისათვის, პროპაგანდას გაუწევს იურიდიული სამსახურის საქმიანობას მასობრივი ინფორმაციის საშუალებებით და სხვ. ეს ჭეშმარიტად სასარგებლო საქმე იქნება.

ასეთი როგორგანიზაცია გზას გადუქეტავს წარმოება-დაწესებულებებში შემთხვევით მოხვედრილ პირებს, რომლებსაც წარმოდგენაც კი არა აქვთ იმ დიდ ფუნქციაზე, რომელიც მათ აკისრიათ.

ვერ დავეთანხმებით თ. საბაიშვილს იმ საკითხში, რომ თითქოს იურისკონსულტი მოძველდა და იგი უნდა შეიცვალოს უფრო სწორი, ამომწურავი ტერმინით „იურისტი“. გავიხსენოთ, რომ „იურისკონსულტი“ ლათინური სიტყვაა და სიტყვასიტყვით სამართლისმცოდნეს ნიშნავს. სამართლისმცოდნეობა კი დიდი მეცნიერებაა და ის, ვინც ამ სახელს ატარებს კარგად უნდა ერკვეოდეს არამარტო მოქმედ სამეურნეო სამართლის ნორმებში, არამედ იურისპრუდენციის ყველა დარგში. დიახ, იურისკონსულტი მხოლოდ მაშინ იქნება წარმოების კანონმდებელი და ბუჯი, თუ იგი კარგად ერკვევა სამოქალაქო, სისხლის, შრომის, საოჯახო, საკოლმეურნეო და სხვა სამართლის ნორმებში. წარმოება-დაწესებულების მუშა-მოსამსახურეები და ადმინისტრაცია თავის „სამართლისმცოდნესაგან“ ამომწურავ პასუხს მოელიან ამა თუ იმ უფლებრივი ხასიათის საკითხის გადაწყვეტისას და იურისკონსულტი ყოველთვის მზად უნდა იყოს, რათა ღირსეულად გაამართლოს თავისი სახელი — სამარ-

თილსმოცდნე! საერთოდ კი, მხოლოდ ტერმინის შეცვლა საქმეს ვერ უშველის...

როგორც ვხედავთ, პრობლემები ბევრია და ურიგო არ იქნებოდა, თუ რესპუბლიკის რომელიმე მასობრივი ინფორმაციის ორგანო ითავებდა და გამოიღო ფართო დისკუსიას მათ მოსაგვარებლად.

რედაქციისაბან: ჟურნალ „საბჭოთა სამართლის“ რედაქცია სიამოვნებით ღებულა ამ „გამოწვევას“ და რესპუბლიკის იურისკონსულტებს, ადმინისტრაციული ორგანოების მუშაკებს, მეცნიერებს და, საერთოდ, დაინტერესებულ პირებს თხოვს, რომ აქტიურად გამოეხმაურონ წერილში აღძრულ პრობლემებს და ჩვენი ჟურნალის საშუალებით გამოთქვან თავიანთი მოსაზრებები.

ჩვენი პროფესიის მოწინავენი



ანგარიშს

აბარებს

გამომკითხული

თამაზ ჭუმბურიძემ 1980 წელს დაამთავრა თბილისის სახელმწიფო უნივერსიტეტის იურიდიული ფაკულტეტი. სამტრედიის რაიონის პროკურატურაში სტაჟირების შემდეგ დაინიშნა ქ. ქუთაისის პროკურატურის უფროს გამოძიებლად. პროფესიული ოსტატობისადმი დაუცხრომელი ღტოლვა, მაღალი პასუხისმგებლობა, მისი გამჭრიახობა და გამოძიებლისათვის ესოდენ საჭირო საზრიანობა შეუმჩნეველი არ დარჩენილა — საქართველოს სსრ პროკურორის ბრძანებით თითქმის ორი წელი იმუშავა რესპუბლიკის პროკურატურის საგამოძიებო ჯგუფში. საქმე ეხებოდა განსაკუთრებით დიდი ოდენობით სახელმწიფო ქონების დატაცებას. — ამ ჯგუფში მუშაობამ, თქვა თ. ჭუმბურიძემ, ბევრად შეუწყო ხელი ჩემს გამოძიებლად ჩამოყალიბებას, პროფესიული დონის ამაღლებას... უფროსი კოლეგებისაგან ბევრი სასარგებლო რამ შევიძინე.

ამასწინათ, საქართველოს სსრ პროკურატურის კოლეგიის სხდომაზე მოისმინეს უფროსი გამოძიებლის თამაზ ჭუმბურიძის ანგარიში. კოლეგიის გადაწყვეტილებით მაღალი შეფასება მიეცა მის საქმიანობას. კერძოდ, აღინიშნა, რომ „სამანხევარი წლის მანძილზე თ. ჭუმბურიძემ გახსნა ყველა საქმე, რომელსაც კი აწარმოებდა. საქმეებს იძიებს ხარისხიანად, მაღალ პროფესიულ დონეზე. მთელი ამ ხნის მანძილზე არც ერთი სისხლის სამართლის საქმე არ დაბრუნებია დამატებითი გამოძიებისათვის, მის პრაქტიკაში ადგილი არ ჰქონია მოქალაქის უკანონო დაკავების, დაპატიმრებისა და სისხლის

სამართალში მიცემის არც ერთ ფაქტს... ყოველივე ამისათვის თამაშ კუმბურძიძეს გამოცხადდა სსრ კავშირის გენერალური პროკურორისა და რესპუბლიკის პროკურორის მადლობები, დაჯილდოებულია ფასიანი საჩუქრებით...

ახლა, როცა პროკურატურის ორგანოების მთელი ძალისხმევა მიმართულია „სოციალისტური კანონიერებისა და მართლწესრიგის განმტკიცებაში საპროკურორო ზედამხედველობის როლის გაძლიერების ღონისძიებათა შესახებ“ სკკპ ცენტრალური კომიტეტის 1987 წლის 4 ივნისის დადგენილების უთუოდ შესრულებისაკენ, მიზანშეწონილად ჩავთვალეთ მკითხველისათვის გავვეცნო ზოგიერთი ის საკითხი და პრობლემა, რაზეც რესპუბლიკის პროკურატურის კოლეგიაზე ილაპარაკა თამაშ კუმბურძიძემ. მაშ, ასე, ანგარიშს აბარებს გამოძიებელი...

* * *

საანგარიშო პერიოდში (სამანხევარი წლის მანძილზე) ვადის დარღვევით გამოძიებული მაქვს 9 სისხლის სამართლის საქმე, აქედან 6 ვადადარღვევით მქონდა მიღებული, ხოლო სამზე ვადა დაირღვა ჩემი მიზეზით, ორი — სამუშაოს არასწორი ორგანიზაციით, ხოლო ერთი — საქმის სირთულისა და დიდი მოცულობის გამო.

მიმაჩნია, რომ ხშირად ვადის უსაფუძვლოდ დარღვევას განაპირობებს სისხლის სამართლის საქმის ნაადრევად აღძვრა, ხოლო როცა მასალები სრულყოფილად მომზადებული, ვადის დარღვევის შესაძლებლობაც გაცილებით ნაკლებია. შეწყვეტილი მაქვს 5 სისხლის სამართლის საქმე, აქედან სამი ჩემი აღძრული არ იყო და შეეწყვიტე დანაშაულის არარსებობის მოტივით.

საქმის წარმოებაში მიღებისთანავე ვაღვენ საგამოძიებო გეგმას, ვსახვ ვერსიებსა და მისი შესრულების ოპტიმალურ ხერხებს. მოკვლევის ორგანოებიდან მასალების მიღებისთანავე გულდასმით ვსწავლობ მათ, ვარკვევ როგორც უკვე არსებულ, ისე მოსალოდნელ წინააღმდეგობებს.

უნდა ვიღიარო, პირველ ხანებში ვეცადე გეგმის გარეშე მეშუაევა, მაგრამ ძალიან გამოვიკირდა — სასამართლოში საქმის გაგზავნის წინ გამახსენდებოდა ხოლმე, რომ ზოგიერთი საგამოძიებო მოქმედება არ მქონდა შესრულებული. ამის შემდეგ, საბოლოოდ ვირძმუნე გეგმიანი მუშაობის აუცილებლობა.

ჯერ კიდევ მიჭირს შემთხვევის ადგილის სრულფასოვანი დათვალიერება, დანაშაულის ადგილზე კვლისა და ნივთმტკიცებების აღმოჩენა, მდგომარეობის დაფიქსირება და ზუსტი გამოკვლევა, მაგრამ მაქსიმალურად ვცდილობ ამ ხარვეზების საბოლოოდ დაძლევას.

შემთხვევის ადგილის დათვალიერებით და მოწმეთა დაკითხვით მიღებული მასალების შეჯერებით ვცდილობ სრულყოფილად და მაქსიმალურად აღვადგინო ჩადენილი დანაშაულის თანმიმდევრული სურათი, ეს, თითქმის ყოველთვის, სწორ ვერსიაზე მყყენებს. ასეთი ანალიზის საშუალებით თავიდანვე ზუსტ გზას დავადექი რკინიგზის სადგურის ყარაულისა და ავტობუსის მძღოლის მკვლელობის საქმეთა გამოძიების დროსაც.

უტყუარ და მამხილებელ მტკიცებათა წინასწარი შეგროვებით, ობიექტური, კანონიერი გზებით თითქმის ყოველთვის ვაღწევ აღიარებითი ჩვენების მიღებას, მაგრამ ღრმად მწამს, რომ აღიარება მთავარი მტკიცება არ არის.

ვცდილობ, დაკითხვის დროს არ გავამხილო გამოძიების მიერ მოპოვებული ისეთი მონაცემები, რომლებითაც ეჭვმიტანილი შეიტყობს თუ რა არ იცის გამოძიებამ და გამოიყენებს მათ მოგონილი ვერსიების შეთხვევისათვის.

ობიექტურობის გარეშე ვერ წარმომიდგენია გამოძიებლის საქმიანობა. მიმაჩნია, რომ გამოძიებელმა ბრალდებული არ უნდა მოხიბლოს არარეალური დაპირებებით, მიზნის მისაღწევად იგი არ უნდა ცდილობდეს რაღაც ილუზიების შექმნას. ჩემს საგამოძიებო პრაქტიკაში მხოლოდ ორმა დასაკითხმა პირმა მითხრა უარი ჩვენების მიცემაზე. თუ ასეთი შემთხვევები ბევრი აქვს გამოძიებელს, ვთვლი, რომ იგი იუსტიტა, თავს ვერ ართმევს დაკისრებულ საქმეს და მისი მუშაობა მკაცრი მსჯელობის საგანი უნდა გახდეს.

კონკრეტულ საქმეებზე მუშაობის პროცესში ვცდილობ დამნაშავეს ჩავახედო საკუთარი სულის სიღრმეში, დავარწმუნო, რომ დანაშაულებრივი ცხოვრება წარმოშობს ყოველგვარ ბოროტებას... თუ დამნაშავეს გავუღვიძე სინდისის ქენჯნა, თავს ბედნიერად ვთვლი, მაგრამ ჯერ თვით გამოძიებელი უნდა იყოს პატიოსანი, კეთილსინდისიერი, პუნქტუალური, მაღალი

მოქალაქეობრივი შეგნების მქონე, ყოველივე ეს უპირველესი გარანტიაა დამნაშავეის და-
 მარცხებისა...

გამომძიების მიმდინარეობის პროცესში ვცდილობ ზედმიწევნით ზუსტად დავიცვა სოცი-
 ალისტური კანონიერება, სისხლის სამართლის საპროცესო კანონმდებლობის მოთხოვნები, ამას-
 თან, ვიცი პროფესიული დონის ამაღლებისათვის აუცილებელია სისტემატიურად ვიღრმავ-
 ვებდე საგამომძიებო პრაქტიკას, ვეცნობოდ სხვადასხვა კატეგორიის საქმეთა გამოძიების მე-
 თოდიკაზე შექმნილ სამეცნიერო ლიტერატურას, მაგრამ ამას ყოველთვის ვერ ვახერხებ, რაც,
 ვფიქრობ, დიდი ნაკლია. თუმცა, ასეთი ლიტერატურა, ხშირ შემთხვევაში, ჩვენამდე არც
 აღწევს...

როცა წინასწარი მონაცემებით დამნაშავე უტყუარად დადგენილია, ჯერ ჩავატარებ ხოლ-
 მე ქონების ჩხრეკას, აღწერას, დაყადაღებას, ხოლო შემდეგ დაკითხვას, რათა მაქსიმალურად
 უზრუნველყო ზარალის ანაზღაურება.

ჩემს მიერ გამოძიებულ სისხლის სამართლის საქმეთა სასამართლო პროცესზე განხილვის
 დროს თვალყურს ვადევნებ სამსჯავრო გამოძიების მიმდინარეობას, ვსწავლობ აქ წამოჭრილ
 საკითხებსა და პრობლემებს. ყოველივე ეს მეხმარება სხვა საქმეების უფრო სრულყოფილად
 გამოძიების საქმეში.

მიმაჩნია, რომ გამოძიებლისათვის ყველაზე მნიშვნელოვანი მინც პროფილაქტიკური მუ-
 შაობაა. ამიტომ ყველა საქმეზე ვცდილობ გამოვიყვლიო დამნაშაულის გამოწვევი მიზეზები,
 შევცნაო მათზე დასაბუთებული წარდგინებები თუ ინფორმაციები, მოვუშალო მასალები
 პროკურორს დამარღვევ პირთა მიმართ ოფიციალური გაფრთხილებისათვის კანონის დარღვე-
 ვის დაუშვებლობის შესახებ. ბოლომდე ვცდილობ მივალწიო კანონის დარღვევის სრულ აღ-
 მოფხვრას. მაგალითად, მიწერების საქმეთა გამოძიების პროცესში აღმოჩნდა, რომ ზოგიერთი
 წარმოების ხელმძღვანელები პასუხისმგებლობისათვის თავის არიდების მიზნით, წამატებებით
 შედგენილ დოკუმენტებზე ხელს აწერინებდა არაკომპეტენტურ პირებს.

მსგავსი შემთხვევები რომ აღმეკვეთა, საინფორმაციო სტატისტიკურ ცენტრს წარდგი-
 ნება გავუგზავნე, რამაც კარგი შედეგი გამოიღო: სტატისტიკური ცენტრის დირექტორმა
 ყველა ორგანიზაციის ხელმძღვანელს კატეგორიულად მოსთხოვა ასეთი ფაქტების აღმოფ-
 ხვრა.

პროფილაქტიკური მუშაობის ერთ-ერთ ეფექტიან ფორმად მიმაჩნია გამოძიების შედეგე-
 ბის გაცნობა მშრომელთა კოლექტივისადმი.

მუშაობაში დიდ დახმარებას მიწევს ქალაქის პროკურატურის ხელმძღვანელობა, გამოც-
 დილი, კვალიფიციური იურისტები. ჩემი მხრივ კი, უშუალოდ ვუზიარებ გამოცდილებას
 ახალგაზრდა გამოძიებელს ს. გერსამიასა და სტაჟიორ გ. გვენცაძეს.

ახლა ორიოდ სიტყვა ჩვენი მუშაობის პირობებზე. ამ მხრივ, სამწუხაროდ, ცუდი ვი-
 თარებაა. მაგალითად, საინფორმაციო ცენტრიდან დაახლოებით ერთი თვის შემდეგ მოგვდის
 პასუხი პიროვნების ნასამართლობაზე. ასევე დაგვიანებით ვღებულობთ სხვა აუცილებელ მო-
 ნაცემებსაც, მაშინ, როცა ბრალდება დამნაშავეს სამიდან ათ დღემდე ვადაში უნდა წა-
 რედგინოს.

ქ. ქუთაისის შინაგან საქმეთა სამმართველოს სამეცნიერო-ტექნიკური ლაბორატორია
 დღემდე არ არის აღჭურვილი ახალი ტექნიკით, არ გვაქვს ვიდეოკამერები აპარატურა, ხმის
 ჩამწერი მაგნიტოფონები. მუშაობისათვის წარმოუდგენელად ცუდი პირობებია იზოლატორში.

გარდაქმნის სასიკეთო ნიშნები სახალხო მეურნეობის თითქმის ყველა დარგს დაეტყო.
 გაგებდავ და ვიტყვი, რომ ჩვენ ჯერ კიდევ ვერ დაგვიძლევი წარსულის ინერცია, შესაცვლელი
 და გარდასაქმნელი ჩვენ მუშაობაში კი ძალზედ ბევრია.

მიგვაჩნია, რომ დადგა დრო რათა ახლებურად გავიზაროთ საგამომძიებო მუშაობის
 ორგანიზაცია, ერთი სიტყვით, ვიფიქროთ იმაზე, თუ როგორ დავაყენოთ გამოძიება მაღალ
 დონეზე, რათა მივიღოთ საჭირო ეფექტი და რადიკალურად გავაუმჯობესოთ გამოძიების ხა-
 რისხი, რომლის შესახებაც, ამ ბოლო დროს, არაერთხელ გამოთქმულა სამართლიანი შე-
 ნიშნები მაღალი ტრიბუნებიდან.

ვფიქრობ, იურიდიული ფაკულტეტის კურსდამთავრებულთა გამოძიებლებად განაწი-
 ლების მოქმედი სისტემა საკარძობლად მოძველდა და პრაქტიკულად აღარ შეესაბამება
 ცხოვრების მოთხოვნებს. საიდუმლო არ არის ის გარემოება, რომ იურიდიული ფაკულტეტის
 კურსდამთავრებულები თავიანთი მომზადების თეორიული დონით და პრაქტიკული ჩვევებით

არ შეესაბამებინა გამომძიებლის თანამდებობას. მართალია, ამის ერთგვარი კომპენსაცია სტატიურებით ხდება, მაგრამ პრაქტიკა გვარწმუნებს, რომ ამისათვის ერთი წელი აშკარად ცოტაა, ხოლო თუ იმასაც გავითვალისწინებთ, რომ ზოგჯერ სტატიურების ვადის გასვლამდე ახალ კურსდამთავრებულები ინიშნებიან გამომძიებლის ვაკანტურ თანამდებობებზე, ე. ი. თეორიულად და პრაქტიკულად ჯერ კიდევ ჩამოუყალიბებელ გამომძიებელს ვანლობა ადამიანებს, საქმის გამოძიებას. ამიტომ რა გასაკვირია რომ მას არ ძალუძს იმ პრობლემების წარმატებით გადაწყვეტა, რომლებიც დღევანდელი გამოძიების წინაშეა დასმული. უფრო მეტიც, — ზოგან პროკურატურის ორგანოები მხოლოდ ასეთი გამომძიებლების ანაბარა მიტოვებული, რაც, ცხადია, უარყოფითად აისახება ჩვენს პრესტიჟზე, იწვევს უკუუფემტს. ვფიქვებულები, რაც, ცხადია, უარყოფითად აისახება ჩვენს პრესტიჟზე, იწვევს უკუუფემტს. ვფიქვებულები, რომ, ამ ხარვეზების გამოსწორებისათვის, კარგი იქნება თუ შემოვიღებთ გამომძიებლის თანაშემწის ახალ თანამდებობას და ახალკურსდამთავრებულებმა სწორედ ამ თანამდებობით დაიწყონ საქმიანობა პროკურატურის ორგანოებში. ხოლო მას შემდეგ, რაც შეიძენენ საქმით პროფესიულ ოსტატობას, მიეცეთ საქმის დამოუკიდებლად გამოძიების უფლება.

პრაქტიკა გვიჩვენებს, რომ გამომძიებლის, როგორც პროცესუალური პირის დამოუკიდებლობა, ხშირად ცხოვრებაში ვერ პოულობს სათანადო რეალიზაციას, რის შესახებაც საბჭოთა კავშირის გენერალური პროკურატორის ერთ-ერთი ამასწინანდელ გამოსვლაში აღინიშნა, რომ „გამომძიებლის პროცესუალური დამოუკიდებლობა არ არის ღოზუნგი, არამედ ეს უზირველესი პირობაა საქმის ობიექტურად გამოძიებისათვის“. ამიტომ საბოლოოდ უნდა აღმოიფხვრას გამოძიებაში ჩარევის შემთხვევები, არსებითი ხასიათის საკითხებზე ზეპირი მითითებები, სხვადასხვა ინსტანციებში გამოძახება კონკრეტულ საჩივრებთან დაკავშირებით, გამომძიებლის ახსნა-განმარტებების მოსმენა, სასამართლო პროცესებზე გამომძიებელთა მიწვევა, დაკითხვები და სხვ. უფრო მეტიც, ზოგჯერ სასამართლო ორგანოები კონკრეტულ საქმესთან დაკავშირებით გამოძიებელს ავალდებენ პროცესის ორგანიზაციას, მოწმეთა მოყვანასა და სხვ. მიუანიათ, რომ რადგან საქმე მისი გამოძიებულია, თითქოს იგი ვალდებული იყოს ასეთი საკითხების გადაწყვეტისათვის.

კრიტიკას ვერ უძლებს საგამომძიებლო საქმიანობის მატერიალური უზრუნველყოფა. გამომძიებელი კვლავ მხოლოდ კალმითა და ქაღალდით არის „შეიარაღებული“, მოკლებულია თანამედროვე ტექნიკას, თუმცა ისიც უნდა ითქვას, რომ ის რაც გვაქვს პრაქტიკულად გამოუყენებელია, რადგან სათანადოდ ვერ ვფლობთ მას. ფოტოსაქმეშიც კი მხოლოდ საყოფაცხოვრებო მომსახურების დახმარებით ვავდივართ „იოლად“.

გამომძიებელი უზრუნველყოფილი უნდა იყოს ინფორმაციის შეგროვების ნებადართული ყველა თანამედროვე საშუალებით, რისთვისაც საჭიროა, რომ მთელი საგამომძიებლო ტექნიკა თავმოყრილი იყოს სპეციალურ კრიმინალისტიკურ ლაბორატორიებში. ამასთან თითოეული გამომძიებელი უზრუნველყოფილი უნდა იყოს კავშირგაბმულობის ხელმისაწვდომი ყველა საშუალებით, დაწყებული ჩვეულებრივი სატელეფონო კავშირიდან, დამთავრებული სპეციალურით.

დაბოლოს, გადასინჯვას მოითხოვს გამომძიებლის შრომის ანაზღაურების საკითხებიც. მაგალითად, თუ დანაშაულით მოყვებულნი ზარალის ანაზღაურებისათვის ამოღებული თანხიდან გარკვეული პროცენტი გამომძიებელს მიეცემა, ბევრად გაიზრდება მისი დინტერესება ამ ზარალის მაქსიმალურად ამოღებისათვის.

პატივცემულო კოლეგიის წევრებო, ვიცი, რომ ეს პრობლემები ერთი ხელის მოსმით არ გადაწყდება, ზოგი რამ კი შეიძლება თამამ აზრდაც ჩამოგერთვას, მაგრამ თუ გვინდა გამომძიების ხარისხი ამაღლდეს, საჭიროა ძირეული გარდაქმნები, გამოძიებაში თვისებრივად ახალი სტილის დანერგვა.

ახლა კი დიდი მადლობა მინდა მივახსენო რესპუბლიკის პროკურატურის ხელმძღვანელობასა და კოლეგიის ჩემი მოკრძალებული შრომის ასეთი მაღალ დონეზე განხილვისათვის. გარწმუნებთ, რომ ძალღონეს არ დავიშვებ, რათა ღირსეულად ვატარო პროკურატურის გამომძიებლის საპატიო სახელი.

* * *

ორი ლირიკული უბრისი თამაზ ზუმბაურიძის კორტაბისნათვის:

ერთი წელიც არ იქნება, რაც დედა გარდაეცვალა. როცა მამით დაობლდა, ჯერ კიდევ ატარა იყო და ამიტომ დედა გარკვევებული ხინაზითა და მოწინებით უყვარდა... იმ მიმე უმას მასთან ისეთი ადამიანებიც მივიდნენ, ადრე თამაზი დაუძინებელ



მტრად რომ მიაჩნდათ. ეს სამიძიარი გამომცემლის ობიექტურობისა და სიმართლისადმი გულწრფელი მადლიერებისა და მონანიების გამოხატულებად იქცა...

* * *

— შეიძლება, შვილო?— ფრთხილად შეიძინა კარები მოხუცმა ქალმა, პასუხს აღარ დაელოდა და ფეხაკრფით შევიდა თამაზ ჭეშმარიტის სამუშაო ოთახში.

ქალაქდებში ჩაფლულმა გამომცემელმა თამაზ ახლია, იცნო, სწრაფად წამოიდა, გაუცინა და თბილად შეეგება: — მობრძანდით, დაბრძანდით...

— არა, შვილო, შენს გამწარდელს ვენაცვალდი, დროს არ დაგაქარგვინებ, — ჩანთიდან გაწეთში შეხვეული რაღაც ამოიღო და ჰაგიდაზე დადო, — ჩემი კახა რომ არ დამიღუპე, მეთი გეკუთვნის, მაგრამ...

თამაზს ფერი ეცვალა, შეცბა, არ ელოდა, ძლივ მოეგო გონს და მრისხანედ უთხრა: — როგორ იკადრეთ, მე რა შუაში ვარ, განმარტად... ახლავე აიღეთ და... — ენა დაება გამომცემელს.

ქალმა საცოდავი, ნაწყენი თვალებით შეხედა, ადრე თავისივე მოტანილი და ძლივს გასაგონად თქვა — ებ, შვილო, ვიფიქრე, ჩემი ხელით ამოვღებულა, პირს ჩაიტკბარუნებს-მეთქი...

— რაო, ჩურჩხულებია? იყოს, დეიდა, დიდი მადლობა, ძალიან მიყვარს, რატომ შეწუხდით...

გელა ბერძენიშვილი.

დაბალი ინსტანციის სასამართლოს რეორგანიზაცია საქართველოში XIX-XX სს. მიჯნაზე

შალვა ბენიშვილი,

საქართველოს სსრ მეცნიერებათა აკადემიის ივ. ჯავახიშვილის სახელობის ისტორიის, არქეოლოგიისა და ეთნოგრაფიის ინსტიტუტის უფროსი მეცნიერი თანამშრომელი, ისტორიის მეცნიერებათა კანდიდატი

საბლენო რეფორმის შემდეგ საქართველოში გატარდა ადმინისტრაციული და სასამართლო რეფორმები, რაც, აგრეთვე, აჩანებული ხალხისა და სოციალურად განწყობილი ინტელიგენციის დაშორებისასაც ისახავდა მიზნად.

1864 წლის 18 ოქტომბერს იმპერატორმა დაამტკიცა კავშირის გუბერნიის სოფლის საზოგადოებრივი მმართველობის მოწყობის წესები, რომლის თანახმად სასოფლო საზოგადოებაში უნდა გაერთიანებულიყო ყველა კატეგორიის გლეხობა. სოფლის საზოგადოებრივი მმართველობის უმაღლეს განმარტულებელ ორგანოდ ნაგარაუდევო იყო გლეხთა ყრილობა. აღმასრულებელი ხელისუფლება ეძლეოდა მამასახლისს, ხოლო მართლმსაჯულების ფუნქცია—სოფლის სასამართლოს.

ამ „წესების“ პირველი პარაგრაფის თანახმად კავშირის ადმინისტრაციამ შეადგინა დეტალური დებულება (დამტკიცდა 1865 წლის 11 აპრილს), რომლის საფუძველზე ჩამოყალიბდა სოფლის საზოგადოებრივი მმართველობაში არა მარტო კავშირის გუბერნიისა, არამედ მთელს საქართველოში. იმავე დებულების თანახმად ჩამოყალიბდა სასოფლო სასამართლოებიც.

სოფლის სასამართლოს სამი კაცის შემადგენლობით სასოფლო საზოგადოების ყრილობა ირჩევდა. იგი წყვეტდა გლეხთა დავა-საჩივრებს 100 მანეთამდე ღირებულების ფარგლებში, რომელიც განეკუთვნებოდა სამოქალაქო სამართლის სფეროს. თუ სადაო საკითხი 100 მანეთს აჭარბებდა და დავაში მონაწილეობდნენ არაგლეხური წარმოშობის პირები, იგი განსახიფველად გადაეცემოდა უფრო მაღალი ინსტანციის სასამართლოებს.

სოფლის სასამართლოს უფლება ჰქონდა მცირე დანაშაულისათვის გამოეტანა გარკვეული სასჯელი — დამნაშავე გაეგზავნა საზოგადოებრივ სამუშაოებზე ექვსი დღით, დაეჭარიმბინა 100 მანეთით, ან დაეპატიმრებინა 7 დღის ვადით, სოფლის სასამართლოს შეეძლო გადასახადთა წარჩინების დავარვის მიზნით გაეყიდა გლეხობის ქონება. მამასახლისს უფლება არ ჰქონდა ჩარეულიყო სამართლის წარმოებაში, გავლენა მოეხდინა განაჩენის ხასიათზე. სამაგიეროდ მას ევალებოდა სისრულეში მოეყვანა სასამართლოს დადგენილებანი.

ქართველი პროგრესული მოღვაწეები მოწონებით შეხვდნენ სოფლის საზოგადოებრივი თვითმმართველობის შემოღებას, მაგრამ იმათვეთვე შეამჩნიეს მისი ნაკლოვანებებიც. ისინი აღნიშნავდნენ, რომ დებულების თანახმად სოფლის საზოგადოებრივი მმართველობის ხელი-სუფლება მხოლოდ გლეხობაზე ვრცელდებოდა, მოვალეობას გლეხებს აკისრებდა, იცავდა კი მოსახლეობის ზედღაფენის ინტერესებს. აკრიტიკებდა რა კანონის ამ ცალმხრივობას, ი. ჭავჭავაძე წერდა: „სოფლის სასამართლოს ხელი მიუწვდებოდა მართო გლეხკაცზე. თუ გლეხკაცმა დააშავა რამე, წაუხდინა რამ ვისმე, ან პირობა არ შეასრულა, ყველას, სოფელში მცხოვრებს: თავადს, აზნაურს, მღვდელს, დიაკვანს, მეღუქნეს ნება აქვთ სოფლის სასამართლოს შემწეობით გადაახდევინონ გლეხს სასჯელი, თუ საზღაური. თუ არა გლეხმა გლეხს დაუშავა რამე, წაუხდინა, პირობა არ აუსრულა, საწყალი გლეხი იძულებულია ათს, ოცს, ოცდაათ ვერსზე გაიქცეს, მომრიგებელ მოსამართლეს მიმართოს, რამდენიმე დღე წასვლა-მოსვლაში დაკარგოს, მერე რამდენიმე თვე საქმის გარჩევას ელოდოს... ყველა ეს იმისთანა მიმე არის გლეხისათვის, რომ იგი იძულებულია თავისი დაჩაგვრა გულში გაბოროტებით ჩიიარხოს, ხელი აიღოს საჩივარზედ, გული აიყაროს კანონზედაც... რა წარმომადგენელია უფლებისა იგი წყობა, — განაგრძობს ილია, — რომელიც დიდის წინ ნაცრად იქცევა ხოლმე და დაბლის წინ ცეცხლად? რა პატივით უნდა უყურებდეს გლეხი იმ მმართველობას, რომელიც დიდისაგან გაჭირვებულს არ ესარჩება, დიდისათვის კი თავს გამოიდებს ხოლმე, როცა პატარისაგან გაუჭირდება რამე.. ჩვენი სოფლის სამართველო და მისი მოხელენი პოლიციის ბრმა მსახურებს და დარაჯებს უფრო წარმოადგენენ, ვიდრე სოფლის საზოგადოების ინტერესებს“¹.

დიდია ილიას მიერ აღნიშნული ამ ნაკლის, ნაწილობრივ მაინც, აღმოფხვრა შეიძლებოდა ყველა წოდებისათვის საერთო სოფლის საზოგადოებრივი მმართველობისა და სასამართლოს დაარსებით, რომელიც მოვალეობასაც და უფლებასაც თანაბრად გაანაწილებდა მოსახლეობის სხვადასხვა სოციალურ ფენებზე. მაგრამ ამ თვალსაზრისის მმართველი ზედაფენა არ იზიარებდა.

მეფის მთავრობას და კავკასიის ადმინისტრაციას არ შეეძლოთ მთლიანად უგულვებელყოთ საზოგადოებრივი აზრი, სოფლის მმართველობის ნაკლოვანებებით გამოწვეული გლეხთა უკმაყოფილება. მეფის მთავრობის მოხელეები მოქმედ კანონში მცირე კორექტივის შეტანაზე თითქოს უარს არ ამბობდნენ, მაგრამ არსებითად მხოლოდ პრობლემის გადაწყვეტაზე ზრუნვის ილუზიას ქმნიდნენ.

1885 წელს ამიერკავკასიის მთავარმმართველ დონდუკოვ-კორსაკოვის განკარგულებით ჩამოყალიბდა სპეციალური კომისია, რომლის მიერ შედგენილი სოფლის საზოგადოებრივი მმართველობის სრულყოფის პროექტი 1887 წელს გადაეგზავნა შემდგომ ინსტანციას. ამ დოკუმენტის გაცნობის შემდეგ შინაგან საქმეთა მინისტრმა ექვი გამოთქვა ამიერკავკასიის გლეხობის თვითმმართველობისათვის მზადყოფნაზე. საკითხის გამორკვევა, დამატებითი მასალების შეგროვება დაევალა გლეხთა საქმის საგუბერნიო საკრებულოებს. მდგომარეობის შესწავლის შემდეგ, ქუთაისის საგუბერნიო მმართველობის მოხელეებმა აღიარეს, რომ ადგილობრივი სოფლის მოსახლეობა ძალიან გონიერად იყენებს ბოძებულ თვითმმართველობას და ნაკლოვანებები შეიმჩნევა მხოლოდ სოფლის სასამართლოების საქმიანობაში, რადგან მათ შემოდან ხელმძღვანელობა და კონტროლი აკლიათო.

1892 წელს სოფლის საზოგადოებრივი მმართველობის პრაქტიკული საქმიანობა მთავარმმართველის საბჭოს წევრმა იაკიმოვმა შეისწავლა. თავის ანგარიშში იგი წერდა, რომ თბილისისა და ქუთაისის გუბერნიებში სოფლის საზოგადოებრივი მმართველობანი მოწოდების სიმაღლეზე დგანან, აქვთ საკუთარი შენობები, ყავთ მწერლობები, აწარმოებენ საგლეხო სასამართლოების დადგენილებათა სპეციალურ წესდებაში ჩაწერას. იაკიმოვის აზრით, სოფლის საზოგადოებრივი თვითმმართველობის საქმიანობაში შემჩნეული ზოგი ნაკლის მიზეზი ის იყო, რომ სოფლის მოსახლეობას არ ჰყავს მეთაური, რომელიც გამოიყვანდა მას ახალი ცხოვრების

¹ ი. ჭავჭავაძე, ნაწერების სრული კრებული, ტ. VIII, თბ., 1928, გვ. 64-69.

ფართო გზაზე. ერთმანეთის მოქიშვე მაზრის უფროსები და მომრიგებელი მოსამართლეები სოფლის საზოგადოებრივ თვითმმართველობას ვერ უწევდნო სათანადო კონტროლსა და „მზრუნველობას“. მისი განცხადებით სოფლის მოსახლეობას ესაჭიროებოდა მრავალმხრივი ხელისუფლებით აღჭურვილი ხელმძღვანელი, მსგავსი რუსეთის თვითმმართველობათა სათავეში ჩაყენებული საერო უფროსისა, რომელიც თავის თავში გააერთიანებდა ადმინისტრაციულ, სამოსამართლო და სამეურნეო ფუნქციებს².

საქართველოში საერო თვითმმართველობა არ ყოფილა და ბუნებრივია, საერო უფროსიც ვერ დაინიშნებოდა. ვარაუდობენ, რომ მის ფუნქციას ამ განაპირა ქვეყანაში საპოლიციო უზნის ბოქაული შეასრულებდა.

1898 წელს ამიერკავკასიის მთავარმმართველმა გოლიცინმა დასვა ადგილობრივი ადმინისტრაციული დაწესებულებების (საგუბერნიო, სამაზრო, საუბნო) რეორგანიზაციის საკითხი. სათანადო კანონპროექტი კანცელარიის დირექტორმა სანდრიგაილომ შეადგინა. ამ დოკუმენტის დეტალური ანალიზი ცხადყოფს, რომ პროექტის ავტორები საგუბერნიო სამმართველოს პროგორც კოლეგიური ორგანოს დაარსებით, მიზნად ისახავდნენ გუბერნატორისა და მაზრის უფროსის ერთპიროვნული ხელისუფლების შეზღუდვას, ადმინისტრაციულ და სამოსამართლო საქმეთა წარმოების რამდენადმე გაუმჯობესებას, მოსახლეობის უკმაყოფილების შემცირებას.

კანონპროექტის თანახმად ყოველი მაზრა იყოფოდა უბნებად. ამ ადმინისტრაციულ ერთეულთა უფროსებს უნდა დაკისრებოდა ყველა ის ფუნქცია, რაც აქამდე ევალებოდათ პოლიციის ბოქაულებსა და მომრიგებელ მოსამართლეებს. ამას გარდა, უზნის უფროსებს ეძლეოდათ სოფლის საზოგადოებრივი მმართველობის საქმიანობაზე კონტროლის უფლება; ევალებოდათ სოფლის მამახალისთა და მოსამართლეთა ხელმძღვანელობა, სოფლის სამოსამართლო დადგენილებათა წინააღმდეგ აღძრული საჩივრების განხილვა-გადაწყვეტა.

სამოქალაქო სამართლის სფეროდან უზნის უფროსის განსჯა-გადაწყვეტას უნდა დაქვემდებარებოდა 500 მანეთამდე ატეხილი დავა, დარღვეული მფლობელობა — საკუთრების აღდგენის საქმე, ყველა ის საჩივარი, რაც აღიძვრებოდა მემამულეთა და გლეხთა საადგილმამულო ურთიერთობების დროს. სისხლის სამართლის საქმეთა განხილვისას უზნის უფროსი სასჯელს ადებდა შინაური პირუტყვის ქურდობასა და სხვისი ტყის გაჩეხვაში დადანაშაულებულ პირებს, კანონისა და მთავრობის დადგენილება-განკარგულებათა დამრღვევთ, ჩხუბისა და აყალმაცულის ატეხებს და სხვ. საქმეების განხილვა-გადაწყვეტა უნდა მომხდარიყო საჯაროდ და ზეპირად. სამოქალაქო სამართლის საქმეები გაირჩეოდა იმ წესების საფუძველზე, რომლითაც ხელმძღვანელობდნენ მომრიგებელი მოსამართლეები. უზნის უფროსი უნდა დაქრდნობოდა აგრეთვე შიგარუსეთის საერო თვითმმართველობას სახელმძღვანელოდ შექმნილ 1899 წლის კანონის სათანადო მუხლებს. ყველა დადგენილება-განაჩენი შეიტანებოდა ოქმში, ისინი სისრულეში უნდა მოეყვანათ სოფლის თანამდებობის პირებს და ქალაქთა პოლიციის მოხელეებს. უზნის უფროსის განაჩენის წინააღმდეგ აღძრულ საჩივრებს გაარჩევდა კოლეგიური ორგანო — სამაზრო ყრილობა³.

1899 წლის კანონპროექტმა არსებითი კორექტივი შეიტანა სოფლის საზოგადოებრივ მმართველობაში, გაითვალისწინა მისი რეორგანიზაცია რუსეთის ცენტრალურ გუბერნიებში არსებული ნიმუშის მიხედვით.

მოწინავე ქართველ მოღვაწეებს მიაჩნდათ, რომ სოფლის თვითმმართველობა ფაქტობრივი იყო, რადგან მამახალისი, სხვა თანამდებობის პირები და მოსამართლეები საქმიანობდნენ მაზრის უფროსთა ბრძანება-მითითებების შესაბამისად, საკუთარ ინიციატივას კი ვერ იჩენდნენ. 1899 წლის კანონპროექტის ავტორები კი პირიქით, სოფლის საზოგადოებრივი მმართველობის მთავარ ნაკლს იმაში ხედავდნენ, რომ თვითმმართველობის ორგანოები თითქოს საგუბერნიო და სამაზრო ადმინისტრაციის კონტროლის გარეშე იდგნენ და ამიტომ კანონწინააღმდეგო განაჩენებით კი შედიოდა ძალაში. სწორედ ასეთი კონტროლის განხორციელებას ავალბდნენ უზნის უფროსს.

საზოგადოებრივი თვითმმართველობის ორგანოებიდან შედარებით კარგ შეფასებას სოფ-

² „საქართველოს ისტორიის ნარკვევები“, ტ. V, თბ., 1970, გვ. 311.

³ საქართველოს სახელმწიფო ცენტრალური ისტორიული არქივი, ფონდი 12, ანაწერი 10, საქმე 2016, ფურც. 56-64.

ლის სასამართლო იმსახურებდა. ეს სასამართლო, მათი განცხადებით, ახლოს იდგა ხალხთან, არ ახასიათებდა ფორმალიზმი, სამართალწარმოების დროს ძირითადად ემყარებოდა ადგილობრივი მოსახლეობის ადგილობრივ ტრადიციებს და საქმეებს სწრაფად და შედარებით სამართლიანად წყვეტდა. ამ მოტივით კანონპროექტის ავტორები მიზანშეწონილად თვლიდნენ მომრიგებელ შეამავალთა კომპეტენციაში არსებულ საქმეთა საგრძნობი ნაწილის სოფლის სასამართლოსათვის გადაცემას. ოფიციალურ თვალსაზრისზე მყოფი მოხელეები იძულებული გახდნენ ანგარიში გაეწიათ საზოგადოებრივი აზრისათვის და დებულების პროექტში ისიც ჩაწერეს, რომ სოფლის სასამართლოს კომპეტენციაში უნდა შევიდეს პრივილეგიურ წოდებათა წარმომადგენლების მიერ ჩადენილ დანაშაულთა გარჩევა-გადაწყვეტა.

სისხლის სამართლის სფეროდან სოფლის სასამართლოს უნდა გაერჩია: პირადი უშიშროების წინააღმდეგ მიმართული დანაშაულები (მდინარისა და არხის წყლის გატუქვიანება, გაუფუჭებული პროდუქტების გაყიდვა, სიტყვიერი შეურაცხყოფის მიყენება, ცილისწამება, დამცირება, ცემა, დაჭრა-დასახიჩრება); ქონებრივი უფლების დარღვევის ფაქტები (სხვისი მიწის მოხვნა-მითვისება და მოძოვება, სარწყავი წყლის მითვისება, მრუდი სასწორისა და არშინის გამოყენება, სხვისი პირუტყვის მოკვლა-დასახიჩრება, ხენილისა და ვენახის გაჩენვა-დაწინება, ქურდობა, ძარცვა და საერთოდ, სხვისი მოძრავი ქონების მითვისება, როცა მოპარულ-მითვისებულის ღირებულება არ აღემატებოდა 100 მანეთს).

ბოლოს უნდა აღინიშნოს, რომ 1899 წლის კანონპროექტმა სოფლის საზოგადოებრივი მმართველობა და სასამართლოს საქმიანობა მოაქცია მთავრობის ადგილობრივი ადმინისტრაციის, კერძოდ, უბნის უფროსის საკმაოდ მკაცრი კონტროლის ქვეშ და ამით არსებითად შეზღუდა საზოგადოებრივი ინიციატივა, ხალხის თვითმმართველობა. ამდენად, აღნიშნულ დოკუმენტში აშკარად ჩანდა კონტრარეფორმების სულისკვეთება. მიუხედავად ამისა, უმაღლეს მთავრობას იგი არ დაუმტკიცებია. ამდენად, სოფლის საზოგადოებრივი მმართველობის სტრუქტურასა და ფუნქციონირების ფორმებს ცვლილებები არ განუცდიათ.

რუსეთის პირველმა რევოლუციამ კიდევ უფრო ნათელიყო თვითმპყრობელობის მართვა-გამგეობის სისტემის უვარგისობა საერთოდ, და კერძოდ, ამიერკავკასიის ადმინისტრაციულ-სასამართლო წყობის დროშაშეშლილობა. მეფე და მისი მოხელეები შეაშინა რევოლუციის მხარდმა მასშტაბებმა და იძულებული გახდნენ, რათა რაიმე კონკრეტული ელენთი მომწიფებული რეფორმების გატარებისათვის.

1905 წლის 29 თებერვალს გამოქვეყნდა ნიკოლოზ მეორის ბრძანება კავკასიაში მეფისნაცვალის თანამდებობის აღდგენისა და, შესაბამისად, მხარის მართვა-გამგეობის სისტემაში სათანადო ცვლილებების შეტანის თაობაზე. მეფისნაცვალად დაინიშნა გრაფი ი. ვორონცოვ-დაშკოვი. მან სხვა პრობლემებთან ერთად დააყენა მოქმედი სასამართლო ორგანოების რეორგანიზაციის საკითხიც.

ახალ სიტუაციაში მეფისნაცვალმა მეთ ანგარიშს უწევდა მოწინავე საზოგადოებრივ აზრს. იგი აღიარებდა 80-იანი წლების რეფორმათა კულმინაციულ ხასიათს, დროებითვადლებულების ინსტიტუტისა და ბატონყმობის სხვა ნაშთების ლიკვიდაციის აუცილებლობას; მოითხოვდა ადმინისტრაციისა და სასამართლოს გამიჯვნას, აყენებდა ამიერკავკასიაში ნაფიც მსახულთა სასამართლოს დაარსების საკითხს.

ი. ვორონცოვ-დაშკოვი იმპერატორისათვის გაგზავნილ ბარათში წერდა, რომ ამიერკავკასიაში შექმნილი მომრიგებელი სასამართლო შორს იდგა ხალხისაგან, მცირე იყო შემადგენლობით, ახასიათებდა ბევრი ფორმალურობა და ნიუანსი, რაც აძნელებდა თხოვნა-საჩივრების შეტანას, აგვიანებდა საქმის გარჩევას. ამას ემატებოდა ისიც, რომ ხელფასი მცირე იყო, რის გამო ძნელდებოდა მცოდნე და გამოცდილ მომრიგებელ მოსამართლეთა მოწოდება. ი. ვორონცოვ-დაშკოვმა მოითხოვა ჯამაგირების გაზრდა, რუსეთიდან ამიერკავკასიაში სახელგატეხილ მოხელეთა გამოგზავნის აღკვეთა. ამავე ბარათში მეფისნაცვალმა აღნიშნა, რომ რუსეთისათვის შედგენილი კანონპროექტი აუქმებს სოფლის სასამართლოს და ყველაზე დაბალ ინსტანციად აცხადებს მომრიგებელ სასამართლოს. იგი მოითხოვდა, რომ დამტკიცების შემდეგ ეს კანონი ამიერკავკასიაზეც გავრცელებულიყო. მეფის ნაცვალს მიზანშეწონილად მიჩნდა მომრიგებელი სასამართლოს კომპეტენციის გაფართოება და მასში ადგილობრივი მოსახლეობისაგან არჩეული ნაფიცი მსახულეების შეყვანა. განათლებული მომრიგებელი მოსამართლეები და ადგილობრივი პირობების მცოდნე ნაფიცი მსახულეები, ვორონცოვ-დაშკოვის აზრით,



სასამართლოს ავტორიტეტს ამაღლებდნენ და მართლმსაჯულების საქმეს არსებითად გააუმჯობესებდნენ⁴.

ი. ვორონცოვ-დაშკოვის წინადადება მთავრობის წრეებში, მართალია, ძირითადად მოიწონეს, მაგრამ ჰქონდათ ზოგიერთი შენიშვნა და ამიტომ უფრო დეტალური კანონპროექტის შემუშავება მოითხოვეს.

1908 წელს ი. ვორონცოვ-დაშკოვის ბრძანებით ჩამოყალიბდა კომისია, რომელსაც სათავეში ჩაუდგა მეფისნაცვალის საბჭოს წევრი ოსტეკი. ეს ის დრო იყო, როცა რევოლუციური ქარიშხალი დროებით შეჩერდა და რეაქცია გამარჯვებას ზეიმობდა. მეფის მთავრობის კავკასიელი მოხელეები უკვე აღარ ამახვილებდნენ ყურადღებას ადმინისტრაციისა და სასამართლოს გამიჯვნაზე, სასამართლოს დამოუკიდებლობასა და ნაფიც მსაჯულთა ინსტიტუტებზე. პირიქით, მოითხოვდნენ, რათა ადგილებზე შექმნილიყო ძლიერი ხელისუფლება, რომელიც აღჭურვილი იქნებოდა. ადმინისტრაციული, საპოლიციო და სამოსამართლო ფუნქციებით.

ოსტეკის კომისია იმ დასკვნამდე მივიდა, რომ საჭირო იყო ადმინისტრაციული ინსტანციების შემცირება, სამსახურბრუნის ნაცვლად ორსაფეხურიანი იერარქიის დაკანონება. ზედმეტად მიიჩნია მაზრა და მისი უფროსი, რომელიც საშუამავლო როლს ასრულებდა გუბერნატორსა და საპოლიციო უბნის ბოქაულს შორის. მომავალ უბნის უფროსს ერთდროულად უნდა დაეკისრებოდა მაზრის უფროსის, მომრიგებელი მოსამართლისა და საპოლიციო ბოქაულის ფუნქციები. ასეთი შეერთება, ავტორთა აზრით, არა თუ რაიმე პრაქტიკულ უნერსულობას გამოიწვევდა, არამედ აღმოფხვრიდა უსარგებლო მრავალხელისუფლებიანობას, რაც საქმის წარმოების ბიუროკრატიულ გაჭიანურებასა და მოსახლეობის უკმაყოფილებას იწვევდა.

კანონპროექტის ავტორებს უბნის უფროსის თანამდებობის დაკავების აუცილებელ წინაპირობად მიაჩნდათ უმაღლესი განათლება, დიდი გამოცდილება და ადგილობრივი მოსახლეობის ენის ცოდნა. ისინი, როგორც ჩანს, ანგარიშს უწევდნენ მოწინავე ქართველი მოღვაწეების, მთელი ხალხის მოთხოვნილებას და კანონპროექტისადმი თანდართულ განმარტებით ბარათში წერდნენ: „უბნის უფროსი მხოლოდ მაშინ შეიძლება იყოს ჭეშმარიტად ახლოს მოსახლეობასთან, გაიგოს მისი საჭიროება, შესძლოს ამ საჭიროების დაკმაყოფილება, თუ მას უშუალო კონტაქტი ექნება ხალხთან, მოისმენს საჩივრებს, გაიგებს რა ხდება სოფლის კრებაზე. მოსული მოხელე მხოლოდ მაშინ მოიპოვებს მოსახლეობის ნდობას, როცა შესძლებს ელაპარაკოს მისთვის ვასაგებ ენაზე. ამიტომ ყველას, ვინც მოისურვებს დაიკავოს უბნის უფროსის პოსტი, აუცილებლად უნდა მოეთხოვოს ადგილობრივი ენის ცოდნა“⁵.

პირველი რევოლუციის წლებში და მის შემდეგ, მართალია, კიდევ ერთი ნაბიჯი გადაიდგა რუსეთის აბსოლუტური მონარქიის ბურჟუაზიულ მონარქიად გარდაქმნის გზაზე (ვ. ი. ლენინი), მაგრამ თვითმპყრობელობის კლასობრივი ბუნება არსებითად არ შეცვლილა. მნიშვნელოვანი კორექტივი არც საქართველოს მართვა-გამგეობის სისტემაში ყოფილა შეტანილი. ადგილობრივი ადმინისტრაცია და სასამართლო ბოლომდე იცავდა მოსახლეობის ზედაფენების ინტერესებს, მათი მთავარი ფუნქცია კვლავ დაჩაგრული კლასებისა და რევოლუციური ორგანიზაციების წინააღმდეგობის დათრგუნვა იყო. არსებითი გარდატეხა 1917 წლის თებერვალში დაიწყო, სრულიად ახალ ერას კი ოქტომბრის რევოლუციამ ჩაუყარა საფუძველი.



⁴ Всеподданейшая Записка по управлению Кавказским краем ген. адю-танта Воронцова-Дашкова, 1907, стр. 130—136.

⁵ სსცია, ფ. 13, ანაწერი 10, საქმე 737, ფურც. 16-18.

დაგვიანებული სამართალი

დაბეჩითებით არ შეიძლება ვამტკიცო, რომ სამხრეთ ოსეთის საოლქო სასამართლოს ყოფილ წევრს, ეთერ მერაბიშვილს, რომელიც ამგვარი დარღვევებისათვის აღარ აირჩიეს ახალი ვადით, დღეს მაინც აქვს შეგნებული თავისი შეცდომის ფასი, უფრო სწორად, ის მიხმე შედეგი, რაც მისგან დადგენილ უპატიონო განაჩენს მოჰყვა. სამწუხაროდ, ამჯერად, სამხრეთ ოსეთის ავტონომიური ოლქის სამართალდაცვითი ორგანოების იმ სხვა მუშაკებსაც ვერ დავასახელებ, რომლებიც მეტად საეჭვოდ „გაისარჩნენ“ ვიგენტი იასონის ძე დათაშვილის დაპატიმრებისათვის. მათ შიგერ შექმნილი ხელოვნური ბრალდება მართლაც ზეავივით აგორდა და ერთი უბრალო, პატიოსანი ოჯახი ლამის საშოთლოდ შეიწირა.

რა იყო ეს?! შეცდომა თუ თავნებობა? იქნებ სხვა რამეც დაერქვას ახლა ამას, მაგრამ საკითხავია, რა დააბრუნებს უკან პატიმრობაში გატარებულ 2 წელიწადს, 7 თვესა და 13 დღეს, რა ეშველება გულნატკენი ადამიანების შერყვეულ რწმენას, ვინ და როგორ დაივიწყებს უკანონოები განაწამები ბავშვების ცრემლებს?! როგორც იტყვიან, ბოლოსდაბოლოს „სამართალმა პური ჭამა“. დღეს ვიგენტი დათაშვილი გამართლებულია, საკუთარ ოჯახში, ცოლ-შვილთან ერთად ცხოვრობს, მაგრამ გასასვენებლადც კი ძნელია ის ტანჯვა-წამება, რაც მართალ კაცს გადახდა. ამ ბრძოლას თითქმის 950 დღე შეეწირა, მოლოდინითა და შიშით გათანგული 950 დღე, ვიდრე სხვადასხვა საქასაციო ინსტანციას გაივილიდა მსჯავრდებულის არაერთი საჩივარი, რომ სსრ კავშირის უმადლესი სასამართლოს პლენუმს გაეუქმებინა სამხრეთ ოსეთის საოლქო სასამართლოს განაჩენი და შემდგომი ინსტანციების სასამართლო გადაწყვეტილებები.

დიახ, ამ უსამართლობას მხოლოდ და მხოლოდ სსრ კავშირის უმადლესი სასამართლოს პლენუმის 1986 წლის 15 იანვრის დადგენილებაზე დაუსვა წერტილი.

ამბავი კი, რომელიც შემდგომში სისხლის სამართლის საქმედ იქცა და ასეთი დიდი უსიამოვნება მოუტანა უდანაშაულო ადამიანებს, ამგვარად დაიწყო:

ვიგენტი იასონის ძე დათაშვილი ცხინვალის რაიონის სოფელ თამარაშენში დაიბადა. როცა წამოიზარდა აქვე შეუდგა შრომით საქმიანობას, ხოლო თბილისის სასოფლო-სამეურნეო ინსტიტუტის სატყეო ფაკულტეტი დაუსრებლად დაამთავრა. შრომაში გამობრძმედილი კაცი კარგი სპეციალისტი დადგა, ჯერ მეტყვევდ მუ-

შობდა, შემდეგ უბნის უფროსად, მეტყვევ ინჟინრად, ბოლოს კი ნაკრძალის დირექტორი იყო. ყურადღება და დაფასება არაფერში აკლდა, როგორც მოწინავე, ოთხჯერ აირჩიეს იგი ცხინვალის რაიონული საბჭოს დეპუტატად, პარტიის ცხინვალის რაიკომის წევრად. მისი ტუბილი, მოსიყვარულე ოჯახიდან მხოლოდ მხიარულება ისმოდა და სამი შვილის მამას არც უგარძნია, როგორ უახლოვდებოდა უცნაური ბედისწერა.

1983 წლის აპრილში ვ. დათაშვილი ცხინვალის რაიონის საყოფაცხოვრებო მომსახურების სამმართველოს უფროსად დამტკიცეს და სწორედ აქედან დაიწყო მისი ცხოვრების ავბედითი ისტორია.

იმ ოცდაათი ობიექტიდან, ამ სამმართველოში რომ შედიოდა, ერთ-ერთი სოფელ ანაბეთის სახერხი საამქროც იყო. მისი უფროსი გერსან ჯიოვეი ხე-ტყით სპეკულაციაში შეიმჩნეოდა, მაინც და მაინც არც წარსული ჰქონდა მას სამაგალითო და ვ. დათაშვილმა სხვებზე უფრო მკაცრად სწორედ ამ სახერხ საამქროს მოჰკიდა ხელი. განაწყენებულმა გ. ჯიოვემა მრავალჯერ სცადა ახალ უფროსთანაც გამოენახა საერთო, მაგრამ ვერაფერს გახდა და გადაწყვიტა რაც არ უნდა დასჯდომოდა, თავიდან მოეშორებინა იგი. სამწუხაროდ, ამ პროვოკაციული ჩანაფიქრის შესრულების ხელისშემწყობნი სწორედ ის ადამიანები აღმოჩნდნენ, რომელთაც ყველაზე მეტად ევალებოდათ კანონიერების დაცვა.

გ. ჯიოვეის განცხადების საფუძველზე, პროკურორის სანქციის გარეშე, ცხინვალის შინაგან საქმეთა განყოფილების მუშაკებმა 1983 წლის 2 სექტემბერს ქ. ცხინვალში გაჩხრიკეს ვ. დათაშვილის კაბინეტი. ისინი ეძებდნენ გ. ჯიოვეის მიერ ვითომდა ქრთამად მიცემულ 300 მანეთს, რათა ვ. დათაშვილი სისხლის სამართლის პასუხისგებაში მიეცათ. ეს წინასწარ გამიზნული პროვოკაცია ისეთი თეორი ძაფით იყო შეკერილი, რომ ყველაფერი თვალნათლივ ჩანდა: დანიტერვებაც, შურისგებაც, შეცდომაც და თვითნებობაც, მაგრამ ორგანოს მუშაკებს უკან არ დაუხვევიათ. იმის მიუხედავად, რომ ჩხრეკის დროს ფული ვერსად ნახეს, მათ მაინც მოახერხეს პატიოსანი კაცის საწინააღმდეგო მასალების შედგენა და ვ. დათაშვილი დააპატიმრეს. თუმცა, ცხინვალელ სამართალდამცველებს დაავიწყდათ ბრძნული ანდაზა, რომ „შუბი ხალთაში არ დაიმალება“.

ახლა ძნელია იმის თქმა, თუ რთი იყო ეს გამოწვეული, მაგრამ ისიც ხომ ცხადია, რომ



ყველანი თავიდანვე მტრულად განწყვენენ იკლავილის მიმართ, საეჭვო რეპუტაციის მქონე კაცთან კი ახლობლობა გააბეს. ეს იქნებ იმანაც განაპირობა, რომ ვ. ჯიოვეს მეგობრები და კეთილისმდომებები დღესაც ცოტა არ ჰყავს ცხინვალის რაიონის ადმინისტრაციულ ორგანოებში. თუმცა, ჩვენის აზრით, იურისტისათვის ამას მნიშვნელობა არც უნდა ჰქონდეს, რადგან, საქმე, რომელსაც ის ემსახურება ვერ ითმენს ბუნდოვანებას, მიკერძოებას, კანონისადმი უპატივისცემლობას, ანგარიშის სწორებასა და რაც მთავარია, სიმაართლის ღალატს.

შოველები კი სწრაფად განვითარდა. სამხრეთ ოსეთის საოლქო სასამართლოს (მოსამართლე ე. მერაბიშვილი) 1984 წლის 7 მარტის განაჩენით ვ. დათაშვილი ცნობილი იქნა დამნაშავედ საქართველოს სსრ სისხლის სამართლის კოდექსის 189-ე მუხლის მეორე ნაწილით და მიესაჯა 9 წლით თავისუფლების აღკვეთა გაძლიერებული რეჟიმის კოლონიაში მოხდით. მასვე შეეფარდა პირადი ქონების კონფისკაციაც.

განაჩენმა მკაცრად, ავტორიტეტული ტონით დაასაბუთა დანაშაული, ნაძალადეგ მტკიცებებს დაეყრდნო, არ გაიზიარა დაცვის სამართლიანი პოზიცია, ირწმუნა საეჭვო პირთა ჩვენებები, ბოლომდე და ზუსტად არ გახსნა მომხდარი ფაქტი, დეტალურად არ შეისწავლა საქმისათვის მნიშვნელოვანი გარემოებები და სამი შეილის მამა დიდი ხნით მოსწყვიტა ოჯახს. უფრო სამწუხარო კი ის იყო, რომ ზემდგომმა ინსტანციებმაც არ გამოიჩინეს გულისხმიერება, ისინიც ზეეროდ მოეკიდნენ სამართლიან საჩივრებს. ძალაში დატოვეს განაჩენი და გზა გაუხსნეს უკანონობას. ასევე უშედეგოდ დამთავრდა საქართველოს სსრ პროკურორის მინდელი პირველი მოადგილის ვ. რაზმაძის პროტესტი ამ საქმეზე საქართველოს სსრ უმაღლესი სასამართლოს პრეზიდიუმში.

მართალ კაცს კი გული მაინც არ გაუტეხია, ხელი არ ჩაუქნევია. მიუხედავად იმისა, რომ იგი მსჯავრდებული იყო და საჯელს იხდიდა, მაინც სჯეროდა გამარჯვების, სჯეროდა და ჭიუტად მოითხოვდა საქმის ხელახლა განხილვას.

მსჯავრდებულ ვიგენტი იასონის ძე დათაშვილის ინტერესებს, პირველი ინსტანციის სასამართლოდან სსრ კავშირის უმაღლეს სასამართლომდე, იცავდა ადვოკატი ოთარ ნიკოლაიშვილი. მისი კანონიერი შუამდგომლობები და მოსაზრებები, რამაც საბოლოოდ გადაწყვიტა საქმის ბედი, ცნობილი იყო ყველასათვის, მაგრამ საქართველოს სსრ პროკურატურის გარდა იგი გულთან არავის მიუტანია.

რატომ უნდა ხდებოდეს ასე?

იქნებ გაკვეთილად იქცეს ეს შემთხვევა ჩვენი რესპუბლიკის მართლმსაჯულების ორგანო-

ბის საქასაციო ინსტანციებისათვის, რომლებიც ვიჭირობთ, უფრო მეტი გულისყურით, ცოდნით, კოლევიალობით და პატივისცემით უნდა მოეკიდონ ხოლმე ქართველი ადვოკატების მოსაზრებებს, რათა აღარ გახდეს საქირო საქავშირო პროკურატურასა ან სსრ კავშირის უმაღლეს სასამართლოში წასვლა კანონიერების აღსადგენად.

ამ შემთხვევაში კი საქმე სხვანაირად ვერ გადაწყდა. 1985 წლის 9 ოქტომბერს სსრ კავშირის გენერალურ პროკურორთან წარდგინებით შევიდა საქართველოს სსრ პროკურორი, რომ პროტესტი დაწერილიყო აღნიშნულ საქმესთან დაკავშირებით, რათა სსრ კავშირის უმაღლესი სასამართლოს პლენუმს გაეუქმებინა სამხრეთ ოსეთის საოლქო სასამართლოს განაჩენი, შემდგომი საქასაციო ინსტანციების სასამართლოთა გადაწყვეტილებები და საქმე ხელახალი გამოძიებისათვის პროკურატურას დაბრუნებოდა.

სსრ კავშირის უმაღლესი სასამართლო ყველაფერ ამას გულისხმიერებითა და პროფესიული ოსტატობით ჩასწვდა, დაიკაყოფილა სსრ კავშირის პროკურატურის პროტესტი, გააუქმა სამხრეთ ოსეთის საოლქო სასამართლოს განაჩენი, ამ განაჩენის გამო მიღებული გადაწყვეტილებები და საქმე დამატებითი გამოძიებისათვის დაუბრუნა პროკურატურას.

დადგენილებაში ნათქვამია:

„სასამართლომ (იგულისხმება სამხრეთ ოსეთის საოლქო სასამართლო) სათანადო შეფასება არ მისცა კანონის მოთხოვნათა იმ დარღვევებს, რაც ვ. დათაშვილის კაბინეტში მოხდა ჩხრეკის დროს. შეუფერხებელი და შეუფასებელი დარჩა ვ. დათაშვილის განმარტება, რომ მან 1983 წლის მისში ადმინისტრაციული წესით დასაჯა ვ. ჯიოვეი იმის გამო, რომ იგი ხეტუის მასალას უხერხავდა უცხო პირებს. უხეშად დაირღვა კონსტიტუციური და სისხლის სამართლის საპროცესო კანონმდებლობის სხვა მოთხოვნებიც და ა. შ.“

დადგენილებაში მართლაც ზუსტად და ნათლად არის მითითებული კანონის მოთხოვნათა ის უხეში დარღვევები, რაც გამოძიებასა და სასამართლოში მოხდა, რამაც საბოლოოდ გადაწყვიტა ვ. დათაშვილის ბედი და უდანაშაულო კაცის დასჯა გამოიწვია.

რესპუბლიკის პროკურატურამ პრინციპული შეფასება მისცა ამ საქმეს, კრიტიკულად შეისწავლა ყველა გარემოება, დეტალურად გააანალიზა მომხდარი ფაქტი და იმ დასკვნამდე მივიდა, რომ ვ. დათაშვილის არავითარი ბრალი არ მიუძღოდა. მის საწინააღმდეგოდ მოწყობილი იყო წინასწარგამიზნული პროვოკაცია და დანტერესებულ პირთა ჩვენებებს არ უნდა მისცე-

მოლა ასეთი ცრუ, დაუმსახურებელი, არაკანონიერი შეფასება? ამ რწმენასა და მოპოვებულ მასალებზე დაყრდნობით საქართველოს სსრ პროკურატურამ წარმოებით შეწყვიტა ვ. დათაშვილის მიმართ აღძრული სისხლის სამართლის საქმე მის მოქმედებაში დანაშაულის ნიშნების არარსებობის გამო.

ეს უკვე სამართლიანობის ზეიმი იყო, ჩვენ ცხოვრებისათვის დამახასიათებელი სამართლიანობის ზეიმი. მაგრამ, სამწუხაროდ, იგი 2 წლით, 7 თვით და 13 დღით დაგვიანდა. ამ ხნის მანძილზე მართალი, უდანაშაულო კაცი მოწყვეტილი იყო ახლობლებსა და საზოგადოებრიობას, დანატრეკებული პირები ათასიან პორს ავრცელებდნენ მასზე, მიადწიეს იმასაც, რომ საოლქო გაზეთის ფურცლებიდან ორჯერ აუწყეს მკითხველებს იმ „დანაშაულის“ შესახებ, რასაც მას მიაწერდნენ, სპეციალურად შექმნეს არაჩანსალი საზოგადოებრივი აზრი და სახელი გაუტყვეს პატიოსან ოჯახს.

ღირს ალბათ ამ საკითხებზე დაფიქრება,

ღირს თუნდაც იმიტომ, რომ აღარასოდეს განმეორდეს მსგავსი ამბები. თორემ რა გამოდის, გვხვდება შემთხვევები, როდესაც მიუსჯიან მართალ კაცს, შემდეგ ბოდიშს მოუხდიან და პატიმრობიდანაც გაანთავისუფლებენ, მაგრამ ამას თითქმის იმდენი დრო სჭირდება, რამდენიც განაჩენით აქვს მისჯილი. მეგრედა, ვინ აგებს პასუხს ასეთ დროს? ვინ უნდა აანაზღაუროს მიყენებული ზარალი? ეკონომიკურ ზარალს კიდევ ეშველება რაღაც, მაგრამ რა მოუხებრით მორალურ ზარალს, რითი აღვადგინოთ დაზარალებულთა შერყეული რწმენა, ჯანმრთელობა, ავტორიტეტი?!

სწორედ ასეთ მდგომარეობაშია ამჟამად ვიგენტი დათაშვილი, როგორღაც გულგატეხილი და რწმენაშერყეული, მაგრამ მაინც გვინდა გვჯეროდეს, რომ ყველაფერი კარგად დამთავრდება, „კეისარს მიეზღვება კეისრისა“, ხოლო სამართლიანობა, ქვემარტი სამართლიანობა სამუდამოდ და მთლიანად გაიმარჯვებს.

ანგი არსენაშვილი

კრიტიკა და ბიბლიოგრაფია

დიდი მეხნიარის ნაშრომი

ცნობრებიდან უდროოდ მოკვეთილი პროფ. გ.ა. ნანეიშვილის წიგნის გამოცემა ნათელი ნიშანია დღევანდელი დროისა — განახლების დროისა. ჩვენს ცხოვრებაში მომხდარი დიდი გარდაქმნებისა. და არა მარტო იმიტომ, რომ ზეიმობს ისტორიული სამართლიანობა — აღორძინდა საქართველოში მარქსისტული სამართლებრივი აზრის ჩამოყალიბების ბრწყინვალე ფურცელი, არამედ იმიტომ, რომ გამოიცა ნაშრომი, გამორჩეული თავისებური, დღეისათვის ჭკრ კიდევ მიუღებელი ენით, სტილით და მასალის გადმოცემის ხერხით, რომელიც ამის გამო რამდენიმე წლის წინ დღის სინათლეს არ ეღიბებოდა.

ქვემარტივად, ხარტცენზიო წიგნის ზოგიერთი დებულება, გამოთქმები (ისეთი როგორც არის „სამართლის მუდმივი იდეა“, „სამართლის იდეის ნამდვილობა“, „სამართლისათვის დამახასიათებელი“, „განხორციელების პრეტენზია“, „ფაქტის ნორმატიულობა“) წარსულში ადვილად

შეიძლებოდა გამხდარიყო (და კიდევ გახდა) გ.ა. ნანეიშვილის ნაშრომის უაქეადაციოდ სახტიკი, ერთმნიშვნელოვნად ნეგატიური შეფასების საფუძველი.

სინამდვილეში ჩვენს წინ არის მარქსისტული ნაშრომი, რომელიც ეფუძნება მარქსისტული დიალექტიკის დებულებებს. გ. ა. ნანეიშვილი წერს: „მარქსისტული ფორმულა იმის შესახებ, რომ სამართალი არის ზედნაშენური მოვლენა, შეიცავს დრმა ქვემარტივებას. ამ დებულებას ამართლებს ყველა დროისა და ყველა ხალხის სამართლებრივი ცხოვრების ისტორია“ (გვ. 25). ჩემის აზრით, მოყვანილი მოსაზრება და აგრეთვე ანალოგიური დებულებები და გამოთქმები — იდეალისტური კონცეფციის მიმართ ვალის მოხდა კი არ არის, არამედ ცდაა გამოხატოს, თუმცა ზოგჯერ არა ყოველთვის წარმატებულად, სამართლის სპეციფიკა, მისთვის იმანენტურად დამახასიათებელი თავისებურებები მისი თავდა-

* გ. ა. ნანეიშვილი „სამართლის ნამდვილობა და ცდა ნორმატიული ფაქტების დასაბუთებისა“. თსუ გამომცემლობა, თბილისი, 1987 წ.



პირველი ღირებულებებითი ფენომენის თვისებ-
ბა.

ზოგადი მეცნიერმცოდნეობის თვალსაზრი-
სით გ. ა. ნაწიეშვილის ნაშრომი არის სამარ-
თლის ფილოსოფიის ერთ-ერთი პირველი თავი-
სებური ვარიანტი საბჭოთა ლიტერატურაში, და
ამასთან, ისეთი ვარიანტი, რომელიც ემყარება
სამართლებრივი მოვლენების სიღრმისეული,
შინაგანი დიალექტიკის კვლევას. შემოთავაზე-
ბული ვარიანტი კონსტრუქტიულობა დასტურ-
დება იმ გარემოებით, რომ ავტორის მიერ ოთ-
ხი ათეული წლის წინ (!) ჩამოყალიბებული რი-
გი დებულება — კარგად ეთანაწყობა თანამედ-
როვე პროგრესულ მეცნიერულ შეხედულებებს
და დასკვნებს, რომლებიც დღესაც პრობლემურ
საკითხთა კატეგორიას განეკუთვნებიან.

ასეთ დებულებათა შორის შეიძლება აღინი-
შნოს რამდენიმე:

„უპირველესყოფლისა, ეს არის დებულება იმის
შესახებ, რომ სამართალი სინამდვილის თვისე-
ბური ნაირსახეობაა და ეს თვისებებურება გამო-
ინახება იმაში, რომ სამართალი არის სამართ-
ლის იდეის ნამდვილობა, სამართლის იდეის
გარდაქმნა მოქმედი სამართლის ნორმებად
(გვ. 28, 35, 38 და სხვ.). ძალზე დასა-
ნანია, რომ სამართლის ობიექტურობის შე-
სახებ ამას წინათ შემდგარი დისკუსიის
დროს ეს დებულებები არ მოექცნენ სამართ-
ლის მეცნიერების თვალსაწიერში. გ. ა. ნაწიე-
შვილმა დამაჭერებლად დაასაბუთა, რომ სამარ-
თალი — ეს არა უბრალოდ იდეა, როგორც სა-
ზოგადოებრივი ცნობიერების ფენომენი, არა-
მედ იდეის განსაკუთრებული ქმედობა, განსაკუ-
თრებულად ცხოველმოქმედი იდეა, რომელსაც
აქვს რეალური ფაქტის არსებობის ანალოგიური
თვისება. ამასთან, წიგნში მართებულად არის
დასაბუთებული სამართლის სპეციფიური ნიშ-
ნები, მისი ნორმატიულობა. ესება რა სამართ-
ლის ფენომენის ფსიქოლოგიურ ასპექტს, ავტო-
რი წერს: „სწორედ იმაში, რომ რაღაცას ჩვენ
წარმოვიდგინო როგორც ჭერარს, სავალდებუ-
ლოს, მაშინაც კი როდესაც ჩვენ ეს არ გვსურს,
მდგომარეობს სამართლის ნორმატიული ძალა“
(გვ. 35). ავტორის კონცეფციის სიღრმე იმა-
შია, რომ მისი აზრით სამართალი შეიცავს თა-
ვისი ფაქტური განხორციელების მუდმივ „პრე-
ტენზიას“, რაც ეთანაწყობა სამართალს, როგ-
ორც საზოგადოებრივ ურთიერთობათა მარეგუ-
ლირებელის დღეს აღიარებულ დებულებას, და
ამავე დროს, ამდიდრებს ამ დებულებას არსები-
თად ახალი მომენტი.

არანაკლებ საინტერესოა წიგნის ის ადგი-
ლები, სადაც ავტორი აუღიბებს სამართლის
ღირებულების შესახებ თანამედროვე შეხედუ-

ლებათა ანალოგიურ დებულებებს. ნიშანდო-
მივია ამასთან, რომ გ. ა. ნაწიეშვილი სამართ-
ლის ღირებულებას უკავშირებს თანამედროვე
გაგებით სოციალური სინამდვილის უმნიშვნე-
ლოვანეს კატეგორიას — ადამიანს. წიგნში კვი-
თხულობთ: „...სამართლის ნორმა დაკავშირებუ-
ლია სუბიექტთან მხოლოდ როგორც შესაძლე-
ბელ ღირებულებებით მნიშვნელობის აქტების
მატარებელთან. არა ხელოვნურ ერთულთა სა-
მყარო, არამედ სამყარო ცხოველმოქმედი სუ-
ბიექტებისა, სამყარო, რომელიც შედგება ცოც-
ხალი ადამიანებისაგან, რომელთაც უნარი შე-
წევთ შეასრულონ ღირებულებებით მნიშვნე-
ლობის აქტები, არის ის სამყარო, რომლისკენაც
არის მიმართული სამართლის ნორმა. უფრო
სწორად სამართლის ნორმის ჭერარსობრივი
ობიექტი“ (გვ. 80).

საკმაო მეცნიერული ღირებულების მატარე-
ბელია მოძღვრება ნორმატიული ფაქტების შე-
სახებ (გვ. 58-87). ბ.ვ. სავანელის საინტერესო
შეხავალ წერილში ნორმატიული ფაქტის ფენო-
მენი ინტერპრეტირებულია ავტონომიური რე-
გულირებისა და ხეშეკრულების მარეგულირე-
ბელი ძალის თანამედროვე გაგებით პოზიციები-
დან. ეს პრინციპულად სწორია. ამასთან, საფი-
ქრებელია, რომ გ. ა. ნაწიეშვილის ამ კონცეფცი-
ას აქვს უფრო ღრმა აზრი, რადგან ენმაულება
საბჭოთა მეცნიერებაში აშუამად განვითარებულ
შეხედულებას სამართლის საერთო სოციალური
მოქმედების შესახებ. წიგნის ავტორის აზრით
განსაზღვრულ რეალურ ფაქტებს, რომლებიც
არსებობენ პოზიტიური სამართლისაგან დამოუ-
კიდებლად, ხომ შეიძლება მქონდეთ უშუალოდ
მარეგულირებელი ძალა და უნარი. ნორმატიულ
ფაქტებს, ლაპარაკია წიგნში, „...აქვთ უნარი
შექმნან აზრთა ისეთი კომპლექსი, რომელთან
ლოგიკური კავშირი ჩვენს მდგომარეობას განსა-
ზღვრავს უფლებამოსილისა და ვალდებულის
მნიშვნელობით“ (გვ. 60).

უფრადღებას იმსახურებს ავტორის მოსაზ-
რება ნორმატიული ფაქტების, როგორც სამართ-
ლის ობიექტური, „აუცილებელი“ ხასიათის
შესახებ, განსხვავებით პოზიტიური სამართლის-
აგან, რომელიც „შემთხვევაობის“ კანონზომი-
ერებას ექვემდებარება. (გვ. 81). რა თქმა უნდა,
ავტორის ნააზრევი უფრო დასრულებულ ხა-
სიათს მიიღება თუკი ის განიხილავდა ნორ-
მატიული ფაქტებისა და პოზიტიური სამართ-
ლის მჭიდრო ურთიერთმოქმედებას, მაგრამ
ამ სახითაც მოყვანილ დებულებებს აქვთ სე-
რიოზული მეცნიერული ღირებულება.

ჩემის აზრით, არავითარ საჭიროებას არ წარმოადგენს სპეციალურად შეგერდეთ საბჭოთა-ზოო წიგნის ცალკეული დებულებების კრიტიკულ განხილვაზე, რაც როგორც წინათ აღნიშნა უმთავრესად დაკავშირებულია სტილისტურ თავისებურებებთან, აზრის გადმოცემის ფრაზეოლოგიურ სპეციფიკასთან, თითოეული მათხველი სავარაუდოა, ძალდაუტანებლად დათვისუფლად შენიშნავს შესაბამის ადგილებს წიგნში, და გვინდა ვირწმუნოთ რომ „გვერდს აუფლის“ იმგვარ დებულებებს, რომლებიც ასახავენ იმ დროის თვითმყოფად ინტელექტუა-

ლურ ცხოვრებას, და თავის მთელ უყორადლებას მიაპურობს იმ იდეებს, რომლებიც მნიშვნელოვანია სამართლის მეცნიერების განვითარებისათვის თანამედროვე ეპოქაში.

გვჭერა, რომ ეს წიგნი მკითხველს აგრძობინებს კმაყოფილებას და სიხარულს, იმ კმაყოფილებას და სიხარულს, რომელიც უოველთვის მოაქვს დიდ ტალანტთან შეხვედრას.

ს. ს. კლემენჯი, ²

იურიდიულ მეცნიერებათა დოქტორი, მეცნიერების დამსახურებული მოღვაწე, პროფესორი.

სასარგებლო წიგნი

წიგნს ქვეყანაში მიმდინარე გარდაქმნათა პროცესებს ორგანულად უკავშირდება სტილისტური კანონიერების განმტკიცებისა და პიროვნების უფლებათა დაცვის განხორციელების დიერების საკითხები. ამ მნიშვნელოვანი პრობლემების გადაწყვეტისას განსაკუთრებული მნიშვნელობა ენიჭება სამართალწარმოების დემოკრატიზაციას, რომელთა შორისაც ერთ-ერთი წინასწარი გამოძიების მიმდინარეობისას განხილვის მოთხოვნათა უთუო დაცვა.

სწორედ ამ მიმართებით განვიხილავთ იურიდიულ მეცნიერებათა კანდიდატის, ქ. თბილისის პროკურორის პირველი მოადგილის, მ. კურდაძის წიგნს, რომელიც ზუსტად განმარტება სამართალდამცავი ორგანოების წინაშე წამოჭრილ პრობლემებს და მნიშვნელოვან ინტერესს იწვევს, როგორც თეორიული, ისე პრაქტიკული თვალსაზრისით.

მონოგრაფიის ავტორი სამართლიანად მიუთითებს, რომ ჯერ კიდევ არსებულ საგამომძიებლო შეცდომათა ერთ-ერთი მიზეზია გამომძიებელთა მიერ იმისი ილუზიური წარმოდგენა, რომ მის მიერ დაშვებულ შეცდომას სასაჩინოლო გამოასწორებს. სამწუხაროდ კი, როგორც უკვე აღვნიშნეთ, პრაქტიკა გვიჩვენებს, უმრავლეს შემთხვევაში სწორედ გამომძიებლის მიერ დაშვებულ შეცდომებს მივყავართ სასამართლო შეცდომებამდე.

ნაშრომის ავტორი სამართლიანად მიუთითებს, რომ ასეთი შეცდომა ძალიან ხშირად დაკავშირებულია გამომძიებელი დანაშაულის მტკიცების ფარგლების არასწორ განსაზღვრასთან. ხოლო ცალკეულ შემთხვევებში ასეთ შეცდო-

მებს იწვევს ბრალდებულის მიერ ჩადენილი დანაშაულის აღიარების გადაჭარბებული შეფასება. კანონი კი უოველ ასეთ აღიარებას პირის ბრალუფლობის გადასაწყვეტად მხოლოდ მაშინ იყენებს, როდესაც ასეთი აღიარება დადსტურებულია სხვა ობიექტური მტკიცებულებით.

წიგნის ავტორის უპირველესი დამსახურება იმაში მდგომარეობს, რომ მან სისხლის სამართლის საპროცესო კანონმდებლობის მტკიცებათა თეორიის დებულების ანალიზით ზუსტად განსაზღვრა საქმეზე ჭეშმარიტების დასადგენად მტკიცებულებათა ფარგლების შესაძლებლობანი და გამომძიებლის მიერ მიღებული სწორი პროცესუალური გადაწყვეტილების მნიშვნელობა.

მ. კურდაძის მონოგრაფია იმითაც არის საყურადღებო, რომ იგი ეყრდნობა არა მარტო ლიტერატურულ წყაროებსა და კანონის დებულებათა ანალიზს, არამედ იმ დიდ პრაქტიკულ მასალას, რომელიც ავტორს თვითონ აქვს მოპოვებული საპროკურორო და საგამომძიებლო მუშაობის პერიოდში.

წიგნში დიდი ადგილი ეთმობა მტკიცებულების ფარგლების შეფასების კრიტერიუმის საკითხებს. ავტორი სწორად და დამაჭერებლად გვიჩვენებს, რომ გამომძიებლისაგან მტკიცებულებათა შეფასება (და აქედან გამომდინარე დასკვნა, რომ ყველაფერი, რაც აუცილებელი იყო საქმისათვის დადგენილი და დამტკიცებული) დაფუძნებული უნდა იყოს ისეთ დებულებებზე, როგორიცაა მტკიცებულებათა შეფარდებითობა და დასაშვებითობა, მათი უტყუარობა და სიმართლობა, რომ ობიექტურად უნდა

* მ. ს. კურდაძე, „მტკიცების ფარგლები წინასწარი გამოძიების დროს“, გამომცემლობა „საბჭოთა საქართველო“, თბილისი, 1986



შემოწმდეს ყველა მტიკცება საქმეზე ჩატარებული წინასწარი გამოძიებით.

ყოველდღეობა იქცევა ავტორის აზრი სასამართლო მტიკცებულდება ბუნებაზე მასში შემავალი სამი კომპონენტის მიხედვით. უნდა დავეთანხმოთ, რომ ნებისმიერი სასამართლო მტიკცებულების ელემენტია ფაქტი, ცნობა მის შესახებ და მისი პროცესუალური წყარო. ამასთან, წიგნში ხაზგასმულია, რომ მტიკცებულება გვევლინება, როგორც მტიკცების პროცესის ელემენტარული აქტი, ანუ აქტისა და საქმის გამოძიებათა საფუძველზე გამოტანილი დასკვნის ერთობლივი ფაქტი.

როგორც პრაქტიკული მუშაი, მ. ქურდაძე იმას ცდილობს, რომ მისი აზრი და თეორიული შეხედულებანი მოხმარდეს საგამოძიებო აპარატის მუშაობის შემდგომ სრულყოფასა და სოციალისტური კანონიერების უმკაცრეს დაცვას.

წიგნი მთლიანობაში დადებით შეფასებას იმსახურებს, მაგრამ ავტორს მაინც უნდა ვუსაყვედუროთ, რომ მან არასათანადოდ გააშუქა მტიკცებულებათა ფარგლების არსი, განსაკუთრებით წინასწარი გამოძიების ისეთ ეტაპთან კავშირში, როგორცაა ბრალის წარდგენა და ბრალდებულისათვის გამოძიებით დამთავრებული

საქმის მხსალების გაცნობა. საქირო კი იყო უფრო დეტალურად შეჩერებულიყო მტიკცებულებათა ფარგლების ზღვარის დადგენის პროცესზე ისეთი საქმეების განხილვისას, რომლებიც სკამო სამხილთა უქონლობის გამო წარმოებით შეწყვეტას ექვემდებარება.

მიხილ ქურდაძის ნაშრომის მაღალი თეორიული დონე და პრაქტიკული მიზანდასახულობა იმაზე მეტყველებს, რომ წიგნი დიდ დამარებას გაუწევს, როგორც უმაღლესი იურიდიული სასწავლებლების მეცნიერ-მუშაკებსა და მასწავლებლებს, ისე გამოძიებლებს, პროკურორებსა და სამართალდამცავი ორგანოების სხვა მუშაკებს.

ბ. ი. მიხაილოვი,

დანაშაულის მიზეზების შემსწავლელი და მისი თავიდან აცილების ღონისძიებათა შემუშავების საკავშირო ინსტიტუტის სექტორის გამგე, რსფსრ დამსახურებული იურისტი, პროფესორი.

ბ. ლევი,

დანაშაულის მიზეზების შემსწავლელი და მისი თავიდან აცილების ღონისძიებათა შემუშავების საკავშირო ინსტიტუტის უფროსი მეცნიერ-მუშაკი, იურიდიულ მეცნიერებათა დოქტორი.

სივარტლე აპერიკის იმპერიალიზმზე

მამიონავლემ დიდი ინტერესით მიიღო მელორ სტურუას ახალი წიგნი „ოთხმოციანი წლების ამერიკა (ხუთი წელი და ხუთი წუთი), პამფლეტები“, რომელიც მოსკოვში გამომცემლობა „ივესტიაში“ გამოსცა.

წიგნიში მშ პოლიტიკური პამფლეტია მშვიდობისა და ომის თემაზე. ავტორი აქ საინტერესოდ და რეალისტურად ხტავს ამერიკის დღევანდელი პრეზიდენტის რეიგანის თანამოაზრეთა პორტრეტებს და უჩვენებს იმპერიალიზმის აგრესიულ ბუნებას.

ამერიკის იმპერიალიზმისათვის დამახასიათებელი სინამდვილეა დახატული პამფლეტში „შენაცვლება“. მკითხველის თვალწინ ნათლად ცოცხლდება ჩვენი საუკუნის ოთხმოციანი წლები, ამერიკის მშ-ე პრეზიდენტის, კარტერის უკანასკნელი დღეები, როდესაც მისი სავარძელი ახალმა, მე-40 პრეზიდენტმა უნდა დაიკავოს. ქვეყნის იმდროინდელი საშინაო და საგარეო ვითარება მანვიდგონივრულადაა დახატული. კარტერი ინტებარს არ იტებს წინასაარჩევნო შეხვედრებზე და ჩვეულებისამებრ ოქროს მთებს პირდება ამომრჩეველებს. ახალგაზრდა ჯანგი კი ასე მიმართავს ერთ-ერთ წინასაარჩევნო შე-

ხვედრაზე კარტერს: „... მე სამუშაო არ მაქვს. მე და ჩემი ოჯახი სურსათის ტალღებით ვარსებობთ. ვცხოვრობთ ნახევრად დანგრეულ, ნესტიან სარდაფში. არ მინდა სამხედრო ფორმა და იარაღი, მინდა სამუშაო“. ამის საპირისპიროდ ავტორს აქვე მოყვას ამერიკისათვის დამახასიათებელი ფაქტი. თუ კარტერს აღარ არჩევენ პრეზიდენტად, ამით იგი ბევრს არაფერს დამკარგავს. მას უმუშევრობა არ ელის და სპეკულაბმზე უზრუნველყოფილი იქნება პენსიით, ყოველწლიურად 89 680 დოლარით. ამის გარდა, მოსამსახურეთა შესანახად მიეცემა 150 000 დოლარი; ხოლო 1 მილიონი დოლარი „საქმეთა დასახურად“. მასვე ეყოლება უფასო პირადი დაცვა.

მაგრამ პენსია ან სხვა შემოსავალი სულაც არ არის მთავარი ყოფილი პრეზიდენტისათვის. მიწისთბილის ბიზნესით მან ამის გარეშეც დააგროვა დიდი თანხა. მთავარი ის არის, რომ 1980 წლის 4 ნოემბერს, 8 საათზე, 15 წუთზე და 21 წამზე, კარტერი, როგორც პრეზიდენტი, პოლიტიკურად მოკვდა. არჩევნებში იგი დამარცხდა და ამერიკას მოკვლინა ახალი პრეზიდენტი რონალდ რეიგანი.

საინტერესოდ იკითხება პოლიტიკური პარტიების „პირველი და მეორე მოცე“, „საქართველოს უნივერსიტეტი — პენტაგონის შედეგი“, „ორი ელჩი“, „ბუღალტერი“, „გამოსამშვიდობებელი სიმფონია“, „ანბანური მკვლელობა“, „ორი ვესტმინისტერი“, „1881 და 1884“, „ადამიანი და დრო“, „ეს პატარა სამყარო“, „დინაუ და ბიტბურგი“, „რეისხტაგი ხანძარმდე და დაცემამდე, ასევე მანამდე და შემდეგ“ და სხვა ავტორი მაღალ ყურნაღობით დონეზე ხატავს პუბლიცისტის თვალთ დანახულ რეალურ სურათებს ამერიკული იმპერიალიზმის იდეოლოგიის ლიდერებსა და მათი მარიონეტების ცხოვრებიდან.

მელორ სტურუას პოლიტიკურ პარტიებში შიშობულია მსოფლიოს ბატონობის პრეტენზიით შეპყრობილი ამერიკის იმპერიალიზმი, მისი მესვეურები, რომლებიც არაფერს იშურებენ თავიანთი წრახვევის განსახორციელებლად და თუ საქირო გახდა მიმართავენ კიდევ აკრძალულ ხერხებსა და მეთოდებს.

როგორც ყოველთვის, ახლაც კმაყოფილი დარჩებიან მკითხველები მელორ სტურუას ახალი წიგნით.

ჯაალ მესენავისმარი.

„ქმნა მართლისა სამართლისა...“

მ. აივანი, თ. შავაშულიძე

მეორე დღეს შინ მივადექი. ირაკლის დედა ოპერის მომღერალი იყო. დილით შინ დამხვდა.

— მაპატიეთ, ცოტა ძნელია, უცხო კაცს გული გადაუშალო, თუმცა, ამ საქმეში უცხო არ ბრძანდებით. თქვენი მადლიერი ვარ, კარგად იცავდით ბიჭს. თან დაფარვამაც, ხომ ხედავთ, რა შედეგი მოიტანა! ჩემი შვილი მე აღარ მეკუთვნოდა. ჩემმა მეუღლემ და, განსაკუთრებით, დედამისმა გადაიბირეს... მე კი ყოველთვის არ შეცალა მისთვის. ოჯახი მაწვა თავს... რაღა დასამალია და საკმაოდ ჭირვეული ქმარი, უმცროსი შვილი, მოხუცი დედა... ოპერას უამრავი დრო მიჰქვს. ისე გამოირგულეს, აღარაფერს არ მიჯერებდა, დამიბარებდნენ სკოლაში, თქვენმა შვილმა ამას სცემა, იმას რაღაც წაართვა, მასწავლებლებს უზრდელოდ ექცევაო. პასუხს მე მიზოვდნენ! რა მექნა, რამდენჯერ ვთხოვე დავითს, სანამ გვიან არ არის, მიხედ იმ ბიჭს, მამა ხარ, მამაკაცურად ჩაერიე საქმეში-მეთქი. ის კი, რა მოხდა მერე, ბავშვია, ცელქობს, მთავარია ისწავლოსო. სწავლით კი, არაუშავს, სწავლობდა. ახლა რომ ვუკვირდები, ზედმეტად მორიდებულიც კი იყო, მაგრამ ბოლო დროს ორი-სამი თვე ისე არ გავიღოდა, ვინმე გოგო არ მოვეყვანა კარზე, დედა, გაიცანი ჩემი საცოლვა, ჩემი ხატი და ღმერთით. პირველად

შევშფოთდი, შემდეგ, მივეჩვიე, ვიცოდი, მაღლე დაიფიცებდა. როცა დავითმა უსაყვედურა, რა დროს შენი ცოლია, თავადაც კისერზე გვაზიხარო, იცით, რა უპასუხა — მერე რა, ჩავიჩოჩებ და ისიც დაჯდებაო. ბოლოს, ისეთი შთაბეჭდილებაც კი შემექმნა... თითქოს ჩვენ გვაწონებდა თავს... მაპატიეთ, უნდა გავიქცე, რეპეტიციაზე მაგვიანდება!

— კი ბატონო! — ვთქვი და ადგილიდან არ დავძრულვარ.

გაკვირვებით შემომხედა.

— ერთ-ორ წუთს დედათქვენს გამოველაპარაკებო, თუ შეიძლება.

— მე დატოვებთ ბატონო!

ირაკლი სუხიაშვილის ბებია შემოქიდა. ცრემლებს იწმენდა. უკვე იცოდა, რა საკითხზეც ვიყავი მისული:

— მთელი ქვეყანა ჩემს ბიჭს გადაუდგა. მისი დაჭერა როგორ შეიძლებოდა! ბავშვს ისეთი გული აქვს... ირაკლი სხვას როგორ აწყენინებდა! ჩემი ბიჭის დაჭერა გამოასწორებს ქვეყანას?! რა გააძლებინებს ციხეში? გვერდით რომ არ მივწოლოდი, მართო დაძინების ეშინოდა ბავშვს. ჩემი გაზრდილი ბავშვის ამბავი ჩემზე უკეთ ვინ იცის! ის ციხეში ჩასვეს, ქვეყნის დამაქცევლები კი გარეთ დაპარპაშობენ. აბა, ერთი ფული მიეცათ მოსამართლისათვის! ის უსუსური ბალდი ციხეში

ჩასვეს, მევახშეები და მექრთამეები კი გარეთ დანაგარდობენ, ეს არის სამართლი? ჩემმა სიძემ ორი კაპიკი ვერ გაიმეტა შვილის დასახსნელად... თუმცა, დედამისია მოსაკლავი, დიახ, ჩემი ქალიშვილი, პირველივე შარველიანს რომ გაეციდა ცოლად, წავიდეს, ახლა და იმღეროს...

მეორე ბებია სიტყვაძუნწი გამოდგა. იგი მართო ცხოვრობდა, დიდი ბინა ჰქონდა, ძველებურად მოწყობილი. როგორც ვაფიგე, მთელ ქალაქში ცნობილი პედიატრი ყოფილა. როცა მასთან მივედი, სტუმრებს აცილებდა. სიგარეტს ეწეოდა, ხმაც მამაკაცური ჰქონდა, პირდაპირ საქმეზე გადაევიდა.

— ჩემმა ვაფმა მზამზარეულზე დაჯდომა ირჩია. კი, ბატონო, კარგი სპეციალისტია. მაგრამ ოჯახის მეთაურობაც არ ყოფილა ადვილი. ბავშვები ავად რომ გახდებოდნენ, ჩვენ გვეკითხებოდნენ, როგორ არისო... არ ეცალათ. ახლა მოიცლიან „პერედაჩების“ მისათანად! ბავშვია ცოლვა, ჩემს თვალწინ ვაფუტქეს... ჩვიდმეტი წლის ბიჭი სულ ქალებში იყო... შვილს როგორ გავაბედინებ ამას, მოვარდებოდა, ბებია, ფული მინდა, ცოლი მომყავსო. ჯერ მეგონა, ფულის გამოსართმევად მატყუებებს-მეთქი, მეც თავს ვიტყუებდი. მერღამერე, შეგატყვევ, აღარ ხუმრობდა. გოგოებიც ხომ მთლად გატუტუცდნენ... რაც უნდა ის ექნა, მაგრამ ჩვენ რაღას გვრევდა თავის საქმეში!“

ბიძინამ კითხვა შეწყვიტა. კარგა ხანს იყვნენ ჩუმად. გოჩამ ბუნარს შეუუკეთა.

— მორჩა? — იკითხა მამიამ.

— ჯერ არა, — თავი გაიქნია ბიძინამ.

— ჩაათავე ბარემ! — მამია არ ხუმრობდა. ბიძინამ ფურცლები გადაშალა, კითხვა განაგრძო:

„— რა უნდა დაგიშაოს შვილმა, ღედის აღერსს მოკლებულმა შვილმა ისეთი, რომ ყოველ წუთს ურტყა! შინ გაჩერების მეშინოდა! — გრძელიძე ჩაფიქრდა, შემდეგ, გაიღიმა, — არც გარეთ მაღვა კარგი დღე.“

— რამდენი წლის იყავი მაშინ?

— რა ვიცი, სულ ასე იყო, მაგრამ მეხუთე-მეექვსე კლასიდან განსაკუთრებით... ჩვენს უბანში, მაშინ ახალი იყო, ისეთი აცენილი ბავშვები ცხოვრობდნენ, უჭროსქებსაც ეშინოდათ მათი. მე კი უსამართლობას ვერ ვიტანდი და სულ ჩხუბი მქონდა მათთან. ერთი-ორჯერ ისე დამაღლილავეს, რამდენიმე დღე ვიწეკი. სკოლაში ვეღარ მივიღიოდი იმათი შიშით. რა მექნა? ერთხელ მამაჩემს ვთხოვე, იმ უბნიდან გადავიღეთ-მეთქი, სკამი დამამტვრია თავს... გარეთ გაქცევა ძლივს მოვასწა-

რი. რაც მან დამაკლო, უბნის ბიჭებმა დამიმატეს.

— რას აწავებდი ასეთს?!

— როგორ გითხრათ! ერთხელ, მაგალითად, სკოლიდან შინ ვბრუნდებოდი. გამაჩერეს, ფული გვეჭირდებო. არა მაქვს-მეთქი. როგორ არ გაქვს, შე ნაბიჭვარო, რას გვატყუებო, მითხრა ერთმა. ჯიბეებში ჩამიძვრა. ხელი ვკარი. იმ წამსვე თავში ჩამარტყეს, მოვტრიალდი და წიხლი ამოვკარი, გაგიყდნენ, რას გვიბედავსო... მოკლედ, მაგინეს და მირტყეს. ერთი სიტყვით ან მათი ამხანაგი უნდა ყოფილიყავი, ან — მტერი.

— რატომ მათი ამხანაგი არ გახდი?

— არ შემეძლო... სხვა ვინმე რომ შემოეღლოდათ, ერთმანეთს დასცხებდნენ ხოლმე. დედამას აგინებდნენ ერთმანეთს, მეორე დღეს კი ისევ ძმაცაყები იყვნენ. მე დედის გინებას ვერ ვიტანდი... ექვსი წლის ვიყავი, როცა დედა გარდამეცვალა...

— თქვენ ფეხი გტკიოდათ... როცა გაგიკეთებდნენ, ტკივილი უფრო ასატანი ხდებოდა, არა?

— დიახ...

— ბოლო წლებში, ალბათ, ნაკლები გჭირდებოდა ხომ...

გრძელიძეს გაუკვირდა, ყოყმანით მკითხა:

— რაზე ამბობ?

— მორფზე. ბოლო ხანებში ისე ხშირად აღარ გჭირდებოდა, არა?

— თქვენ რა იცით?

ამ კითხვაზე არ მიპასუხია.

— ექიმებს რომ ჰკითხოს კაცმა, პირიქით არისო, — განაგრძო მან, — რაც დრო გადის, სულ უფრო მეტის გაკეთება უნდათო, ხომ ცდებიან?

ისეთი იმედით შემომხედა, მაშინვე დავთანხმდით:

— ცდებიან! რომ მონიღომით, შეიძლება სულაც მოეშვათ კიდევ.

— ნამდვილად!

— როდის იგრძენით, რომ იმდენად აღარ გჭირდებოდა.

— ვერ გეტყვით, ერთბაშად არ მომხდარა, ორი წლის წინ. არა, სამი წლის წინ ალბათ.

— გინდათ, ზუსტად გითხრათ?

თვალი გაახილა, შემომხედა, ისევ დახუჭა. უნდობლად ჩაიღიმა.

— ბრძანეთ!

— მას შემდეგ, რაც ქურდის სტატუსი შეიძინეთ. რაიმე კავშირს ხომ ვერ ხედავთ თქვენი, ასე ვთქვათ, ქურდად კურთხევასა და ნარკოტიკის ნაკლებ მოთხოვნილებას შორის?



— დიახ, ქურდი, წესით, არც ლოთი უნდა იყოს და არც ნარკომანი.

— მორფის კეთებას იმიტომ მოუქვლით, რომ გეკრძალებოდით, თუ სურვილი შეგისუსტდათ?

— მე მგონი... სურვილი შემისუსტდა.

— თუ ასეა, აკრძალვა არაფერ შუაშია. ვინა ქურდობა არ გეკრძალებათ? ცოტა სხვანაირად შევხედოთ ამ მოვლენას. ნარკოტიკების მიღების სურვილი შეგისუსტდათ არა იმიტომ, რომ გეკრძალებოდით, არამედ, იმიტომ, რომ სულიერი ტკივილი ოდნავ დაგიაძღა. ასეა?

— კი, შეიძლება...

— ესე იგი, უნდა გავარკვიოთ სხვა რამ, რამ დაგიაძღა ტკივილი, ვერ ხვდებით?

— ვერა.

— ქურდი გახდით და ტკივილი მოგეშუათ...

— ვერაფერი გავიგე... არა, აზრი კი გავიგე, მაგრამ კეჭირი ვერ დავამყარე.

— აბა, გაიხსენეთ, თქვენი ნათქვამი, ქურდის ხელის ხლებმა არ შეიძლება, კიდევაც რომ შეემთხვეს უსიამოვნება, უნდა ეცადოს, არ გაამწვავოსო. კიდევ ისიც, რომ ქურდებს შორის ყველა თანაბარია, სრული დემოკრატია სუფევსო.

შეპასუხება დააპირა, მაგრამ ხელით ვანიშნე, ერთი წამით ეცლია:

— რადგან ქურდი გახდით, უნდა აიტანოთ ის, რაც მანამდე აუტანელი იყო. ახლა ისეთი პროფესია გაქვთ, ამართლებს გარემოსადმი მტრულ დამოკიდებულებას. გარემოსადმი მტრული დამოკიდებულების გამართლების საშუალება ადრე არ გქონდათ, ახლა კი გაქვთ.

შეკატყვე, გამწარდა, ისე მიუტრებდა, თითქოს ვერ გადაეწყვიტა, ყელში მტკმობდა თუ გავიცინა. ბოლოს ენის ბორძიყით თქვა:

— ესე იგი... იმიტომ კვინი, რომ შეეფიქრე?

— დიახ, იმიტომ შეადარეთ თავი! კარგი ნათქვამია. იქ შეეფიქრეთ, საცა ცემა, შეურაცხყოფა, დაჩაგრა „არ შეიძლება“. კიდევაც რომ შეგემთხვათ ასეთი რამ, უნდა აიტანოთ, პროფესია გავალბებთ ამას. უფრო ასატანი ხდება აუტანელი. შიშმა თავშესაფარი მოგაძებნინათ.

ველარ მოითმინა და იყვირა: — არა მჯერა!

— დაუჭერებელი რომ ასე არ გაგაბრაზებდით... ამას თქვენც მიხვდებოდით, მაგრამ საკუთარ თავს უშალავდით...

— რას უშალავდი?!

— კაცო თავშესაფარს მაშინ ეძებს, როცა რალაცის გაურბის. თქვენ რას გაურბოდით?

— შიშს! — ისე უტებ თქვა, გამიკვირდა,—

შიშს გავუბოდი. ჰო, შეიძლება, სწორი ხართ... მაგრამ შიში რამ ჩამინერგა?

— ეს სხვა საკითხია. სხვა საკითხზე სანამ გადავლო, წინაზე ეკვი აღარ უნდა გვეპარებოდეს. ასე არ არის?

თვლები დახუჭა. კარგა ხანს იყო ასე. მე ფეხზე წამოვდექი.

— ახლა წავალ! სხვა საკითხზე სხვა დროს ვილაპარაკოთ!

* * *

რამდენიმე დღის შემდეგ ირაკლი სუხიაშვილი დარცხვენელი მეჩვენა.

— რა იყო, რამე ხომ არ მომხდარა?

— დიახ... არა, ისეთი არაფერი. ერთი რალაცის მოყოლა მინდოდა თქვენთვის, მაგრამ რალაც არ გამოდიოდა, ჰოდა...— ჯიბეში ხელი ჩაიყო და ოთხად გაკეცილი ფურცლები ამოიღო, — დაწერა ვამჯობინე...

დავჯექი და კითხვას შევუდექი:

„მამაჩემი ყოველთვის უკმაყოფილო იყო, ჩემი არაფერი მოსწონდა. ეს რა გიქნია, შე უტვინო, ამხელა კაცი ბოთე როგორ უნდა იყო. თვითონ პროფესორია, ორი უტხო ენა იცის. ერთხელ, დაქერამდე ხუთი თვის წინ, ჩემი დაბადების დღე იყო, ერთი გოგო მომწონდა, იმას კი ვერაფრით მოვწონე თავი, გამირბოდა. დღეობაზე დავაბიჯე ის და სხვებიც. დაძაბული ვიყავი, რამე არ შემეშალოს, ჩემზე შთაბეჭდილება არ წაუხდეს-მეთქი. ვცეკავდი, ვმღეროდი და ვუკრავდი, ერთი სიტყვით, ვარსკვლავებს ვეთამაშებოდი. ოთხი წლით უმცროსი და მყავს, ნანა. ვიცოდი, რალაცის ამირევა. სახლში ყველა გავაფრთხილე, სტუმრებთან არ გამოჩნდეთ, თორემ არ ვიცი რას ეიზამ-მეთქი. მაგრამ მაინც შეშინოდა, არ შემოხეტებულო. არც შემოსულა. თამადამ აიტეხა, გინდათ თუ არა, ჩვენი იუბილარის მშობლების სდღეგრძელო უნდა დავლიოთ. მთვრალი იყო. აქ მოვიდნენ, იმათი თანდასწრებით უნდა ვთქვათ. არ დაიშალა — ქართული სუფრის წესიაო. მოკლედ, დაუძახეს დედაჩემსაც და მამაჩემსაც. დააყენეს ორივე კედელთან და მთელი საათი სასულელე იბეჭუტურეს.“

ბოლოს, მამაჩემმა სამაღლობელი შესვა. გაგიმარჯოთ, კარგად იყავითო, მაღლობას მოგახსენებთ დღეგრძელობისათვის, მე და ჩემი მეუღლე კი თავს არ შეგაწყენთ ნამეტანი ძველმოღურები ვართო. აჰ, როგორ გეკადრებოთ, ბატონო, მგას რატომ ბრძანებთო, მიაძახეს ბიჭებმა. მამაჩემმა კი თავი მოიღია: როგორ არა! ჩვენ აგერ უკვე ოცი წელია ცოლ-ქმარი ვართ, ირაკლის კი ჯერ არ შეურთავს ცოლი, მაგამ საცოლეს ორ კვირაში

ერთხელ იცვლის. მოგვიყვანს, გაგვაცნობს, ამაზე ამომდის მზე და მივარეო. მერე სხვას მოგვაცენებს კარზე. ისე, კაცმა რომ თქვას, მარჯვე ბიჭია, მე ერთი ძლივს, თქვენებურად რომ ვთქვათ, „შევახვიე“. ეს საღ შოთღობს ამდენს! თუმცა, რა გასაკვირია, ნათქვამია, ის ურჩევნია მამულსა, რომ შვილი სჯობდეს მამასაო. სხვაში ვერაფერში უქნია ღმერთს, მაგრამ ქალების ისეთი მუსუსია, მამას კი არა, მივლ ჩვენს საგვარეულოს ჯობნისო“...

კითხვა დაემათვრე, ირაკლის შეხედე.

— ეღა მეცა, — თქვა ირაკლიმ, — ბიჭები მოკვდნენ სიცილით, ღონ-ქუანი დამარქვეს. იმ გოგომ კინაღმ მცემა. მამა — პროფესორი, დედა — განთქმული მომღერალი, ბებია პროფესორი, ბაბუა მინისტრი... გარდაიცვალა ჰოდა, მე თუ ვარსებობდი ამ ქვეყნად, კაცს არ აინტერესებდა. გასაშაყირებლად თუ გამიხსენებდნენ. ოთხი წლით უმცროსი და მყავს, ისიც თავზე წამომასვეს, ნანა ისეთი გოგოა, ნანა ასეთი გოგოა! მისი ნათქვამი კანონი იყო, ჩემი კი — ძაღლის ყეფა. მეც ხომ მქონდა თავმოყვარეობა!

— საცოლეებს ხშირად იცვლიდაო, რა, მტენარი ტყუილია?

— საღ და რა ღროს თქვა, იმას არა აქვს მნიშვნელობა?!

— მამაშენის დანაშაულს რომ ვიკვლევდეთ, გადამწყვეტი მნიშვნელობა ექნებოდა, მაგრამ იმას ხომ არ უყაიალია. ის საქმე კი, შენ, თავის გამოჩენის სურვილმა ჩაგადენინა.

— თავის გამოჩენის სურვილი ყველას აქვს.

— გააჩნია, რა გზით. შენ ის მითხარი, მამაშენის ნათქვამი მართალია თუ — არა?

— ყოველ ორ კვირაში არ ყოფილა. რამდენჯერმე კი მოხდა...

— შეგნებულად ატყუებდი გოგოებს?

— თითო არ დამიკარებია არცერთისათვის!

მე კი არა, ისინი მატყუებდნენ.

— როგორ?

— რა ვიცი. ვნახავდი გოგოს, მომეწონებოდა... შემოყვარდებოდა, მერე კი, რა ვიცი, რა იყო, სულ მცირე რამეზე, მაგალითად, ვინმე მამაკაცს, თუნდაც უბრალოდ შეხედავდა, ან თამაში ქერტლის ნამცეცს დაეუნახავდი, ან უხეში ხელედი ჰქონდა... მაშინვე გამოიცოდებოდა გული...

— შინ მიყვანა და მშობლებთან წარადგინა რაღა საჭირო იყო?

— რა ვიცი! — მხრები აიწურა ირაკლიმ, — მინდოდა, იმათაც სცოდნოდათ.

— მშობლებისათვის დაგემტკიცებინა, რომ შენც კაცი იყავი, არა?..

კარი გაიღო. მორიგე შემოვიდა. საუბრის

გაგრძელება აღარ შეიძლებოდა. კიდევ გნახავ-მეთქი, ვუთხარო ირაკლის და წამოვედი.

ახლა ისევ ბაბუერს მივადექი. ბიჭი წყნარად შემოვიდა, ჩემს პირდაპირ დაჯდა და თქვა:

— მე უკვე ვიცი, რისი კითხვაც გინდათ. რატომ არ მინდოდა შინ დაბრუნება, არა? მაშინ ხომ გიპასუხებთ...

— კი მიპასუხე, მაგრამ, ვფიქრობ, შინაურების ასე შესაძლებლად, ყოველივე ეს საქმარისი არ უნდა იყოს...

ბაბუერმა თავი ჩახარა:

— დედაჩემი ანხლბო ქალია... სულ საყვედურობდა მამას, შენ შეიწირე ჩემი ქალობა, უფხო, მოუხერხებელი ხარ, სხვები ქალაქში ცხოვრობენ, მანქანები დასრიალებენ, მე კი აქ ვიმარტობი. სულ ჩხუბობდა. მამა ისედაც სიტყვაგვირი კაცი იყო, ბოლოს სულ დამუწვდა. შინ მხოლოდ დაღამებულზე მოდის, ჩუმად დაჯდება, თუ მიაწოდებენ რამეს, ივანშეებს, თუ არადა, მაინც არაფერს იტყვის, დაწვება და დაიძინებს. მეორე დღით უთენია ადგება და სამუშაოდ მიდის ყანაში, ვენახში... ძალიან ბეჩავია. მე ბავშვობაში მხოლოდ იმიტომ არ დამცინოდნენ, რომ ხტობა და სირბილი არ შემეძლო... დედაჩემსაც მაგონებდნენ რაღაცებს... არ ვიცი, შეიძლება, მართალიც კი იყო.

ბაბუერი დიდხანს იჯდა ხმამაღულბლად. ვერც მე დავძარი სიტყვა. ბოლოს თავი აიღო, თვალებში შემხედა და საკმაოდ გამომწყვეად მითხრა:

— თქვენ თვითონ მითხარით, შემეძლო იქ დაბრუნება? — გულწრფელად მკითხა მან.

ასე რომ, ბაბუერის შესახებ სურათი ნათელი იყო.

ახლა გრძელიძის რიგი დადგა.

მიშა გრძელიძე დინჯად შემოვიდა ოთახში. დაჯდა, სიგარეტს მოუკიდა. ისე იქცეოდა, თითქოს საუბრის დაწყებას არც აპირებდა. მეც არ დამიძრავს სიტყვა. შევჭოქმანდნე, ვიფიქრე, ახლა რომ დავილაპარაკო, შეიძლება, წამოდგეს, წავიდეს და შემდეგ აღარც გამეკაროს-მეთქი. სწორი აღმოგნდრი. თავი რაღაც უცნაურად გადასწია უკან და იფეთქა? — ვინ ხარ, რას შემომიჩნდი! ხომ მომისაჯენს უკვე, მეტი რაღა გინდა? მე ვილაც მევახშეებს, ნაქირალებს, სხვისი გაპირვებით გამდიდრებულ ხალხს რაღაც წავართვი და დავისაჯე... აღარც აქ მასვენებთ... თან გგონიათ, კარგ საქმეს ჩაიდნარო! ვინ არის ქურდი და მტაცებელი, მე თუ — შენ? შენ სულის სიმედიდეს მართმევე. მე თუ ვინმესთვის რამე წამირთმევა, ამას რაღაც გამართლება მაინც ჰქონია — წართმეულს მე ვიყენებდი. შენ

რა გინდა, რაში გარგია ჩემი უკანასკნელი იმე-
ლი. მიპასუხე!

— პირიქით, მე თქვენი სულიერი მდგომარეობის აღდგენა მინდა.

— რა უნდა აღადგინო, რაც არასდროს არ არსებულა?! რა აღდგენაზეა ლაპარაკი! — მაგინდას დაპკრა მუშტი.

არ ვიცი, ამან გამოაფხიზლა თუ ბრაზის გადმონთხევამ, სრულიად მოულოდნელად დაშოშმინდა. რამდენიმე წამს თვალდახუჭული იჯდა. შემდეგ გაიღიმა:

— მაპატიეთ, გაცხარდი! — თქვა და მშვიდად დასძინა, — თქვენი საქციელი მაინც არ არის სწორი!

— შობი ბოლომდე ჩავეყვით სათქმელს და შემდეგ განმსაჯეთ.

— კიდევ რაღა დარჩა სათქმელი?!

— თქვენ, თქვენივე გამოთქმა რომ ვიხმართ, თავშესაფარი გაიჩინეთ, მაგრამ კაცი თავშესაფარს მაშინ მიეტანება, როდესაც რაღაც საშიშროებას გაუბრძის, არა?

ცოტა ხანს იყოყმანა, შემდეგ, დამთანხმდა:

— ალბათ.

— შიშს დიდი თვალეზი აქვსო, ნათქვამია. თუ დაშინდი, საფრთხეც უფრო დიდი ჩანს, ვიდრე სინამდვილეშია... კიდევ გიმეორებთ, მელაპარაკეთ გულწრფელად...

— კი ბატონო!

— ძალიან კარგი! თქვენ მხოლოდ მეეახშეები, მხოლოდ ნაძირალები გყავთ გაქურდული თუ, ისინიც, ვისი ასავალ-დასავალიც არ იცით?! შეგიძლიათ, თავი დასდოთ, რომ პატიოსანი კაცი არასდროს არ გაგიქურდავთ?

— კაცი რომ ქურდობას პროფესიად გაიხდის...

— ამიტომ, გულს ნულარ ავიჩვილებთ და არსენა მარაბდელს ნუ შევედრებით „მდიდარს ართმევს, ღარიბს აძლევსო“. ამ შემთხვევაში არ გამოდგება, ასე არ არის?

— ასე!

— ჰოდა, სწორედ იმაზე შევიჩრდეთ, რაზეც არ გსურთ ლაპარაკი. აბა, დაფიქრდით, ყველაზე მეტად რაზე არ გსურთ საუბარი?

— რა ვიცი!..

— როგორ შეიძლება, არ იცოდეთ, როცა მთელი თქვენი არსება ამას შეუპყრია. ნუთუ, მართლა მხდალი ხართ?

— არა! — წამოიყვირა გრძელიძემ.

— თუ, არა, ილაპარაკეთ თქვენს შიშზე... გრძელიძე კარგა ხანს დუმდა, შემდეგ, როგორც იქნა, დაიწყო:

— ის შიში არ იყო, რაღაც დათრგუნული ვიყავი, გაბორბტებული... აბა, რა იქნებოდა, მთელი ქვეყანა გამიღდა — შინ თუ გარეთ! მელიციანში ხომ არ ვიჩვილებდი! „ჩაშვება“ ისეთი „გრუნება“, ცხოვრებაში ხმას ვეღარ ამო-

იღებ. ვინ დამენმარებოდა? და-ძმა არ მყავდა მამაჩემი აქეთ შემომიტევდა. სხვა ვერაფერი ვილონე, ბიძაშვილს მივადექი. ხუთი წლით ჩემზე უფროსი იყო. ვუთხარი, უბანში თავი ვერ გამომიყვია, ბიჭები მყავს გადაკიდებული-მეთქი. იმან კი, შენი უბნელები ვიციო, ჯიგარები არიან, უბატონოდ ხმას არავის სცემენო. შენი ბრალი იქნება ყველაფერიო. მშვენიერად იცოდა, ვისი რა ბრალიც იყო, მაგრამ შეშინდა. ნათესავეებში კი ხმა დამიყარა მიშას უბნის ბიჭებთან ცუდად აქვს საქმეო. არც ერთი გასვენება, ქორწილი და დღეობა ისე არ ჩაივლიდა, ჩემი საკითხი არ წამოჭრილიყო, დახმარების ნაცვლად, დაშინდნენ. მერე ქურდების შესახებ გავიგე ზოგი რამ და სულ ამაზე ვოცნებობდი. მერე დამერე...

გრძელიძე დაღუპდა. ჩაიციხა. ჩავერვი:

— მთლად ისეთ სურათსაც ნუ დახატავთ, თითქოს, ამკვეყნდ თქვენს მეტი სამართლიანი კაცი არ იყოს...

— შეიძლება, მთლად დალაგებული ბავშვი არც მე ვიყავი. დედა ზღაპრებს მიყვებოდა ხოლმე, მისი გარდაცვალები შემდეგ სულ დევები და ეშმაკები მესიზმრებოდა, ერთი ბანჯგელიანი იყო, ყველაზე მეტად მისი მეშინოდა, თითქოს დედას მართმევდა ხოლმე, მამაჩემსაც რატომღაც იმ დევს ვამსგავსებდი, ჰოდა, ერთხელ ავიღე და მამაჩემის ფეხსაცმელებს ენები ამოვაჭერი...

— ცოტა არ იყოს უცნაური საქციელია. იცოდით, რომ ამისათვის გცემდათ?

— ეკვი არ მეპარებოდა. დარწმუნებული ვიყავი, მცემდა.

— გეშინოდა?

— ძალიან.

— ამიტომ მოიქეცი ასე?

ბავშვივით შეკრთა. სწრაფად მიმიხვდა, რაც ვუთხარი, ვიდრე უარის თქმას მოასწრებდა დავასწარი:

— დაფიქრდით, იქნებ მართლაც ასე იყო.

— არ ვიცი... არ მახსოვს.

— ფეხსაცმელების ენების დაჭრა, შურისძიებას ხომ არ ჰგავდა?! იქნებ, იმ წამში შურისძიებაზე კი არა, შედეგზე ფიქრობდით. შედეგი კი გაშინებდათ.

— არა, არაფერზე არ ვფიქრობდი.

— უფრო სწორად გრძნობდით. ფიქრი ერთია, გრძნობა — მეორე. სადღაც, გულში ღრმად გრძნობდით, რომ მამა ამისთვის სასტიკად დაგსჯიდათ...

— ტანში მაქრეოლებდა... მაინც გავაკეთე. კი, ვიცოდი, რომ არ შეიძლებოდა, მაგრამ სწორედ იმიტომ ვშვრებოდი, რომ მამაჩემს ვერ ვიტანდი. მინდოდა, გამეშვარებინა, თუნდ ვეცემე, მაინც.



— ესე იგი, დასჯას იწვევდით.
— სხვანაირად ურთიერთობა მასთან არ შეიძლებოდა.

— რატომ, ნუ გაამწარებდით და ისიც არ დაგსჯიდათ.

— არ შემეძლო. ჩემი მეტერი იყო. მეტერს რაც უფრო გაამწარებ, მით უკეთესია.

— თქვენვე მოგიკიდებოდა მტრად. არა, რა თქმა უნდა, მამათქვენის გამართლება არაფრით არ შეიძლება. ბავშვს უნდა გაუგო. ცემა დაუშვებელია, მაგრამ... როგორც ჩანს, თქვენც ნამდვილად აძლევდით საბაბს.

— ვერ ვიტანდი და იმიტომ.

— რატომ ვერ იტანდით? შიში წინ ხომ არ უსწრებდა დანაშაულს და სასჯელს?!

— ვერ ვავიგე!

— აი, ვთქვათ, ბავშვი სჩადის რაღაც საქციელს. უფროსი თვლის, რომ ის საქციელი დანაშაულია და ჩამდნის სჯის. ესე იგი, დასჯა წარმოშობს შიშს. ასე არ არის?

— დიახ.

— შეიძლება, ასეც მოხდეს, იყოს შიში... ჯერ შიში! გაურკვეველი. გაურკვეველი განცდა ძნელი ასატანია, უფრო სწორად, აუტანელია. იგი რომ ასატანი გახდეს, საჭიროა მისი გამართლება, ესე იგი, შიშის ცხადი მიზეზი. ამიტომ, ბავშვი სჩადის დანაშაულს და იწვევს სასჯელს. მაგალითად, ბავშვს გულში ჩადებული აქვს გაურკვეველი შიში და აქედან გამომდინარე სიძულვილი. ეს შიში და სიძულვილი მიზეზობრივი რომ გახდეს, იგი მამის ფეხსაცმელებს ენებს აჭრის... ან რაღაც ამდგვარს სჩადის. თან კარგად იცის, რომ ასეთი საქციელისთვის მკაცრად დაისჯება. ის სასჯელი შიშს და სიძულვილს მიზეზობრივს გახდის. ესე იგი, მას შიშის ცხადი მიზეზი ექნება. გაურკვეველობას ეს ჯობია ხოლმე. ამას თუ ისიც ემატება, რომ მამა არ ეცდება, რათა შვილს გაუგოს და... მოკლედ, მამათქვენის შემდგომი მოქმედება გამართლებული არა, მაგრამ გასაგები ნამდვილად არის. იქნებ, გაიხსენოთ, მანამდეც გამაოგლენდოთ რაღაც ისეთს...

— კი, მახსოვს. გამახსენდა. დედაჩემის დაკრძალვის დღეს... სასაფლაოდან დაბრუნებისას მამას ვეცი და თვალების ამოკაწვრა დაეუბი-რე.

— იმ დღეებში, ალბათ, არ უცემიხართ?

— არა.

— მაშ, რას ერჩოდით? ნუ იჩქარებთ პასუხს. იქნებ, მაშინდელი განწყობილება გაიხსენოთ!

— თითქოს მას ვთვლიდი ჩემი უბედურების მიზეზად.

— უბედურება დედის გარდაცვალება იყო, არა?

— დიახ, პატარა ბავშვისთვის ამაზე მეტი უბედურება რა შეიძლებოდა ყოფილიყო!

— არაფერი. რატომ თვლიდით მას დამნაშაევად?

— არ მახსოვს...

— იქნებ... ბავშვები მშობლებს, განსაკუთრებით, მამას ყოველსშემძლედ თვლიან. ხომ არ ფიქრობდით... არა, ამას ფიქრი არ შეიძლება დაერქვას, ხომ არ გრძნობდით, რომ მამათქვენმა არ მოინდომა დედის გადარჩენა?

— მამა მართლაც ყოველსშემძლედ მეგონა. უკვე საკმაოდ დიდი თანამდებობა ჰქონდა... თავს დასტრიალებდნენ, ბავშვს მეტი კი არ უნდა! მოითმინეთ, მოითმინეთ! ახლა მახსენდება. დედაჩემის გარდაცვალებამდე იყო... სულ მეგონა, მამა მას მოკლავდა. თან, აუცილებლად ღამით. სისულელეა, მაგრამ ასე მეგონა რატომღაც. ამიტომ, დაძინების შემთხვევაში, არ მოკვლა და მეც ზედ არ მიმაყოლოს-მეთქი. მესიზმრებოდა, თითქოს, დედაჩემი მისი ზეულიდან გასხლტომის ღამობდა, მაგრამ ვერ ახერხებდა. ვყვიროდი, მეღვიძებოდა... უცნაურია, ახლა უკეთ ვხედავ ყველაფერს...

— ჩხუბობდნენ ხოლმე?

— ჩემი მშობლები? არა მგონია... ყოველ შემთხვევაში, მე არ მახსოვს. ღამე დედას ვუწვებოდი ლოგინში, არაფერი დაუშალს-მეთქი. როცა სხვა ლოგინში მაძინებდნენ, ღამე მაინც დედასთან გადავდიოდი. მასთან აღარ მეშინოდა... თუმცა, ჰო, მართლა, ახრჩობდა, მართლა! — წამოიყვირა გრძელიძემ, — სიზმარში მეგრე ჩამყვან... მინახვს, ჩემი თვალით მაქვს ნანახი, ახრჩობდა!.. ბნელოდა. თავზე გადახზობოდა და ახრჩობდა... საშინელება იყო, მეგრე ჩამეძინა და დილით უსიამოვნო სიზმარივით ამყვან. შემდეგ... რაღაც მსგავსი სიზმრად დამჩემდა...

— იქნებ მოგეჩვენა?

აქ ახლა აღარ შეგუდგები გრძელიძის განცდების ასახვას, რადგან ამას დიდი მწერლური ოსტატობა უნდა, კაცმა რომ თქვას, მიზანიც სხვა მქონდა — მისი დანაშაულებრივი ქცევის მიზეზთა კომპლექსის აღნაგობის ჩვენება მსურდა.

* * *

სუხიაშვილთან საუბარი უშუაზე გამოიწყდა. ამიტომ, შემდეგი შეხვედრის დროს ისე გავუთი ლაპარაკი, თითქოს არც შეგვეწყვიტოს:

— ხომ ვერ მეტყვი რამე საერთო ნიშანს, რის მიხედვითაც მოგწონდა ხოლმე გოგონები: ქცევა იყო ეს, გარეგნობა, სულთერის ღირსე-

ბები, თუ ბებები, ნაკლიც იყო, არც ეს არის გამოსარიცხი.

— რა გითხრაო. მაშინ ამაზე არ მიფიქრია. ახლა რომ ფუჭვირდები, ჩემს მაშინდელ მდგომარეობას უფრო მეტი მნიშვნელობა ჰქონდა, ვიდრე თვით მათ.

— სიყვარული ბრმაო, ხომ გაგიგია! ნაკლიც მიმზიდველად ეჩვენებოდა მაშინ.

— მე, პირიქით, თითქოს ნაკლს ვეძებდი. იცით, რას საკმარისი იყო, შემენიშნა, რომ მათაც, ასე თუ ისე მოვწონდი ან, ყურადღებას გამოიჩინდნენ ჩემს მიმართ, რატომღაც გული მიცივდებოდა... მათთან ყოფნა აღარ შემეძლო, თითქოს მაშინ მეხილებოდა მათ ნაკლზე თვალი.

— ბებები, ისიც გაიხსენო, სიყვარული როდის მოდიოდა.

— ძნელი სათქმელია.

— ვიცო, სიტყვა უხეშია გულში ღრმად ნადების ცხასამელავენებლად, მაგრამ, სამწუხაროდ, სიტყვის მეტი სხვა საშუალება არ გვაქვს.

— ალბათ, მარტობის განცდისას წამომივილიდა. ტირილი მინდებოდა... თითქოს მარტო ვიყავი მთელს დედამიწაზე. ძალიან ცუდი განცდაა. ქალი მჭირდებოდა იმ დროს... ოღონდ პირდაპირი მნიშვნელობით კი არა...

— ქალი გჭირდებოდა არასქესობრივად?

— გამორიცხული იყო! იმ დროს, როცა ვინმე მიყვარდა, ასეთ რამეს გულშიაც კი არ გავივლებდი. შეიძლება, ეს არც იყო მთლად ნორმალური, ასე კი იყო. იცით, შემზიზიდებოდნენ ხოლმე, როგორ ვთქვა... რაღაც გარკვეული დროის შემდეგ, ესე იგი, გარკვეული ურთიერთობის შემდეგ საჭირო იყო ხელი მოშეკიდა, მეკოცნა... ხატიდან ქალად იქცეოდნენ, ისევე ქალად... ხომ ხვდებით?

— კი. ამიტომ, ზოხს იწვევდნენ?

— მხოლოდ ამიტომ! ახლა ვხვდები, ალბათ, ამიტომ.

— ყველა ქალს ასე, ამ თვალთ უმზერდი?

— არა. ვინც შემიყვარდებოდა მხოლოდ იმას. ეს ისე ხშირად ხდებოდა, სხვა ქალები-სათვის ველარ მოვიცალე. არ დამეცინოთ! ვიცი, რასაც ფიქრობთ, დამიწყო ამ ჩვიდმეტი წლის ბიჭმა ქალებზე ლაპარაკო. სიმართლე თუ გნებავთ, ასე იყო.

— ერთი წამითაც არ მიფიქრია დაცინვა.

— მაპატიეთ, ძალიან ეჭვიანი ვარ!

— მაინც, რა გაეჭვიანებს ხოლმე?!

— ყველაფერი. სულ მეგონა, რომ უჩემოდ რაღაც მნიშვნელოვანი ხდება და არ მეუბნებიან, მიმაღავენ. ამას ვერ ვიტანდი და ხშირად ვჩხუბობდი ხოლმე.

— სანამ მეორე შვილი შეეძინებოდათ შენს მშობლებს, სად გეძინა?

— საწოლში, მშობლებთან. ცალკე ლოგინი მქონდა.

— რა ადგილას იდგა შენი საწოლი?

— არ მახსოვს, ოთხი წლის ვიყავი.

— შენი და რომ ვაჩნდა?

— სხვა ოთახში გამიყვანეს.

— დამ დედამა წაგართვა, არა?

— დიახ. ასე იყო. ჩემს დას ვერ ვიტანდი. ბებებამ მითხრა, ერთხელ თურმე ტირილი დამიწყია, საიდან მოათრეოთ ეს ბავშვი. ახლაც გადაგდეთ-მეთქი. მისი გულისთვის ხშირად მომხვედრია, პატარაა, უნდა დაუთმოო... კა, სისულელეა!

— რა არის სისულელე?

— არაფერი, რაღაც გავიფიქრე!

— თქვი, რა გავიფიქრე!

— არ ღირს! რამდენი რამ გაგიეღვებს თავში, ყველაფერი სათქმელი კი არ არის!

— თუ მართლა სისულელეა, თქმას რა უღვას წინა?

— დამავიწყდა უკვე.

— ესე იგი, არც მთლად სისულელე ყოფილა. გინდა მე მოგაგონო?

— თქვენ როგორ მიხვდებით.

— ვნახოთ! — მცირე ხანს გავჩერდი, მეტი ყურადღებით მოეიდოს ნათქვამს-მეთქი, — შენს დაზე ფიქრობდი, იმ საწოლ ოთახზე, საიდანაც მისდაუნებურად გააძევა, მოგწყვიტეს იმას, რისი დათმობაც არასდროებით არ გინდოდა. ყველაზე ძნელი შესაუბრებელი ის იყო, რომ დედამ თავად მოგიძულა. შემდეგ, უცებ, ის იერსახე დაინახე, შეყვარებულ გოგონებში რომ ეძებდი. იერსახე კი არა, უფრო სწორედ, დიდი ხნის წინ მიგიწყებულის, თითქმის დაკარგულის. სითბო ძალიან ახლობელი, ტკბილი, მშობლიური. დიდი ხნის წინ დაკარგული. სწორია? თუ სწორია, თქვი, ნუ გერიდება. ეს არც ისე სამარცხვინოა, როგორც შენ გგონია, პატარა ბიჭებმა იციან ხოლმე თქმა, რომ გავიზრდები დედაჩემი უნდა ვითხოვო ცოლადო. ვესმის, ახლა, რატომ არ შეიძლებოდა იმ გოგონებთან სიახლოვე?! იმ დაფარულ სახეს მათში ეძებდი. ის სახე კი... — ავადმყოფი ვარ? — შემაწყვეტინა ირაკულიმ.

— არა, ქურდი ხარ!

— ეს ერთი და იგივეა?


— ალბათ.

— მერჩია, ყაჩაღი ან ქურდი ვყოფილიყავი...

— იმიტომაც ირჩიე ეს გზა...

ის, რაც უთხარი, სისასტიკეს ჰგავდა, მაგრამ სათქმელი უნდა მეთქვა, უამისობა არ ივარგებდა. ბოლოსდაბოლოს, ხომ უნდა გაეგო, რატომ დაადგა დანაშაულის გზას!

ბიძინამ უკანასკნელი ფურცელი ჩვერღზე



გადადო. წამოდგა, მუხლი გამართა. გაიარა-
გამოიარა და თქვა:

— ზოგი რამ ჩემთვისაც ცხადი გახდა, ხე-
დავთ, რა რთულია დანაშაულის ნამდვილი
მიზეზის მიკვლევა, დეტექტიურ სიუჟეტს
ჰგავს. ხშირ, ძალზე ხშირ შემთხვევაში კაცმა
თავდაცვით იცის კარგად საკუთარი ნამოქმე-
დარის ნამდვილი მიზეზი.

მამია: წამოდგა:
— კი, ასეა ალბათ. ოღონდ, იცი რა, უფ-
რო ცხადად ჩამოგვიყალიბე დასკვნა.

— დასკვნა ჯერ ადრეა. მანამდე კიდევ ბევ-
რი რამ მოითხოვს განმარტებას. ჯერ კი იმას
ვიტყვი, რაც გამოჩნდა. გრძელიძე შიშმა, სიმ-
ხდალემ, თავშესაფრის ძიებამ მიიყვანა დანა-
შაულამდე, ხოლო ის შიში თუ რამ გამოიწვია,
ამასაც გაგვარით პატარაზე კბილი. ბებურს
არასრულფასოვნების განცდამ აუბნია გზა-
კვალი. სუხიაშვილი მომეტებულმა პრესტიჟ-
ულმა მოთხოვნილებამ დააღუპა.

— ეს თვისებები თანდაყოლილს არ ჰგავს...
— არავითარ შემთხვევაში! არასწორმა
აღზრდამ გამოიწვია ყველაფერი. თუმცა, ბა-

ბურს ფიზიკურმა ნაკლამაც „შეუწყო“ ხელი.
— კი, მაგრამ...

— კი, კი, ვიცი! — გაწყვეტინა ბიძინამ —
ბებრი საკითხი დარჩა გასარკვევი. თანდათან
ყველაფერს გავარკვევთ.

— კი, ბატონო! — წასასვლელად შეემზადა
მამია, მაგრამ შედგა, — ერთ კითხვაზე მაინც
მიპასუხე: ვისაც შიში აიტანს და თავშესაფარს
ეძებს, ან არასრულფასოვნების განცდა და-
ეუფლება, ანდა ნამეტანი პრესტიჟულობის სურ-
ვილი აიტანს, ყველა... ქურდი და მამაძალი
უნდა გახლდეს?

ბიძინას სახე გაეხადრა:
— კაკაღულში მოარტყი, მამია! მიყვარს
ჰკვიანი ხალხი! მაგრამ მაგ კითხვას მოკლე
პასუხი არა აქვს...

— კიდევ ბებრი სადღეგრძელო დაგვრჩა და-
ულეველი! — გაიცინა მამიამ, — ესე იგი,
ხვალ საღამოს აქ ვართ.

— თქვენი ხმალი და ჩემი კისერი!
— რამდენი ურემი შეშა დაგვკვირდება ბო-
ლოში გასვლამდე?
— ურემი გააჩნია, ჩემო მამია!

(გაგრძელება შემდეგ ნომერში)

ინფორმაცია

საქართველოს სსრ უმაღლესი სასამართლოს პლენუმი

გაიმართა საქართველოს სსრ უმაღლესი სასა-
მართლოს მორიგი პლენუმი, რომელსაც თავმჯ-
დომარეობდა საქართველოს სსრ უმაღლესი სა-
სამართლოს თავმჯდომარე ბ. ძაბარანძე.

პლენუმზე მოხსენებით გამოვიდნენ საქარ-
თველოს სსრ უმაღლესი სასამართლოს წევრი
ი. ტაყეშელაშვილი — „საქართველოს სსრ
აგროსამრეწველო კომპლექსის სისტემაში სა-
ხელმწიფო და საზოგადოებრივი ქონების დატა-
ციების საქმეთა განხილვის სასამართლო პრაქ-
ტიკის შესახებ“, საქართველოს სსრ უმაღლესი
სასამართლოს წევრი მ. ისაბანი — „ავტოსატ-
რანსპორტო დანაშაულის საქმეებზე სასამარ-
თლო პრაქტიკის თაობაზე სსრ კავშირის უმაღ-
ლესი სასამართლოს პლენუმის 1970 წლის მ
ოქტომბრის დადგენილების შესრულების მიმ-
დინარეობის შესახებ“, საქართველოს სსრ
უმაღლესი სასამართლოს წევრი ლ. ისაბანი —
„სამოქალაქო სამართლის საქმეებზე საქარ-
თველოს სსრ უმაღლესი სასამართლოს პლენუ-
მის ზოგადი დადგენილებების ძალადაკარგუ-

ლად ცნობისა და მათში ცვლილებების შეტა-
ნის შესახებ“.

თუ როგორ სრულდება ახალციხის რაიონში
საქართველოს სსრ უმაღლესი სასამართლოს
პლენუმის 1984 წლის 7 ივლისის დადგენი-
ლება „სისხლის სამართლის საქმეთა განხილ-
ვის დროს კანონების ზუსტად დაცვის შესა-
ხებ“, პლენუმის მონაწილეებს მოახსენა ახალ-
ციხის რაიონის სახალხო სასამართლოს თავმჯ-
დომარე ბ. მანუჩიშვილმა, ხოლო „სამოქა-
ლაქო სამართლის საქმეთა განხილვის დროს
კანონების ზუსტად დაცვის მდგომარეობაზე“
ქუთაისის ლენინის რაიონში, ილაპარაკა ამავე
რაიონის სახალხო სასამართლოს თავმჯდომარ-
ე მ. მალაბაძემ.

განხილულ საკითხებზე კამათში მონაწილე-
ობდნენ საქაგრომრეწვის იურიდიული სამმარ-
თველოს უფროსი ვ. ასანიშვილი, აქარის
ასსრ უმაღლესი სასამართლოს თავმჯდომარე
ვ. ძაბარანძე, გურჯაანის რაიონის სა-
ხალხო სასამართლოს თავმჯდომარე მ. ლა-

პინაშვილი, ქობულეთის რაიონის სახალხო სასამართლოს თავმჯდომარე რ. ჯაფარიძე, აფხაზეთის ასსრ უმაღლესი სასამართლოს თავმჯდომარე მ. ბრეჯინი, საქართველოს სსრ უმაღლესი სასამართლოს წევრები ჯ. რუსინაშვილი, მ. ბაბია, ი. შორაღანი, თ. ჩიქოპანი, მცხეთის რაიონის სახალხო სასამართლოს თავმჯდომარე თ. აბაშაძე, საქართველოს სსრ შინაგან საქმეთა სამინისტროს სახელმწიფო

ავტონსპექციის უფროსის მოადგილე ბ. ჩოხელი, ამავე სამინისტროს კვლევითი ლაბორატორიის თანამშრომელი ბ. ცუცქერიძე.

განხილულ საკითხებზე პლენუმმა მიიღო შესაბამისი დადგენილებები.

პლენუმმა განიხილა აგრეთვე პროტესტები სისხლის სამართლისა და სამოქალაქო სამართლის საქმეებზე.

თანაბრი-სამინარო კალმების გადამზადების სრულყოფის საკითხებზე

სსრ ტაშვილის იუსტიციის სამინისტროს ინიციატივით მოსკოვში, იუსტიციის მუშაკთა დახელოვნების სრულიად საქავშირო ინსტიტუტის ხელმძღვანელ დარბაზში ჩატარდა თათბირ-სემინარი თემაზე — „კვალიფიკაციის ამაღლების სისტემაში სასწავლო პროცესისა და სწავლების სრულყოფა“. თათბირმა განსაკუთრებული ყურადღება გაამახვილა სკკ ცენტრალური კომიტეტის 1958 წლის 20 ნოემბრის დადგენილებაზე — „სოციალისტური კანონიერებისა და მართლწესრიგის შემდგომი განმტკიცების, მოქალაქეთა უფლებებისა და კანონიერი ინტერესების დაცვის გაძლიერების შესახებ“.

თათბირ-სემინარზე მოწვეულ იყვნენ მოკავშირე რესპუბლიკების იუსტიციის სამინისტროების წარმომადგენლები, კვალიფიკაციის ამაღლების რესპუბლიკური კურსების დირექტორები და ლექტორები.

საქართველოდან თათბირ-სემინარის მუშაობაში მონაწილეობდნენ საქართველოს სსრ იუსტიციის სამინისტროს მთავარი კონსულტანტი ც. ბეჟუღია, საქართველოს სსრ უმაღლესი სასამართლოს წევრი, შ. ფაფიაშვილი, უნივერსიტეტის დოცენტი, რ. ჭოღოშვილი, ქ. თბილისის კიროვის რაიონის სახალხო სასამართლოს თავმჯდომარე ა. მახარაძე, იუსტიციის ორგანოების მუშაკთა კვალიფიკაციის ამაღლების მუდმივმოქმედი რესპუბლიკური კურსების დირექტორი მ. კომახიძე.

თათბირ-სემინარის მუშაობაში მონაწილეობდნენ: სსრ კავშირის იუსტიციის სამინისტროს კადრების სამმართველოს უფროსის მოადგილე რ. ბოიკო, სსრ კავშირის იუსტიციის სამინისტროს უფროსი კონსულტანტი ვ. ტროიციკი, იუსტიციის მუშაკთა დახელოვნების სრულიად საქავშირო ინსტიტუტის დირექტორი ლ. ნაღველიძე, ინსტიტუტის დირექტორის მოადგილეები კათედრის გამგეები და სხვა პასუხისმგებელი მუშაკები.

თათბირ-სემინარი შესავალი სიტყვით გახსნა

რ. ბოიკომ. მოხსენებით „იუსტიციის მუშაკთა კვალიფიკაციის ამაღლების რესპუბლიკურ კურსებზე იუსტიციისა და სასამართლო ორგანოების, დაწესებულებების კადრების სწავლების მეთოდის სრულყოფის აქტუალური საკითხები პარტიისა და მთავრობის მოთხოვნათა შექმნის კადრების გადასამზადებელი სისტემის გარდაქმნის საქმეში“ — გამოვიდა იუსტიციის მუშაკთა დახელოვნების სრულიად საქავშირო ინსტიტუტის დირექტორის მოადგილე, იურიდიულ მეცნიერებათა კანდიდატი ვ. ბეჟუღია. მომხსენებელმა განსაკუთრებული ყურადღება მიაქცია ლექცია-სემინარების და პრაქტიკულ მეცადინეობებზე დასწრების აუცილებლობას, ლექციების ჩაწერას, რომელიც შემდეგ აუცილებლად უნდა განიხილებოდეს მეთოდოლოგიის საბჭოს სხდომაზე. აქვე უნდა ხდებოდეს აგრეთვე რეცენზირებული ლექციების ტექსტებისა და თეზისების გარჩევა. ლექციები ყოველმხრივ უნდა პასუხობდეს ქვეყანაში მიმდინარე გარდაქმნის მოთხოვნებს. უნდა დამკვიდრდეს, რომ თითოეული ლექტორი კითხულობდეს მხოლოდ ერთ საგანს და არა რამდენიმეს, რადგან იგი ხელს შეუწყობს სწავლების ეფექტიანობასა და ხარისხის ამაღლებას. ამავე მიზნით, სასწავლო პროცესში ხშირად უნდა მონაწილეობდნენ ის პრაქტიკოსი მუშაკები, რომელთაც თეორიული მომზადებაც მაღალი აქვთ.

კადრების გადამზადების სრულყოფის საქმეში დიდი მნიშვნელობა ენიჭება მტკიცე კავშირს მოკავშირე რესპუბლიკების იუსტიციის სამინისტროებსა და უმაღლეს სასამართლოებს შორის. მიზანშეწონილად უნდა ჩაითვალოს და რესპუბლიკურ კურსებზე გაიხსნას კაბინეტები მოწინავე მუშაკთა დადებითი მუშაობის გამოცდილების გაზიარების შესახებ.

დასასრულს, ვ. ბეჟუღიამ თქვა, რომ საქირთა რესპუბლიკური კურსების ხელმძღვანელებმა გააანალიზონ ბოლო ორი წლის განმავლობაში ჩატარებული მუშაობა, აღმოფხვრან თავიანთ



მუშაობაში შემჩნეული ნაკლოვანებები და შეი-
მუშაონ მუშაობის ახალი ფორმები და მეთო-
დები.

მოსხენების შემდეგ ინფორმაციით გამოვიდა
ინსტიტუტის სისხლის სამართლის კათედრის
გამგე, იურიდიულ მეცნერებათა კანდიდატი
რ. რ ა დ უ ტ ნ ა ი ა. მისი თემა იყო — „იუს-
ტიციის მუშაკთა კვალიფიკაციის ამაღლების
რესპუბლიკურ კურსებზე საქმიანი თამაშის ჩა-
ტარების მეთოდია.“ ასეთი ხანის მეცადინეო-
ბების ჩატარება მიზნად ისახავს იმას, რომ მსმე-
ნელებს განუვითარდეთ უნარი დამოუკიდებ-
ლად გამოავლინონ და გადაწყვიტონ ის სირთუ-
ლებები და პრობლემები, რომლებიც მათ წინაშე
წამოიჭრება. „საქმიანი თამაში“ იმის საშუა-
ლებას იძლევა, რომ ოპერატიულად დავადგი-
ნოთ, როგორ ერკვევა მსმენელი საპროცესო
კანონმდებლობის ნორმებში, სად არის იგი სუს-
ტი, შეფუწყოთ ხელი ამ ნაკლოვანებების გამოს-
წორებას.

„იუსტიციის მუშაკთა კვალიფიკაციის ამაღ-
ლების რესპუბლიკურ კურსებზე ლექცია-დისკ-
უტების, „მრგვალი მაგიდის“, მუშაობის გა-
მოცდილების გაზიარების მიზნით მეცადინეო-
ბების ორგანიზაციის და ჩატარების მეთო-
დია“ — ასეთი იყო ინსტიტუტის სამოქალაქო
სამართლის კათედრის გამგის ვ. გ ე ი ზ მ ა-
ნ ის ინფორმაცია. მან აღნიშნა, რომ დღე-
ვანდელ პირობებში, როდესაც მთელ ქვეყანაში
მიმდინარეობს მუშაობის ფორმების გარდაქმნა,
განსაკუთრებული მნიშვნელობა ენიჭება კად-
რების გადამზადების ხარისხის სრულყოფას,
სწავლების პროცესში პრაქტიკული მეცადინე-
ობების გაზრდას, იუსტიციისა და სასამართლო
ორგანოების მუშაობის ორგანიზაციის გამოც-
დილების უფრო ღრმად შესწავლის უზრუნ-
ველყოფას. რესპუბლიკური კურსები ვალდებუ-
ლი არიან ამ საკითხს განსაკუთრებული ყუ-
რადლება მიაქციონ.

„იუსტიციის მუშაკთა კვალიფიკაციის ამა-
ღლების რესპუბლიკურ კურსებზე პროგრამი-
რებული სწავლების მეთოდების გამოყენების
შესახებ“ — ილაპარაკა იუსტიციის მუშაკთა
დახელოვნების საკავშირო ინსტიტუტის დირექ-
ტორმა ლ. ხ ა ლ დ ე ე ვ მ ა. მისი ხელმძღვა-
ნელობით სემინარის მონაწილეებმა დაათვალიე-
რეს ტექნიკური საშუალებების კაბინეტები,
რომელთაგან ზოგან ტარდება „საქმიანი თამა-
შები“, ზოგან დაპროგრამირებული კლასის

სწავლების მეცადინეობები, ეს კაბინეტები
გათვალისწინებულია 30 კაცისათვის.

სასწავლო პროცესის აქტივიზაციის მიზნით
სამეცნიერო-ტექნიკური საშუალებების გამოყე-
ნების შესახებ ვრცლად ისაუბრა ინსტიტუტის
დირექტორის მოადგილემ ო. ბ ე რ ე ნ დ ე ე ვ-
მ ა. ილაპარაკა რა სასწავლო პროცესის აქტი-
ვიზაციის მიზნით სამეცნიერო-ტექნიკურ საშუ-
ალებებზე, მან საამისოდ გამოიყენა სხვადასხვა
სლაიდები და ჩანაწერები.

„იუსტიციის მუშაკთა კვალიფიკაციის ამაღ-
ლების რესპუბლიკურ კურსებზე საქართველოს
სსრ უმაღლესი სასამართლოს პროცესის მსვლე-
ლობაში ტექნიკური საშუალებების გამოყენების
საქმეში არსებული გამოცდილების შესწავლის
შესახებ“ — ასეთი იყო ინსტიტუტის დოცენტის
ლ. ა ლ ე ქ ს ე ე ვ ა ს გამოსვლა. მან ხაზი გაუს-
ვა ჩვენს რესპუბლიკურ კურსებზე სასწავლო
პროცესში ტექნიკური საშუალებების გამოყე-
ნების მნიშვნელობას და ყურადღება გაამახვილა
ამ საქმეში საქართველოს სსრ უმაღლესი სასა-
მართლოს გამოცდილების გაზიარების აუცილენ-
ბლობას. აქვე მომხსენებელმა დასძინა, რომ ამ
მიზნით მეცადინეობები უნდა ტარდებოდეს
საბაზო სახალხო სასამართლოებში ან უშუა-
ლოდ რესპუბლიკურ კურსებზე, თუ მათ გააჩ-
ნიათ საამისოდ აღჭურვილი დარბაზი.

ინსტიტუტის სასამართლო ორგანოების კა-
თედრის გამგის ლ. ს ი მ კ ი ნ ის თემა იყო —
„იუსტიციის მუშაკთა დახელოვნების სრულიად
საკავშირო ინსტიტუტისა და რესპუბლიკური
კურსების სასწავლო პროცესში საბაზო დაწე-
სებულელებსა და სასამართლოებში მეცადინე-
ობათა ორგანიზაცია და ჩატარება“. თავის გამო-
სვლაში მან მკაფიოდ გამოკვეთა საბაზო სასა-
მართლოებში მეცადინეობათა ჩატარების ღირ-
მნიშვნელობა სწავლების ეფექტიანობისა და
ხარისხის ამაღლების საქმეში.

მოსხენებისა და ინფორმაციების შემდეგ
გამოსულმა ორატორებმა ერთხმად აღნიშნეს,
რომ კურსების კადრებით დაკომპლექტების სა-
ქმეში საჭიროა უფრო მეტი დახმარება და მხა-
რდაჭერა სსრ კავშირის იუსტიციის სამინისტროსა და იუსტიციის მუშაკთა დახელოვნების
სრულიად საკავშირო ინსტიტუტის მხრიდან,
რომ რსფს რესპუბლიკაში არსებული ფილია-
ლების სიმრავლე ართულდეს მათთვის დახმარე-
ბის გაწევას. თათბირ-სემინარის მონაწილეთა
მოწონება დაიმსახურა. საქართველოს სსრ უმა-



დღესი სასამართლოს წევრის, რესპუბლიკური კურსების ლექტორის, დოცენტ შ. ფაფიაშვილის გამოხვდამ. მან საინტერესოდ ილაპარაკა საქართველოს სსრ იუსტიციის სამინისტროსთან არსებულ იუსტიციის ორგანოების მუშაკთა კვალიფიკაციის ამაღლების მუდმივ-მოქმედი რესპუბლიკური კურსების მუშაობაზე, იმ ღონისძიებაზე, რომლებიც სისტემატიურად ტარდება სწავლების სრულყოფისა და მუშაობის ხარისხის შენდგომი ამაღლებისათვის, შეხვედრებზე ე.წ. „მრგვალ მაგიდასთან“ და სამეცნიერო-პრაქტიკულ კონფერენციებზე. ვრც-

ლად ისახებრა აგრეთვე საქართველოს სსრ უმაღლესი სასამართლოს მიერ ტექნიკური ნაშუადღების გამოყენებაზე, მის დადებით მხარეებზე და იმ ეფექტურობაზე, რაც ამ სახლით დაინერგა საქართველოში.

თათბირ-სემინარის მუშაობა შეაჯამა იუსტიციის მუშაკთა დახელოვნების სრულიად საქავშირო ინსტიტუტის დირექტორმა ლ. ხალდეიძემ.

გაგია ხარითონიშვილი

სამეცნიერო-პრაქტიკული კონფერენცია ღუშეთში

ღუშეთში, სადაც ილია მომრიგებელ მოსამართლედ მუშაობდა, გაიმართა ილია ჭავჭავაძის დაბადების 150 წლისთავისადმი მიძღვნილი სამეცნიერო-პრაქტიკული კონფერენცია სოციალისტური კანონიერების, მართლწესრიგის შემდგომი განმტკიცების, მართლმსაჯულების აღმზრდელობითი როლის, სასამართლო ეთიკის პრობლემებზე. კონფერენციის მოწყობის ინიციატორები იყვნენ საქართველოს კომპარტიის ღუშეთის რაიკომი და საქართველოს სსრ იუსტიციის სამინისტრო.

რის პრობლემებზე ღუშეთის რაიონში. ბევრი საინტერესო და უცნობი ფაქტი მოიყვანა თავის მოხსენებაში ილია ჭავჭავაძის სამოსამართლო მოღვაწეობიდან აღვოკატმა, ფილოლოგიის მეცნიერებათა კანდიდატმა ვახტანგ უვანიამ.

„გარდაქმნის პროცესი და მართლმსაჯულების აღმზრდელობითი როლის ამაღლების ამოცანები“ — ასეთი იყო ქ. თბილისის ოქტომბრის რაიონის სახალხო სასამართლოს თავმჯდომარის გურამ ლილუაშვილის მოხსენების თემა, ხოლო თბილისის საქალკო სასამართლოს თავმჯდომარის მოადგილემ, იურიდიულ მეცნიერებათა კანდიდატმა ავთანდილ კობახიძემ თავის მოხსენებაში დაწვრილებით ილაპარაკა სასამართლო ეთიკის პრობლემებზე მართლმსაჯულების განხორციელების თანამედროვე ეტაპზე.

თავის უბერებელ შემოქმედებასთან ერთად ილია ჭავჭავაძემ ქართველ იურისტებს ანდერძად დაგვიტოვა სიწმინდე, პატიოსნება, წინებრიობა, კანონისადმი პატივისცემა, რომ „კანონისათავე ცხოვრება... ცხოვრება სწურთნის კანონს“. ასე ლამაზად დამთავრა თავისი შემაჯამებელი სიტყვა საქართველოს სსრ იუსტიციის მინისტრის პირველმა მოადგილემ იურიდიულ მეცნიერებათა კანდიდატმა ზურაბ რატანმა.

სამეცნიერო-პრაქტიკული კონფერენციის მონაწილეებმა დიდი ინტერესით დაათვალიერეს ღუშეთის სახალხო სასამართლოს შენობაში მოთავსებული ილია ჭავჭავაძის მემორიალური მუზეუმი.

ჯაალ მესხეთელი.

კონფერენცია შესავალი სიტყვით გახსნა საქართველოს კომპარტიის ღუშეთის რაიკომის პირველმა მდივანმა ნუგზარ ოდიშვილმა და მოხსენებისათვის სიტყვა მისცა საქართველოს სსრ იუსტიციის მინისტრის მოადგილეს, იურიდიულ მეცნიერებათა კანდიდატს აპოლონ კვიცინიჯს. მომხსენებელმა ვრცლად და საინტერესოდ ილაპარაკა მართლმსაჯულების აღმზრდელობითი როლის ამაღლების პრობლემებზე, რომლებიც გამომდინარეობს სკკპ ცენტრალური კომიტეტის 1988 წლის ნოემბრის დადგენილებიდან, სოციალისტური კანონიერების და მართლწესრიგის შემდგომი განმტკიცების, მოქალაქეთა უფლებებისა და კანონიერი ინტერესების დაცვის გაძლიერების შესახებ. „უფლების კონცეფცია ილია ჭავჭავაძის შემოქმედებაში“ — ასეთი იყო საქართველოს სსრ იუსტიციის მინისტრის მოადგილის, იურიდიულ მეცნიერებათა კანდიდატის თედო ნინიძის მოხსენება. ღუშეთის რაიონის სახალხო მოსამართლემ მირიან ფხალაძემ ილაპარაკა სამართლებრივი კულტუ-



კომისიის მორიგი სხდომა

როგორც ჩვენი უფროსის წინა ნომერში ვიუწყებოდით, თბილისის შინაგან საქმეთა ორგანოებისა და დანაყოფების საქმიანობაში სოციალისტური კანონიერების დაცვისათვის მუშაობის კოორდინაციის მიზნით ქალაქის შინაგან საქმეთა სამმართველოში შეიქმნა სპეციალური კომისია, რომელმაც უკომპრომისო ბრძოლა გამოუცხადა შინაგან საქმეთა ორგანოებში სოციალისტური კანონიერებისა და პროცესუალური დარღვევების ჭერ კიდევ არსებულ ფაქტებს.

ამასწინათ, გაიმართა ამ კომისიის მორიგი სხდომა, მოისმინეს ლენინის რაიონის შინაგან საქმეთა განყოფილების უფროსის, მილიციის პოდპოლკოვნიკის შოთა ძნელაძისა და ოქტომბრის რაიონის შინაგან საქმეთა განყოფილების უფროსის, მილიციის მაიორის ქალაქის გოგოლაძის ანგარიში.

სიტყვით გამოვიდა თბილისის შინაგან საქმეთა სამმართველოს საორგანიზაციო განყოფილების უფროსი, მილიციის მაიორი ნოდარ გიორგაძე.

კომისიის სხდომის მუშაობა შეაჯამა თბილისის შინაგან საქმეთა სამმართველოს უფროსის მოადგილემ, მილიციის პოლკოვნიკმა ბრიგადელმა ვალანტინე ივანიშვილმა.

ერთთვიური ზიათურაში

სკკ 27-ე და საქართველოს კომპარტიის 27-ე ყრილობებმა დიდი ამოცანები დასახეს გარდაქმნისა და დაჩქარების გზით შრომის სწორი ორგანიზაციის სრულყოფისათვის, რაც უშუალოდაა დაკავშირებული მართლწესრიგის შემდგომ განმტკიცებასა და დრომოკმეული მანერეზერვების აღმოფხვრასთან. სწორედ ამ სულისკვეთებით არიან გამსჭვალულნი ჭიათურის პროკურატურის მუშაკები, რომლებიც ხშირად მართავენ შეხვედრებს ქალაქის ზონის საწარმოთა მუშა-მოსამსახურებთან. ამის ნათელი დასტური იყო ჭიათურის პროკურატურისა და საწარმოო გაერთიანება „ჭიათურმარგანეის“ პარტიული კომიტეტის ერთობლივი ღონისძიება, ერთთვიური, რომელიც ამასწინათ ჩატარდა. ერთთვიურის მონაწილეებმა მოისმინეს ლექცია-საუბრები სამთო სამუშაოთა წესების დარღვევისათვის სისხლის სამართლის პასუხისმგებლობის შესახებ, რამაც ცხოველი

დაინტერესება გამოიწვია. ლექციები ჩატარდა ლენინის, პატარიძის, დიმიტროვის, კალინინის, სტალინის, ორჯონიკიძის სახელობის მალაროთა სამმართველოებში, გამამდიდრებელ ფაბრიკებში და სხვაგან.

მსმენელებს მოეწონათ გამოსვლები, სადაც მონაწილეობდნენ პროკურორი ვ. გელაშვილი, პროკურატურის თანამშრომლები ვ. კაკულია, გ. ვაფრინაშვილი, გ. მჭედლიშვილი.

ჭიათურის პროკურატურის მუშაკები მალაროელთა ხშირი სტუმრები არიან. ისინი მათ პერიოდულად აბარებენ ხოლმე ანგარიშებს თავიანთ მიერ გაწეული მუშაობის შესახებ, ეხნობენ ქალაქის ოპერატიულ ვითარებას, ეხმარებიან სხვადასხვა საკითხების გადაწყვეტაში. ეს კი დიდად უწყობს ხელს მართლწესრიგის განმტკიცებას ჭიათურაში.

თიანუბრა ზიზილაშვილი.

ქ. ჭიათურა.

საპატიო წოდებების მინიჭება

საქართველოს სსრ უმაღლესი საბჭოს პრეზიდიუმის ბრძანებულებით სოციალისტური კანონიერების განმტკიცებისათვის გაწეული ხანგრძლივი ნაყოფიერი მუშაობისათვის საქართველოს სსრ დამსახურებული იურისტის საპატიო წოდებები მიენიჭათ საქართველოს სსრ პროკურორის ვახტანგ აბოლონის ძე რაზმაძეს და საქართველოს სსრ პროკურატურის კოლეგიის წევრს, საორგანიზაციო-საკონტროლო განყოფილების უფროსს დიმიტრი სამსონის ძე ჩიტლოვს.

ქრიდინალისტიკის ისტორიიდან

სწორი სიხლის სამართლის საქმეები

მავიის ისტორია

დიდი გულარი

„სიცილიური კავშირის“ დაფუძნება

მხოლოდ მათას როდი სურდა ამ უზარმაზარი ბაზრის ხელში ჩაგდება. იგი ხიბლავდა აგრეთვე ირლანდიელებსა და ებრაელებს, რომლებიც საკმაოდ საშიში კონკურენტები იყვნენ. მათას ესმოდა, რომ მათთან ბრძოლა მოითხოვდა მთელი ძალების თავმოყრას. მას ამ დროისათვის თავიკობდა ჯო მასერია. მან თანაშემწე ფრენკ კოსტელოს დაავალა მთავარი ხელმძღვანელების გამოძახება. 1928 წლის 5 დეკემბრისათვის დანიშნული პირველი შეხვედრა პოლიციის მოსვლით ჩაიშალა. მეორე შეხვედრა გაიმართა რამდენიმე თვის შემდეგ, 1929 წლის 13 მაისს ოტელ „ატლანტიკ-სიტში“. მან ყოველგვარი ინციდენტის გარეშე ჩაიარა. ესწრებოდა ყველა მთავარი ბოსი — 27 კაცი. ისინი ჩამოვიდნენ თითქმის ყოველი მხრიდან — ნიუ-იორკიდან, ჩიკაგოდან, ფილადელფიიდან და ახალორლეანიდან. მათ შორის ყველაზე გამოჩენილები იყვნენ მასერია, კოსტელი, ნეაპოლიტანელი ალ კაპონე, ჯო ადონისი, ჯუნტა, ვინსენტი მანგანო და ჯო პროფაჩი. ეს იყო პირველი ასეთი თათბირი უმაღლეს დონეზე. მთელსამ დღეს მიმდინარეობდა აზრთა ცხოველი გაზიარება და დაძაბული დისკუსიები. თათბირი საბოლოოდ წარმატებით დამთავრდა.

მიღებული გადაწყვეტილებანი მეტად მნიშვნელოვანი იყო. მთავარი მაინც ისაა, რომ გადაწყვიტეს „უცხოების“, ესე იგი არასიცილიელების თავიდან მოშორება. შეთანხმდნენ, რომ უქიდურეს შემთხვევაში დაეშვათ რამდენიმე ნეაპოლიტანელი, მაგალითად, ისეთები, როგორებიც იყვნენ ალ კაპონე ან ვიტო ჯენოვეზე. ასე შეიქმნა „სიცილიური კავშირი“, ანუ „სხვანაირად, „კოზა ნოსტრა“. ამ შეხვედ-

რაზე მიღებული სხვა გადაწყვეტილებანი უმეტესად ეხებოდა მათვის საშინაო ორგანიზაციას: შექმნეს დიდი საბჭო, რომელსაც უნდა გადაეწყვიტა მის წევრებს შორის წამოჭრილი ყველა სადაო საკითხი; შემოსავლის ყველა წყაროდან (რეკეტი, აზარტული თამაშები, პროსტიტუცია და ა. შ.) გადახდილი გარკვეული პროცენტის ანგარიშზე შექმნეს საერთო ხაზინა. ეს სახსრები გათვალისწინებული იყო პოლიციელების, ჩინოვნიკების, ადვოკატების, პოლიტიკური მოღვაწეების მოსყიდვა-მოჭრთამვისათვის, მოკლედ, ყველა იმ „მეგობრისათვის“, ვისი სამსახურიც როდისმე შეიძლება სასარგებლო აღმოჩნდეს. მხოლოდ და მხოლოდ კორუფციისათვის გამიზნულმა ამ ფონდმა მალე რამდენიმე მილიონ დოლარს მიადწია. ამრიგად, „ატლანტიკ-სიტში“ შეხვედრას მეტად განსაკუთრებული მნიშვნელობა ჰქონდა. ამიერიდან მათი იცვალა სახე — ახლა იგი სამშობლოს მონატრებულ იმ მაწანწალების თავყრილობა კი არ არის, რომლებიც მუქარის წერილების ქვეშ შავ ხელს ხატავდნენ, არამედ ნამდვილი თანამედროვე წარმოება გახდა.

ცხადია, ასეთ იმპერიას მეთაური ესაჭიროებოდა. კანდიდატები ბლომად იყვნენ. მათ შორის გამოჩენილი ალ კაპონეა, მაგრამ იგი სიცილიელი არ არის და, მიუხედავად სახელგანთქმულობისა, ერთსულოვანი მხარდაჭერა სრულიად ვერ მოიპოვა. საბოლოოდ, ხელისუფლებისათვის ბრძოლა ხელში შერჩათ ჯო მასერია და სალვატორე მარანჯანოს, ამ გულცივ, სასტიკ და უსინდისო ადამიანებს, რომლებიც თავიანთი მიზნების მიღწევისათვის არაფერს დაერიდებოდნენ. თითოეულს დაახლოებით თანაბარი რაოდენობის მომხრენი ჰყავდათ. მარანჯანოს ყველა მომხრე დასავლეთ სი-



ცილიის ერთი პატარა ნავსადგურიდან — კასტელმარე-დელ-გოლფოდან გადმოსახლებული იყო. მათ კასტელმარიელებს უწოდებდნენ და მაფიის ძალაუფლებისათვის ორ პრეტენდენტს შორის გამართული ბრძოლაც ამ სახელით მონათლეს. მარანძანოს მომხრეთა შორის იყვნენ ჯო ბონანო, სტეფანო მაგალინო და ჯო პროფანი. მასერიას მხარეს, რომელსაც ასევე ჯო ბოსს უწოდებდნენ, გაერთიანდნენ სიცილიელები და ნეაპოლიტანელები. მათ შორის ყველაზე სახელგანთქმულია ჯო ადონისი, ფრენკ კოსტელიო, ვიტო ჯენოვეზე, მთავარი კი ლაკი ლიუნანო.

კასტელმარიელთა ომი

ორ დაჯგუფებას შორის ომი ატყდა 30-იანი წლების დასაწყისში. იგი წელიწადს გაგრძელდა და დამთავრდა უცებ და მოულოდნელად. მასერიას მთავარი თანამემწენი ლაკი ლიუნანო და ვიტო ჯენოვეზე თავიანთი ბელადის წინააღმდეგ გამოვიდნენ. ამ გამცემლობის ზუსტი მიზეზები უცნობია, მაგრამ შეიძლება ვივარაუდოთ, რომ ლიუნანო მასერიას მეთოდებს, კერძოდ, მის მითითებებს ნარკოტიკებით ვაჭრობის დაუშვებლობის თაობაზე, თვლიდა როგორც მეთად კონსერვატორულს და მოძველებულს.

მასერიას ბრწყინვალე კარიერა შეწყდა 1931 წლის 15 აპრილს კონი-აილენდას რესტორან „სკარპატომი“, იგი საუზმობდა ლიუნანოსთან, ჯენოვეზესთან და სხვა მეგობრებთან ერთად. კარტის თამაშის შემდეგ ბევრი წავიდა. ლიუნანო მარტო დარჩა თავის მეფთან და წყნარად ლაყბობდნენ. უცებ, შეუმჩნეველად დახვდა საათს, ადგა და ტულეტისკენ გაემართა. მისი არყოფნის დროს რესტორანში ოთხი მკვლელი შემოვარდა და თავიანთი იარაღები მასერიას დააცალეს. იგი ადგილზევე გარდაიცვალა.

დანარჩენი ცნობილი გახდა ვალაკის მიერ პიტერ მასისათვის მიცემული ცნობების წყალობით. მასერიას მკვლელობისთანვე მარანძანომ ყველა თავისი მეგობარი შეკრიბა ვაშინგტონ-ავენიუს მახლობლად მდებარე დიდ დარბაზ ბრონქსში და აუწყა მათ, რომ „ახლა ყველაფერი შეიცვლება“. მიიკუთვნა „ბელადთა ბელადის“ წოდება და განაცხადა, თუ როგორი გახდება ამიერიდან ორგანიზაცია „კოზა ნოსტრა“. დღეიდან იგი დაიყოფა ოჯახებად. თითოეულ ოჯახს უხელმძღვანელებს თავისი კაპო (მეთაური). მის განკარგულებაში იქნება სოტო-კაპო, რამდენიმე მოადგილე, ანუ კაპო-რეჯიმი და მრავალრიცხოვანი „ჯარისკაცები“.

როცა ამ უკანასკნელთ მიმართა, მარანძანომ ჩამოაყალიბა წესები, რომელთა მიხედვითაც უნდა ემოქმედათ მათ:

მაგალითად, თქვა მან, როცა ჯარისკაცს სურს თავისი პატრონის ნახვა, მან ჯერ უნდა მიმართოს მის მოადგილეს. თუ საქმე საქმაოდ მნიშვნელოვანია, მაშინ მოადგილე მოაწყობს ასეთ შეხვედრას. სხვანაირად რომ ვთქვათ, ჯარისკაცს არა აქვს უფლება უშუალოდ მიმართოს თავის უფროსს. ამ იდეის მიზანია მოქმედებისა და წესრიგის დაცვა.

დასასრულს, მარანძანომ გაანაწილა ნიუ-იორკის ხუთი ოჯახის ხელმძღვანელთა პოსტები: პირველ ოჯახს სათავეში ჩაუდგა ლიუნანო, ხოლო მისი თანამემწე გახდა ვიტო ჯენოვეზე; მეორე ოჯახს ტომ გალიანო, მესამე — ჯო პროფანი, მეოთხეს — ჯო ბონანო, მეხუთეს — ვინსენტ მანგანო. ყოველივე ამის შემდეგ ახალგაომცხვარმა „ბელადთა ბელადმა“ „კოზა ნოსტრას“ განახლება იზეიმა ბრუკლინის დიდ რესტორანში.

მესამე ბაიძეობა

მარანძანოს ტრიუმფი ხანმოკლე გამოდგა — მისი მმართველობა ხუთ თვესაც კი არ გაგრძელბულა. 10 სექტემბერს კასტელმარიელთა ბელადი მოკლეს პარკ-ავენიუს 230-ში მდებარე საკუთარ კაბინეტში. დღეისათვის, ისევ იმ ვალაკის წყალობით, ცნობილია, რომ ამ ახალი დანაშაულის წამქეზებელი ლიუნანო იყო. მან როგორც მასერია გაყიდა, იგივე გაიმეორა მარანძანოს მიმართაც. იღბლიან ლიუნანოს გრძელი კბილები აღმოაჩნდა. იგი უკვე კარგახანია რაც ჩრდილში მანევრირებდა, რათა ხელში ჩაეგდო ძალაუფლება. მან ახლა იგი მიიღო. მისმა ძლიერმა და უჩვეულ პიროვნებამ ამერიკული მაფიის შემდგომი წლების ისტორიას თავისი კვალი დაამჩნია.

პალერმოს პროვინციაში 1897 წელს დაბადებული სალვატორე ლუკანია ნიუ-იორკში 10 წლის ასაკში ჩამოვიდა. სახელი ინგლისურ ყაიდაზე გადაიკეთა და გახდა ჩარლი ლიუნანო. იგი მასინვე მოხვდა დამნაშავეთა გარემოში. შემცირებული „ლაკი“ („იღბლიანი“), რითაც მალე მონათლეს, მოასწავებდა მისი ლეგენდის დასაწყისს. ერთხელ, როგორც ეს ლეგენდა მოგვითხრობს, იგი მოწინააღმდეგე ბანდამ მოიტაცა, რადგან არცთუ უსაფუძვლოდ სჯეროდათ, რომ მან იცოდა თუ სად ინახავდნენ მის მეგობრები ნარკოტიკებს. იგი უკაცრიელ ადგილზე მიიყვანეს და ხის ტოტზე ხელის ცერებით ჩამოკიდეს. დიდხანს აწამეს სამართებლებითა და მოკიდებულ სივარტებით, მაგ-

რამ ხმა ვერ ამოაღებინეს. ბოლოსდაბოლოს წყვალბუბუბა მიატოვეს, რადგან გონდაკარგული უკვე მკვლად მიიჩნეს. ამ თავდასავალში, რომელიც სწრაფად გავრცელდა დამნაშავეთა წრეებში, შარავანდელი შემოსა მისი პრესტიჟი. ახლა ყველამ იცის, რომ პატარა ლიუჩანო იცავს წრიული თავდებობის კანონს; რომ მას შეუძლია დარტყმის მიღება და ამასთან, იბღლიანცაა. ამ მომენტიდან იგი ელვისებურად აღზევდა. საქმე ისე მოიწყო, რომ მეტი დარტყმა აღარ მიეღო. პირიქით, ახლა ის ურტყამს სხვებს. რაც შეეხება იბლაღს, იგი მას შეუძამ თან ახლდა.

მას შემდეგ, რაც მასერია და მარანძანო ჩამოიშორა, ასპარეზი თავისუფალი აღმოჩნდა. მაგრამ „ჩუმი ხმისა და ცივი თვალების“ მქონე აღამიანი ცდლობს არ გაიმეოროს თავისი წინამორბედების შეცდომები. მას ისევე სწყყურია ძალაუფლება, როგორც თავისდროზე იმათ, მაგრამ გაცილებით უკეთესად შეუძლია საკუთარი პატივმოყვარეობის შენიღება. მან ჯერ გააუქმა მეტისმეტად მალაღმადროვანი წოდება „ბელადთა ბელადი“. მას არ უნდა იყოს: „გამგებელთა გამგებელი“, იგი იქნება უბრალოდ გამგებელი (ბოსი). მარანძანოს რეფორმებისათვის ხელიც არ უხლია, მაგრამ უფრო მოქნილი გახადა ისინი, ხოლო საკვანძო პოსტებზე დანიშნა თავისი მეგობრები კოსტელო და ჯენოვეზე. უმეტესად სიცილიურ გვაროვნულობას ინარჩუნებდა, მაგრამ, ამავე დროს, უახლოვედა იმ ბანდებს, რომლებიც ადრე კონკურენციას უწყევდნენ, მაგალითად, დატჩა შულისის, ლუსია ბუხალტერისა თუ მეიერი ლანსკის ბანდებს. მან ყველაფერი უძღვნა საკუთარი გეგმის განხორციელების საქმეს, რითაც დაამტკიცა თავისი დიპლომატიურობა და მოხერხებულობა. იგი სწორედ ამის წყალობით ითვლება დღემდე მაფიის ყველაზე გამოჩენილ ხელმძღვანელად. ეს გეგმა კი, არც მეტი, არც ნაკლები, მიზნად ისახავდა „კოზა ნოსტრას“ გადაქცევას მსოფლიო სამეფოდ, თავისებურ სხაელმწიფოდ სახელმწიფოში, რომელიც თანდათან უზარმაზარ ობობას ქსელში გახლართავდა მთელს დედამიწას. ლიუჩანო ისწრაფოდა, რათა დანაშაულის ეს გიგანტური ტრესტი რაც შეიძლება მრავალფეროვანი ყოფილიყო. აზარტულ თამაშებს, ლატარიებს, ავიაზავთა ბუნებებს და სხვადასხვა სახის რეკეტებს მან დაუმატა პროსტიტუცია და, რაც მთავარია, ნარკოტიკებით კონტრაბანდული ვაჭრობა. მალე ამან მაფიას ისეთი უზარმაზარი შემოსავალი მოუტანა, რომ მისი დადგენა შეუძლებელია ერთი მილიარდი დოლარის სიზუსტიტაც კი.

პირველ ტურში გაიმარჯვა ლიუჩი

თუმცა, ლიუჩანო დაღუპეს არა ნარკოტიკებში, არამედ საროსკიპობებში. მისმა დაუძინებელმა მეტრმა, სპეციალურ საქმეთა პროკურორმა თომას ლიუჩიმ რამდენიმე მეძავისაგან ჩვენების აღება მოახერხა. 1936 წლის 17 ივლისს ლიუჩანოს 35 წლის პატიმრობა მიუსაჯეს და გაგზავნეს კანადის საზღვართან ახლოს, დანემორას ციხეში. აქ ისე ციოდა, რომ მას „ციმბირიც“ კი შეარქვეს.

მას შემდეგ, რაც ლიუჩანო ჩასვეს, მისი მოვალეობის შესრულება დროებით მისმა თანაშემწეებმა — ჯენოვეზემ და კოსტელომ ითავსეს. ეს ორი აღამიანი ერთმანეთს ვერ იტანდა, მაგრამ, თუმცა ბოსი ნიუ-იორკიდან შორს იყო, იგი მაინც კვლავინდებურად მათ შორის იმყოფებოდა. ვერავინ გაბედავდა მის მიმართ დაუმორჩილებლობას, მით უმეტეს, მისი ადვოკატის დაკავებას. რაც შეეხება მისსახე თომას ლიუჩის, გახარებული იყო პირველი წარმატებით, მაგრამ მან იცოდა, რომ მისი ამოცანა ჯერ სულაც არ იყო გადაჭრილი. მაფიაზე საბოლოო გამარჯვებისათვის საჭირო იყო კიდევ ბევრი თავის დაგორება. ლიუჩანოს ჩამოშორების შემდეგ, მან გადაწყვიტა შეეტია მის ყველაზე საშიშ თანაშემწეზე; ესე იგი, ვიტო ჯენოვეზეს წინააღმდეგ. მაგრამ ეს უკანასკნელი გაცილებით უფრო ფრთხილი აღმოჩნდა, ვიდრე მისი გამგებელი — არჩია დავიწყებას მისცემოდა მისი სახელი და 1937 წელს იტალიაში გაემგზავრა. ორმაგი ძირიანი ჩემოდნით 750 ათასი დოლარი წაიღო, ასეთი თანხის მფლობელს კი ფაშისტების არ უნდა შეშინებოდა.

მართოდ დარჩენილი კოსტელო იფარგლებდა ფრთხილი მმართველობით: არავითარი აფეთქებანი, არავითარი ახალი წესები. თუმცა, მას თვით ვითარება კარნახობს. უდარდელი და მსუბუქი წლები წარსულს ჩაბარდა და თავის გადაჩენისათვის საჭიროა, რომ „კოზა ნოსტრა“ გამოიყურებოდეს რესპექტაბელურად. კოსტელომ ერთ-ერთმა პირველმა შეიგნო ეს. ჭკუა ეყო იმისათვის, რომ უზრუნველყო კანონიერი გარეგნობა და მთელი თავისი შემოსავალი დაეხანდებინა სრულიად რესპექტაბელურ საქმეებში, მაგალითად, ნავთობის მრეწველობაში ან უძრავ ქონებაში. მალე მის მაგალითს მაფიის სხვა ხელმძღვანელებმაც მიბაძეს.

ამასობაში ომიც ატყდა ევროპაში. იტალია გერმანიის მხარეზე გამოდის. მაფიას კი სხვისი კონფლიქტები არ აშინებს. პირიქით, მან იცის ბუნდოვანი სიტუაციებიდან სარგებელის მიღება. ამას ვარდა, ვიტო ჯენოვეზეს წყალობით



მან შესანიშნავად იცის თუ რა ხდება სიცილი-
აში. მაგრამ თუ „კოზა ნოსტრა“ ჯერჯერობით
მხოლოდ შორიდან. ცქერით კმაყოფილდება,
„პატივცემულ საზოგადოებას“, მძინარე მზე-
თუნახავის მსგავსად, ესმის თუ როგორ ახ-
ლოვდება ის, ვინც ბოლოსდაბოლოს გამოად-
ვიძებს მას ხანგრძლივი ძილისაგან.

მეორე ოპროს ხანა

სიცილიაზე 1943 წლის 10 ივლისს მოკავში-
რეთა გადმოსხმის შემდეგ დაიწყო „პატივცე-
მული საზოგადოების“ მეორე ოპროს ხანა. არ-
სებითად, ასეთი გამოტოვლება უტახებდად არ
მომხდარა, იგი დაიწყო ინგლისელებისა და
ამერიკელების მოსვლამდე სამი წლით ადრე.
ამის პირველი ნიშნები უკვე 1940 წელს იგრძ-
ნობოდა, ე. ი. როცა იტალია ჩაება კონფლიქ-
ტში. მეორე მსოფლიო ომმა მოულოდნელი
წარმატება მოუტანა მაფიას, რადგან შეზღუდ-
ვათა პერიოდები ყოველთვის მოგების წყაროდ
იქცევა ხოლმე იმათთვის, ვინც იცის მათი გა-
მოყენება. მაფიამაც, არ მოიკლო ასეთი სია-
მოყენება. რამდენიმე ხნით მის სპეციალზად
შავი ბაზარი იქცა. მაგალითად, ბენზინის ტა-
ლონებით მთელი სპეკულაცია მის ხელში გა-
დის. მაგრამ უფრო ნაყოფიერად მოქმედებდაც
შეიძლება: მიჰყიდოს საკუთარი სამსახური თა-
ვის ამერიკის ფილიალს — „კოზა ნოსტრას“.
შუამავლობას ვიტო ჯენოვეზე კისრულობს.
ალბათ, მუსოლინიმ სწორედ მისი მეოხებით
შეძლო ანტიფაშისტი ჟურნალისტის კარლო
ტრესკის თავიდან მოშორება, რომლის სტატიე-
ბიც ზიანს აყენებდა დღეის ამერიკის საზოგა-
დადობრიობის თვალში.

რე თქმა უნდა, მაფია ორ დაფაზე თამაშობს.
იგი ხან ამერიკის საიდუმლო ორგანოების მი-
ერ არის მოსყიდული, ხან მათი იტალიელი კო-
ლეგების. როგორც ჩანს, ეს ხელსაყრელია
როგორც ერთი, ისე მეორე მხარისათვის, ისი-
ნი მოხარულიც კი არიან, რომ ცრუმაგიერი
პირის მეშვეობით ერთმანეთთან მოლაპარაკე-
ბის საშუალება მიეცათ. სწორედ ამ გზით შე-
მცირდა მინიმუმამდე მაფიის კონტროლის ქვეშ
არსებულ ნავსადგურებში ამერიკელთა გემების
მიმართ სადივერსიო მოქმედებანი, ხოლო ფა-
შისტები, თავის მხრივ, ლეზულობდნენ საჭირო
ცნობებს იმის თაობაზე თუ რა ხდებოდა შეერ-
თებულ სტატებში.

ღონ კალო

ამ პერიოდის მაფიის განასახიერებდა ღონ
კალოჯერო ვიცინი. 1940-1954 წლებში იგი

იყო დიდი კაპო და ისეთივე როლს ასრულებ-
და, როგორსაც 1910-1920 წლებში ღონ ვიტო
კაშო ფერო. მას დიდება გვიან ერგო წილად,
მაგრამ ამან მეტი ბრწყინვალება შესძინა. იგი
1954 წელს გარდაიცვალა არა ციხეში, რო-
გორც მისი წინამორბედი, არც მოუკლავთ ან
მოუწამლავთ; არამედ მშვიდად დალია სული
თავის საწოლში ზიარების შემდეგ, დაკრძალვა
გრანდიოზული იყო. მას ესწრებოდა მრავალი
პოლიტიკური მოღვაწე, რამდენიმე პრეზატი
და „პატივცემული საზოგადოების“ ყველა გა-
მოჩენილი წარმომადგენელი. სამგლოვიარო
პროცესიას წინ მიუძღოდა მისი მემკვიდრე
ღონ ჯენკო რუსო. მიწას მიაბარეს არა ყოფი-
ლი მკვლელი, არამედ ოფიციალური, პატივ-
ცემული, გამოჩენილი და აღიარებით მისილი
მოღვაწე.

მისი ცხოვრება, ისევე როგორც სხვა გამო-
ჩენილი სიცილიელი „კაპოებისა“ ან ამერიკელი
„ბოსებისა“, რომანის მსგავსია. იგი დაიბადა
1877 წლის 24 ივლისს ვილაბაში ღარიბი
გლეხის ოჯახში. დედამისი, ტურიდა სკარა-
ტაც გლეხური წარმოშობისა იყო, მაგრამ ის
ფაქტი, რომ მისი ძმა მღვდელია და მიღებული
იყო კალტანისეტას არქიეპისკოპოსის წრეში,
ღონ კარლოს ბურჟუაზიულ გარემოსთან უფ-
რო აახლოვებდა. ალბათ, ამიტომაც იყო, რომ
მას ყოველთვის კარგი ურთიერთობა ჰქონდა
ეკლესიასთან, ხოლო მისი ორი ძმა — ჯოვანი
და სალვატორე — მღვდლები გახდნენ. მაგ-
რამ პატარა კალოჯეროს სხვა გეგმები ჰქონდა.
14 წლის ასაკში ოჯახის შემარცხვენილი იყო:
არც წერა იცოდა და არც კითხვა, მაგრამ ეს
მას არ აწუხებდა, რადგან დიდება სურდა არა
ზეცაში არამედ მიწაზე, და რაც შეიძლება მა-
ლე. რაც შეეხება სწავლას, განათლების მიღე-
ბას იგი აპირებდა არა სკოლაში, არამედ სხვა
უფრო ეფექტიანი და სწრაფი გზით. იმ პერი-
ოდში იოლქში ბევრი ბანდიტი იყო, რომელთა
საგმირო საქმეებზე ლეგენდებს თხზავდნენ.
სწორედ მათ შორის იპოვა პატარა კალოჯერომ
პირველი მასწავლებლები. 15 წლის იგი ძერ-
ვაზის ბანდის წევრია. ერთი წლის შემდეგ ვა-
სალონის ბანდაში გადავიდა. ვასალონი, უმ-
თავრესად, ცნობილი იყო მრისხანებითა და
მუდამ ფულით გამოტენილი ჯიბეებით. მალე
კალოჯეროს მკვლელობისათვის აპატიმრებენ,
მაგრამ მალევე ათავისუფლებენ სწორედ იმ
მღვდელი ბიძის ჩარევის წყალობით, რომელიც
„მიღებული იყო არქიეპისკოპოსის წრეში“.
პირველ ინციდენტს მრავალი სხვაე მოჰყვა.
რამდენი მკვლელობა ჩაიდინა ახალგაზრდა კა-
ლოჯერომ, ზუსტად ცნობილი არ არის, სამა-
გიეროდ ვიცით, რომ ამ მიზეზით დაახლოე-

ბით თხუთმეტჯერ იყო დაპატიმრებული. აპატიმრებდნენ, ასაპართლებდნენ, მაგრამ თითქმის ყოველთვის ასაპართლებდნენ სამხილთა უპარისობის გამო.

პირველმა მსოფლიო ომმა, ბოლოსდაბოლოს, საკუთარი ფრთებით ფრენის საშუალება მისცა. არმია აპირებდა ცხენების რეკვიზიციას დახალ ფასებში. ეს გარემოება პირდაპირ განძი აღმოჩნდა მაფიის ახალგაზრდა წევრისათვის, რომელიც დაჯილდოებული იყო წარმოსახვის კარგი უნარით, ხოლო სრულიად მოკლებული — სინდისის ქენჯანს. მან არმიას ცხენების მომარაგების საქმეში დახმარება შესთავაზა. შემდეგ იგი შეხვდა ჯიშინი და ჯანმრთელი ცხენების მფლობელებს და ისინი რომ არ შეეწუხებინათ, გარკვეული თანხის საფასურად მფარველობას შეჰპირდა. ბოლოს იმათ მიადგა, ვისაც არმიაში სამსახურებისათვის უფარვისი ცხენები ჰყავდათ და შეისყიდა ისინი რაღაც კაპიკებად. ეს ჯაგლაგები ადვილად რომ გაესაღებინა, რამდენიმე მოპარული შესანიშნავი ცხენი გაუჩნდა.

არმია ბოლოსდაბოლოს მიხვდა ამ თაღლითობას. გამოიძახა და აღმოაჩინა კიდევ დამნაშავე, მაგრამ განაჩენის გამოტანა ვერ მოხერხდა რადგან სამხილეები არ იყო, მოწმეები კი დღემდნენ. კალოჯეროსათვის კი ეს დიდების მომტანი გახდა. ახლა მას უკვე უფლება აქვს ატაროს ტიტული ღონ კალო. მაგრამ იგი ჯერჯერობით მაინც ერთ-ერთია სხვა მრავალრიცხოვან კაპოთა შორის. მალე იგი თანაბართა შორის გამოირჩა არა მარტო იმით, რომ ცოცხალი გონება ჰქონდა და უმართლებდა კიდევ, არამედ ალღოს წყალობითაც. 1922 წელს კარგი აზრი მთქვიდა — ერთი ახალგაზრდა ფაშისტი, რომელსაც პოლიცია დევნიდა, საქუთარ სახლში დამალა. შემდეგ მან დიდძალი ფული გადასცა მუსოლინის მომხრეებს, რათა

დაეფინანსებინათ „ლაშქრობა რომზე“. ამის მეოხებით, 1929 წელს, იმ დროს, როცა თვით ღონ ვიტო ჩასვეს ციხეში, ღონ კალო ხელიდან დაუქვრა პოლკოვნიკ მორის და მაფიის სამეფო რეგენტი გახდა.

ნამდვილ მეფედ კურთხევა მოგვიანებით მოხდა, გვირგვინი კი ამერიკელებმა გადასცეს სიცილიაში მათი გადმოსხმის რამდენიმე დღის შემდეგ, ე. ი. 1943 წელს, როცა იგი ვილაუბის მერი გახდა. ამ პოსტზე მისი პირველი აქტი მეტად მოხერხებული აღმოჩნდა. შემოწმების საბაბით შეაღწია კალტანისეტას სასამართლოში, ხელში ჩაიგდო მის მიმართ შექმნილი მთელი დოსიე და მთლიანად გაანადგურა. ამის შემდეგ საფრთხე აღარ ემუქრებოდა და შეეძლო ევეთებინა რაც სურდა. სწორედ აქედან მოყოლებული დაინტერესდა ღონ კალო პოლიტიკით.

რა აიჩიოს: ომისშემდგომი სიცილიის თანამედროვე გმირთან სალვატორე ჯულიანოსთან სეპარატიზმი, საოლქო ავტონომია თუ ქრისტიანული დემოკრატია? რომელ ცხენზე ჩაიყვებოდა მთელი მაფიის მერყეობას ნიშნავდა. დაიწყო დაძაბული პარტია. საბედნიეროდ, ღონ კალო დიდი გაქანების მოჭადრაკაა. იგი მოქმედებს დინჯად, ფრთხილად, მაგრამ მისი თითოეული სვლა მოწინააღმდეგისათვის ყოველთვის მოულოდნელია. სხვათა შორის, მისი მეოდი მარტივია. იგი შედგება შორსმჭვრეტელობის, ოპორტუნისმიისა და ცინიზმისაგან. ღონ კალომ, რომელმაც კითხვა მაინც ვერ ისწავლა, ცხადია, მაიაველის შესახებ არაფერი იცის, მაგრამ იგი მისი საუკეთესო მოწაფეა. ლიუჩანოს და ვიტო ჯენოვეზეს ფარული დახმარებით „პატივცემული საზოგადოება“ მან მალე ძლევამოსილების მწვერვალზე აიყვანა.

(გაგრძელება შემდეგ ნომერში)



თ. ნ. ლომთათიძე



ქართველმა იურისტებმა მძიმე დანაკლისი განიცადეს. გარდაიცვალა პროკურატურის ორგანოების ერთ-ერთი გამოცდილი მუშაკი, ქ. თბილისის კიროვის რაიონის პროკურორი, სკკპ წევრი 1962 წლიდან, თეიმურაზ ნიკოლოზის ძე ლომთათიძე.

თავისი შეგნებული ცხოვრების დიდი ნაწილი თ. ნ. ლომთათიძემ საქართველოს პროკურატურის ორგანოებში გაატარა. დამთავრა თუ არა თბილისის სახელმწიფო უნივერსიტეტის იურიდიული ფაკულტეტი, 1957 წელს, იგი სტაჟიორ-გამომძიებლად გაამწესეს ქალაქ თბილისის პროკურატურაში და სწორედ აქედან იწყება მისი საინტერესო საპროკურორო მოღვაწეობაც. 1958-1968 წლებში იგი გამომძიებლად მუშაობდა კიროვის რაიონის პროკურატურაში, შემდეგ რამოდენიმე წელს საქართველოს კომპარტიის თბილისის კომიტეტის ადმინისტრაციული ორგანოების განყოფილებების ინს-

ტრუქტორი იყო, ხოლო 1967 წლიდან კვლავ დაუბრუნდა თავის საყვარელ საქმეს და დაინიშნა ქ. თბილისის ოქტომბრის რაიონის პროკურორად. 1974 წელს თ. ნ. ლომთათიძე პირველი მაისის რაიონის პროკურორად გადამყავთ, სადაც 1984 წლამდე იმუშავა, 1984 წელს იგი თბილისის პროკურატურის საგამომძიებო განყოფილებების პროკურორია, ხოლო 1985 წლიდან გარდაცვალებამდე თბილისის კიროვის რაიონის პროკურორი.

კეთილსინდისიერი და მაღალკვალიფიციური მუშაობისათვის თ. ნ. ლომთათიძემ ბევრჯერ დამსახურა სსრ კავშირის გენერალური პროკურორის, რესპუბლიკის პროკურორის და სხვა ხელმძღვანელი ორგანოების მადლობა, წახალისება, ფულადი ჰილდობები. არაერთხელ მიუღია მას მადლობის ბარათები აგრეთვე იმ ადამიანებისაგან, რომლებიც მართალია დაისაჯნენ, მაგრამ მაინც კმაყოფილი დარჩნენ პროკურორის სამართლიანობით, გულითადობით, ყურადღებთანობით.

მაღალკვალიფიციური იურისტის, შესანიშნავი მოქალაქის თეიმურაზ ნიკოლოზის ძე ლომთათიძის ხსოვნა სამუდამოდ დარჩება ყველას ხსოვნაში, ვინც კი მას იცნობდა.

საპარტიო მსგ. სსრ პროკურორატურა
ქალაქ თბილისის პროკურორატურა
შურნალ „საბჭოთა სამართლის“ რედაქცია.

ბასწორება

ჩვენი ჟურნალის მე-5 ნომრის 49-ე გვერდზე პირველი სვეტის ზემოდან მე-11 და მე-12 სტრიქონები უნდა იკითხებოდეს ასე: „გაუეტაცებინა ხოლმე მაცდურებას — რაც არ უთენია, ის მომკოს. ერთი ამ გარემოებათაგანი“. შემდეგ როგორც ტექსტში.

ქვირუასო მავობრეზო!

გილოცავთ ახალ, 1988 წელს!

«САВЧОТА САМАРТАЛІ» («Советское право»), № 6, 1987 (на грузинском языке), Двухмесячный научно-практический журнал Министерства юстиции ГССР, Министерства внутренних дел ГССР, Прокуратуры ГССР, Верховного Суда ГССР.

Адрес редакции: Тбилиси, пр. Плеханова, 103. тел.: 95-88-49, 95-58-87.

ИЗДАТЕЛЬСТВА ЦК КП ГРУЗИИ.

Ордена Трудового Красного Знамени типография издательства ЦК КП Грузии
Тбилиси, ул. Ленина, 14.

636/8

ფასი 60 კპპ

ინდექსი 76185
